

12
No 20
25







897 n.
OPVS DOCTVM

A C R E S O L V T V M,

I N Q V A T T V O R T R A C T A -

tus, seu quæstiones dissectum:

I N Q V O E X N A T V R A L I L V M I N E

& peripatetico fonte, eorum philosophorum

reuincuntur errores, qui asserunt ex philo-

sophiæ principijs, haberi nõ posse, crea-

tionem rerum, immortalitatem

animæ, contingentiam in uni-

uerso, et uigorẽ infinitum,

in primo principio.



Per. R. P. & D. Iacóbum Naclantum
Episcopum Clugiensem.



V E N E T I I S apud Iosephum Vicentini

M D L V I I.

OPUS DOCTVM

DE RE IUDICA

IN QVATVOR TRACTATV

1. De re iudica in genere

2. De re iudica in specie

3. De re iudica in materia

4. De re iudica in forma

5. De re iudica in personis

6. De re iudica in rebus

7. De re iudica in actionibus


8. De re iudica in iudiciis

9. De re iudica in legibus

10. De re iudica in constitutionibus

11. De re iudica in decretis

ILLVSTRISS. AC REVEREN-
DISS. P. ET D. ANTONIO
Triuultio. S. R. ecclesiæ ampliss. Car-
dinali, ac in toto Vcnetorum do-
minio Legato à Latere,
domino suo Co-
lendisß.



Iacóbus Naclantus Clugien.
Episcopus Fælicitatem.



ÆPE mecum reputās Illustriss.
ac Reuerendiss. Præsul, & multo-
rum scandalum qui piè uiuunt
ex lumine fidei, & non pauco-
rum admirationem, qui ritè sa-
piunt ex luce naturæ, dùm nostra audiunt
tempestate, nonnullos qui aliàs egregiè ha-
bentur philosophi, quæ religionis sũt, tam
modice reputare, ut non solũ priuatim, sed
publicè, non uereantur nimis liberè, imò
& temerè, ex principiis philosophiæ, nega-
re creationem rerum, immortalitatem ani-
mæ, uel unicum in hominibus astruere in-
tellectum: Audent & rerum detrahere con-
tingentiæ, & liberum ob id aliquandò
mouere arbitriũ, & demũ infinitũ vigore
preripere à principio primo. Quare usum

est, fore non longè à nostro munere (cum
& iure, omni congruere uideatur fidei) si
nostra pro imbecillitate, & philosophiam à
tàm insigni uindicemus calumnia, & pios à
tàm graui scandalo, à Sathana, qui totius
est falsitatis origo, indubitanter sato fo-
toque: ut qui nunquàm non molitur mor-
tales seducere, quin & præcipitare, & in ba-
rattrum quorumuis flagitiorum demerge-
re. Ergò sicut corrente lege, falsos exci-
tauit prophetas, de quibus dominus, pro-
phetauerunt sed non ex me, & narrauerunt
somnia sua, planè ut populum Israel, à diui-
nis auerteret promissionibus, & incredu-
los redderet sanctorum uatum oraculis: &
renascente ecclesia, falsos suboriri fecit a-
postolos, de quibus & Paulus, multi sunt,
de quibus & flens dico, inimici crucis, quo-
rum deus uenter est, & finis interitus ani-
marum nostrarum, haud dubium, ut tene-
bras offenderet euangelio, & homines re-
uocaret à religione: & temporibus nostris
falsos disseminauit euangelistas (de luther-
anis loquor, alijsque pestibus, monstrisq;
uæ passim uidimus pullulascere, qui liber-
tatem spiritus, in petulantiam lasciuiamq;
contorquentes carnis, doctrinam ecclesiæ
sacro sanctæ, sunt labefactare conati, tam
etsi

etsi illam aduersùs, compertissimum est,
nec illos, nec inferorum portas, in aliquo
præualere posse, nimirum quia suprà firmis-
simam erecta est petram, & columna ac ba-
sis facta est euangelicæ ueritatis, uti Pau-
lus scripsit) propria iniquitate allectus, per
suasusque, quòd crescentibus zizaniis, ali-
qua saltèm ex parte, bonum suffocaretur
semen, aut cum illis non nihil tandèm era-
dicaretur tritici: sed secùs dei prouidentia
factum est, quandò quidem zizaniæ, igni &
traditæ & tradendæ erunt incombustibili,
& triticum in horreum recondetur cœli,
uti dominus dixit: quin etsi permissum est,
inimicum hominem, illas superiacere, in
frugem permissum est boni seminis, cum &
hæreses aliquandò succrescant necesse sit,
ut qui probati sunt, fiant salui, ut aposto-
lus docet: Haud alitèr & præsentì tempesta-
te, falsos concitauit philosophos, ut nul-
lum tandèm non moueat lapidem, extur-
bando fideles, ut etsi illos penitus non sub-
uertat, segnes saltèm & frigidos in uera re-
ligione efficiat. Hæc dicimus, non quòd
CHRISTI constantissima fides, egeat
ex se, adminiculis naturalis lucis, nimirum
quæ nitet longè fulgentius, ac mirum in
modum splendet rutilantius, nec scintillis

opus illi est cuiusvis alterius ueritatis: sed
quia non ignari imbecillitatis nostræ, &
quàm difficile uideatur carni, in captiuita-
tem reducere intellectum in obsequium
CHRISTI, saluberrimum esse credimus
quantùm fas est, tentationes extinguere,
uel saltèm attenuare, propter infirmos, par-
uulosque, quorum non paruus est nume-
rus. Ergò, ni fallimur, non frustrà pandi-
mus hæc, non quidem edità proximè, sed
superiori tempore, & sanè non ea inten-
tione, ut pluribus forent aliquandò com-
munia, sed ut nobis & paucis ex amicis es-
sent familiaria: propter quod, nec rem ten-
tassemus modò, nisi præmissa occasione
compulsi, ueritiquè ne facientes secùs, for-
sàn & in deum & proximum committere-
tur aliquid, de quo & tandèm, opus foret,
reddere rationem. Quòd si tractandi mo-
dus, barbarie respersus est, ad id impulit, &
rei compendium, ex non insolitus philoso-
phis mos, qui non modò ueritatem sine fu-
co tradunt, sed & propriis, certisque sibi
uocibus utuntur, sicut & contingit in qua
uolueris facultate. Quare omnia boni con-
suli possunt, & siquid ex his commodi, à
Deo cōcessum fuerit proficisci, Deo agan-
tur gratiæ, à quo & fide, & naturali luce fo-
ti

ti sumus . Placuit autem & debui Illustriss.
D. tuæ, rem offerre, non quia pertenuē opus,
tua existimauerim celsitudine dignum, sed
ut illius sententiam subeat, & meæ erga il-
lum meritisimæ obseruantix signum exi-
stat . Quam dominus seruet, & amplifcet,
ad ecclesiæ suæ frugem.

* 4

CHRISTIANIS AC
VERE DOCTIS PHI-
losophis. Iaco. Naclan.
Clugien. Episcopus.



*V*M exploratissimum sit, uerum non
dissonare sed fauere uero, ut & philo-
sophus docet, compertum & gratiam
dei, non modò non præiudicare sed con-
ferre naturæ, non possum maxime nō
mirari, si quandò, & præsertim ab his qui insi-
gnes habentur philosophi, circumfertur, plura ue-
rè indubieque ex literis, accipi sacris, fideique dog-
matibus, quæ non secùs ac falsa, naturalis reiicit
philosophia, quippè quæ pro ueris constantibusq;
opposita eorum habet celebratque. Siquidem in-
specto cadauere, si petat quis, utrùm possit resur-
gere, uitæque restitui, & naturalis perneget abso-
lutè, haud dubium, quòd pernegat temerè, cum
diuina, ualeat suscitari uirtute, cui nihil est im-
possibile. Ergò cum bifariam possit intelligi quæ-
stio, iure erat distinguendum problema, & intelle-
ctum de uirtute naturæ, haud dubium, quòd non di-
screpant philosophus & fidelis, sed de omnipoten-
tia dei, constantissimè affirmat fides, cui non nisi
stultè naturæ opponitur notio: quandòquidem etsi
motum rerumque, quas cernit, uarietates paruipè
dit excedere, nequit tamen inficiari, quàm ineptè præ-

præsumit aſtruere, quod ipſe non curat animad-
uertere. Nec renuo naturalem, diſſimulare rem
poſſe, nempe quæ ſuam facultatem excēdit, ſed
ſententiam ferre, intollerabilis arrogantiæ eſt. Præ-
ter id, quòd ſiquis ut par foret, rem naturæ luce di-
ſcuteret, licet forſan in phyſicis mobilibusq; reb; us
arctatus, ad Dei incomprehenſibilem maiestā-
tem, immenſamq; omniquaq; uirtutem, non ua-
leret aſſurgere, nulli dubium tamen quòd ea quæ
extrà motum ſunt, exactius contemplatus, ad quæ
nec renuo, ex mobilibus non incoſtantiè attolli,
rem alitèr perſentiret: quippè qui ad primum ens
per eſſentiam, & per hoc perfectionis tam perexi-
miæ, quòd nihil illud quod uis nobilitatis effugiat,
ſed quicquid eſt dignitatis in ſeſe eminentiſſimè
colligit, uniceq; concludit, indubia ratiocinatio-
ne perductus, certiſſimus fiet, quòd quemadmodum
inſinitus neceſſariò, in propria inuenitur natura,
ità & immenſus ac inſinitus in propria inuenietur
potestate. Quòd ſi nullus apud nos offertur effe-
ctus, in quo inſinita illius deprehendatur uis, id qui-
dem, ſi ſapimus, non ex illius agnoſcitur progredi
imbecillitate, ſed ex creaturæ extenuatione: Vnde
& probatiores philoſophi, ut effectum qui inſini-
tatis præſeferret umbram obijcerent, motum finxe-
runt perpetuum, ut peripateticis notiſſimum eſt.
Nec probandum, ſiquis intrà naturalis ſcientiæ li-
mites, proteſtetur ſe ſententiam facere, aſſeratq;
pro-

propter hoc, cadauer suscitari non posse quoniam
anceps est sermo: dùm naturalis scientia, & arcta-
ri potest, ad eam quæ est de motu, & extendi ad
quicquid comprehenderetur naturæ luce, et si prio-
ri sumitur sensu, fortè quòd inoffensè posset audi-
ri, sed si postremo haud dubium quòd sententia,
uel non erit fidem aduersus, uel cum aliqua fere-
tur limitatione, utputà retento ordine uniuersi,
aut determinatione diuinæ uoluntatis. Nec mirū
quandòquidem sub notitia intellectus humani, &
latitudine scibilium rerum, præclara continetur
notitia Dei, sicut palàm est, Metaphysicis, & ob
id, & illius (ut tactum est) immensæ perfectionis
& potestatis, cuius comparatione, nihil est impos-
sibile. Tàmetsi non me fugiunt multorum deliria
philosophantium, sed cum profecta non sint ex na-
turæ luce, sed illorum temeritate, palàm quòd pro
his sollicitum esse stultum est. Addam: quòd etsi
in nonnullis ethnicis, fortè conuiui permittitur,
Christi tamen initiatis, in his hallucinari piaculum
execrabile est: ut in quibus lumen est fidei, sub quo
non caligat sed perficitur lux intellectus. Quos &
obtestor quàm maximè, ut quæ religionem possunt
attingere, omni cum circumspectione tractent, ne
faueant sathanæ aut satellitibus suis. Verùm nec
dixerim hæc, quasi hic sit præsentis operis scopus,
cum ex his quæ sunt in natura perspecta, & non ex
his quæ sola fide sunt reuelata, intendamus pro-
cedere:

*cedere: sed quia insignitèr doleo, illos quibus Deus
eòsque sua pro clementia fauit, ut non modò
naturæ luce perfuderit, sed & Christi fide donave-
rit, ingratos existere. Et non solùm fidelibus non
consulere, sed & dei munificentias floccipendere
Cui rei deus prospiciat, & omnes in pietate locu-
pletiores faciat.*

*QVÆSTIO de Creatione rerum tractatur
à fol. 1. usque ad. 35.*

*QVÆSTIO de Animæ immortalitate excu-
titur à fol. 36. usque ad. 82.*

*QVÆSTIO de Origine contingentia expen-
ditur à fol. 83. usque ad. 107.*

*QVÆSTIO de Infinitate primi motoris ab-
solutur à fol. 107. usque ad finem operis.*









DE CREATIONE RERVM.

QVÆRITVR, Vtrum necessarium sit, secundum principia scientiæ naturalis, absolute sumptæ: Et specialiter secundum mentem Aristotelis, ponere creationem rerum à Deo.

IN HAC quæstione sic procedemus. Primò declarabimus titulum. Secundò explicabimus ueritatem, secundum principia naturalis scientiæ absolute. Tertiò determinabimus, quid sentiendum sit, de mente phylosophi.

Quò ad primum, ut plenius pertractetur, singulæ particulæ tituli, explicandæ sunt. Primò ergo explicanda est particula (Necessarium). Vbi attendendū qd cū deriuetur à necessitate, sicut album ab albedine: & necessitas impossibilitatem aliter essendi, significet: nec sonet causalitatem, uel causam, sed potius, modum, conditionem, & dispositionem, rationis causæ, ut rectè innuit. S. Thomas, quinto metaphysicæ, super tex. com. 6. absque cognitione rationis causæ, ritè cognosci non potest. Quare considerandum, quòd ratio causæ (si rectè discutitur) in esse illatiuo effectus, consistit: adeò quòd ipsa illatio, formale uidetur esse in ea. Quo fit, ut necessitas aliud prorsus non sonet, quàm modum, conditionem, & dispositionem illationis eiusmodi. Siquidem ha-

A bet

bet ipsa illatio, sine cōtrouersia, q̄ modificari multipliciter possit, utputà cōtingentia, necessitate, libertate, &c. propter quòd, et causarū aliquę sunt contingentes, aliquę necessaria, aliquę libera &c. Ab hac ergò necessitate, necessariū indubitanter accipitur. Et scito q̄ sicut sunt quattuor causę, ut. 2. phy. et 5. Metaphy. edocemur, scilicet materialis, formalis, efficiens, & finalis: ita & quadruplex inuenitur necessitas, materialis, formalis, efficientis, quę & aliàs dicitur coactionis, & finis, quę & subdistinguitur in simpliciter, & ad bene esse. Necessitas materialis, & formalis, ut ex. 5. habetur methaphy. necessitates, sunt absolutę, & perfectissimo modo, utpotè cōsequentes causas rerū intrinsecas: sicut in homine necessitas, ut corrūpatur, quę nascitur ex materia, & necessitas ut ratiocinetur, quę ortū habet ex forma. Necessitates autē, coactionis, & finis, ut in eodē traditur, necessitates sunt secundū quid utpotè cōsequētes causas rerū extrinsecas: sicut necessitas, quā aliquis ex uiolētia, rē cogitur cōfiteri, quę oritur ex agente, & necessitas cibi simpliciter, quę oritur ex appetitu cōseruādi uitā absolutę, aut cibi delicati, quę oritur ex appetitu cōseruādi uitā delitiosę. Existente ergò quadruplici necessitate, licet à qualibet necessariū deriuari posset: in præsenti tñ, necessariū deriuatur à necessitate absolutę, &c. causis proueniente intrinsecis.

Secundò explicāda est particula (secundū principia

cipia naturalis sciētiæ). Vbi notāda sunt duo. Alterum est, q̄ sicut sub nomine causæ, comprehenduntur intrinseca & extrinseca, ita & sub nomine principij (cum causa & principij ferè eandē habeant intentionem, eūdemq; ambitū & cōmunitatem, ut patet. 5. Methaphy. tex. com. 1.) principia comprehenduntur intrinseca, quæ sunt, quæ rem cōstituunt & componunt, uelut materia & forma, & extrinseca, quæ non ingrediuntur rem, quam causant, sicut efficiens & finis. Ergò cū scientia naturalis, habeat utroq; modo principia, et intrinseca quidē, ut propositiōes, cōclusiones, etc. extrinseca uerò, ut lumen intellectus agentis, quod est uelut efficiēs, et scire, quod est ueluti finis: palām q̄ et si utroq; modo, principia in scientia naturali, licet accipere, in præsenti tamen illa nō accipimus pro extrinsecis: & meritò quia nec disputamus de qualibet necessitate, sed de illa, quæ ex intrinsecis prouenit. Ergò disputationis sensus est, an necessariū sit absolute, ex prinpijs scientiæ naturalis intrinsecis: puta ex propositionibus & conclusionibus eius &c. Reliquū est, q̄ scientia potest dici naturalis dupliciter; uno modò obiectiue, quia scilicet obiectū habet naturale, quo pacto à scientijs distinguit̃, quæ obiectū non habent naturale, sicut est Methaphy. & Mathema. & (ut uno uerbo dicā) scientia naturalis summitur isto modò, pro physica, quæ est de ente mobili, & naturali, tanquā de obiecto proprio & hoc pacto: naturalis scientia non summitur in præsenti:

alio modo effectiue, pro omni scilicet scientia, & cognitione, quæ in nobis oritur ex causa efficiente naturali, putà, ex lumine intellectus agentis: & sic scientia naturalis distinguitur solùm à sacra Theologia, quæ in nobis ex causa generatur effectiua super naturali: et cōprehēdit in se, Phÿsicam, Mathematicam, & alias quas uolueris scientias, siuè cognitiones, naturalitèr acquisitas, & hoc modò accipitur in proposito, ità quòd & sensum reddit, an necessarium sit secundùm principia naturalis scientiæ cuiuscunq;.

Tertiò explicanda est particula (Absolutè, & secundum mentem phylosophi). Vbi considerādum, quòd scientia effectiue naturalis, duplicitèr accipi potest: uno modò absolutè, siue secundùm se, alio modò, ut reperitur in nobis. Scientia effectiue naturalis absolutè, & secundùm se, importat scientiam naturalem, secundùm eam perfectionem, & illas prerogatiuas, quæ sibi ex natura sua cōueniunt absolutè: scientia effectiue naturalis, ut in nobis, importat scientiam naturalem, secundùm illas condiciones, & attributa, quæ sibi ex eo, quod in nobis est, competunt. Qua in re considerandum, q̄ si daretur scientia naturalis secundùm se, putà separata ab omni subiecto, q̄ talis scientia, omnem haberet nobilitatem, prerogatiuam, & perfectionem, quæ reperiri posset in latitudine sua, sicut si albedo daretur separata, omnem haberet perfectionem,

præ-

prærogatiuam, & nobilitatem, quam reperiri cōtingeret in latitudine eius, sicut S. Thomas testatur, in quolibet suo: & de scientia naturali hoc pacto disquiritur, an eius ex principijs, necessario possit haberi creatio, & hoc importatur per hunc terminū absolute. Scientia autem naturalis, ut in nobis, solum illas habet perfectiones & nobilitates, quas patitur natura recipiens, putā intellectus, in quo est, quoniam & unumquodque, per modum recipientis, recipitur, ut habetur. 2. de anima: propter quod, naturalis scientia, in eo intellectu, qui melius est dispositus, aut qui nobilioris, & altioris est gradus, indubiè longè nobilior & perfectior est, sicut & albedo perfectiori modo inuenitur in niue, quàm inueniatur in cigno, & in cigno perfectiori modo, quàm in pariete. Et hac de cā, non satis uisum est, querere in proposito, an secundum principia naturalis scientiæ absolute, ut discuteretur solum, quid iudicandum esset simpliciter, nisi & adderetur etiam secundum mentem phylosophi: ut & discuteretur pariter, quid iudicandum foret secundum Aristotelis mentem: & sciretur an ipse ex talis scientiæ participatione, ad hanc ueritatem peruenerit.

Quartò explicanda est particula (ponere creationem à Deo) Pro qua animaduertendum, qd creatio, ut communiter dicunt, & bene, productio est alicuius ex nihilo, undè & creare aliud non est quàm aliquid ex nihilo facere. Vbi considerata sunt tria. Primū

est: quòd ex hoc q̄ creatio est productio, manifestè
implicatur dependentia, à causa effectiua: non enim
est productio, nisi effectiue proficiscatur ab aliquo:
imò nec alicui causæ creatio attribui potest, nisi ef-
ficiēti: quòd fit, ut qui ponunt rem quampiam, solum
dependere à Deo, sicut à fine, uel sicut à causa exem-
plari, indubiè non possunt creationem admittere: de
quorum opinionibus patebit inferius. Secundum est,
q̄ ex hoc quod dicitur, productio alicuius, satis clare
habetur, qui sit proprius creationis terminus, q̄ sci-
licet substantia est subsistens: hæc enim propriè
creationem terminare potest, cum accidentia, &
quæ non subsistunt, non dicantur creari, sed concrea-
ri potius, apud ueros philosophos. Aliquid enim, à
quo alicuius, teste S. Thoma, sonat hoc, quod dico,
aliud quid: & constat sanè, ex parte quid, importa-
ri substantiam: (ut enim dicitur. 5. metaphysicæ:
substantia importat quid, sicut qualitas quale) ex
parte uerò aliud, importari substantiæ diuersitatem,
siue diuisionem (nam aliud, relatiuum est diuersita-
tis substantiæ) quare idè, aliquid, sonare uidetur, quod
substantia ab alia diuersitatem habens: & per hoc
idem q̄ substantia, quæ ab alia est diuisa, & subsi-
stens in se: quòd si subsistentiam, propter diuisionem
huiusmodi, non concedis, concedes saltè ex eo, quòd
substantia, per aliquid in præsentì expressa, ponitur
terminus creationis per se: & constat, q̄ terminus
actionis per se, est singulare, & cōsequētèr subsistēs.

Tertium

Tertium est, q̄ particula (ex nihilo) constat, sicut patet, ex præpositione ex, & nihil: & quod ad præpositionem attinet, licet ex. 5. Methaphy. tex. com. 29. multipliciter uideatur accipi posse, omnes tamē acceptiones (ut eo loci Comentator animaduertit) reducuntur ad duas, scilicet ad illam, qua dicitur importare ordinem, & ad illam, qua dicitur importare circumstantiam, seu habitudinē materialis causæ: quare in proposito præpositionem, ex, aut utroque modo summi opus est, aut altero tantum. Et ut procedamus perspicuè, tunc præpositio, ex, importare dicitur ordinem, quando idem sonat quod post, sicut cum dicitur, ex nocte fit dies, sonat enim particula ex nocte, hoc quod dico, post noctem: Tunc autem importare dicitur circumstantiam, seu habitudinem materialis causæ, quando importat dependentiam à materia, uel educlionem, si mauis, de materia, sicut cum dicitur ex ære fit statua, sonat enim particula, ex ære, hoc, quod dico, per dependentiam, seu educlionem de ære. Ex quibus sequitur, q̄ quando præpositio, ex, denotat ordinem, terminus cui adiungitur, stat pro termino à quo, transmutationis & motus: quando autem denotat circumstantiam, seu habitudinem materialis causæ, terminus cui adiungitur, stat pro subiecto, siue materia. Ergò ad propositum ueniens, particula, ex nihilo, summi potest, & prout idem est, quod post nihil, & pro ut idem sonat, quod per dependentiam, seu educlionem de nihilo: primo

modo, ut patuit, terminum dicit, à quo, secundo modo subiectum, seu materiam importat, de qua.

Quod autem spectat ad particulam, Nihil, liquet q̄ dictio est negatiua, siue negationē includens: & sicut notat, & bene, Grego. de Ari. 2. di. p. q. 2. ar. 1. ad. 3. et cathegorematicè, & sin cathegorematicè accipi potest. Et cathegorematicè quidem sumpta, idem ualet, quod non ens: Sin cathegorematicè uerò accepta, idem quod nullum ens: & utroq; modo, inuenitur in usu. Non parum autem refert, utro modo summatur, adeò ut eadem propositio, uno modo exponendo nihil, sit uera, alio modo exponendo illud, sit falsa: uno modo sit indefinita, alio modo sit uniuersalis: ut patet in ista. Nihil docuit me uolare. Nam si nihil, idem est q̄ non ens, propositio est indeffinita, & falsa; si uerò idem est, q̄ nullū ens, est uniuersalis & uera. Vnde & phylosophi dicendo: Nihil fit ex nihilo, sin cathegorematicè interpretantur, nihil, ex parte subiecti, & cathegorematicè, & sin cathegorematicè interpretantur nihil, ex parte prædicati: propter quod nolunt q̄ propositio illa sit uera: Non ens fit ex non ente, siue ex nullo ente, quoniam non ens non fit: Sed si nihil, ex parte subiecti sin cathegorematicè summitur, propositio apud illos est uera. Nullum ens fit ex non ente, siue ex nullo ente. Ex quibus accipitur, quòd cum dicitur, Creatio est ex nihilo, siue summatur ut ex termino, siue ut ex subiecto, & materia, dupliciter intelligi potest

poteſt: uno modo cathegorematicè ſumpto nihilo, et ſenſus eſt, ex nihilo, hoc eſt ex non ente: alio modo ſinchathegorematicè accepto eodem, & ſenſus eſt, ex nihilo, ideſt ex nullo ente.

Sed ſupereſt ut determinemus duo: Alterum eſt, an cum dicitur, Creatio eſt productio alicuius ex nihilo, particula, ex nihilo, accipiatuſ tanquàm ex termino, an tanquàm ex materia uel ſubieſto. Reliquum eſt an hoc determinato, particula ex nihilo, interpretari debeat chathegorematicè, uel ſinchathegorematicè, an utroq; modo. Primum determinabitur explicando duo: Vnum eſt, q̄ ſimpliciter & ſine cōtrouerſia particula, ex nihilo, accipitur tanquàm ex termino, ita quòd creatio dicitur productio alicuius ex nihilo, ideſt poſt nihil, ſecundū quod ſuprà expoſitum eſt, & hoc fatetur non ſolum S. Thomas in pluribus locis, & maxime prima par. q. 45. 1. ad. 3. Sed ferè omnes Theologi, tã & ſi Durandus in. p. diſt. 2. hoc non approbet, motiuo ſatis leui, inò nullius efficaciæ, & uerè recitatione indigno. Aliud eſt, q̄ etiam aliquo pacto ſubſtineri poteſt, q̄ particula, ex nihilo, accipiatuſ tanquàm ex materia, ſive ſubieſto: ſed tunc opus eſt, ut S. Thomas docet ibidē, et depo. q. 3. 1. ad. 7. q̄ negatio incluſa, in nihilo, cadat etiam ſuper propoſitionem, ex, adeò q̄ negetuſ habitudo dependentiæ, uel materialis circumſtantiæ: aliter ſi dictum, ex, ſeu habitudo præſata affirmata relinquituſ, propoſitio, Creatio eſt productio

ductio alicuius ex nihilo, est propositio falsa . Et ut res sit illustrior, considerandum q̄ cum ex nihilo, aliquid dependere non possit, neceſſè est, cum aliquid ex nihilo, tanquàm ex materia fieri dicĩt, q̄ à nihilo, omnis remouetur depēdētia: & ob id q̄ negatio uirtutaliter extendat se ad excludendam habitudinem dictam, aliàs propositio non esset uera. Nam licet, fieri, factionem alicuius importet, non tñ necesse est, q̄ uel fieri, uel id quod fit, ex nihilo pendeat, imò est impossibile, cum impossibile sit, aliquid, ut dictum est, ex nihilo pendere . Quo fit, ut non oporteat negationem extendi, usq; ad fieri, sed sat est, si ad dependentiam usq; extendatur : & consequenter q̄ cadat super propositionem, ex. Et si non capis, quo pacto negatio inclusa in nihilo, cadere possit super præpositionem, ex, resoluē particulam, nihilo, in non aliquo: ut perinde sit ac, non ex aliquo, & facile capies. Et si dicitur, quomodò ergò, si dicta negetur dependentia, ex nihilo, causam poterit denotare materialem? Respōdetur, q̄ causam utiq; denotabit materialem, siue materialem habitudinem & dependentiam, in dicta propositione: at non modo affirmatiuo, sed negatiuo . Et de tali modo loquendi, non pauca extant exempla. Dicimus quidem, nec ineptè . Iste loquitur de nihilo. Ille tristatur de nihilo, &c. In quibus palàm, q̄ negatio in nihilo inclusa, cadit super præpositionem de: quoniam idem est, ac si dictum esset, q̄ loquitur non de aliquo, & q̄ tristatur non de aliqua re.

re. Ergo concludendum est, q̄ uerè quidem utroque modò interpretari licet, ex nihilo: tametsi uerius, communius, & clarius interpretetur, cum interpretat̃ sicut ex termino, à quò, quẽadmodum diximus.

Quod demum secundo loco determinandum accepimus, de facili constat. Siquidem dicendum est primò q̄ si, ex nihilo, accipiat̃ uelut ex termino, q̄ utroq; modo exponi potest, particula nihil, & chathegorematicè idest, ex non ente, & sinchathegorematicè, idest ex nullo ente: & hoc satis constat ex se. Secundò dicendum est, q̄ accipiendo, ex nihilo, sicut ex materia uel subiecto, q̄ utroq; modo pariter interpretabit̃: quandò quidem, & dicere possumus, ex nihilo, idest ex non ente, & ex nihilo, idest ex nullo ente, seu quod in proposito diuersum non est, non ex aliquo ente: nam & negatio, etiam ex, debet includere, sicut in præcedentibus explicauimus. Ex his ergò omnibus, clarus est titulus.

Queritur itaq; an necessarium sit. necessitate nõ qualicunq; sed absoluta, secundum principia non extrinseca, sed intrinseca, scientie naturalis, idest naturalitèr acquisitæ, ut comprehendatur non solum physica, sed & methaphysica, & quauis naturalis cognitio certa & indubitata. Et queritur non solum absolutè, idest secundum merita ipsius scientie, & cognitionis, secundum se, sed etiam secundum quòd fuit in mente phylosophi: an scilicet tantum in illa profecerit, ut habuerit concedere creationem, idest productionem

productionem aut omnium quidem rerum, aut aliquarum saltèm, ex nihilo, idest post non ens, seu non ex aliquo ente. Haftenus de manifestatione tituli.

Quò ad secundum procedemus hoc pacto. Primò seorsum perstringentur opiniones falsæ, suis tamen cum fundamentis, reprobationibus, & solutionibus necessarijs. Secundo explicabitur sententia vera, & conuincetur efficacibus medijs. Tertiò siquid remanere uidebitur scrupuli, obijcietur: ut penitus eruatur. Opiniones falsæ sunt quatuor. Cum enim quæstio huc deuenerit: An secundum principia naturalis scientiæ, necessarium sit aliquid ex nihilo fieri, fuit quedam opinio, quæ dixit, q̃ absolutè id implicat contradictionem, & iccirco q̃ creatio non modo non est necessaria, sed penitus impossibilis. Hanc opinionem, ut uidetur, sequitur Aureolus in principio. 4. sent. ut colligitur à Capreolo. 2. dist. 1. q. 2. conc. 4. Vnde & illam argumentis pluribus nititur suadere: sed eorum uis, potissimum in his duobus consistit. Argumentatur igitur primò. Ex nihilo aliquid fieri, & nihil aliquid fieri, idem est. Ergò si implicat contradictionem, nihil aliquid fieri, implicabit & ex nihilo aliquid fieri, & ita implicabit creationem ponere, Sed sic est, q̃ implicat contradictionem, nihil aliquid fieri, ergò &c. Consequentia nota est. Antecedens inductione probatur. Siquidem idem est, ex aere fieri ignem, & aerem fieri ignem: Idem, ex albo fieri nigrum, & album fieri nigrum,

&

et ita de reliquis. Quod uerò implicet, Nihil aliquid fieri, sic ostenditur: Si nihil aliquid fieret, aut id uerū esset formalitèr, aut subiectiue: non formaliter, quia sensus esset, q̄ unius ratio, in rationē uerteretur alterius, hoc est q̄ ratio nihili, in rationem uerteretur alicuius, quod palàm fore impossibile, nō minus quā si ratio albedinis, in rationem uerteretur nigredinis, imò & magis, si quis rem rectè consideret: nec etiam subiectiue, ut sit sensus, q̄ ipsum nihil, subiectum fiat illius, quod est aliquid: quod pariter esse non potest, cum ipsum nihil, nequeat cuius enti sub-
sterni, ergo &c. Argumentatur secundo. Creetur lapis, si creatio esse potest: Aut igitur antè creationem suam, lapis erat in actu, aut in potentia, aut neutro erat modo. Nō primum, quia non erat opus, illum creari, cum esset: nec tertium, quia si non fuisset in potentia, fuisset quid impossibile, & ita non potuisset creari: ergo secundum, & sic lapis creationē præcedens, non erat penitus nihil, quia quod in potentia est, non penitus nihilest &c.

Verum his non obstantibus, difficile non est reuincere, opinionem hanc esse falsam, uel hoc solo medio. Argumentetur igitur contra illam, hoc pacto. Si ex nihilo implicaret fieri aliquid, profecto à nullo artifice, creatio admitti posset, ergo nec à Theologo, uel fidei: sed hoc est impium, ac manifestè falsum, ergo &c. Consequentia nota est. Quoniam quod implicat, indubiè est quauis potentia impossibile. Nec
euaditur

euaditur, si quis dicat, q̄ implicat quidem, sed naturaliter, non tamen supernaturaliter, ut nonnulli ignorantè dicunt, quoniam quod implicat, uerè, simpliciter, & absolute (siue naturaliter, siue supernaturaliter dicas) semper est impossibile, ut & diuine est potestati subiacere non possit. Et hæc modò satis, contra primam opinionem: quoniam ex dicendis, plenius euertetur. Ad primum igitur Aureoli, dicitur duobus modis. Primò negando antecedens, & ad probationem dicendo, q̄ inductio est falsa, quoniam datur exemplum, in quo non equiualent: Vt cum dicitur, ex mane fit meridies, aut ex uespera nox: & tamen mane non fit meridies, nec uespera fit nox. Secundo, antecedente concessio, dicitur: q̄ non implicat, nihil fieri aliquid. Et cum probatur, dicitur q̄ distinctio est insufficiens, & dari potest tertium membrum: quoniam intelligi potest non solum formaliter & subiectiuè, sed etiam ordinatè, seu ordinabiliter, ut sensus sit, q̄ ex nihilo, hoc est post nihilum, fit aliquid, sicut in premissis ostendimus. Ad secundum dicitur in casu posito, q̄ lapis non præexisteret actu, nec in potentia qualicunq; passiuæ, sed in potentia præexisteret creatoris, quæ indubiè potentia est actiua: quare non sequitur, q̄ antequàm creetur, aliquid existat in se, aut qua uolueris creatura, sed solum in potestate, uel mente diuina: quod nullum est inconueniens.

Secunda opinio est, q̄ & si ex nihilo aliquid fieri,
contra

contradictionem non implicat absolute, repugnat
tamen principijs naturalis scientiæ, & propter hoc
repugnat & eisdem creationem ponere. Hæc opinio
uidetur Commentatori attribui, eò q̄ rationes, quæ
adducuntur pro ea, sunt rationes *Auerrois. viij. phy-
sicorum com. iij.* Et potiores sunt tres, quibus dire-
ctè ostenditur principijs repugnare scientiæ natura-
lis, ex nihilo aliquid fieri, & per hoc repugnare, crea-
tionē cōcedere. Et prima est, ex eo q̄ communis ani-
mi conceptio, omnium extitit phylosophorum, & ob
id peritissimorum in scientia naturali, q̄ ex nihilo,
nihil fit: ut patet primo physicorum, tex. com. 33.
ergò &c. Secūda est. Quia si ex nihilo fieret aliquid,
sine dubio, aliqua daretur mutatio, quæ esset sine su-
biecto: quod repugnat expressè his, quæ tradit *Ari-
stoteles physicorum 8. tex. com. 4.* ubi docet omnem
motum, & quamlibet mutationem, necessariò sup-
ponere mobile et mutabile, ergò &c. cōsequētia no-
ta est, quia constat in quouis fieri, mutationē includi
&c. Tertio. Quia si ex nihilo aliquid fieret, profectò
non fieret nisi per accidens; ergò oporteret, q̄ reduce-
retur ad fieri, quod fieri esset per se, quod planè fieri,
est ex aliquo, hoc est ex substantia, siue materia, ergò
&c. Antecedens patet, quia ex opposito non fit op-
positum nisi per accidens, ergò &c.

Sed ista opinio est similiter falsa, ut ex dicendis
suo loco conuincitur. Modò satis, si ex duobus Com-
mentatoris dictis, obijcio contrā eam. Quorum pri-
mum,

mum, est in in lib. de subst. orbis. ca. 2. ubi habet q
 cælum uirtute indiget, non solum dante sibi motum,
 sed & largiente esse, & permanentiam. Ex quo ar-
 gumentor. Cælum indiget uirtute largiente esse: er-
 gò est creatum, ergò ex nihilo aliquid fit. Antecedens
 est Cōmētatoris. Prima cōsequētia deducitur. Quia
 si cælum habet causam dantem esse, aut illi dat ex
 nihilo, & sic habetur intentum: aut ex materia ali-
 qua, & hoc ab illo dici non potest, cum in cælo ma-
 teriam esse neget. Nec dici potest, q loquitur, de esse
 largiente, formaliter, eo pacto, quo illud largitur
 substantialis forma: quoniam & si uerum est apud
 Auerroem, cælum esse animatum, & per hoc ab
 anima esse recipere, non tamen id eò loci intendit: cū
 ex his, paucis interiectis subiungat, quòd ignorantes
 quidam rem hanc, dixerunt Aristotelem non dicere
 causam agentem, sed causam mouentem tantum.
 Verum q Auerroes existimauerit Cælum creatum
 à Deo, in sequenti questionis parte, clarissimum fiet.
 Secundum est. 7. methaphysicę, com. 31. ubi habet,
 quòd id quod mouit Aristotelem, ad ponendum mo-
 uens, quod separatum est à materia, fuit in factiōe
 substantiarum separatarū, siue uirtutum intelligibi-
 lium. Ex quo argumentor. Substantie separatę
 sunt factę, ergo ex nihilo sunt productę, ergò crea-
 tum. Antecedens est Commentatoris. Prima conse-
 quentia sic deducitur, quia si sunt factę, aut sunt fa-
 ctę ex aliquo, & hoc nō, quia materiales forent, aut

ex

le. q. factio
 f. uere, et
 s. intelligitur
 ne, ista e.
 disto thes.
 et theop.
 uenire p.
 fo it.
 hanc d.
 tatione et
 eius factio
 mo apud
 po it. a me

ex nihilo. et hoc est intētum. Sed de his inferius eodē loco diffusè. Ad primum ergo, quod indictum est pro opinione, dicendum. Quòd fuit quidem communis conceptio animi ex nihilo nihil fieri, sed per uiam motus & transmutationis, quod indubiè uerissimum est, non autem per uiam creationis, aut emanationis simplicis, de qua sermo fit in præsentī. Ad secūdum dicitur consequentè, quòd omnis quidem motus, uel mutatio supponit reuera mobile uel mutabile, non tamen id supponit creatio, aut simplex emanatio, quoniam non sunt motus uel mutatio, nisi equiuocè, ut docet S. Thomas. 8. physi. super tex. com. 4. Ad tertium negatur antecedens, & ad probationem dicitur, quòd ex opposito aliquid fit per accidens, sicut ex subiecto: sed per se fit ex illo, sicut ex termino, & sensus est, quòd fit ex opposito, idest post oppositum iuxta præmissa. Aliter dici posset, sed hæc modo sufficiunt.

Tertia opinio est, quòd licet ex nihilo aliquid fieri contradictione non implicet absolutè, nec repugnet simpliciter principijs scientiæ naturalis: non tamen necessariò habetur ex eis. Hæc opinio quàm pluribus est accepta, & conformis est, ni fallor, dictis Greg. de ari. d. 1. q. 2. ar. 2. Quorum potissimum fundamētum est, quia rationes, quæ inducuntur pro parte contraria, ut puta, quòd necessariò habeatur ex illis, ab eis reputantur solubiles. Et posset nihilo minus argumētari hoc pacto. Ea necessariò ex prin-

20
cipijs naturalis scientiæ deducuntur, ad quæ per sensibilia, necessario deuenimus: sed hoc in proposito non uidetur possibile, cum in illis omnia fieri conuincatur ex aliquo, ergò &c. Sed & hæc quoq; uera non est, ut ex sequentibus constat. Ad præsens autem solum per locum ab authoritate sic insto. Sanctus Thomas tenet oppositum: & id rationibus efficacibus, ut patet. 2. cōtra Gen. ca. 16. Similiter & Scotus primo. d. 8. & 2. d. 1. ergò &c. Nec est uerum, quod rationes præcipue pro hac parte sint solubiles, si ritè formentur, ut suo loco uidebitur. Nec subium
Et ratio aliquid ualet, quoniam licet ex sensibilibus
oriatur omnis nostra cognitio, non tamen omnis terminatur in eis. Quare dicendum, quod sicut sufficiens ex sensibilibus ad insensibilia, imaterialiaq; concipiendi, ac statuenda deducimus, ita & ad creationem productionemue concedendam ex nihilo, necessitamur. Nec ualet, quæcunq; in sensibilibus fiunt, ex aliquo & non ex nihilo fiunt, ergò ad creationem ex sensibilibus deduci non possumus: sicut nec ualet, sensibilia omnia sunt cū materia, ergò ex illis ad intelligibilia, quæ sunt sine materia, erigi nō ualemus.

Quarta opinio est, quod secundum principia scientiæ naturalis, ex nihilo nihil fieri, uno modo est necessè, alio autem modo, est impossibile. Siquidem ex nihilo, ut dicunt, existentiæ est necessè, sed ex nihilo, ut subdunt, essentiæ est impossibile. Et hæc opinio est Herrici de Gandauo in quolibet. i. q. 5. & quolibet.

3.q.9. & quolibet. 6.q.3. Pro cuius clara perceptio
 ne considerandum quòd cùm nihil opponatur enti
 (siquidem idem est, quòd nō ens) sicut ens bisariam
 accipi solet, scilicet pro ente existentia & pro ente
 essentia, ita & nihil, seu non ens pariter, & pro non
 ente existentia, & pro non ente essentia accipi con-
 sentaneum est. Ens autem, iccirco dicitur existentia,
 quia ab esse existentia summitur, illudq; formaliter
 exprimit, non secus ac proportione sua, ab albedine
 dicitur album, quod & puram qualitatem signifi-
 cat, ut dicitur in predicamentis: & hoc pacto ens
 quoq; participialiter dicitur, quia in ui summitur
 participij, idemq; est quòd existens, de quo alibi plu-
 ra: ens quoq; ideò essentia, dictum est, quia pariter
 ab esse essentia trahitur, & illud formaliter dicit,
 nec summitur in ui participij, sed nominis, unde &
 ens nominaliter nuncupatur, ab esse existentia ab-
 strahens, imò & præscindēs. Ergò cùm dicit opinio,
 q creatio est ex nihilo, hoc est, non ente de nō ente in-
 telligit participialiter sumpto, et cū negat, q est ex
 nihilo, hoc est non ente, de nō ente intelligit nomina-
 liter accepto. Considerandum rursum, quòd esse ef-
 sentia (ut de mente est dicti opinatis) est esse aternū,
 non solum à Deo increatum, sed increabile, nec ab
 illo dependet effectiue quouis modo, sed dependet
 exemplariter tantum, à qua dependentia exempla-
 ri, rei quidditas, rationem induit esse: imò & ipsum
 essentia esse, apud Hericū, aliud non est, quàm re-

spec̃tus exemplati à prima causa : Esse uerò existē-
tia, cū nō sit æternum, sed secundū illud, res creata di-
catur à Deo, est quo res effectiue dependet ab ea imò
& ipsum esse existētia, ipsa dependentia, seu depen-
dentia respectus est, quo res effectiue dependet, seu
quo dicitur creata ab illo. Et ad planiorem notitiā
considerandum est demū, quòd si quis ab Herri-
co quæsisset, ubi forent rerum quidditates antè creatio-
nem suā, præsertim cū ipse neget creationem
æternā, ex principijs scientiæ naturalis, Respondis-
set quòd nullibi, si formaliter loquamur, quia nullū
sibi determinabant locū, sed si loquamur, largè, q̃
erant in mente diuina; non eo pacto, quòd essent, ipse
Deus, aut illi eadem, secundū rem, sed in ea erant,
in esse (ut dicunt) obiectiuo hoc est, ideò in ea erant,
quia erat in prospectu eius. Et potest dici quòd ema-
nauerunt ex exemplaribus, in essentia Dei repertis,
antè actū intellectus & uoluntatis, productiuum
ad extrā: & tales quidditates, fundant apud Herri-
cum, esse creabile, & potentiam obiectiuā &c.
Fundamentum autem opinionis, est satis debile. Si-
quidem pro prima parte, quòd scilicet ex nihilo, hoc
est, non ente existētia, seu quod idem est, partici-
pialiter sumpto, neceßè est, ut aliquid fiat: nō aliter
probat, quā ex hoc, quòd apud ipsum, impossibile
est, aut mundum, aut creaturā aliquā, ab æterno
fuisse. Ex hoc enim sequitur manifestè, quòd neces-
sarium sit, ponere: aliquid esse productū, & per hoc

ex nihilo etiam creatum. Pro secūda uerò quòd sci-
 licet ex nihilo, hoc est, non ente essentia, seu quod idē
 est, nominaliter accepto; impossibile sit, ut aliquid
 fiat; ualidius non ostendit, nisi quia illud, quod non
 habet essentiam, est quid fictitiū, & ob id, ut creetur
 est impossibile. ergò &c.

Hanc opinionem etsi in conclusione uideatur te-
 nere Capreolus. 2. d. 1. q. 2. ad arg. contra. 4. licet nō
 sine formidine: eam tamen, in multis reputamus
 erroneam. Et licet primā pars, uera sit in se: est tamē
 sine fundamento solido posita. Nec admittimus, q̃
 nihil secundū existentiam, aliquid sit in se, secun-
 dū essentiam: quoniam fictitiū est, quòd rerum
 essentia, siue quidditates, ab æterno sint aliud in rea-
 litate, ab ipsa essentia Dei. Secunda tamen pars,
 præter id, quòd nō est tuta in fide, est ridicula in sco-
 la peripathetica: & illius fundamentum, nullius est
 roboris, quoniam admissio quòd id, quod non habet es-
 sentiam, sit fictitiū, non tamen est fictitiū, quod
 non habet essentiam aliam, ab essentia Dei: sufficit
 enim essentias rerum antequā sint in rerum natu-
 ra in mente reperiri diuina, in qua nec sunt sine exi-
 stentijs proprijs, licet non exercitis, sicut nec positis
 in statu naturæ unicuiq; propriæ. Hactenus de opi-
 nionibus falsis.

Vera sententia itaq; , unica explicatur conclu-
 sione, quæ talis est. Necessarium est secundū prin-
 cipia scientiæ naturalis ex nihilo aliquid fieri, & ob

id, creationem concedere. Sensus conclusionis, ex titulo est perspicuus. Siquidem de necessitate loquitur absolute, & de principiis intrinsicis scientiæ naturalis, hoc est, à supernaturali distinctæ: & particula, ex nihilo, summitur ex parte termini, & perinde ac, post nihilum, sonat. Et licet conclusio possit rationibus multis ostendi, sicut ostēditur à S. Tho. 2. contra gen. ca. is. & 16. Et de po. q. 3. i. Tres tamen solum adducendas statui, quæ iudicio meo conuincunt.

Prima est: Intelligentiæ; secundum principia scientiæ naturalis, depēdent secundum esse; à primò ente, Deo scilicet benedicto; secundum genus efficientis causæ: ergò ex nihilo sunt ab eo productæ, ergò sunt create, ergò necesse &c. Prima consequentia, est constans ex se. Siquidem, cum effici sit produci, palàm quòd si pendent effectiue, quòd pendent & productiue; & cum effici nequeant ex materia, aliàs essent materiales, liquet quòd opus est, ut producantur ex nihilo. Secunda pariter, & tertia, sunt manifestæ ex terminis: quare totum pondus deuoluitur ad antecedens. Pro quò, ut ualidè statuatur, supponendum est, quòd Intelligentiæ omnes, eitrà primam, quæ Deus est, non sunt entia per essentiam, sed per participationem. Ad cuius euidentiā, præconsiderandum quid sit rem esse talem per essentiam, & quid rem esse talem per participationem. Et esse quidem rem talem per essentiam, potest duobus modis intelligi. Altero ut idem sit & esse talem quiddi-
tatiue;

tatiuē, sicut homo dicitur esse animal per essentiam,
quia est talis essentialiter. Et hoc pacto esse talem
p̄ essentiam distinguitur cōtrā esse talē per accidēs,
& hoc modo in præsenti non summitur. Reliquo, ut
idem sit quod esse talē, infinito, siue illimitato ac per
fectissimo modo, & hoc pacto esse talē per essentiā,
distinguitur contrā esse talē per participationem, et
itā summitur in hoc loco: et est in usu; nō solum Pla
tonicis, sed Theologis, et Peripateticis. Et ut dici so
let, & rectē (sicut habes à Caietano. p. par. q. 43. ar.
1.) tres conditiones exigit. Prima est, quod sit natu
ra abstracta, Secunda, quod sit in abstractione illimi
tata, Tertia, quod sit subsistens per se. Propter defe
ctum primi, album, seu albedo in pariete, nō dicitur
per essentiam talis: Propter defectum secundi, albe
do ut quattuor, si fingeretur sine subiecto, & in tali
limitatione separata, conseruari cōcederetur à Deo,
albedo non diceretur per essentiam: Propter defe
ctum tertij, albedo in tota latitudine sua sumpta, se
parata & abstracta, non diceretur albedo per essen
tiam, quia per se non subsisteret. Esse uerò per parti
cipationem tale, est aliquid dici tale, sed non infinito
seu illimitato ac perfectissimo modo. Vnde & condi
tiones habet supradictis oppositas, ut cuiq; facile est
animaduertere. Quibus præconsideratis, difficile nō
est uidere, quid sit ens per essentiam, & quid ens per
participationem. Nam ens sicut ab esse summitur
existentiæ (de tali enim ente nunc loquimur) ita &

in suo formali significato, esse exprimit existentia,
est enim concretum sicut & album, ut aliquando
testatus est S. Tho. proportionem suam. Ergo ens per es-
sentialitatem idem erit quod esse abstractum, & per se
subsistens. Et ens per participationem erit uel habēs
esse, uel etiam ipsum esse non quidem abstractum,
aut illimitatum, aut per se ipsum subsistens, sed con-
cretum, limitatum, & quodammodo in habente re-
ceptum. Sed fundamento declarato, absurdum non
erit, si probetur. Probatur ergo & pro prima parte
sic. Intelligētis, si forent entia p essentialitatem, quolibet fo-
ret ipsum esse abstractum, & per se subsistens: ergo
quolibet esset Deus, ergo plures Dī, quod implicat
contradictionem. Antecedens constat ex declaratio-
ne. Prima consequentia, ex eo evidens est, quia aliud
nō est Deus, q̄ ipsum esse astractū, & per se subsistēs,
ut & Commentator docet. 12. Methaphysicā com.
51. & Aristot. non tacet. 2. eiusdem, tex. com. 4.
Secunda consequentia, nota est ex terminis. Et quod
implicet plures esse Deos, nemo est qui neget. Siqui-
dem cū esse abstractum, et per se subsistens, constet
tota latitudine entis: si plures forent Dī, omnes fo-
rent eiusdem perfectionis, & nobilitatis præcisè, er-
gō nulla esset inter illos distinctio, & per consequens
nulla multitudo, ergo essent plures, & non plures.
Confirmatur, quia esse nō multiplicatur, nisi ex ali-
quo contrahente, quoniam non multiplicatur nisi
recipiatur: propter quod dicitur. 12. Methaphysi-
cæ,

cæ, tex. com. 49. quòd si plures inuenirentur Dii, & materiam concernerent necessariò: ergò si esse, ponitur in sua abstractione, & per hoc constare tota sua latitudinè, ponitur sine contrahente, & recipiente: ergò ponitur immultiplicabile. Probatur uel potius deducitur pro secunda parte hoc pacto. Si intelligentiæ non sunt entia per essentiam, sequitur necessariò quòd (si sunt entia) sint entia per participationem: & est secunda pars fundamèti. Cõsequentia est clara à sufficienti diuisione: Quia omne ens, aut est ens p essentiã, aut est ens per participationē: quemadmodũ & sine controuersia, omnes admittimus, ergò &c.
Posito igitur fundamento superest constituere acceptum antecedens. Probatur ergò sic. Intelligentiæ, nō sunt entia per essentiam, sed per participationē, ergò dependent in genere causæ efficientis, à primò ente: quòd indubiè Deus est, qui ens est per essentiã, ut & Comentator dixit. Antecedens patet ex fundamento, consequentia uerò probatur. Certum quidem est, quòd entia per participationem, entia non sunt secundum esse, à se: aliàs essent principium primum, secundum esse, & per hoc, non essent entia per participationem, sed per essentiam, nec essent plura, sed unum, sicut præostensum est: sed sunt secundum esse ab aliò, sicut riuuli sunt à fonte, & radij solares à solè. Ergò aut sunt secundum esse ab aliò, quòd ens sit per participationem, aut quòd ens sit per essentiam: non primum quoniam & quæstio pariter superesset

pereffet de eò, à quò & illud secundum esse foret, &
ita processus iret ad infinitum, quòd natura non pa-
titur: ergò secundum. Tunc ultrà. Entia per partici-
pationem, secundum esse, ab ente sunt per essentiam,
ergò quodam pacto secundum esse pendent, à primò
ente, ergò & secundum depēdentiā causalitatis pen-
dent à Deo benedicto: patet hoc, quia dependere se-
cundum esse ab aliquò, & causari secundum esse ab
eò, idem est: imò si nulla dependentia est sine causa-
litate, palàm quòd dependentia secundum esse, ma-
ximè erit secundum causalitatem; undè & propriæ
causæ sunt, quæ sua ex ratione ad rem secundum esse
concurrunt. Igitur uel causantur à primò ente, in ge-
nere causæ efficientis, uel in genere causæ finalis, uel
formalis, siue quòd idem est exemplaris: nam quar-
tùm membrum dari non potest, non modò quia intel-
ligētia, sunt sinè materia, sed quia primum ens cau-
sa materialis non est: undè & 12. Methaphysicæ cō-
6. rectè Commentator dicit, quòd primum ens non
est nisi forma, agens, & finis: sed quòdcumq; dici-
tur, habetur intentum, ergò & c. Manifestatur sub
sumptum ex hoc, quòd in qualibet earum, aut expri-
mitur, aut includitur causalitas ipsius efficientis, nā
ut patet, explicatur in primò, et includit in secūdo,
et tertio. Siquidē causalitas finis causalitatē concer-
nit agentis, nō solū quia finis, ut Com. dicit in lib. de
substantia orbis, agens significat necessaria signifi-
catione: & notum est ex eodem. 12. Methaphysicæ
com.

com. 6. & 36. quòd in separatis à materia, idem est agens & finis. Sed quia ex ratione finalis causæ, id conuincitur proficisci. Cum enim causalitas finis sit, uel respectu agentis, quod interueniente apprehensione excitat, ad se conuertit, & trahit, & suo modo in ipso, appetitionem (causalitate quidem, non simplici, sed quodam pacto multiplici, putà formali, effectiua, finali, ut acuti Metha. animaduertunt) efficaciter causando, ad sui assequutionem accendit, uel respectu mediorum, quæ ad illius adeptionem, necessaria, aut accommodata sunt, quibus peculiarem in ordine ad se bonitatem communicat, dum se in illa quodam pacto diffundit, suiq; nonnullam participationem facit: haud dubium quòd utroq; modo, agentis causalitatem implicat, ac propria ex ratione concludit. Et ut res sit clarior, primò utraq; causalitas explicanda est sub exemplo; secundò intentum ex utraq; conuincendum est quàm dilucidè. Sit finalis causa, putà sanitas, quæ respectu ægroti finis est acquirendus, & respectu sani finis est conseruandus: constat primò quòd respectu ægroti, ab illo apprehensa, excitat, conuertit, & trahit illius appetitum ad se; causatq; in eo actum desiderij, & effectiue (nam balneum in anima est agens desiderium, ut & Commen. dicit) & formaliter, speciem largiendo ei (est enim desiderium sanitatis, & non acquirendi diuitias) & finaliter, quia ita causat, ut ea demùm atq; uisita fruatur.

fruat^{ur}: respectu sani pariter se habet ut conseruetur, quemadmodum respectu egroti ut acquiratur, ut cuiq^{ue}; facile est applicare. Constat deinde quod sanitas siue sit acquirenda, siue sit conseruanda, non nulla exigit media: & aliqua quidem uidentur necessaria: aliqua uero ut cōferentia, puta flobotomiam, potionem amaram dietam, & id genus alia, per quæ media gradiendum est, uolenti uel sanitatem assequi, uel assequuta potiri: ergo respectu horum excutienda est causalitas eius, & facile liquet, quod in eò ipso consistit, quod peculiarem illis bonitatem, & per hoc appetibilitatem confert. Nam cū flobotomia, amara potio, dicta, absolute non sint nobis bona, nec appetibilia, sed potius destabilia, & non nisi urgente necessitate reputentur bona & appetibilia, palàm quod ex ipso fine, sanitate. s. bonitas illis accedit, & uelut ex fonte ab illa demanat, effunditur, communicaturq^{ue}; imò si quis rem acutè perspiciat, nō aliter ea bona appetibilia ad sanitatem sunt, nisi quia sanitas, in illis quodam pacto relucet, & ueluti causa, suo in effectu dignoscitur. Ergo non est obscurum accipere, quod & in hoc causalitas finis, non est prorsus sine causalitate agentis, quoniam non est sine causalitate bonitatis, quæ cōsistit in sui effusione, et cōmunicatione; imò cū finis maximè habeat rōnē boni, neceßè est, ut illi maximè & insignitè conueniat causalitas eius: ergo cū illa expers nō sit causalitatis effectiue, nec ista expers erit eiusdem. Imò si
quis

quis rem exactius ponderaret, uideret forsàn, q̄ si-
 cut finalis causa est potissima omnium, & per hoc
 eo modo, quo potest, reliquarum, quæ perfectionem
 dicunt, perfectiones includit: ita & causalitas finis,
 omnium est præstantissima, & reliquarum causa-
 litatum perfectiones aggregans: sed hæc in meta-
 physica latius. Nunc si placet ad intentum accede-
 re: palàm quòd facile est, illud (ut pollicebamur,
 euincere. Si enim nulla ex parte, causalitas finis, si-
 ne causalitate inuenitur efficientis, haud dubium
 q̄ illam non solum de necessitate concernit, sed il-
 lam propria ex ratione implicat & includit. Et si
 addis, quòd in præsentī opus non est loqui de depen-
 dentia entium per participationem à primò, quod
 ens est per essentiam, secundum operari, sed de eo-
 rundem dependentia ab eodem, secundum esse: & fa-
 cilius & euidentius, constabit quod uolumus, Siqui-
 dem obmissa causalitate finis respectu agentis, quip-
 pè quæ aut nihil, aut parùm facit ad rem (nam ope-
 rari præuenitur ab esse, & agens moueri non potest,
 ut agat, nisi sit) haud dubium quòd finis causalitas
 remanens, & intento accommodari ualens, causali-
 tas est boni finalis, qua. s. ad bona, quæ ad finem me-
 dia sunt, se diffundit: & propterea quòd talis cau-
 salitas est, qualis quodammodo causalitas est fon-
 tis, respectu riuuli, aut solis respectu radiorum eius:
 Vbi & uidere licet etiam cæcis, quòd sine effectiua
 causalitate nec esse nec intelligi potest. Rursum & causa-

causalitas exemplaris, necessariò causalitatem con-
cernit agentis, cum exemplar aliud non sit, quàm id,
ad cuius similitudinem aliquis operatur. Ergò si en-
tia per participationem, in genere exemplaris cau-
sæ, ab ente quidem pendent, quod est ens per essen-
tiam, haud dubium, quòd ad illius similitudinem ab
aliquo producta sunt: aut ergò ab eo, & habetur in-
tentum, aut ab alio, quod ens sit per participationē,
& sic, ut deductum est, processus erit ad infinitum,
quod omnes abhorrent. Confirmatur idem Antece-
dens ex hoc, quòd naturalissimum est cuius perfe-
cto, inquantum natura patitur, producere sibi simi-
le, ut experientia docet, & Philosophus non semel
testatur: ergò non remouendum est hoc ab omnium
perfectissimo, quod est ens per essentiam, ergò & illi
naturalissimum erit aliquid, prout rei natura per-
mittit, simile sibi producere: aut ergò sibi naturalis-
simum erit producere ens per essentiam, & hoc natu-
ra non patitur, aut ens per participationem, & hoc
est, quod in presenti docetur, ergò &c.

Secunda ratio est. Accipiat ex. 2, metaphysi-
cæ tex. com. 6. quòd in ordine efficiētium causarum,
non est procedere in infinitum, sed est deuenire ad
unum primum efficiens: quod quidem, ut ex octauo
summitur physicorum, non potest esse efficiens per
accidens, sed per se. Nam implicat, quòd sit primū
efficiens, & quòd non sit efficiens per se, sed per acci-
dens: quoniam cum omne per accidens, reducendum
sit

fit ad per se, sequeretur quòd esset, & non esset pri-
 mum efficiens. Accipiat ex. 2. Phisicorum, & 5.
 Metaphysicæ: Tùm quòd omnis causa quò superior,
 eò communior, & uniuersalior, & per hoc quòd pri-
 mum & supremum efficiens, communissima & uni-
 uersalissima causa est: Tùm quòd effectus & causæ,
 ad inuicem proportionem habent, adeò ut nò solum
 causæ per se, correspondeat effectus per se, & causæ
 per accidens, effectus per accidens, sed & causæ uni-
 uersali, effectus uniuersalis, & particulari particu-
 laris, & communissima, & uniuersalissima, effectus
 uniuersalissimus & communissimus. Quibus acce-
 ptis, sic argumentatur. Datur primum efficiens, quod
 est per se & uniuersalissima causa, ergò sibi assigna-
 ri debet, per se & uniuersalissimus effectus: ergò sibi
 assignari debet productio entis secundum quòd ens,
 nò per accidens sed per se. Antecedens, cum prima cõ-
 sequentia, patet ex acceptis: secunda autem ex eo
 manifesta est, quòd ens in eò quòd ens, est quid uni-
 uersalissimum, & ab omnibus assignatur pro effe-
 ctu primæ & uniuersalissimæ causæ, Vnde & dici-
 tur in lib. de causis, quòd prima creatarum rerum
 est esse: & sermo est de ente quidem, in eò, quòd ens,
 sed dependente, ut restringatur ad ens, quod causam
 habere potest, & excludatur ens, quod ad ens per es-
 sentiam se extendit. Siquidem res, quæ dependent,
 utpotè, quæ per participationem entia sunt, multis
 possunt rationibus discuti: & ut entis rationem in-
 duunt,

duūt, ens dependens, uti effectum communissimum dicunt, sicut & peripateticis notissimum est. Ergo sequitur quod illa productio sit ex nihilo, & per hoc quod illa productio sit creatio. Probatur quod sit ex nihilo, quoniam quod sit creatio, constat ex terminis, ex hoc quod primò physicorum tex.com. 76. illud dicitur fieri per se, cuius ratio non praeexistebat antequàm fieret: propter quod canis non fit per se ex cane, sed fit per se ex non cane, sicut ibi Aristoteles docet. Ergo si ens assignandū est in eo quod ens, ut effectus primæ, per se, & uniuersalissimæ causæ, necesse est quod in illius productione, entis ratio, non præcedat; & per consequens, quod ex non ente, & ob id, ex nihilo fiat. Nec ualet, si quis dicat, quod utiq; ens fit ex non ente per se, sed non ex non ente simpliciter, sed ex non ente quidem, in actu, ente uero in potentia: quoniam (præter id quod hæc fuga, rem non penetrat, eò quod ens quod fit, ens est, ut diximus, communissimum, utpote respondens communissimæ causæ, & per hoc, ens est, quod in se claudit ens, quod est in actu, & ens, quod est in potentia) constat quod restringendo rem, ad immateriales substantias, nullum potest habere colorem: quoniam nec dici, nec intelligi potest, quod entia immaterialia, ex ente fiant in potentia, & maximè eo pacto, quo aliquid ex ente fieri dicitur in potentia. Nā licet ante sui creationem, illa in potentia sint actiua creantis, licet & admitteretur quod essent in potentia

tentia obiectiua eiusdem, eo tamen pacto, quo rite potest admitti, de qua re alibi dictum fuit ad plenum: non tamen admitti potest, quod essent in potentia alicuius materiae, sicut in potentia esse dicitur, quod ex aliquo fit, antequam fiat.

Tertia ratio est. Supponatur primò, quod in Deo sunt omnes perfectiones, non solum repertae, sed & reperibiles in quibus uolueris creaturis. Patet hoc, quia est ens per essentiam, & ob id, est ipsum esse subsistens, in tota sua latitudine, & abstractione, & consequenter est habens & continens quicquid sub entis ratione comprehenditur, & propterea rerum omnium perfectiones. (Nam & omnis perfectio, secundum aliquod esse, necesse est attendatur, ut & S. Tho. docet. 1. cont. gen. ca. 28.) Imò in Deo non solum sunt omnes perfectiones repertae, seu reperibiles in quibus uolueris creaturis; sed & longè (quin & infinite) plures, quae nec sunt, nec apte natae sunt, reperiri in illis. Patet hoc, quia tantae eminentiae, tantaeque praestantiae est natura diuina, ut nullis, etiam si infinitae fuerint creaturae, adequari in perfectionibus possit: Vnde & com. 5. Metaphysicae cap. de perfecto, non modò uult in Deo perfectiones esse omnium generum, sed esse secundum excessum uel hyperbolem &c. Supponatur. 2. quod omnes perfectiones, & maxime quae sunt creaturis communicabiles, ita sunt in Deo, quod non solum omnes sunt in illius essentia, sed omnes in illius sunt intellectu,

omnes in illius uoluntate, & omnes in illius potentia creatiua, quicquid ipsa sit. Patet hoc, quia cum illa sint unum & idem, non est maior ratio, cur concedatur in uno, & non concedatur in alio: sunt tamē in quolibet, alio & alio modo, quoniam in essentia sunt in esse naturali ipsius Dei, unde & ibi habent esse diuinum, in intellectu sunt in esse intellecto, uel cognito, in uoluntate sunt in esse uolito, siue amato, & in potentia creatiua sunt in esse creabili, seu quouis modo producibili. Et hæc communia sunt, non solum Theologis, sed & uerè phylosophis. Supponatur tertio, quod in materia prima non sunt omnes perfectiones absolute, sed solū materiales, seu quod idem est, de illa educibiles, quales sunt omnes formę, quę extrahi habent de potentia eius: ut & Com. docet in pluribus locis, & maximè. 12. Metaphysicæ. com. 39. Quibus stantibus argumentor. In potentia creatiua, siue productiua Dei, sunt plures perfectiones, quàm sint perfectiões educibiles de materia prima: ergò non repugnat, aliquem effectum, posse correspondere Deo, in quò materia non communicet: ergò non repugnat, imò maximè est consentaneum, aliquid posse, ex nihilo dimanare ab eò, quòd est posse creationem admittere. Antecedens & consequentię, notę sunt ex suppositis: ut opus non sit amplius immorari. Quare cum omnes hæ rationes, ex propositionibus constent, lumine naturali acceptis, per illudq; notissimis: indubia remanet conclusio, quę pro
uera

uera sñia explicata est, ut oĩbus facillè est agnoscere.
 Verum contrà conclusionem hanc nonnullæ sunt
 obiectiones, quibus æquum est satisfacere: Et quoniã
 præcipue ex autoritatibus procedunt, phylosophi,
 & Commentatoris, quæ per se non sunt contrà deter-
 minata, & in sequentibus uendicant sibi locum, ic-
 circò ab illis abstinentes, quæ aliundè robur accipere
 possunt, paucis adducemus, ac responsiones dabimus.
 Sit ergò prima. Ex nihilo, impossibile est, aliquid per
 intellectum quæmcunq; concludi: ergò ex nihilo, im-
 possibile est, aliquid per quam uolueris potentiam
 fieri. Antecedens est notum. Consequentia uerò pro-
 batur, quia concludere opus est rationis, fieri uerò a-
 ctuæ potestatis, imò potestatis, quæ agit ad extrà:
 certum est autem, quòd ratio minus aliquo eget, in
 opere suo, quàm potestas ad extrà in suo, ergo &c.
 Secunda est, si ex nihilo, idest post nihil, aliquid fie-
 ret: indubiè, non esse præcederet esse, et per cõsequēs,
 negatio præcederet affirmationem, quod est manife-
 stè falsum, ergò &c. Consequentia sunt adeò ex se-
 ipsis notæ, ut probari illas opus non sit. Tertia est.
 Vbi distantia est infinita, ibi non potest esse trāsitus,
 de extremo ad extremum: sed inter nihil & ens, di-
 stantia est infinita, ergò de nihilo non potest transiri
 ad aliquid: ergò ex nihilo nequit aliquid fieri. Maior
 patet, quia infinitum transiri non potest. Minor ex
 terminis evidens est,

Sed his difficillè non est respondere. Et ad primam

respondetur, primò, q̄ cū concludere, ut cōceditur,
opus sit rationis, necessariò rationis motum, qui di-
scursus est, continet: ergò si quid huiusmodi conclu-
deretur obiectione, profectò concluderetur, q̄ sicut
ex nihilo non potest aliquid, ueluti per discursum
rationis concludi, ita ex nihilo nō potest aliquid fie-
ri, ueluti per motum actiue potestatis, quæ operatur
ad extrà, quod gratis conceditur: quoniam non dici-
mus q̄ ex nihilo aliquid fiat uelut per motum. (sci-
mus enim, q̄ sic dicere contradictionem concerneret,
quoniam per motum aliquid non fit, nisi supposito
mobili, cū motus actus eius sit, ut dicitur. 3. phy.
tex. com. 6.) sed per simplicem emanationem, ut in-
ferius latius declarabitur. Quare, proportionem con-
cessa, sicut ex nihilo, idest post nihilum, cōtingit ali-
quid concipi, conceptione non discursiua, sed simpli-
ci, ita ex nihilo, hoc est, post nihilum, contingit ali-
quid fieri, non uia motus, sed simplicis emanationis.
Respondetur secundò, q̄ antecedente concessio negan-
da consequentia est: quia nō procedit à simili. Nam
cū in conclusiuo discursu, principia ex quibus pro-
ceditur, conclusionem inferant uelut actiue cause,
nō mirum si impossibile est, q̄ procedatur ex nihilo,
quia nihil uim agendi habere non potest: in creatio-
ne autem, quæ est ex nihilo, nemo dicit, q̄ nihil uim
habeat agendi aliquid, cū nequeat causalitatem
actiuam induere, sed satis ei est, si dicat ordinem, ut
in præcedentibus sæpe est dictum, nec aliud est, ali-
quid

ex nihilo fieri, quàm post nihilũ aliquid fieri: ergò cõstat, q̃ consequentia nõ procedit, & propterea q̃ obiectio nihil ualet.

Ad secundam respondetur, quòd non est inconueniẽs q̃ nõ esse rei creabilis, præcedat esse rei creabilis: et cùm infertur, q̃ tunc negatio affirmationem præcederet, dicitur q̃ id potest duobus modis intelligi: altro loquendo de affirmatione, et negatione formalitèr, hoc est de enunciatione, seu propositione affirmatiua & negatiua, & hoc pacto uerum est, q̃ semper negatio affirmationem subsequitur, undè & prima nostri intellectus compositio, affirmatiua compositio est: Reliquo loquendò de affirmatione, & negatione fundamentalitèr, et hoc pacto dicitur, quòd licet absolutè loquẽdo, affirmatio negationem præcedat, & per hoc, et esse absolutè, non esse præueniat: nihilominus respectu unius et eiusdẽ, secus est. Undè et si non esse creaturæ, præcessit esse creatoris, non tñ ipsum, præcessit esse creaturæ: nã uia originis, prius est non esse creaturæ: quàm esse eiusdem creaturæ &c.

Ad tertiam, Dicitur primò, cùm S. Thoma de po. q. 3. ar. 1. Quòd ibi non est transitus simpliciter, sed similitudinariè, quia ubi nõ est motus nõ est uerè trāsitus: Secundò dicitur etiã cùm eodem, q̃ nõ entis ad ens, non est distantia infinita, nisi fortè particula, ad ens, pro ente accipiaturs infinito: Sed si pro ente accipiaturs limitato, quale est oẽ ens creabile, distantia semper est terminata ergò etc. Hastenus de. 2. parte.

Quò ad. 3. tractanda est questio de mente phylo-
sophi: In qua re sic procedetur. Primò nonnullæ af-
ferentur opiniones, quæ falsò attributæ sunt Ari-
stoteli. Secundò explicabitur uera sententia eius.
Tertiò obijcietur, & obiectionibus fiet satis.

Verùm ut processus reddatur illustrior, antè om-
nia tres conditionales præpono. Prima est. Si Auer-
roes posuit creationem, & Aristoteles posuit crea-
tionem. Probatur ex communi peripateticorum as-
sensu: cùm omnes fateantur hac in re, Auerroem
mentem philosophi assequuntur, quemadmodum &
in pluribus alijs. Secunda est. Si Aristoteles posuit
creationem, maxime illam posuit respectu sempiter-
norum entium. Probatur. Tùm quia indubiè, hæc
nequeunt produci per motum & mutationem, aliàs
non forent sempiterna, sed noua, cùm omnis motus
sit in tempore, & mutari quamuis mutationem præ-
cedat, ut constat in. 6. physicorum: Tùm quia de his
potissimum est difficultas, nec de alijs rebus dubita-
tur à philosophis, an ex nihilo productæ sint. Tertia
est. Si Aristoteles posuit creationem sempiternorum
entium, indubiè illam posuit ab æterno, & sine du-
rationis initio. Probatur. Tùm quia aliter non uerè
essent sempiterna: Tùm quia certum est, q̃ in. 8. phy-
& .12. Metaphisicæ, & motus cælorum, & cæli, et
eorum motores, statuuntur æterni, & sine duratio-
nis principio. Ex his ergò cōditionalibus summitur,
q̃ questio potissimum, imò tota, ex hoc ipso pendet:

An

An entia aeterna sint creata, siue producta ex nihilo, iuxta mentem phylosophi, & q̄ in hoc casu, pro eodem habenda est authoritas Commentatoris & Aristotelis.

Quò igit̃ ad opiniones, quattuor mihi occurrūt, quæ falsò imponuntur phylosopho: quas sigillatim perstringam, cūm fundamentis & reprobationibus suis. Prima ergò est, quæ dicit Phylosophum, non potuisse entium sempiternorum creationem, à primò principio, sed benè essentialē colligationem & connexionem illorum cūm eò, sinè omni tamen dependentia ab illo. Tria ergò dicit, ut patet: primò, quòd negat creationem eorum: secundò, q̄ ponit essentialē ordinem, seu colligationem & connexionem cūm Deo: tertio, q̄ aufert omnem dependentiam, in quouis genere causæ, illorum ab eò. Et primum quidem probat, quia Aristoteles uidetur negare, ex nihilo aliquid fieri posse: ut patet primò phy. tex. commē. 33. & in. 7. Methaphysicæ dicit, tex. com. 22. q̄ omnia, quæ fiunt ab aliquo, fiunt ex aliquo, & aliquid, &c. Com. quoq̄; 8. phy. com. 4. non solūm idem asserit, sed & dicit, q̄ si qui existimant, ex nihilo aliquid posse fieri, existimant impossibile esse posse: & primo cæli com. 109. ait, q̄ nullus ex antiquis; posuit mundum ex nihilo genitum esse, quoniam id est inopinabile, & impossibile &c. Secundum uerò, & tertium, & si opinio ista non probet, potest tñ utrunq̄; hoc pacto probari: & secundum quidem, quia. 12.

*Metaphysicæ tex. com. 51. docet Aristoteles bonū
intrinsecum uniuersi, esse ordinem, seu connexionem
entium, tūm ad inuicem, tūm ad principium primū,
non secūs ac bonum exercitus, ordo & connexio est,
tūm acierum inter se, tūm acierum ad ducem eius: et
talis ordo, ordo est essentialis, cūm sit inter rerum es-
sentias ordinatas &c. Tertium uerò probatur, quia
in numeris & figuris, constat ordinem esse essentia-
lem, & tamen non dependent ab inuicem, ut patet,
& communiter confitemur.*

*Sed contrā opinionem hanc argumentor: et maxi-
mè contra primum & tertium dictum, quoniam sc-
cundū conceditur, & ueritatem habet. Et contrā
primum quidem duabus authoritatibus Cōmentato-
ris ad præsens, quibus ostenditur, q̄ creationem ne-
gare non est ad mentem phylosophi. Et prima sum-
mitur ex. 2. de cælo com. 56. super uerba phyloso-
phi, secundū interpretationem antiquam (Natu-
ra stetit, cūm fecit stellas nō motas, quasi sciret hoc;
quod accideret ex earum motu: quapropter fuit in-
geniosa hoc ingenio, & fecit illas remanentes fixas)
ubi sic scribit Auerroes, Cūm creator posuit eas cæli
partes non motas, processit uia, qua conseruarentur
omnia, quæ sunt hic, quoniam si essent motæ per
se, necessariò corrūperent ea, quæ sunt hic: Sed crea-
tor optimè fecit, cūm posuit substantiam earum cō-
uenientem saluti eorum, quæ sunt hic, &c. Ex qui-
bus constat, q̄ factionem stellarum, esse uult à crea-
tore,*

torē, & consequentē earum productionem creatio-
nem esse: cū cælū & stellæ, aliter produci non pos-
sint. Secunda autem summitur ex lib. De structio de-
structionum. 3. disputatione: 2. dubio, & sunt uerba
Cōmentatoris: licet non sint completa, nisi in uera et
noua translatione Calo Calonymos; ait ergō. Hæc est
doctrina principis phylosophorum, idest Aristotelis,
in quibusdam libellis suis in Methaphysica. Nam a-
liqui dixerunt quomodo incepit Deus gloriosus, mun-
dum ex nihilo, & fecit aliquid ex nihilo? Responde-
mus q̄ cum sit agens, aut eius uis erit, sicut eius pos-
se, & eius posse, sicut eius uoluntas, & eius uoluntas
sicut eius sapientia: aut eius uis erit debilior eius pos-
se, aut eius posse debilius eius uoluntate, aut eius uo-
luntas debilior eius sapientia: Si autem istarū po-
tentiarum, aliæ fuerint debiliores alijs, tunc inter pri-
mam causam & nos, nulla erit differentia, & esset ei
diminutio, sicut & nobis, & hoc est maximè incon-
ueniens: Si autem erit qualibet potētiarum harum,
in ultimitate perfectionis, cū uult; potest, & cū
potest, uigoratur, & omnia in ultimitate sapiētia;
adēd q̄ reperietur actio eius, quod uoluerit, et ut uo-
luerit ex nihilo. Hæc Com. ad uerbum. Et planè ni-
hil desiderari poterit magis illustre. Contrā tertium
uerō: ex autoritatibus paritē argumētor, Aristō-
telis & Com. Et Aristotelis quidem, quia. 1. 2. Me-
thaphysicæ tex. com. 38. habet hæc uerba: A primō
principio pendet cælum, & tota natura. Ex quibus
sequi-



sequitur manifestè, q̄ non solùm æterna entia, sed & totum uniuersum, ordinem habent dependētiæ à primò ente &c. Com. uerò, quia ponit entia sempiterna, & necessaria, causata à primo principio, Deo scilicet benedicto, ut patet. 12. Methaphysicę tex. com. 51. ubi dicit, q̄ scientia Dei, causa est totius entis. Et 4. cæli com. 1. ait, q̄ entia æterna, causam habēt formalem, finalem, & efficientem, secundum similitudinem. Quæ autem sit ista causa, exprimit. 10. Methaphysicæ, ubi docet, q̄ primum ens, est primum efficiens, prima forma, & ultimus finis. Quod & repetit eiusdem. 12. com. 6. 36. 38. 41. 48. & 51. &c.

Quæ autem pro fundamentis attulit hæc opinio, facile constat, quòd nihil ualent. Et textus quidem, quos attulit pro primo dicto, siquid cōcludunt, aliud non concludunt, nisi q̄ uia motus, generationis, & mutationis, impossibile est, ex nihilo aliquid produci, ita quidem intelligendus est Aristoteles, siue Com. tam in. 1. & 8. phy. quàm. 7. metaphysicæ, & 1. de cælo: Et hæc interpretatio, conformis est dictis Auerròis. 1. de cælo, com. 20. ubi loquens de generatione cæli, sic dicit. Et dixit Aristoteles, q̄ corpus (scilicet cæleste) neq; generabile est ab aliquo (hoc est ex aliquo, ut patet ex contextu) & non dixit, neque generabile simpliciter, quoniam hæc est differentia inter opinantes, quòd hoc corpus est creatum à prima causa, & opinantes ipsum esse primam causam: q̄ scilicet opinātes ipsum esse primam causam,
opi-

opinantur ipsum, non esse generabile simpliciter, & dicentes quòd est causatum à prima causa, opinantur quòd non est generabile ab alio (id est ex alio, ut dictum est,) Et subdit, quòd si diceretur esse generabile à nullo (id est ex nihilo) & in nullo tempore, bene posset hoc institui secundum uocem, & secundum transumptionem: generabile uerò, quod est generabile ab aliquo (id est ex aliquo) quod dicitur generabile simpliciter, est terminatum tempore: Et hoc nomen generationis, est uulgariter, quod Aristoteles uult remouere à cælo. Hæc Com. Ex quibus habes, non solum distinctionem de generatione, quæ potest multis textibus & obiectionibus deferuire: sed & quod nõ repugnat cælo creari, seu generari ex nihilo, quod non intendit Aristoteles remouere. Quæ uerò pro secundo dicto allata sunt, conceduntur gratis: Quæ uero pro tertio, sunt quidem uera, sed rem declarant & non probant, ut consideranti patet.

Secunda opinio, dicit Aristotelem posuisse entia sempiterna, pendere quidẽ à primo principio in gñe finalis causæ, nõ quòad esse, sed quòad operari solũ. Quare summa eius, in tribus cõsistit: Primũ est, qd negat phylosophum creationem ponere. Et hoc eisdem fundamentis, quibus & præcedens. Secundum est, quòd ponit Aristotilem non solum uelle ordinẽ & connexionem sempiternorum entium ad primũ, & cum primo principio, sed & dependentiã eorundem ab eo, sicut à fine tantum: Et hoc suadere niti-

tur ex tex.com. 38. & 51. 12. metaphysica. Siquidē dependentia absolutē habetur in. 38. et specificatio, sicut à fine, haberi potest in. 51. Tertium est, q̄ eorum dependentia sicut à fine, non est respectu esse, sed operari, sempiternorum entium: Quod & probare satagunt ex duobus Cōmentatoris dictis in. 12. metaphysica. Et primum est com. 37. ubi habet, q̄ serui sunt propter dominum, ueluti propter finem: & quòd omnes actiones eorum propter intentionē sunt domini sui. Et subdit, similiter & omnia entia se habent cum primo principio. Secundum est com. 52. quo habet. Apparet q̄ hoc commune est omnibus intelligentijs, q̄ alia sunt propter primum: & subdit modum, & dicit. Et actiones istorum sunt ergà illud unum, quemadmodū omnia sunt in domo, propter dominum domus. Ex istis igitur argumentantur: Entia sempiterna pendent à primo, sicut serui à domino, sed illi à domino non pendent in esse, sed tantūm in operari, ergò &c.

Sed contrā hanc opinionem, & maximē contrā secundum & tertium dictum, afferō Cōmentatoris uerba, similiter ex duobus locis. Et primo ex lib. De structio destructionum, disp. 3. ubi soluens decimum octauum dubium, propē finem sic dicit: Amplius, declaratum est à phylsophis, quòd id quod dat finem entium separatorum à materia, est illud met, quod dat eis esse: Forma enim et finis, unum et idem sunt, in hac specie entium: ergò illud, quod dat finem entibus

tibus, illudmet dat formam, & quod dat formam, est agens, ergo quod dat finem, est agens. Apparet igitur quod principium primum istorum omnium, est principium sicut agens, & forma, & finis. Hæc ille. Ex quibus rejicitur utrumq; dictum: Et secundum quidem, quia manifestè traditur, qd dependentia illa, non solum est in genere finalis causa, sed etiã efficientis: Tertium uerò, quia dicitur expresse, quod non modò dependentia est in operari, sed etiam est in esse. Secundo ex lib. de substantia orbis. 2. cap. ubi dicit. Quod cælū, uirtute indiget largiente sibi esse, & permanētiam. Ex quibus habes, quod aliquod æternum, pendet à primo ente, non solum in operari, sed etiam in esse. Nec euaditur, si quis dixerit quod illud esse, idem est qd operari, siue moueri: quoniam distinguit in eodem capite Com. dependentiam cæli sicut à mouente, à dependentia sicut ab agente. Unde et dicit. Videmus cælum habere unam uirtutem, non solum mouentem, sed largientem esse, & conseruantem. Et paulopost. Et cum ignorauerunt hoc quidam de opinione Aristotelis, dixerunt ipsum non dicere causam agentem, sed causam mouentem tantum; & illud fuit ualdè absurdum, &c. Alia adduci possent, sed hæc modò sint satis.

Ad ea autem, quæ adducta fuerunt pro secundo, & tertio dicto, huius opinionis, facile dici potest, propterea qd negari non possunt à Peripateticis, si eo pacto summuntur, quo dicuntur ab eis. Siquidem nec à
phy-

phylosopho, nec à Commentatore, cum dictione exclusiua dicta sunt: sed dicta sunt absolute. Quare cōcedimus q̄ æterna entia, dependent à primo ente, sicut à fine: sed non propterea dicimus (sicut nec illi dicunt) q̄ dependent solum sicut à fine. Fatemur similiter, q̄ dependent ab eo in operari, sed non tantum in operari, quia etiam ab eo dependent in esse: nec oppositum in dictis locis habetur.

Tertia opinio, dicit pariter Aristotelem tenuisse æterna entia, à primò pendere principio, & ab eò causata esse, in genere solum causæ finalis: sed additalem dependentiam, non modò dependentiam esse in operari, sed etiam in esse. Vnde & pariter in tribus dictis consistit. Primum est, q̄ Aristoteles creationem non posuit. Secundum est, q̄ sempiterna entia dependent à primo in genere finalis causæ, & hæc eisdem fundamētis, quibus & præcedens. Tertium est, (& in hoc à præcedenti secernitur) q̄ dicta dependentia, est secundum esse, et non solum secundum operari. Et hoc nititur declarare, et pluribus rationibus suadere. Et declaratio est, quia ex. 2. phy. & 5. Methaphysicæ, finis est prima & potissima causa, imò & causarum omnium causa: ex quò sequitur, q̄ omnes causas precedere habeat, & per hoc q̄ in sua causalitate à nulla aliarum dependeat, & ob id, q̄ possit effectum causare, sine alijs causis, nisi aliundè impedimentum accedat. Quo stante, modum subdit, quo debemus concipere, sempiternorum entium dependentiam

pendentiam à primò ente, in genere finalis causæ, & est: quòd intendente Deo, entia sempiterna producere, imò et omnia, quæ creabilia sunt, mox in illo prior, in quo causa finalis, præcedere habet efficientem, emanauerūt ex eò, siue ab eò, sola emanatione causæ finalis, & ità non expectata causalitate efficiente, simpliciter prodierunt in esse; non tamen eo pacto, q̃ mox emanauerint omnia creabilia absolute, quia nō emanauit motus, non quoduis generabile & corruptibile, sed tantum æterna ac permanentia, hoc est intelligentiæ, cæli, & quæ sunt de essentiali consistentiâ uniuersi: cuius ratio est, quòd æterna tantum entia, finali possunt causalitate esse contenta, cum ex alio non possint educi, uel extrahi, reliqua autem, præter causalitatem finalem, exigunt efficientem, eò quòd de potentia ad actum educibilia seu extrahibilia sunt. Suasio est, ex quàm pluribus dictis Auerrois: Verū quia potissimā sunt, quæ paulò antè, contrà secundam opinionem adducta sunt, et reliqua nō sunt multi momēti, iccirco aliter nō immorabimur. Sed contrà opinionem hanc argumentor, et maxime pro ea parte, quòd æterna entia, pendent à primò solūm, in genere causæ finalis, & non in genere causæ efficientis, ostendens quòd etiam pendent effectiue: licet non medio motu, aut mutatione, sed eminentiori modo, hoc est, per emanationem simplicem, ut paulò post explicabitur. Et primò argumētor ex Cōmētatore, de substantia. 2. cap. Vbi habet, quòd finis signi-
ficat

ficat agens, necessaria significatione. Ex quo sequitur quòd si aeterna entia pendent à primò ente finalitèr, quòd pendent etiam effectiue. Confirmatur, quia in separatis à materia idem est agens & finis, ut idem docet. 12. Methaphysicæ com. 6. 36. & 45. & constat quòd ens primum, ens separatum est ab omni materia. Nec potest responderi, ut uult respondere Greg. de Ari. 2. d. i. q. i. qui hanc opinionem habet, quòd agens dicitur duobus modis, altero propriè, & secundum ueritatem, & tale est cum motu, & diffinitur principium unde motus, & hoc pacto distinguitur ab alijs causis: altero impropriè, & secundum quandam similitudinem, & hoc modo, omne quod est causa, propter quam sequitur effectus, illius potest agens appellari, & ita ab alijs non distinguitur causis, & præsertim à forma et fine. Et potest hæc distinctio accipi, ut dicit ex Commentatore. 4. de cælo com. i. ubi dicit, quòd res aeternæ, non habent agens, nisi secundum similitudinem, & quòd ex quatuor causis non habent nisi formalem & finalem causam. Non potest inquam, sic responderi, ut dicatur quemadmodum ille subdit, quòd uerba Commentatoris suprà adducta, de agente uerificentur impropriè, ac iuxta similitudinem sumpto: quoniam & si conceditur, quòd uerba eius, uerificari non egeant de agente per motum, egent tamen ut uerificentur de agente, cōdistincto formæ & fini: cōdistincto inquam, saltè secundum rationem formalem, quod proposito

sito sufficit. Et hoc ex eo conuincitur, quia Com.
 in de substantia orbis, post ea uerba, immediatè su-
 biungit, quòd finis agens significat, significatione
 necessaria, sicut motum significat mouens. Patet
 autem, quòd distinctio est inter mouens & motum;
 & per hoc & distinctio erit inter agens & finem:
 & si perspicacius consideratum fuerit, talis inueni-
 tur distinctio inter agens & finem, qualis inuenitur
 inter mouens & motum. Nam & finis mouet agēs
 necessariò: in quo & prærogatiua eius consistit, qua
 reliquis præponitur causis. Nec eadē distinctione,
 alia potest labefactari authoritas, ex. 12. sumpta:
 quoniam Commentator eò loci, rationem agentis,
 distinguit à ratione finis, dum uult quòd idem sint,
 primum efficiens, prima forma, & ultimus finis;
 idem planè subiecto, & si non idem secundum esse:
 propter quod & primò phy.com.i. dicit, q̄ scientia
 diuina, considerat tria causarum genera, scilicet
 motorem, formam, & finem: & constat, quòd diui-
 nus non considerat motorem primum, ut producen-
 tem per motum, quia hoc pacto consideratur à na-
 turali, quemadmodum & spectat ad eum, ut idem
 docet. 12. Metha. com. 5. Oportet autem & Greg.
 hanc doctrinam recipere, eò quòd ubi suprà. 2. ar.
 q. 1. declarans Commentatoris uerba ex. 12. com.
 41. in quibus habet quòd cælum à duplici mouetur
 motore, ait quòd illud uerum est, quòd ad diuersas
 mouentis dispositiones, scilicet in genere causæ effi-

D cientis,

cientis, & in genere causæ finalis. Vnde uult quòd
idemmet mouens, secundum aliam & aliam mo-
uendi rationem, sit agens & finis, & secundum q
agens, sit motionis finitæ, & secundum q finis, infi-
nita. ergò alia erit ratio causæ finalis, & alia erit
efficientis, tametsi nonnunquam sint idem subiecto,
& secundum rem &c. Secundò argumentor ex uer-
bis eiusdem in. 12. com. 44. ubi contra Auicennam
dicit, quòd in intelligentijs non est actio, nec passio,
nec consequutio, nec prouetus, ita ut una actio &c.
sed est illic causa & causatum, secundum quòd in-
tellectum causa est intelligentis, &c. Ex quibus
argumentari potest. Intellectum non est causa fina-
lis intelligentis, sed ipsum intelligere: ergò alia est
dependentia intelligentiarum à primò ente, quàm
finalis. Antecedens est notū, quia intellectum que-
ritur propter intelligere: cōsequentia est manifesta
ex terminis. Posset & alia formari ratio, ex eodem
tex. quia intellectum, effectiua uidetur causa intel-
ligentis, ut intelligens est, eò quòd. 3. de anima tex.
com. 54. obiectum mouet effectiue, &c. Ad ea au-
tem quæ hæc opinio adducit pro se, facile dicitur
admittendo quòd uera sunt, sed non concludunt in-
tentum: quia etsi dependentiam concludunt à cau-
sa finali, non tamen dependentiam sufficienter ex-
cludunt à causa efficienti, ut consideranti patet.

Quarta opinio est, quæ asserit ad mentem Ari-
stotelis & Commentatoris aliqua quidem entia
sem-

sempiterna, à primò ente effectiue producta, et cõsequenter creata, utputà cælos: aliqua uerò nõ effectiue producta, sed solùm in genere finalis causæ dependentia, utputà abstractas intelligentias, quas asserit increatas. Et utrunq; nititur suadere: & quòd cæli quidem sint effectiue producti, ex uerbis probat Cõmentatoris, & maximè in de substãtia orbis, quia scilicet uirtutem habent largientem esse. Quòd uerò intelligentiæ non sint productæ, ex. 2. probat Methaphysicæ tex. com. 4. ubi phylosophus præmissa quòd illud quod est maximè tale, in quouis genere, causa est omnium aliorum, subdit: Quapropter principia semper existētium, esse uerissima necesse est, nec illis est causa aliquid ut sint, sed illa alijs. Et planè loquitur de causa efficiente. Cõmentator quoq; addit, in eodem loco, q̃ principia semper existentium, principia sunt cælestium corporũ. putà motores eorum. Ergo motores cælestes, seu intelligentiæ abstractæ, non habent causam effectiua.

Sed contrà hanc opinionem, unica argumentor ratione, fundata in uerbis Auerrois. 2. Methaphysicæ com. 4. non quidem improbando primam partem, cælos scilicet, esse productos, sed secundam, intelligentias scilicet, non esse productas siue creatas. Et argumentor hoc pacto. Dicit Commentator ibi hæc uerba. Manifestum est, quòd si est prima causa omnium entium, prout declaratum est in scientia naturali, quòd illa est causa magis digna, & in esse

62
Et in ueritate, quàm omnia entia : omnia enim entia nō acquirunt ueritatem Et esse, nisi ab ista Et c. Quibus si adiungas, ex concessio ab ista opinione, qd eò loci, sermo est de causa effectiua, ut patuit, sequitur indubitanter, quòd etiam intelligentiæ sint effectiue productæ : quare Et c. Ad ea autem, quæ ex uerbis Auerrois adducta sunt in cōtrarium, cōstantèr dicitur, quòd noluit somniare Commentator, principia cælestium corporum, et maxime aliorum à primò, hoc est intelligētias ipsas, esse improductas, ne sibi in paucis uerbis turpiter cōtradicat; quippè qui, paucis interiectis, asserit unū esse principium, quod effectiue producit omnia entia. Sed per principia cælestium corporum, primum intelligit agens, supræmam formam, Et ultimum finem, quæ unum sunt subiecto, ut. 12. explicat Methaphysice com. 6. Ex quibus, uelut ex principijs, sunt cælestia corpora, Et omnia alia. Nec accipit Commētator eò loci cælestia corpora, exclusis ab illis assistētibus intelligentijs, sed inclusis : propter quod indubiè non est pro illa opinione, sed contra illam, si benè examinetur Et c.

Obmisi uolens adducere opinionem Baconis, qui uult quòd Arist. et Commētator, in hac re sibi met contradicant, eò quòd indigna uisa est recitatione. Quare hæc de opinionibus satis.

Quo ad ueritatem procedetur hoc modo. Primò declarabitur uera sententia Aristotelis, ostenden-
do

do illum sempiternorum creationem tenuisse: Secundò explicabitur modus, quo posuit sempiternorum creationem fieri. Tertiò satisfiet si quæ emerferint difficultates. De primo sit ista conclusio. Necessarium est secundum mentem phylosophi creationem ponere saltè sempiternorum entium, & ab æterno. Conclusio (ut constat) tres habet particulas. Prima est. Necessarium est, ad mentem Aristotelis creationem ponere. Secunda est. Quòd hoc saltè uerum est, respectu æternorum entium. Tertia est. Quòd illam posuit ab æterno. Quarum particularum postrema, satis ex supradictis habentur, & maxime in conditionalibus in principio huius partis, uti præambulis positis, ac declaratis: adeò ut ultra imorari non sit opus. Quare totus labor erit in statuenda prima particula, quam conabimur tribus rationibus stabilire.

Prima ergò ratio est. Illud quod est maxime ens, per se causa est essendi cæteris entibus, secundum mentem phylosophi: ergò primum ens (quod Deus est) per se causa est effectiua omnium entium: ergò necesse est, ad mentem phylosophi, admittere productionem ex nihilo: ergò & creationem. Antecedens habetur, nedum uerbatim ab Arist. 2. Methaphysicæ tex. com. 4. sed & declaratur ab eò in eodè loco, ubi assummit, quòd sicut in unoquoq; genere datur primum, quod est maxime tale, & est per se causa reliquis eiusdem generis, quòd sint talia, si-

cut inquit, in genere calidorum datur maximè calidum &c. ita reperitur, ut subdit, & in genere, seu latitudinè entium &c. Prima cōsequentia probatur. Et quia in consequente includuntur tria, scilicet primum ens, quod est Deus, esse per se causam, & causam esse effectiuam, iccirco debent singula ex antecedente deduci. Et primum quidem deducitur ex hoc, quia maximè ens, & primum ens, & Deus, idem sunt. Secundum uerò similiter, quia primum ens, siue Deus, idem sunt, quod causa prima, ut etiam ibi Commentator tangit: ergò causa sunt per se. Patet istud: quia nisi causa essent per se, causa essent per accidens, et sic non essent causa prima, cum omne per accidens reducatur necessariò ad per se. Tertium demùm ex hoc, quia si causa sunt per se, aut sunt effectiua, & habetur intentum, aut finalis, uel formalis (nō enim possunt esse materia) Sed cum ista necessariò implicent efficientem saltem ex necessaria connexionè, habetur indubiè quod intendimus. Quòd autem causalitas finis, & formæ, sinè effectiua esse non possit, præter ea, quæ dicta sunt suprà in secunda parte, etiam hoc pacto probatur. Et de finali quidem patet, quia ubicunq; diffiniuit eam phylosophus, sicut est. 2. physi. tex. com. 29. 2. Methaphysicę tex. com. 8. & 5. eiusdem tex. com. 2. semper in illius diffinitione posuit agēs. Nam dicit quòd finis est, cuius gratia operatur agens: ergò intèr agens & finem, & è conuersò necessaria

cessaria connexio est. Et confirmatur ex *Commentatore*. 2. cap. de substantia orbis, qui ait, finem significare agentem significatione necessaria, sicut & motum significat mouens. Et *com.* 6. & 36. 12. *Metaphysicæ* habet, quod in separatis à materia idē est agens & finis, sicut & in præmissis adduximus. De formali uerò, hoc est exemplari, quia illa esse non potest causa prima, sed necessariò præsupponit agentem & finem: præsupponit inquam, agentem, quia est, ad cuius similitudinem aliquid ab agente fit: præsupponit uerò finem, quia omne agēs, propter finem agit: ergò & c. Secunda autem consequentia, quæ dicit. Ergò necesse est ponere creationē ex nihilo etc. probatur. Quia si ponitur primum ens per se causa entium, quatenus entia sunt, necesse est quod illa per se causentur ab eò, quoniam à causa per se, provenire habet effectus per se, ut. 2. summitur phy. & 5. *Metaphysicæ*: ergò opus est, quod rō entis effecti, quatenus ens, non præcesserit, iuxta doctrinam philosophi. 1. phy. tex. com. 76. ergò relinquitur, quod præcesserit nihil, ergò productio fuit ex nihilo: & consequenter creatio & c.

Secunda ratio fundatur in dictis *Auerrois*, & est hæc. Habet *Commentator* in lib. *Destructionum* disp. 3. in solutione. 18. dubij, quod omnis intelligentia, quæ aliquid intelligit extra se, causata est. Habet & in. 12. *Metaphysicæ*, com. 44. quod intelligentiæ quæ mouent orbem, intelligunt

motorem primum, & ei cupiunt assimilari: ex quo sequitur quòd causatæ sint. Tñ quero, aut causatæ sunt à causa materiali, & hoc constat quòd nō, aut ab efficiente, aut finali, uel exemplari, & habetur intentum: ut patet ex supradictis. Nec ualet si quis dicat, quòd intelligentiæ aliquid intelligentes extrà se, causatæ quidē sunt, respectu non sui esse, sed sue intellectiōis: quoniam hoc siue uerum, siue falsum sit, sinē dubio Commentatoris dictis non satisfacit, propterea quod in substantijs à materia separatis, secundum illum, nullum est accidens: ut patet. 12. Metha. com. 25. sed quicquid in eis est, earum substantia est, & ita suum intelligere earum est esse: et propterea si secundum intelligere causatæ sunt, & secundum esse causatæ sunt.

Tertia ratio, ex dictis pariter accipitur Cōmentatoris, quæ superius allata sunt, reprobando opinionones, quæ falsò attribuebātur Aristoteli: & præsertim contrà primam, ubi adduximus auctoritates ex com. 57. 2. de cælo, & ex lib. Destructionum, in disp. 3. & solutione. 21. dubij, ex quibus quàm perspicuè habetur creatio de mente phylosophi.

De secundò, hoc est de modo, quo creationem posuit Aristoteles, hoc ordinè dicendum est. Vt primò asseratur modus, quo illam imaginatus est Auicenna. Et deindè modus, quo illam tradidit Commentator. Auicenna itaq; ut patet. 9. Methaphysica
sue

sue, imaginatus est à primò ente, Deo scilicet bene-
 dicto, eò quòd summè unicus, summeq; simplicissi-
 mus est, non posse nisi unum, & solum aternorum
 procederè, eò quòd ab uno inquit, quatenus unum,
 nequit procedere nisi unum. Vnde putavit quòd
 Deus benedictus intelligendo se, unico ac simplicis-
 simo modo, quemadmodum & diximus, quòd uni-
 cus ac simplicissimus est, producat extrà se, intelli-
 gentiam primam: Quæ producta, cum necessario a-
 liquam compositionem habeat, eò quòd actum ac
 potentiam, quodammodo includit, & ob id non nihil
 pluralitatis admittit, sicut potest plura intelligere,
 ita potest & plura immediatè producere. Vnde si
 consideretur, ut intelligit Deum, sic producit, in-
 quit, intelligentiam primi orbis, si ut intelligit se, ex
 parte, qua potentiam continet, producit primum
 orbem, si ut intelligit se, ex parte, qua actum habet,
 producit animam eius. Et sic proportionè sua, dicit
 de subsequentibus. Siquidem intelligentia primi
 orbis, intelligendo Deum, producit intelligentiam
 secundi orbis, putà Saturnum, si ille secundus est
 orbis, intelligendo se ex parte potètiæ, producit or-
 bem Saturni, & intelligendo se, ex parte actus,
 producit animam eius, & ita deinceps. Hunc dicen-
 di modum tum in se, tum in fundamento suo iure
 reprobatur Commentator. 12. Metaphysicæ com.
 44. Et in se quidem, dicens quòd talis sermo, non est
 verus, sed imaginarius, quia inquit, nō est illic pro-
 uentus,

uentus, nec consequutio, nec actio, ita ut dicamus
quod una actio sequatur agentem. In fundamento
uerò, quia dicit quod est debile, eò quod potest faci-
le dissolui à quouis exercitato in sciētia Methaphy-
sica. Subdit postmodum suam opinionem, de qua
paulò post. Nunc autem quia Commentatoris uer-
ba (non est illic prouentus, nec consequutio &c.)
unū de præcipuis sunt fundamētis, quibus utuntur,
qui asserunt ad mentē phylosophi & Commenta-
toris, intelligentias à Deo non esse effectiuē produ-
ctas, præstat illa diligentèr excutere, ut uideamus
sensum Auerrois. Siquidem non intendit renuere,
si rectè perspicitur, intelligentias effectiuē produ-
ctas absolutè, sed esse eo pacto productas, quo ima-
ginatus est Auicenna. Vndè non dixit absolutè, nō
est ibi prouentus &c. Sed dixit cū limitatione,
ita scilicet, ut subdit, ut dicamus quod una actio
sequitur agentem. Quod perinde est, ac si apertius
diceret, nō est ibi prouentus &c. eò pacto, quo Aui-
cenna esse posuit. Vel (& idem est) non est ibi tali
modo, quod una actio sequatur agentem. Nimirū
quia talis prouentus &c. non conuenit nisi agenti
naturali, & non agenti per modum intellecti, uel
intelligentis &c. Quod etiam ex subiectis in eodem
com. fit clarius. Subdit enim. Mos autem, qui est in-
tèr modernos in dicendo quod à tali motore proue-
nit, aut consequitur, aut procedit talis motor, aut
talìa uerba, nō uerè intelliguntur de principijs istis
abstra-

abstractis: Omnia enim ista dispositiones sunt agentium superficietenus, & nō uerè. Et adiungit. Ab agente quidem, aliud non prouenit, nisi extrahere ad actum quod erat in potentia: Sed illic non est potentia, undè neq; agens: tantum illic est intellectus, & intellectum, perfectum & perficiens &c. Ex quibus palam quod nō intendit excludere qualem-cunq; prouentum, & consequutionem, sed intendit excludere, tum ineptum loquendi modum, quo usus est Auicenna, tum falsam imaginationē eius, cum ista non fiant modo naturæ, sed modo, quo aliqua fiunt per intellectum, & intelligentem. Præter id quod illa uerba, prouentus, consequutio &c. secundum cōmunem acceptionem, ad agentia applicanda sunt naturalia, quæ scilicet habent extrahere, et secundum famositatem reputantur agentia uera.

Sed ad propositum redeo. Commen. igitur postquam reprehendit Auicennam, modum subiicit, quo præfatam productionem, seu creationem debeamus concipere, & dicit. Tantum illic causa est & causatum secundum q̄ dicimus, Intellectum esse causam intelligentis, & addit. Et cum ita sit, impossibile non est, ut illud, quod est per se intelligentia, & intellectus, causa sit plurium entium, secundum quod ex eo multi intelliguntur modi: & aliquibus interiectis adiungit. Tantum enim illic est intellectus, & intellectum, & perfectum & perficiens, quemadmodum artificia perficiuntur abinuicem in

hoc

hoc, quòd accipiunt principia, & omnia reducuntur, ad accipiendum sua principia, ab artificio uniuersali continenti ea &c. Et ut res sit magis illustris, considerandum ex doctrina Alberti. 12. metaphysicæ, quòd intelligentiæ artes essentialiter sunt, & opifices, ut earum instrumenta, corpora scilicet cælestia euidenter ostendunt. Constat autem inter artes talem inueniri ordinem, & processum, quòd communis & principalis, artes causat subseruientes sibi: causat (inquàm, & exemplariter, & effectiue) partialiter saltèm, prout diuersis modis imitabilis est. Exempli gratia. Militaris ars, causat equestrem, & frenesactiuam, et si quæ aliæ, sub ea sunt, prout hoc, aut illo modo imitabilis est. Propter quod & illæ formant, faciuntq; operationes suas, proportionatas & accommodas militari. Quare et Deus gloriosus, qui prima est & uniuersissima ars, ut Commentator testatur, loco quo suprà, non mirum si reliquas causat intelligentias, quæ minus uniuersales artes sub ea sunt, prout aliter & aliter ab unaquaq; imitabilis est. Vnde ut hoc pacto imitabilis, putà per talem artem, qualis est ars Saturni, intelligentiam causat ipsius Saturni, eamq; primò & per se, & ex consequenti animam, & orbem Saturni. Vt autem imitabilis per talem, qualis est ars Iouis, causat intelligentiam Iouis primò & per se, & ex consequenti animam & orbem Iouis: causat inquàm, non solum exemplariter, sed finaliter & efficien-

efficienter, idq; non partialitèr, sed totalitèr. Et quidem quòd causet exemplaritèr, satis constat, cum in eo quòd immitabilis causet: quòd uerò finalitèr, etiam patet, quia causat ad subserviendum sibi: quòd demùm efficientèr, ex hoc cõuincitur, quòd apud nos ars communis, effectiuè artes causat speciales. Siquidem militaris causat equestrem, dum uidemus militem instruere, & equitem, & facientem frenum, &c. Sed benè uerum est quòd apud nos ars communis, effectiuè causat speciales, nõ quidem totalitèr, sed partialitèr, eò quòd non potest specialis ars, in intellectu causari alterius, nisi concurrente lumine intellectus agentis: At ars diuina causat artes, quæ intelligentiæ sunt, ex toto, quia artes sunt subsistentes in se, & non accidentia in aliquo intellectu recepta, quæ requirant causam intellectum agentem. Hanc causalitatem triplicem satis insinuauit Auerroes, in suprà positis uerbis. Et exemplarem quidem, cum dixit quòd impossibile non est, quòd id quod per se est intelligentia, & intellectum, causa sit plurium entium, secundùm quòd ex eo multi intelliguntur modi. Nam ars diuina, quæ per se pura intelligentia, et purum intellectum est, secundùm quòd intelligitur à se, imitabilis pluribus modis, & fit, & est exemplar plurium specialium artium: Effectiuam uerò, cum addidit, quòd illic non est tantùm causa, & causatum secundùm quòd intellectum (hoc est ars communis, intellecta;

& sine dubio practica intellectione) causa est intelligentis, hoc est artis, seu artificis specialis subseruiantis sibi. Ars enim & artifex in separatis, idem sunt, quoniam in illis abstractum & concretum idem est. Vbi & perspicere potes, quod Auerroes non modo insinuare uoluit causalitatem actiuam, sed & exprimere causalitatis eius modum, imò quasi supponens causalitatem actiuam artis primæ, respectu artium specialium, edocere uoluit, propriū esse causalitatis modum, sicut intellectum, practice causa est artificij. Est ergo sensus, quod prima & uniuersalissima ars, eo modo producit intelligentias, quo modo intellectum, practice producit artificium, Et quia in proposito productū artificium abstractum est à materia, & subsistens in se: & omne tale intelligens est, ut dicitur. 3. de anima tex. com. 16. iccirco dicit, sicut intellectum causa est intelligentis. Finale denique in uerbis eiusdem commenti, quæ subdit, Illud (inquit) quod intelligit motor corporis cæli de primo motore, & est causa in anima cæli, aliud est ab eo, quod intelligit ex eo motor orbis Saturni, & similiter de unoquoque aliorum. Scilicet quod perfectio uniuscuiusque eorum est, intelligendo causam primam & propriam, & secundum hoc omnes motus eorum, idem intendunt, scilicet ordinem totius. Hæc Commentator. Vbi manifestè sermo est de causa finali, ut faciliè constat. Multa alia & pulcra & in hac materia consideranda ponit

nit in eodem. 44. commen. quæ si placet, ibi require: illud tamen hoc in loco non transeo, quod non est de mente philosophi, & Commentatoris quod una intelligentia, producta sit, antè aliam, aut una anima, uel unus orbis, antè aliam animam, uel alium orbem. Nec quod pluribus intellectibus, plures productæ sint intelligentiæ, secundum quod pluribus modis prima ars est imitabilis, &c. Sed mens eorū est, quod omnes intelligentiæ, orbis, & ipsorum animæ, productæ sint simul, & unica ac simplicissima intellectuione, quæ Dei substantia est, imò ipsa Deus est. Hæc de modo sint satis.

De tertio autem, hoc est de difficultatibus, tres emergunt dignæ, ni fallor, consideratione & resolutione. Prima est. An apud Aristotelem ea intellectuio, qua Deus intelligit imitabilem se hoc, aut illo modo, formalitèr ipsa sit productio, seu intelligentiarum creatio: an uerò ipsa productio formalitèr alius actus sit ab intellectuione, putà actus uoluntatis, uel creatiue potentiæ: & rursùm an ille actus, quicumque sit, liber an necessarius sit, stando semper in principijs Aristotelis, & Commentatoris.

Secunda est, an possit ullo pacto admitti apud Aristotilem creationem nouam, sicut apud illum admissa est æterna.

Tertia est. An, sicut conceditur creatio ad mentem philosophi, ita & concedi possit anihilatio ad mentem eius.

Ad

Ad primam difficultatem breuibus satisfi, considerantibus maxime tria. Primum est, quod licet quaecunq; sunt in Deo, sint idem, quia sunt simplicissimus actus, imò sunt ipse Deus, sicut tamen intellectum in illo formaliter distinguimus à uoluntate, & uim creatiuam formaliter distinguimus ab utrisq; ita & formaliter debemus distinguere actus eorum proprios, hoc est, intelligere ab ipso uelle, & creare, à uelle & intelligere. Secundum est, quod ipsa creaturarum productio, actus est intellectus practici, quia ipsa intellectio est, qua Deus intelligit imitabilem se, &c. Est (inquàm) actus intellectus practici, sed directiuè: est & actus uoluntatis, puta consensus, uel electio &c. sed imperatiuè, seu motiuè, si maius. Est deniq; & actus potentie creatiuæ, sed executiuè. Tertium est quod creatio siue actus ille, per quem res esse accipiunt, non est naturalis simpliciter, nec liber simpliciter, sed altius quid, & eminentius perfectionem continens, modi causandi naturaliter, et causandi liberè: licet apud peripateticos necessitatē uideatur annectere. Hæc tria non sunt ignota phylosopho, imò et posita sunt ad mentem eius. Et primum quidem habetur. 12. Methaphysicæ com. 39. ubi Commentator ponit attributorum multipliciter in Deo. Secundum sumitur ex dictis eiusmet, ubi supra com. 44. ubi dixit Deum esse uniuersalissimā artem, ex qua aliæ, quæ sunt speciales, emanāt. Constat autem quod emanatio

manatio ab arte, non est sine opere intellectus, unde
 & artem posuit intellectam: nec sine uoluntate,
 imò necessariò concurret ad practicam produktionem:
 nec quoq; sine executiua potestate, ut manifestum est:
 ex quibus indubitanter accipitur, quòd actus trium prædictarum potestatum concurrunt.
 Et si rem adhuc clariorem desideras, recole Cõmentatoris uerba, ex lib. Destructio destructionũ disp. 3. in solutione. 2. dubij, quæ & superius in secunda quæstionis parte, contra primam opinionem, allata sunt: & uidebis quàm expressè ponat potentiam creatiuam, uoluntatem, & sapientiam necessariò ad creationem concurrere. Quòd autem cõcurrant modo, quo diximus, dirigendo, mouendo, exequẽdo, palàm est ex his, quæ constantèr admittimus in mouentibus per intellectum, & uoluntatem. Tertium deniq; trahitur. Et ex his, quæ Commentator scripsit. 1. 2. Methaphysicæ com. 5. 1. ubi habet q. scientia Dei, nec est uniuersalis, nec particularis, sed nobilius quid: Et clarius, & expressius ex his, quæ scripsit in lib. Destructio destructionum, disp. 3. in solutione primi dubij, ubi dicit, quòd Deus non est agens naturalitèr, nec per uoluntatem, loquendo proprie, sed alio modo, qui est excelsus ualdè, ut dicitur in eodem lib. disp. 1. dubio primò. Consonat & hoc tertium rationi, quia sicut Deus, si proprie loquimur, non est intelligens, sed super intelligens, non est intellectus, sed super intellectus: ità nec est uolens, sed

E super

76
super uolens, nec est producens, sed super producēs
&c. Quòd autem in rerum creatione, Aristoteles
necessitatem posuit interuenire, adeò quòd illam
Deus non potuit remorari, patet ex consensu om-
nium Peripateticorū: Et meo quidem iudicio, ideò
factum est, quia Deum posuit ipsam bonitatis es-
sentiam, cui non uidebatur consentaneum, remora-
ri posse effluxum, seu communicationem sui.

Ad secundam difficultatem oporteret multas
excutere quæstiones, ut plenius tractaretur. Nàm
potissimum introducta est propter animam intelle-
ctiuam, quæ de nouo uidetur creari, cum ab Ari-
stotele in lib. de animalibus de foris dicatur adue-
nire. Si quidem opus esset tractare, an producta sit
ab æterno, ut dicūt qui circulum statuunt anima-
rum, an multiplicetur iuxta numerum indiuiduo-
rum, & ita de pluribus alijs. Quare satis sit condi-
tionalitèr respondere. Dico itaq; quòd si anima in-
tellectiua, apud phylosophum de nouo producitur,
creatio potest apud illum de nouo quodam pacto
concedi: & hoc non indiget probatione, solùm ani-
maduerte, q̃ non sinè causa non dixi simpliciter,
sed aliquo pacto: quoniam diceret fortè quis, quem
admodum dicit Scotus. 4. distin. 43. q. . . quòd an-
tecedente illius conditionalis concessio, creatio non
infertur simpliciter, sed solùm secundum quid, &
aliquo pacto, eò q̃ anima non admitteretur crea-
tionis terminus per se primò, cū nō sit suppositū,
ad

ad quod creatio neceſſè eſt, ut per ſe primò termi-
netur.

Ad tertiã dicitur, quòd Ariſtoteles annihila-
tionem non concederet, quia, ut dictum eſt, neceſſa-
rium ponit creaturarum effluxũ à Deo, quia ipſa
bonitatis eſſentia eſt. Haſtenus de ueritate.

Quo ad obiectiones. Et ſi multa obijci poſſent,
tria tamen ſolũ obijcimus, quæ (ſi non fallor)
uidentur potiſſima. Et primum eſt, apud Ariſto-
telem aliud non datur agens, ſeu producens ad ex-
trà niſi per tranſmutationem et motum, ergò apud
illum non datur agens, ſiue producens ex nihilo, nec
conſequentèr creatio. Conſequentiæ notæ ſunt. An-
tecedens probatur, tũ quia ubicunq; potentiam
deſſiniuit actiuam, ſiue in phyſicis, ſiue in Metha-
phyſicis, ſemper dicit, quòd p̄incipium eſt trãſmu-
tandi aliud, in quantum aliud: tũ quia primò de
generatione tex. com. 45. dicit quòd omne agens a-
liquid, agit illud per motum. Et Commentator. 12.
Methaphyſicæ com. 44. dicit quòd ab agente nihil
prouenit, niſi extrahere illud ad actum, quod eſt in
potentia: quod non fit, ut patet, niſi media tranſ-
mutatione.

Secũdũ eſt quia. 1. de cælo tex. com. 111. 112. et
113. docet q̄ omne genitum eſt corruptibile, et ſum-
mitur genitum ſecundũ quod oppoſitum eſt inge-
nito, de quo et ibi ſubdit, q̄ illud dicitur ingenitum,
de quo non fuit uerum prius dicere: nō eſt, & poſt-

ea est. Similiter & docetur ibidem, q̄ omne eternū est ingenum. Ergo sequitur, q̄ non datur creatio. Et confirmatur. Quia genitum & corruptibile, & ingenum & incorruptibile, apud Aristotelē habent coincidere, ut in eodem loco.

Tertium est, quia omne productum ab alio, non est necessarium ex se, sed ex se possibile est, ut haberi potest. 12. methaphy. ab Auerroee, com. 41. Aeterna autem, qualia sunt intelligentia, & cœlestia corpora, necessaria sunt ex se, ut ibi Commentator docet, ergo non sunt producta ab alio &c.

Ad hæc breuibus respondetur: & ad primum negatur antecedens, imò dicimus, q̄ apud Aristotelē datur agens, siue producens, non tantum per transmutationem & motum, sed & per emanationem simplicem. cuius rei multiplex testimonium affero. Siquidem hoc habetur à Commentatore, primò cœli com. 2. ubi dicit, q̄ generatio alicuius est duplex, scilicet, ex aliquo & ex nullo, & q̄ primò modo generatio summitur secundum famositatem, et q̄ talem Arist. remouit à cœlo, & non generationem, quæ est ex nullo. Hec Commentator, licet loco propositionis, ex, utatur præpositione, ab, ut consideranti patet. Item Commentator. 4. de cœlo, com. 1. et. 12. Methaphysicæ, com. 44. ponit duplex agens: alterum quod appellat uerum, & est agens per transmutationem: reliquum, quod uocat secundum similitudinem, & est quod nos dicimus agens per emanationem.

emanationē simplicē. *Arist. quoq; 9. Methap. tex. com. 1. dicit, q̄ potentia et actus, habent se in plus, quàm eorum quæ dicuntur solùm secundùm motū &c.* Et cùm probatur antecedens dicitur ad probationem primam, q̄ *Arist. utiq; rectè diffiniuit in phy. potestātē actiuā, quod est principiū transmutandi aliud &c.* quia actiuum physicum non nisi per motum & transmutationem actiuum est. In *Methaphysicis quoq; etiam rectè dixit, si rectè intelligatur.* Siquidem non usus est nomine transmutationis restrictè, sed largè, hoc est non ut coarctetur ad transmutationem naturalem, sed ut extendatur etiam ad emanationē simplicem. Quod etiā consonat amplitudini scientiæ *Methaphy. quæ ut & 2. eiusdem à Commentatore docemur, terminis etiam physicis utitur, sed latiori significatione.* Ad secundam dicitur, quòd sermo ibi est de agente quidem per transmutationem & motum, quod nos gratis concedimus, & non de agente ac producente per emanationem simplicem.

Ad secundum dicitur, quòd omne genitum per transmutationem est corruptibile, imò quia genitum, ut *S. Tho. in eò loco testatur, in eò q̄ genitum necessariò uidetur transmutationem concernere, non immeritò æterna negantur esse genita.* Et si dicatur, q̄ de illis prius uerificari potest nō esse quàm esse, respondetur, q̄ si particula prius, prioritatem significet temporis, siue durationis, negatur prius,

uerificari non esse quàm esse, & hoc excludit eò lo-
ci phylosophus: si uerò significet prioritatem natu-
ræ, conceditur prius uerificari non esse, quàm esse,
& hoc non repugnat his quæ ibi traduntur. Ad ter-
tium negatur maior, nec illa habetur à Commenta-
tore, licet habeatur ab eò, quòd possibile ex se, neces-
sarium esse non potest ex alio, nisi sit motus: Sed nos
non dicimus de intelligentijs, siue cælorum orbibus,
quòd possibilia sint ex se &c. sed dicimus q̄ neces-
saria sunt ex se, hoc est ex intrinsecis suis, quia ca-
rent materia, per quam inest unicuiq̄; potentia, ut
non sit: & præter hæc dicimus, q̄ pendent ab alio;
uti ab extrinseco à Deo scilicet producente, & pen-
dent dependentia necessaria, & per hoc, q̄ necessa-
ria sunt ab intrinseco; & ab extrinseco, quod non
remouet Commentator. Siquidem non negat, quòd
necessarium ex se, necessarium quoq̄, esse possit ex
alio; imò ut in principio quæstionis diximus, ne-
cessitas non solum nasci potest ex intrinsecis, sed
extrinsecis, tametsi in æternis secundum naturæ or-
dinem, prima necessitas ab intrinseco est; propter
quod rectè dicitur q̄ non sunt ex se &c. Hæc de o-
bietis, Et per hoc de tertia parte quæstionis, &
consequenter de tota quæstione sint satis.

F I N I S.

D E

36

DE IMMORTALITATE

ANIMAE HUMANAE.

QVAERITVR utrū conuinci possit, apud
intellectum rectè dispositū, ex princi-
piis scientiæ naturalis: & peculia-
riter secundum mentē Ari-
stotelis, animā, humanā,
esse incorruptibilē,
& immortalem.

IN QVA re, quattuor explicanda sunt: Pri-
mò titulus: Secūdo diuersæ opiniones: Tertiò ue-
ritas: Quartò difficultates.

Quò ad primū, singulæ particulae, pōderandæ
sunt: Et primò particula (Cōuinci possit) Quæ pe-
rinde est ac efficaci ratione deduci, & concludi. Se-
cundò particula: (Apud intellectum rectè disposi-
tum) quæ posita est, non solum ad excludendum in-
tellectum imbutum ignorātia dispositionis prauæ,
aut obstinatum proteruē, sed etiam ut reuocetur
memoriæ, & indisciplinati est de unaquaq; re, fidē
indifferenter attentare. Siquidem ut Aristoteles
2. metaphysicæ monet, Acribologia mathematica
non in omnibus expetenda est: Et de rebus arduis et
diuinis, ut alibi docet, satis aliquando est probabi-
liter dicere. Ergò, hoc ex uerbo, accipiendum est sa-
tis fore, si rationes sint efficaces, eo pacto, quo natu-

ra rei permittit, et si intellectum cōvincunt, qui nec
perperam sit affectus, nec ignoret discrimen inter
naturale & mathematicam efficaciam, de quo ha-
bes. 2. phy. et. 2. ac. 6. metaphysica. Tertiò particu-
la (Ex principijs sciētiae naturalis) Quae, eodē sum-
mitur pacto, quo sumptum est in quaestione de crea-
tione, & propterea ut idem est, quod ex propositio-
nibus naturali lumine notis, siue acceptis. Quartò
particula (Et peculiaritèr, secundum mentem phi-
losophi) Quae addita est, quoniam in hoc peculiaris
est scrupulus, & uariae sunt peripateticorum sen-
tentiae.

Quintò particula (animam humanam) quae, ut
constat, idem sonat, quod anima substantialitèr
constitutiua hominis, in esse hominem, siue secun-
dum q̄ homo: per quod exprimitur, quod non que-
ritur de quauis anima, quia non de caelesti, nec de
brutali: siquidem certum est, quod illa est incor-
ruptibilis, et quod ista est morti obnoxia. Et si que-
ras quae sit illa essentialis differentia, qua anima, de
qua sermo, à reliquis animabus distinguitur, siue,
quod idem est, qua in hoc, quod humana est, essen-
tialitèr constituitur, dicitur quod cum in hac re ua-
riae sint opiniones, nec modò ad rem necessariò istud
pertineat, & ex sequentibus sufficientèr, possit ani-
maduerti, in praesentia opus non est sollicitari: prae-
stat tamen, quidnam anima ipsa sit, hoc loci per-
stringere, cum ex hoc, non mediocre lumen, his, quae
di-

dicturi sumus, accedat.

Aduertendum itaq; qd ut ex. 2. lib. de anima tex. com. 24. euidentèr accipitur, Anima definitur, Vita principium primum. Vbi pauca repetendo de his, quæ eò loco tractauimus, particula (Vita) summitur pro esse uitali, & non pro operatione uitali, ut etiam Caietanus dicit in eodem loco, licet & illius etiam, anima principium suo modo sit. Et meritò ita summitur, quia ut dicitur prima. q. 18. ar. 2. etsi uita de utrisq; dicitur, magis tamen propriè, dicitur de esse uitali, iuxta illud. 2. de anima, tex. com. 37. Viuere est esse uiuentibus. Et ut res sit clarior, considerandum qd cùm dicitur, esse uitale, duo dicuntur, esse scilicet, et uita, ut ex seipso liquet. Et licet ex parte, esse, difficile non sit cõcipere quid significet, cùm, ut fatentur omnes, perfectionem seu actualitatem importet, quàm ut diuus testatur Dyonysius, & post illum, magnus Albertus, ad modum lucis, imaginari debemus: difficile tamen uidetur cõcipere, quid sit ex parte uita, siue uitalitatis, si maius.

Et ut de esse, paucis prosequamur, certum est, qd distinguì solet, & rectè, in esse essentia, & existentia, ut alibi dictum est: & constat quòd in præsenti potissimum pro esse essentia audiendum est, non solum quia id docet Caietanus. 3. q. 17. ar. 2. ad. 2. Sco. contrà conclusio. sed quia id suadet ratio, eò qd diffinitiones abstrahunt ab esse existentia: undè & dicitur

dicatur quòd diffinitiones exprimunt essentiam, & quidditatem rei, propter quod & primò Topic. dicitur cap. 4. quòd diffinitio; oratio est; iudicās esse rei. Dico potissimum, quoniam nemini dubium est, animam quoq; esse principium ipsius existentiae, cum id commune sit omnibus formis, & maximè substantialibus, inter quas, ut scribitur. 2. de anima, ipsa insignitèr collocata est. Nec sit modò cura, quo pacto illa distinguatur ab inuicem, sed satis qd etsi esse existentiae sit ab anima, & communice- tur toti, est tamen in seipso simplex: esse autem essentiae, & si ab eadem maximè sit, in compositione tamen consistit. In compositione, inquam, quae est proprii actus, & propriae potetiae, quae, (ut in cōmuni dicatur) in naturalibus sunt materia & forma, & in Methaphysicis genus & differentia, & (ut descendatur ad animam, quae apud nos est) in compositione eius, & corporis physici organici, in potentia uitam habentis.

Consistit autem in horum compositione, non eo sensu, ut dicatur ipsum esse essentiae, in ipsa compositione consistere, uelut in re, in qua sit, uel recipiat aut sicut in causa, à qua causetur, praesertim si compositio formalitèr summitur: propterea, quòd cum ita sumpta, iuxta compositionem, aut coniunctionem, aut consequentem relationem importet, haud dubium quòd incapax est eiusmodi esse, in se ipsa recipere: sed eo sensu, ut in illa consistat, ueluti in
con-

conditione, sine qua non: secus tamen si non formaliter, sed fundamentaliter, uel materialiter accepta sit (siquidem cum illius partes sint actus & potentia, materia & forma, genericus et differentialis gradus, anima & organicum corpus, sub dubio poni non debet) certum tamen est, quod illam non susciperent, nisi simul essent, & adinuicem copulata, imò & adinuicem, et respectu resultantis compositi, causalitates proprias exercentia: de qua re tamen alibi latius, ubi etiam dictum est, quomodo essentia, & esse essentia in re unum et idem sunt, tamen si in significandi modo non mediocriter differunt, cum alterum importetur per modum nominis, & reliquum per modum uerbi, non secus ac cursus & currere.

Amplius: esse essentia est quod primò, ordine saltem naturæ, per corruptionem amittitur. Siquidem cum corruptio aliud non sit, ut ex 5. phy. habetur, nisi esse perditio, constat de esse essentia, simpliciter id ueritatem habere: Vnde et in Christi morte, quæ & mors uerissima fuit, existentia esse nõ desijt, aut corruptioni subiacta; & merito, quia erat esse diuinum, & penitus incorruptibile, sed solum desijt esse humanum; quod in compositione animæ & corporis consistebat; quod erat creatum; & desitioni obnoxium: propter quod & in triduo mortis eius, ut fatentur Theologi, Christus non fuit homo. Et apud philosophos animam ponentes immortalem;

& actum nihilominus corporis, idem conuincitur, cum & esse existentiae, quod anima coniuncta communicabat corpori, quando separatur ab eò, retrahat ad se, & solum in morte hominis desinat esse, in compositione consistens.

Et licet non raro scriptum sit à philosophis, quod esse essentiae perpetuum est, et incorruptibile, id tamen uerum est dum loquimur in abstractione, seu in uniuersali (siquidem in abstractione, & uniuersalitate, cum rerum essentiae, maxime sunt immateriales, earum esse necessaria & incorruptibilia sunt) & non in particulari, et prout reperiuntur in rebus, quo pacto in praesenti loquuti sumus. Item, esse essentiae primus & principalis effectus est, substantialis formae, propter quod & forma à philosophis dicitur, quod quid erat esse, id est, est illud, per quod est esse quid, principaliter ac maxime unicuique; & cum dicitur quod forma est, quae dat esse, & si uerum est respectu esse existentiae, simpliciter tamen uerum est respectu esse essentiae. Unde & respectu eius forma habet propriè, & uerè, causalitatem formalem: respectu uero esse existentiae, habet quidem causalitatem spectantem ad genus causae formalis, at non propriè, sed quodam pacto, & potius dispositiuè, ueniente illo esse, de foris à Deo scilicet glorioso, sicut alibi declaratum est: propter quod & S. Thomas.

3. q. 17. 2. ad. 4. eē essentiae, uocat effectū formae intrinsecum, à quo separari etiam per intellectum

ipsa

ipsa non potest. Haftenus dictum sit de esse, nunc breuibus dicamus de uita, uel uitalitate si mauis.

Ubi attendendum primò, quòd & ipsa importat perfectionem quampiam, esse essentiae superadditam: ueluti modum quendam intrinsecum, aut differentiam essentialem. Quod faciliè conuincitur, si quis animaduertat uitales rerum essentias, longè præstare in dignitate non uitalibus, ex intrinsecis suis: quod & pariter, indubiè fatendum est, de illarum esse, cum ut diximus, realitèr non distinguantur ab eis. Attendendum secundò, quòd perfectio, nomine uitæ, seu uitalitatis expressa, concipienda non est, ad modum differentiae gradualis, quæ attenditur penès intensiorem, & remissionem, quasi esse essentiae uitale, & non uitale, differunt sicut intensum, & remissum, putà albedo ut octo, & albedo ut quattuor: nec ad modum specificæ differentiae, sed genericæ, uel potius, unius rerum ordinis constitutiue, sicut moralitas, ordinis operationum moralium, constitutiuæ perfectio est, qua morales à non moralibus, non modò distinguuntur, sed longè præferuntur eis: undè & uiuentes essentiae, non solum distinguuntur à non uiuentibus ipsa uita, sed illis longè præstantiores indubiè iudicantur: imò & uita tantæ constat esse præstantiæ, ut ad ea, in quibus est, cōsequatur posse mouere seipsa, ut philosophus docet. 2. de anima tex. com. 14. Ex his modò sat sit utcunq; concipere, quid uita, siue uitalitas sit, & conse-

consequentèr quid esse uitale, quod primus & principalis effectus est animæ.

Subditur mox (principium) quod certum est, non summi pro materiali, cum anima sit actus, nec pro finali, cum illud in communi loquendo, uideatur esse compositum uiuens, cuius anima est pars, & constat quod pars, hoc ipsum, quod est, propter compositum est, nec pro efficienti, cum Sol & homo generent hominem (nam licet anima effectiue causet uitam, hoc est operationes uitales, ut dicitur secundo de anima, tex. com. 36. non tamen effectiue causat esse uitale) ergò relinquitur, & accipiendum sit, pro formali: id quod Aristoteles innuit, quando secundo de anima tex. com. 24. dixit, quod ipsa principium est, quo uiuimus. Siquidem constat quod particula (quo) accommodatissima est ad exprimendum principium formale, apud omnes philosophos: cui & consonat, quod anima, ut communiter uolunt, ab animandi officio, dicta perhibetur: & quod animare est formalitèr uiuificare, & propterea quod illius est formale principium.

Et attendendum quod in anima considerantur duo, alterum est ratio formæ: & propter hoc dicitur actus, et quod quid erat esse, secundo de anima, tex. com. 4. & deinceps: Reliquum est ratio animæ in eo quod anima, propter quod dicitur anima, & secundum hoc, esse uitale proficisci habet ab ea (Primum) denique adiunctum est, quod exprimit non solum

solùm proximitatem, prout primum dicitur proximum, sed & adaequationem, secundum q̄ primum dicitur adaequatum: & proximitatem quidem, ut denotetur q̄ ab anima non proficiscitur mediatè, putà interuentu alicuius superadiunctæ potentiae, sicut progrediuntur ab ea operationes uitales, sed q̄ proficiscitur à substantia eius nuda, ut quæ seipsa est potens, ad formalitèr causandum, sicut & materia, ad materialitèr recipiendum, prout peripatetici tradunt: adaequationem uerò quia ut cuicumq; communicatur esse uitale, eidem indubitanter formalitèr communicatur ab anima, & non ab alio formali principio. Nam licet intelligentiæ, Deusq; gloriosus uiuant, non tamen uita uiuunt communicabili formalitèr, alicui corpori: propter quod non sunt animæ, aut primum uiuendi formale principium.

Quintò ponderanda in titulo est particula (Esse) Quod pro esse summitur in rerum natura, in singulari, & non in abstractione, more mathematico. Itèm pro esse de facto, & non de possibili: quia non est curæ an potuerit esse, uel non esse immortalis, & incorruptibilis, tam absolutè quàm de mente phylosophi. Itèm pro esse, in sua naturali dispositione relicto, ut secludamus quicquid sit per diuinā gratiam, uel perpetuam manutentionem Dei. Sextò, particula (Incorruptibilis) siquidē cū sonet impotentiam seu incapacitatem deficiendi à proprio

prio esse, haud dubium, quòd incorruptibilitas in proposito, pro incapacitate deficiendi ab esse existentiae propriae, accipienda est: & eò maximè, & esse essentiae, si propriè loquimur, non conuenit anime, & maximè extrà compositum, quod est homo, nisi ueluti parti, quod palàm est competere debili, ac diminuto modo. Plura de incorruptibilitate cõgeri possent, utputà quòd entitas est positiua, per modum proprietatis, tametsi non sit uerè proprietas, sed modus rei potius, quemadmodum de infinitate, immobilitate, immaterialitate, & similibus aliàs disputatum est; quæ sunt quidem entitates positiuæ, sed modales habentes tamen modum quendam passionum, propter quod Aristoteles primò phy.tex.com. 15. dixit infinitatem, quantitatis passionem esse: sed præsens locus plura non exigit.

Septimò particula (Immortalis) Nam denotatur paritèr incapacitas, impossibilitasque deficiendi, à propria uita: et summi potest uita, hoc in loco, tam pro esse uitali, prout illi cõpetere potest, quod competit illi saltèm uti principio, quo, hoc est formali, quemadmodum diximus, & pro operatione uitali, cui anima principium effectiuum est: sed primò modo est melius, et in præsentì accommodatius. Quæ immortalitas, dicit paritèr sicut & incorruptibilitas, entitatem positiuam modalem, quæ sicut & illa, unamet res est cùm anima, in qua est: sicut & corruptibilitas, & mortalitas unum & idem sunt

sunt cum illis, in quibus sunt. Ex his evidēs est quæ-
stionis titulus.

Quæritur enim. An concludi efficaciter possit,
ex principijs naturali lumine acceptis, animam hu-
manam, à qua homo habet, quod sit essentialiter
homo, esse uerè, ac de facto, incorruptibilem, & im-
mortalem, ita ut absq; defectione, proprij esse exi-
stentiæ, in perpetuum duratura sit. Et hoc non so-
lùm absolutè, sed & secundum mētem philosophi.
Hæc de titulo. Et p hoc de prima quæstionis parte.

Quo ad secundum priusquàm ad opiniones descen-
dam, tria prælibanda sunt. Primum est, quod etsi
uariae fuerunt philosophorum sectæ, quæ & in hac
re, proprias reliquerunt sententias, placet tamen
duntaxat habere rem cum peripateticis, quorum
princeps Aristoteles est: qui ut Commentator di-
cit. 3. de anima, com. 14. pro regula datus est nobis
à Deo, in tota natura. Secundum est, quod omnes
peripatetici, qui tractauerunt de anima, in hoc con-
uenisse uidetur, quod humana, partim incorrupti-
bilis est & immortalis, partim uerò corruptibilis.
et morti exposita. Siquidem secundum intellectuā
partem, immortalem dixerunt et incorruptibilem,
eò q secundum illam, caret omni materia, quæ prin-
cipium & origo est corruptionis et mortalitatis: se-
cundum uerò uegetatiuam, ac sensitiuam, affir-
mauerūt mortalem, ac corruptioni subditam, eò q

secundum illam caduco corruptibiliq; organo ne-
fitur ac substinetur. Tertiū est quod cum corrup-
tibile & incorruptibile, mortale et immortale, à se
maximè distent, imò & seiungantur plusquàm ge-
nere, ut. 10. Methaphysica clarissimè constat, &
propterea neceßè sit, ut maximam adinuicē repu-
gnantiam habeant, alterum è duobus sine dubio o-
pus erit asserere. Aut quod in homine duæ inue-
niantur animæ, quarum altera sit corruptibilis &
& mortalis, reliqua incorruptibilis & uitæ peren-
nis. Aut si in homine unica anima est, in qua ratio
utriusq; saluetur, quod in illa utraq; inæqualitèr
inueniatur: & per hoc opus est dicere, quod sit uel
corruptibilis, & mortalis simpliciter, et incorrup-
tibilis & immortalis nō simpliciter, sed secundum
quid: uel corruptibilis & mortalis secundum quid,
& incorruptibilis & immortalis simpliciter. Si-
quidem ut dicitur primò de cælo tex. com. 7. & 2.
de generatione tex. com. 47. & 10. Methaphysica
tex. com. 23. in constante ex contrarijs, necessarium
est, ut alterum semper prædominetur, & superet,
ergò neceßè est si unum adest simpliciter, ut reli-
quum in eodem, nisi secundum quid, esse non possit.
Qua de re factum est, ut in hoc negotio, tres fuerint
peripatetica classes. Vna eorum, qui duas in homi-
ne posuerunt animas, ut eò pacto, unam saluarent
simpliciter corruptibilem & mortalem, & alterā
simpliciter incorruptibilem & immortalem. Alia
eorum

eorum qui posuerunt unam tantum animam, sed simpliciter corruptibilem & mortalem, et non nisi secundum quid, incorruptibilem & immortalem. Tertia est contra eorum scilicet, qui unicam nihilominus animam substantes, illam secundum quid, astruxerunt corruptibilem & mortalem, & simpliciter incorruptibilem & immortalem. De quarum singulis, in hac parte differendum est, & eò quidem ordine, ut primò recitetur opinio suis cum fundamentis, deinde ut singulatim nostra pro tenuitate subiiciatur censura.

His prælibatis, prima classis primò offert sese, cuius auriga est Auerroes, ut perspicue constat ex pluribus commentis suis, & maxime ex. 7. secundi, & 5. 20. & 36. tertij de anima, quæ, ut diximus duplicem illam constituit: alteram simpliciter corruptibilem & mortalem, reliquam simpliciter incorruptibilem & immortalem: asserens non modò ita sibi persuasum esse naturali lumine, dum palam attestatur. 5. com. tertij, scribere in hac re, quæ sibi uera esse uidentur, rogatque fratres, ut adiuuent, quod ipse dicit: sed & docet in eodem loco, hanc esse mentem philosophi, interpretans dicta eius, quæ uidentur diuersa, nunc de una anima, nunc uerò de alia: ut eò pacto omnia consonent. Siquidem cum in 2. lib. à tex. 7. usque ad. 24. ostenditur quòd anima omnis informat, siue actuat corpus, interpretatur de corruptibili et mortali: cum uerò in. 3. tex. com.

5. habetur quòd intellectus, nullius corporis est a-
ctus, interpretatur de incorruptibili et immortalì,
ut cuiq̃, facillè est ex illis locis agnoscere. Tradens
igitur hac opinio (ut summam dicamus de ea)
homini duas attribuendas animas, etsi ambas ap-
pellat humanis, non tamen uniuocè, sed equiuo-
cè, hoc est, non una & eadem ratione, sed alia ac
diuersa: ut clarè summitur ex. 2. de anima, commē.
7. asserit quantum mihi in presenti, ex diuersis com-
mentis occurrit, quòd ex quinq; capitibus diuersi-
tatem habent.

Primo ex parte substantiæ: propter quòd sub-
stantia unius, clausa est in ordine formarum mate-
rialium ac sensibilibium, & per hoc corruptibilium
& mortalium, substantia uerò alterius clausa est
in ordine formarum intelligibilium & immateria-
lium, & per hoc immortalium & incorruptibilium,
ut constat ex com. 12. ac. 20. tertij. Secundo ex ra-
tione formæ, eò quòd corruptibilis & mortalis est
simpliciter forma hominis, dans illi esse specificum
& essenziale, per ueram informationem: incorrup-
tibilis uerò & immortalis, est forma hominis solum
secundum quid, illi non dans esse, sed operari solum,
idq; non nisi per denominationem, ut patet ex eisdē
locis. Tercio ex unitate ac multiplicatione, quoniā
corruptibilis & mortalis multiplicatur iuxta mul-
tiplicationem humanorum corporum: incorrupti-
bilis uerò & immortalis non multiplicatur iuxta
nume-

numerum corporum, sed unica est respectu omnium
 hominum, ut traditur com. 5. & 36. tertij. Quartò
 ex propria appellatione. Nam licet utrisque plura
 nomina sint communia, utputà (Anima humana)
 quod diximus illis conuenire equiuocè, uel si maius,
 analogicè (siquidem corruptibili & mortali conue
 nire habet simpliciter, incorruptibili uerò & im
 mortali secundum quid, (Intellectus) quod & pro
 priè quidem dicitur de incorruptibili & immorta
 li, impropriè uerò de corruptibili & mortali, ut ple
 nius explicatur. 2. com. tertij. (Ratio) quod quoq;
 propriè dicitur de incorruptibili, & immortalis, &
 impropriè de corruptibili & mortali, cuius signum
 est, quòd cum de corruptibili dicitur, semper cum
 distrahente additione dicitur: nã ratio dicitur par
 ticularis, sicut & cum explicatur nomine intelle
 ctus, ut in eodem com. 20. uidere facile est, explica
 tur cum additione passiuus. Nihilominus sunt &
 earum cuilibet nomina propria: Si quidem corrup
 tibilis & mortalis à Commentatore peculiaritèr
 appellata est, cogitativa, non quidem eò sensu, quòd
 aliud anima illa à cogitativa non sit, sed quia cogi
 tativa suprema eius portio est: incorruptibilis uerò
 & immortalis, peculiari quidem nomine, dicitur in
 tellectus, tametsi ut ab agente intelligatur distin
 ctus, non rarò possibilis additionem recipit. Quintò
 ex operis excellentia, licet enim utriusq; opera ex
 cellentia sint, incorruptibilis tamen & immortalis.

longè excellentiora sunt.

Et quantum memoria in presenti assequi possum: Cogitativa apud Cōmētatorē, Primò eò i opere est excellens, quòd cogitare ac cognoscere potest singularia, ut singularia sunt, cuiuslibet prædicamenti, putà hanc substantiam, hanc quantitatem, hanc paternitatem, & ità de reliquis, ut Commentator docet. 2. de anima com. 63. Secundò est excellens, & in hoc, quòd adiuta, imaginatiua ac memoratiua deuenire potest in cognitionem alicuius futuri, siue præteriti, putà quòd iste qui infirmatur, sanabitur, uel morietur: quòd cras erit uel non erit pluuia. Siquidem ex eò, quod in memoria remanet, quòd alia uicè uel pluries aliquis eadem laborauit egritudine, & fuit sanatus uel mortuus: & quòd stante tali constellatione pluuia descendit, uel non descendit, representaturq; à Memoratiua hæc Cogitatiuæ, potest aliquualitèr, ut diximus, de futuris pronosticari, ut accipitur ex eodē com. 33. tertij. Tertiò est excellens, & in alio, quòd discurret scilicet particulari discursu, & format ex particularibus syllogismos: propter quod & sortita est nomen, rationis particularis. Verùm etsi his in operibus cogitativa est excellens, longè tamen, etiam in eiusmodi excellētior est intellectus, quippè qui non solum ualet indiuidua, ut indiuidua sunt, cuiusuis prædicamēti pernoscere, sed et eorū uniuersalia, ut uniuersalia sunt, exactissimè cōtēplari. Pōt et longè
efficaciori

efficaciori modo discurrere, et pluribus ac certioribus modis, futura conijcere, & de occultioribus, & frequentius, et per causas uniuersales pronosticari. Sed ut plenius hac percipiatur opinio, duo adhuc manifestanda sunt, quæ primo occursu non modo uidentur ardua, sed uix intelligibilia. Alterum est de unione intellectus, quomodo scilicet ad mentem Auerrois, uniatur hominibus, & præsertim tali unione, ut per illum denominemur formalitèr intelligere. Reliquum est de simplici, seu multiplici intellectio-
ne rei, & maximè unius & eiusdem præcisè, in diuersis hominibus.

Circa primum satis uidetur mirum, quòd unus intellectus numero, uniri possit infinitis hominibus, hoc est, præteritis, presentibus, & futuris, qui apud Auerroem, indubiè infiniti sunt: nec modò mirum, sed uix cogitabile, & maximè tam arcta unione, ut dicta sequatur denominatio: quare in hoc, non facile negotium habent eius assēctæ, & quantum uidisse me memini, nullus est, qui eò pacto rē reddat illustrem, ut illustriorem desiderare non possis. Ego autem, non ut reliquis me præponam, sed ut explicem quod occurrit, hunc in modum explanandam crederem. Et quidem quò ad unionem intellectus cum hominibus absolutè, de illa sic ex Commentatore distinguerem, ut altera quidem sit naturalis altera uerò sit acquisita. Naturalis imperfecta est, nec mirum ut quæ adest nobis à principio natiuita-

22
tis, propterea & tale nomen adeptæ est. Vnde &
Commētator. 3. de anima, com. 20. dicit quod intel
lectus potentialis, continuatur nobis, prima conti
nuatione, per naturam: & talis unio, meo iudicio,
importare habet non solum naturalem coaptatio
nem, aut habitualement inclinationem eius, ad uniri no
biscum, sed & præsentiam quandam actualem: nõ
quidem operis, sed ordinis immediati, quæ negatio
nem includit, non solum dispositionis contraria, sed
& distantie secundum locum, imò & positionem
concernit præptitudinis expeditæ et præparationis,
actualis. Siquidem putandum est intellectum hu
manum talis esse nature, ut ex propria essentia &
conditione, uendicet sibi omnia hæc, & per ea om
nia, maxime simul iuncta, naturalis unionis prædi
ctæ rationem induat, quæ, ut constat, imperfecta
est, quoniam ad actualem unionis rationem simpli
citer nõ attigit. Acquisita est, quæ usu acquiritur,
& est ex suo genere perfecta, tametsi ad perfectio
nem perducatur in paucis. Et hæc, ad mentem Com
mētatoris fit, tum per receptionem intelligibilium
specierum in intellectu, quæ abstractæ sunt à phan
tasmatibus, per opus intellectus agētis, tum per col
ligationem operis possibili intellectus, cum operi
bus phantasiæ, propterea quod necesse est ad hoc, ut
homo intelligat non modo intellectum intelligere,
sed & phantasiam negociari, ac operi suo uigilan
ter attendere, ut habetur. 3. de anima com. 36. &
de

de hac unionē frequenter loquitur Commentator, et
presertim. 3. de anima cō. 5. et. 36. In quibus pla-
nē, receptione, ac colligatione, quā plures rela-
tiones, nec non & spiritualis, intellectus contactus,
sunt: ut faciliē consideranti perspicuum est.

Quò uerò ad unionem talem, hoc tali efficacia,
ut uerē per illum denominemur, formalitèr intelli-
gere, constat quòd examinare necesse est, an unio-
nes prædictæ, naturalis scilicet, & acquisita, tam
arctum gluten faciant, inter intellectum & homi-
nes, ut uerē tali pacto denominare nos ualeāt, quod
profectò res ardua est: puto ramen q̄ posset forsàn
Auerroes, nec magno quidem negotio, hunc in mo-
dum rem suadere, dicendo scilicet, quòd intellectus,
cū nobis per uniones prædictas sit, non superficiē-
tenus cōpulatus, imò & per contactum, cū spiri-
tualis sit, et ob id ad intima penetrans, factus sit nō
mediocritèr intimus, faciliē concipi poterit, quòd
ipsius actio non modò illum, sed nos intrinsecè deno-
minare possit: & maximè si nomine intelligentis
hominis, accipitur aggregatum, quod ex homine, et
intellectu unitis, suo modo resultat, sicut & nomine
cæli, cū ipsum dicimus intelligere, desiderare, a-
mare, ut sepe explicat Commentator, & maximè.
2. cæli, com. 4. & 12. Metaphysice cō. 36. aggre-
gatum accipitur ex anima, quæ sinè dubio intelle-
ctiua est, & cælesti corpore: et saluaret forsàn etiā
cælum sic sumptum intelligere, desiderare, amare,

7
si anima illi coniuncta, per informationem nō uni-
retur ei.

Circa secundum non minor est difficultas, quia
ea stante positione, indubiè admittendum uidetur,
intellectum possibilem simul eodemq; momento, in-
numerabiles intellectiones elijcere, tum respectu di-
uersarum rerum, tum, quod maioris uidetur absir-
ditatis, respectu unius & eiusdem rei præcisè: quod
hunc in modum facile est animaduvertere. Et qui-
dem quod ad diuersas res attinet, ex seipso quodam
modo liquet, quando quidem nemo detrectare po-
test inter homines, quorum penè infinitus est nume-
rus, multos & innumerabiles simul eodem tempore
aliquid intelligere: hic quidem leonem, ille lapide-
dem, alius ignem, & ita de reliquis. Ergò opus est,
ut intellectus unus & idem in singulis, simul eodēq;
momento innumeras intellectiones, rerum quidē di-
uersarum, nec subordinatarum elijciat: Quod esse
absurdum haud difficile suadebitur, si quis attendat
quòd diuersæ intellectiones, diuersas requirunt for-
mas intelligibiles, & per hoc opus esse, ut simul in-
tellectus, actu informetur ab eis: & tamen constat,
& sicut impossibile est subiectum aliquod, simul fi-
gurari diuersis figuris, & superficiem aliquam si-
mul pingi coloribus uarijs, ita & impossibile uide-
tur esse eundem intellectum, simul informari diuer-
sis intelligibilibus formis, & maxime in sua actua-
litate sumptis.

Quod

Quod uerò spectat ad rem eandem præcisè, facile demonstratur, si quis ponat, ut quidem possibile est, innumeram quāpiam multitudinem in Theatro amplo coactam, intentam esse circa rem aliquā particularem, putà, hoc album, in eminentiori loco positū, ut clare cōspiciatur ab eis. Ponat, rursū, quod facile sequitur, quod quilibet de multitudine phantasietur, de illo, & per hoc quod opera intellectus agentis, in eorum quolibet, fiat abstractio formæ intelligibilis, & recipiatur in possibili, ut necesse est, intellectu: palam quod stante casu, non solum ab illo intellectu innumeræ simul eliciuntur intellectiōes, sed et quod ille innumeris simul informabitur speciebus: & cum omnes sint unius & eiusdē rei, quia omnes albi, circa quod quilibet uidentium intentus est, sequitur q̄ nō modò plura sed innumera accidentia, numero tantum distincta, erunt in eodē subiecto, quod indubiè implicat contradictionem. Cum enim accidens non sortiatur numeralem unitatem, nisi à subiecto, certum est, q̄ ubi plura unius speciei accidentia sunt, necessario ibi subiecti pluralitas constituenda est.

Verūm his impossibile nō est satisfacere. Et quod ad intellectiōes diuersarum rerum simul elicitas, facile diceret Commentator nō esse absurdum, imò nec aliquod inconueniens, unum agentis simul diuersas actiōes producere, præsertim per diuersa formalia principia, quorum nullum exhaurit totam agentis

agentis uirtutem: & propter hoc q̄ conceditur in-
tellectum possibilem, posse simul diuersas intelle-
ctiones habere, & diuersis speciebus intelligibilibus
informari, cum nulla expleat totam capacitatem
eius, imò cum sit in omnia fieri, ut habetur. 3. de a-
nima, com. 6. nec omnes simul, quas in casu contin-
geret, illum recipere, sufficiunt illius facultatem ex-
plere, & penitus adæquare. Id enim illi tunc acci-
dit, ut Commentator credidit, quando adeptis om-
nibus intelligibilibus speculatiuis, & per hoc sibi
intellectu agente perfectissimè copulato, posset in
actionem propriam intellectus agentis: & per hoc
intelligere substantias separatas, et ita propria sibi
felicitate frui. Et quod affertur de diuersis figuris
et coloribus, qui in eodem subiecto recipi nequeunt,
nihil facit: quandoquidem aliud est loqui, de diuer-
sis rebus, etiam contrarijs, sumptis in eorum esse
reali, & aliud de eisdem acceptis in eorum esse in-
telligibili, seu intentionali. Siquidem in esse reali,
repugnat subiectum aliquod, simul figurari diuer-
sis figuris, aut superficiem colorari diuersis colori-
bus, sed nō in esse intentionali, siue intelligibili: un-
dè sicut in eadem parte aeris, est similitudo albi, &
similitudo nigri, ita & figura tetragona, & pen-
tagona, quæ annectebantur albo & nigro, (nam
continget dari triangulum album, & quadrangu-
lum nigrum) in esse intentionali, ita & in eodem in-
tellectu, possunt esse in esse intelligibili. Et funda-
mentum

mentū est, quia in esse reali, diuersæ rerum species, seipsas habēt excludere, eò quòd inter se contrarietatem continent, qua tamen in esse intentionali, & intelligibili distitutæ sunt: Vnde & contrariorum species, in mente non sunt contrariæ, ut etiam Commentator docet.

Quò autem ad intellectiōnes unius & eiusdem rei, Commentatori etiam difficile respondere non foret. Siquidem posset primò concedere, stante casu, in intellectu plures esse intellectiōnes, & per hoc plures species eiusdem rei precise, & addere quòd illæ species possent examinari dupliciter: uno modo ex parte subiecti, in quo sunt, & sic habent rationē accidentis, & accidentis speciei unius, & ita numero plurificari non possunt: alio modo ex parte obiecti, quod representant, & hoc pacto rationem habēt formalis principij, quibus intellectus intelligit, et ita plurificari possunt, imò plurificātur de facto: exemplum est de diuersis luminibus, à diuersis proficiscentibus candelis, quæ uniuntur in medio aeris. Siquidem ea lumina in ordine ad subiectum, secundum quem accidentia sunt, unum numero, accidens sunt, in ordine tamen ad candelas, à quibus dependent, pluralitatem habent, sicut & dependentias diuersas retinent & admittunt. In proposito autem, ut res sit perspicua, attendenda sunt duo: alterum est, quòd etsi species albi, de quibus est sermo, dependent, ut à primo & remoto principio, ab hoc albo

24
sed solum quod desineret ex ea parte, quæ suo modo
dependebat ab eò; sicut & in exemplo de lumine,
extincta aliqua candela non desinit simpliciter lu-
men, sed solum ut depēdebat ab illa. Et certum est,
quod paternitas remanet in patre, etiam mortuo
unio filio, si alij eidem supersunt.

In hac positione Auerrois, duo illi maxime pe-
culiaria sunt. Alterum est, quod intellectus, seu a-
nima intellectiua, nō est forma hominis. Reliquum,
quod unus est in omnibus hominibus. Et licet ad u-
trunq̃ue plures adducantur rationes, tūm ab ipso,
tūm à posterioribus eius classis, dux tamen, meo iu-
dicio, sunt præcipuæ: & prima est pro primò dicto,
& secunda est pro secundò. Ad primum igitur sic
argumentatur. Si anima intellectiua, siue, quod pro
eodem in præsentì accipitur, intellectus esset forma
hominis, foret necessariò actus corporis, cōstat istud
ex se, ergò esset actus organi: probat̃, quia corpus,
cuius ponitur forma, corpus organicum est: ergò es-
set corruptibilis & mortalis: probatur, quia tunc
calefieret, ac frigeret, et aliàs peregrinas patere-
tur passiones, & alterationes: hoc autem est absur-
dum, ergò &c. Ad. 2. sic argumentatur. Si ad mul-
tificationem hominum, multiplicarentur intelle-
ctus, palàm q̃ nullus constaret tota latitudine in-
tellectus humani: probatur, quia quādo sub una spe-
cie, multa sunt indiuidua, indubiè nullum gaudet
tota latitudine eius, ergò nullus constaret illius to-

ta capacitate: probatur, quia hæc se mutuò consequuntur, ergò nullus esset in omnia fieri: probatur, quia hæc est capacitas totius intellectus humani, ergò nullus posset esse beatus: probatur, quia nulli intellectus agens posset copulari simpliciter, ergò naturale desyderium in singulis esset frustrà: probatur, quia omnes naturaliter ad sælicitatem tēdunt, hoc autem est absurdum, ergò &c.

Quanquàm hæc opinio est ingeniosa, quāquàm multis forsàn applaudet re uera, tñ si quis illam rectè consideret, non solùm impia est in fide, sed erronea in phylosophia. Et quidem quòd utrunq; dictorum sit impium, haud difficile est uidere, nam dicere quòd non sit forma corporis, repugnat catholice determinationi, ut patet in Clementinis de summa tri. & fide catho. dicere quòd non multiplicetur ad numerum corporum destruit rationem præmij & supplicij in hominibus, qđ passim scripturis sacro sanctis reclamationat. Quòd uerò & utrunq; in phylosophia sit erroneum, facile est probare. Et primum quidem dictum ex hoc cōuincitur, quòd ab ipso intelligere, homo & est, & denominatur intelligens, sicut ab actione uitali (aliàs intelligere hominis, non esset intellectualiter eius uiuere, & frustrà docerent phylosophi, hominum uitam distingui, in contemplatiuam & practicam, quarum, illa potissimum, ad speculatiuum pertinet intellectum, hæc uerò maxime spectat ad practicum) ergò neceßè

5. habetur quòd intellectus, nullius corporis est a-
ctus, interpretatur de incorruptibili et immortalì,
ut cuiq; facile est ex illis locis agnoscere. Tradens
igitur hac opinio (ut summam dicamus de ea)
homini duas attribuendas animas, etsi ambas ap-
pellat humanas, non tamen uniuocè, sed equiuo-
cè, hoc est, non una & eadem ratione, sed alia ac
diuersa: ut clarè summitur ex. 2. de anima, commē.
7. asserit quantum mihi in presenti, ex diuersis com-
mentis occurrit, quòd ex quinq; capitibus diuersi-
tatem habent.

Primo ex parte substantia: propterea quòd sub-
stantia unius, clausa est in ordine formarum mate-
rialium ac sensibilibum, & per hoc corruptibilem
& mortaliem, substantia uerò alterius clausa est
in ordine formarum intelligibilium & immateria-
lium, & per hoc immortalis & incorruptibilis,
ut constat ex com. 12. ac. 20. tertij. Secundo ex ra-
tione formæ, eò quòd corruptibilis & mortalis est
simpliciter forma hominis, dans illi esse specificum
& essenziale, per ueram informationem: incorrup-
tibilis uerò & immortalis, est forma hominis solum
secundum quid, illi non dans esse, sed operari solum,
idq; non nisi per denominationem, ut patet ex eisdē
locis. Tertiò ex unitate ac multiplicatione, quoniā
corruptibilis & mortalis multiplicatur iuxta mul-
tiplicationem humanorum corporum: incorrupti-
bilis uerò & immortalis non multiplicatur iuxta
nume-

numerum corporum, sed unica est respectu omnium
 hominum, ut traditur com. 5. & 36. tertij. Quarto
 ex propria appellatione. Nam licet utrisque plura
 nomina sint communia, ut puta (Anima humana)
 quod diximus illis conuenire equiuocè, uel si mauis,
 analogicè (si quidem corruptibili & mortali conue
 nire habet simpliciter, incorruptibili uerò & im
 mortali secundum quid, (Intellectus) quod & pro
 priè quidem dicitur de incorruptibili & immorta
 li, improprie uerò de corruptibili & mortali, ut ple
 nius explicatur. 2. com. tertij. (Ratio) quod quoq;
 propriè dicitur de incorruptibili, & immortali, &
 improprie de corruptibili & mortali, cuius signum
 est, quòd cum de corruptibili dicitur, semper cum
 distrahente additione dicitur. nã ratio dicitur par
 ticularis, sicut & cum explicatur nomine intelle
 ctus, ut in eodem com. 20. uidere facile est, explica
 tur cum additione passiuus. Nihilominus sunt &
 earum cuilibet nomina propria. Siquidem corrup
 tibilis & mortalis à Commentatore peculiariter
 appellata est, cogitativa, non quidem eò sensu, quòd
 aliud anima illa à cogitativa non sit, sed quia cogi
 tativa suprema eius portio est: incorruptibilis uerò
 & immortalis, peculiari quidem nomine, dicitur in
 tellectus, tametsi ut ab agente intelligatur distin
 ctus, non raro possibilis additionem recipit. Quintò
 ex operis excellentia, licet enim utriusq; opera ex
 cellentia sint, incorruptibilis tamen & immortalis

longè excellentiora sunt.

Et quantum memoria in presenti assequi possum: Cogitativa apud Cōmētatorē, Primò eò i opere est excellens, quòd cogitare ac cognoscere potest singularia, ut singularia sunt, cuiuslibet prædicamenti, putà hanc substantiam, hanc quantitatem, hanc paternitatem, & ità de reliquis, ut Commentator docet. 2. de anima com. 63. Secundò est excellens, & in hoc, quòd adiuta, imaginatiua ac memoratiua deuenire potest in cognitionem alicuius futuri, siue præteriti, putà quòd iste qui infirmatur, sanabitur, uel morietur: quòd cras erit uel non erit pluuia. Siquidem ex eò, quod in memoria remanet, quòd alia uicè uel pluries aliquis eadem laborauit egritudine, & fuit sanatus uel mortuus: & quòd stante tali constellatione pluuia descendit, uel non descendit, repræsentaturq; à Memoratiua hæc Cogitatiua, potest aliqualitèr, ut diximus, de futuris pronosticari, ut accipitur ex eodē com. 33. tertij. Tertiò est excellens, & in alio, quòd discurrit scilicet particulari discursu, & format ex particularibus sillogismos: propter quod & sortita est nomen, rationis particularis. Verùm etsi his in operibus cogitatiua est excellens, longè tamen, etiam in eiusmodi excellētior est intellectus, quippè qui non solùm ualet indiuidua, ut indiuidua sunt, cuiusuis prædicamēti pernoscere, sed et eorū uniuersalia, ut uniuersalia sunt, exactissimè cōtēplari. Pōt et lōgè
efficaciori

efficaciori modo discurrere, et pluribus ac certioribus modis, futura conijcere, & de occultioribus, & frequentius, et per causas uniuersales pronosticari. Sed ut plenius hac percipiatur opinio, duo adhuc manifestanda sunt, quæ primo occurſu non modo uidentur ardua, sed uix intelligibilia. Alterum est de unione intellectus, quomodo scilicet ad mentem Auerrois, uniatur hominibus, & præsertim tali unione, ut per illum denominemur formalitèr intelligere. Reliquum est de simplici, seu multiplici intellectiōne rei, & maximè unius & eiusdem præcisè, in diuersis hominibus.

Circa primum satis uidetur mirum, quòd unus intellectus numero, uniri possit infinitis hominibus, hoc est, præteritis, presentibus, & futuris, qui apud Auerroem, indubiè infiniti sunt: nec modò mirum, sed uix cogitabile, & maximè tam arcta unione, ut dicta sequatur denominatio: quare in hoc, non facile negotium habent eius assēctæ, & quantum uidisse me memini, nullus est, qui eò pacto rē reddat illustrem, ut illustriorem desiderare non possis. Ego autem, non ut reliquis me præponam, sed ut explicem quod occurrit, hunc in modum explanandam crederem. Et quidem quò ad unionem intellectus cum hominibus absolutè, de illa sic ex Commentatore distinguere, ut altera quidem sit naturalis altera uerò sit acquisita. Naturalis imperfecta est, nec mirum ut quæ adest nobis à principio natiuita-

tis, propterea & tale nomen adeptæ est. Vnde &
Commētator. 3. de anima, com. 20. dicit quod intel-
lectus potentialis, continuatur nobis, prima conti-
nuatione, per naturam; & talis unio, meo iudicio,
importare habet non solum naturalem coaptationem,
aut habituales inclinationes eius, ad uniri nobiscum,
sed & præsentiam quandam actualem: non quidem
operis, sed ordinis immediati, quæ negationem
includit, non solum dispositionis contrariæ, sed
& distantie secundum locum, imò & positionem
concernit præptitudinis expeditæ et præparationis,
actuales. Siquidem putandum est intellectum hu-
manum talis esse naturæ, ut ex propria essentia &
conditione, uendicet sibi omnia hæc, & per ea om-
nia, maxime simul iuncta, naturalis unionis prædi-
ctæ rationem induat, quæ, ut constat, imperfecta
est, quoniam ad actualem unionis rationem simpli-
citer non attigit. Acquisita est, quæ usu acquiritur,
& est ex suo genere perfecta, tametsi ad perfectionem
perducatur in paucis. Et hæc, ad mentem Com-
mētatoris fit, tum per receptionem intelligibilium
specierum in intellectu, quæ abstractæ sunt à phan-
tasmatibus, per opus intellectus agentis, tum per col-
ligationem operis possibili intellectus, cum operi-
bus phantasiæ: propterea quod necesse est ad hoc, ut
homo intelligat non modò intellectum intelligere,
sed & phantasiam negociari, ac operi suo uigilan-
ter attendere, ut habetur. 3. de anima com. 36. &
de

de hac unione frequenter loquitur Commentator, et
presertim. 3. de anima cō. 5. et. 36. In quibus pla-
nè, receptione, ac colligatione, quam plures rela-
tiones, nec non & spiritualis, intellectus contactus,
sunt: ut facile consideranti perspicuum est.

Quò uerò ad unionem talem, hoc tali efficacia,
ut uerè per illum denominemur, formaliter intelli-
gere, constat quòd examinare neceßè est, an unio-
nes prædictæ, naturalis scilicet, & acquisita, tam
arctum gluten faciant, inter intellectum & homi-
nes, ut uerè tali pacto denominare nos ualeāt, quod
profectò res ardua est: puto ramen q̄ posset forsàn
Auerroes, nec magno quidem negotio, hunc in mo-
dum rem suadere, dicendo scilicet, quòd intellectus,
cùm nobis per uniones prædictas sit, non superficiè-
tenus cōpulatus, imò & per contactum, cùm spiri-
tualis sit, et ob id ad intima penetrans, factus sit nō
mediocriter intimus, facile concipi poterit, quòd
ipsius actio non modò illum, sed nos intrinsecè deno-
minare possit: & maxime si nomine intelligentis
hominis, accipitur aggregatum, quòd ex homine, et
intellectu unitis, suo modo resultat, sicut & nomine
cæli, cùm ipsum dicimus intelligere, desiderare, a-
mare, ut sepe explicat Commentator, & maxime.
2. cæli, com. 4. & 12. Metaphysicæ cō. 36. aggre-
gatum accipitur ex anima, quæ sinè dubio intelle-
ctiua est, & cælesti corpore: et saluaret forsàn etiā
cælum sic sumptum intelligere, desiderare, amare,

si anima illi coniuncta, per informationem nō uni-
retur ei.

Circa secundū non minor est difficultas, quia
ea stante positione, indubiè admittendum uidetur,
intellectum possibilem simul eodemq; momento, in-
numerabiles intellectiones elijcere, tū respectu di-
uersarum rerum, tū, quod maioris uidetur absur-
ditatis, respectu unius & eiusdem rei præcisè: quod
hunc in modum facile est animaduvertere. Et qui-
dem quod ad diuersas res attinet, ex seipso quodam
modo liquet, quandoquidem nemo detrectare po-
test inter homines, quorum penè infinitus est nume-
rus, multos & innumerabiles simul eodem tempo-
re aliquid intelligere: hic quidem leonem, ille lapi-
dem, alius ignem, & ita de reliquis. Ergo opus est,
ut intellectus unus & idem in singulis, simul eodēq;
momento innumeras intellectiones, rerum quidē di-
uersarum, nec subordinatarum elijciat: Quod esse
absurdum haud difficile suadebitur, si quis attendat
quod diuersæ intellectiones, diuersas requirunt for-
mas intelligibiles, & per hoc opus esse, ut simul in-
tellectus, actu informetur ab eis: & tamen constat,
q̃ sicut impossibile est subiectum aliquod, simul fi-
gurari diuersis figuris, & superficiem aliquam si-
mul pingi coloribus uarijs, ita & impossibile uide-
tur esse eundem intellectum, simul informari diuer-
sis intelligibilibus formis, & maximè in sua actua-
litate sumptis.

Quod

Quod uerò spectat ad rem eandem præcisè, facile demonstratur; si quis ponat, ut quidem possibile est, innumeram quampiam multitudinem in Theatro amplo coactam, intentam esse circa rem aliquā particularem, puta, hoc album, in eminentiori loco positū, ut clarè cōspiciatur ab eis. Ponat, rursū, quod facile sequitur, quod quilibet de multitudine phantasietur, de illo; & per hoc quod opera intellectus agentis, in eorum quolibet, fiat abstractio forma intelligibilis, & recipiatur in possibili, ut necesse est, intellectu: palam quod stante casu, non solum ab illo intellectu innumeræ simul eliciuntur intellectiones, sed et quod ille innumeris simul informabitur speciebus: & cum omnes sint unius & eiusdē rei, quia omnes aibi, circa quod quilibet uidentium intentus est, sequitur qd nō modò plura sed innumera accidentia, numero tantum distincta, erunt in eodē subiecto, quod indubiè implicat contradictionem. Cum enim accidens non sortiatur numeralem unitatem, nisi à subiecto, certum est, qd ubi plura unius speciei accidentia sunt, necessario ibi subiecti pluralitas constituenda est.

Verūm his impossibile nō est satisfacere. Et quod ad intellectiones diuersarum rerum simul elicitas, facile diceret Commentator nō esse absurdum, imò nec aliquod inconueniens, unum agens simul diuersas actiones producere; præsertim per diuersa formalia principia, quorum nullum exhaurit totam agentis

agentis uirtutem: & propter hoc q̄ conceditur in-
tellectum possibilem, posse simul diuersas intelle-
ctiones habere, & diuersis speciebus intelligibilibus
informari, cum nulla expleat totam capacitatem
eius, imò cum sit in omnia fieri, ut habetur. 3. de a-
nima, com. 6. nec omnes simul, quas in casu contin-
geret, illum recipere, sufficiunt illius facultatem ex-
plere, & penitus adæquare. Id enim illi tunc acci-
dit, ut Commentator credidit, quando adeptis om-
nibus intelligibilibus speculatiuis, & per hoc sibi
intellectu agente perfectissimè copulato, posset in
actionem propriam intellectus agentis: & per hoc
intelligere substantias separatas, et ità propria sibi
felicitate frui. Et quod affertur de diuersis figuris
et coloribus, qui in eodem subiecto recipi nequeunt,
nihil facit: quandoquidem aliud est loqui, de diuer-
sis rebus, etiam contrarijs, sumptis in eorum esse
reali, & aliud de eisdem acceptis in eorum esse in-
telligibili, seu intentionali. Siquidem in esse reali,
repugnat subiectum aliquod, simul figurari diuer-
sis figuris, aut superficiem colorari diuersis colori-
bus, sed nō in esse intentionali, siue intelligibili: un-
dè sicut in eadem parte aeris, est similitudo albi, &
similitudo nigri, ità & figura tetragona, & pen-
thagona, quæ annectebantur albo & nigro, (nam
continget dari triangulum album, & quadrangu-
lum nigrum) in esse intentionali, ità & in eodem in-
tellectu, possunt esse in esse intelligibili. Et funda-
mentum

mentū est, quia in esse reali, diuersæ rerum species, seipsas habet excludere, eò quòd inter se contrarietatem continent, qua tamen in esse intentionali, & intelligibili constitutæ sunt: Vnde & contrariorum species, in mente non sunt contrariæ, ut etiam Commentator docet.

Quò autem ad intellectiones unius & eiusdem rei, Commentatori etiam difficile respondere non foret. Siquidem posset primò concedere, stante casu, in intellectu plures esse intellectiones, & per hoc plures species eiusdem rei precisè, & addere quòd illæ species possent examinari dupliciter: uno modo ex parte subiecti, in quo sunt, & sic habent rationē accidentis, & accidentis speciei unius, & ita numero plurificari non possunt: alio modo ex parte obiecti, quod representant, & hoc pacto rationem habet formalis principij, quibus intellectus intelligit, et ita plurificari possunt, imò plurificatur de facto: exemplum est de diuersis luminibus, à diuersis proficiscentibus candelis, quæ uniuntur in medio aeris. Siquidem ea lumina in ordine ad subiectum, secundum quem accidentia sunt, unum numero, accidens sunt, in ordine tamen ad candelas, à quibus dependent, pluralitatem habent, sicut & dependentias diuersas retinent & admittunt. In proposito autem, ut res sit perspicua, attendenda sunt duo: alterum est, quòd etsi species albi, de quibus est sermo, dependent, ut à primo & remoto principio, ab hoc albo

albo in eminentiori loco posito, ut tamen à principio proximo & immediato, dependent à phantasmate huius albi, licet concurrente intellectu agente, cuius opera (ut alibi dictum est) species intelligibilis generatur, & in intellectu imprimitur: Reliquum est, qd etsi principium remotum in hoc casu sit unius rationis præcisæ, non tamen oportet principium proximum, eodem pacto penitus se habere, imò uidetur qd eiusdem rei phantasmata in diuersis hominibus, aut raro, aut nunquam eiusdem sint penitus rationis: cum in uno sit phantasma clarius, aut acutius, aut excellentius: in alio debilius, aut obscurius, aut depressius, tum propter disparitatem complexionis, tum propter dispositiones uarias, & affectiones, in quibus hominem esse contingit: quin & experimur, qd unus & idem homo, circa eandem rem, uno tempore rectius phantasiatur quam alio, sicut & illum affici diuerso modo uidemus.

Ergò diceret Commentator, qd etsi in intellectu possibili stante casu, essent innumere intellectiones, essent quoque innumere formæ intelligibiles, non quidem in eò qd accidentia sunt, sed in eò qd principia formalia sunt, propterea quòd penderent proximè à diuersis phantasmatibus, sicut suo modo, lumina in eodem medio, pendent à diuersis candelis. Et adderet, quòd inter illas intellectiones innumeras, ipsius albi, contingeret unam esse limpidiorem, ac excellentiorem aliis, sicut & species deseruiens

uens uni limpidior & perfectior esset, deseruienti alij, eò quòd etsi omnes representarent unam et eandem rem, non tamen omnes representarent illam eodem penitus modo.

Secundò, posset dicere Commentatorq; stante eo casu, intellectus non nisi unicam eliceret intellecti-
 tionem, per quam omnes illi, qui tunc uiderent, ac phantasiarentur, circa hoc album, denominari possent intelligentes illud: & similiter quòd non nisi unica species eius reciperetur in intellectu possibili, quæ & esset maximè excellentiæ, cum ad illius productionem concurrant phantasiationes innumerabilium hominum, & quàm plurimæ illustrationes intellectus agentis. Vnde & dici posset quòd æquivaleret spëbus innumeris, et consequètèr, ut elicere-
 tur una intellectio, quæ & foret tantæ præstantiæ, ut supplere posset, ut diximus, ad denominandum omnes, qui negociabantur circa illud album, non minus quàm suppleat intellectus, ad denominandū plures homines intellectuales, cum fuerit copulatus cum eis. Quæ quidem intellectio etiam dici posset singulis esse propria, licet nulli eorum penitus adequata: propter quod non eodem pacto Socrates illa diceretur intelligere: quo dicitur intelligere Plato, sicut non esset eiusdem prorsus perfectionis uinculo, intellectui intelligenti astrictus. Nec sequeretur quòd Socrate diuertente, ac negociari circa album desinente, quòd prorsus desineret intellectio albi,
 sed

sed solum quod desineret ex ea parte, quæ suo modo dependebat ab eò; sicut & in exemplo de lumine, extincta aliqua candela non desinit simpliciter lumen, sed solum ut depēdebat ab illa. Et certum est, quod paternitas remanet in patre, etiam mortuo uno filio, si alij eidem supersunt.

In hac positione Averrois, duo illi maxime peculiaria sunt. Alterum est, quod intellectus, seu anima intellectiva, nō est forma hominis. Reliquum, quod unus est in omnibus hominibus. Et licet ad utrumque plures adducantur rationes, tūm ab ipso, tūm à posterioribus eius classis, dux tamen, meo iudicio, sunt præcipuæ: & prima est pro primò dicto, & secunda est pro secundò. Ad primum igitur sic argumentatur. Si anima intellectiva, siue, quod pro eodem in præsentī accipitur, intellectus esset forma hominis, foret necessariò actus corporis, cōstat istud ex se, ergò esset actus organi: probat, quia corpus, cuius ponitur forma, corpus organicum est: ergò esset corruptibilis & mortalis: probatur, quia tunc calefieret, ac frigeret, et alias peregrinas pateretur passionēs, & alterationes: hoc autem est absurdum, ergò &c. Ad. 2. sic argumentatur. Si ad multiplicationem hominum, multiplicarentur intellectus; palam q̄ nullus constaret tota latitudine intellectus humani: probatur, quia quādo sub una specie, multa sunt indiuidua, indubiè nullum gaudet tota latitudine eius, ergò nullus constaret illius to-

ta capacitate: probatur, quia hæc se mutuò consequuntur, ergò nullus esset in omnia fieri: probatur, quia hæc est capacitas totius intellectus humani, ergò nullus posset esse beatus: probatur, quia nulli intellectus agens posset copulari simpliciter, ergò naturale desyderium in singulis esset frustrà: probatur, quia omnes naturaliter ad sælicitatem tendunt, hoc autem est absurdum, ergò &c.

Quamquam hæc opinio est ingeniosa, quāquam multis forsàn applaudet re uera, tñ si quis illam rectè consideret, non solum impia est in fide, sed erronea in phylosophia. Et quidem quòd utrunq; dictorum sit impium, haud difficile est uidere, nam dicere quòd non sit forma corporis, repugnat catholice determinationi, ut patet in Clementinis de summa tri. & fide catho. dicere quòd non multiplicetur ad numerum corporum destruit rationem præmij & supplicij in hominibus, qđ passim scripturis sacro sanctis reclamationat. Quòd uerò & utrunq; in phylosophia sit erroneum, facile est probare. Et primum quidem dictum ex hoc cōuincitur, quòd ab ipso intelligere, homo & est, & denominatur intelligens, sicut ab actione uitali (aliàs intelligere hominis, non esset intellectualiter eius uiuere, & frustrà docerent phylosophi, hominum uitam distinguere, in contemplatiuam & practicam, quarum, illa potissimum, ad speculatiuum pertinet intellectum, hæc uerò maxime spectat ad practicum) ergò neceßè

G est,

est, q̄ proficiſcatur in eo à principio ſibi inſe co,
imò à principio quod informet eum . Pro prima
parte probatur, quia uiuere ex intrinſeis proficiſci
neceſſe eſt: pro ſecunda conuincitur, quia uita pro-
ficiſci habet ab anima, quæ eſt principium, quo ui-
uimus, quam conſtat ex .2. de anima, eſſe actum cor-
poris: nec ſolùm quodcunq̄ uiuere, ſed & uiuere,
quod eſt intelligere, aliàs non diceretur, ubi ſuprà,
non ſolùm principium eſſe, quo uiuimus, ſed & quo
intelligimus: præter id q̄ ſicut operari præſuppo-
nit eſſe, ità & operari uitalitèr præſupponit eſſe ui-
tale, & per hoc quòd non ſolùm homo per intelle-
ctum intelligat, ſed & eſſe intellectiuum ab eo reci-
piat: ſiquidem uiuere eſt eſſe uiuentibus, ut etiam
in ſuperioribus tactum eſt.

Nec obſtat, quòd apud Platonem intelligere
hominis foret opus uitale, & tamen anima intelle-
ctiua non informabat hominem: quoniam, ut con-
ſtat, apud illũ q̄ homo aliud non erat quàm anima.
Similitèr non ſatisfit rationi, quòd cælum dicitur
intelligere, & amare, & tamen apud multos non
eſt animatũ anima largiente eſſe, quoniã ut aliàs
diximus, falſum forſàn eſt cælũ nō eſſe animatum:
quod tamen ſi concederetur, certum eſt quòd intel-
ligere & amare, & ſi uitales actiões ex ſuo genere
ſunt, non illis tamen cælum diceretur uitalitèr in-
telligere, & amare, niſi fortè accepto cælo, non ſo-
lùm pro cælo, ſed & pro aſſiſtente intellectu, quaſi
utrũq̄;

utrumq; simul appelletur cælum: quod sanè non minus foret absurdum quàm si quis plaustrum diceret, currum & boues trahentes eum, quod constat ridiculum fore in phylosophia: quod si quis non duceret pro inconuenienti, in hoc posset tali pacto defensare Auerroem, & eò facilius, quò inter intellectum & hominem, arctius poneretur uinculum quàm inter boues & plaustrum.

Secundum autem dictum, etiam facile erroneū demonstratur, propterea quod si non multiplicarentur in hominibus intellectus humani, non multiplicarentur quoq; uoluntates humanae, probatur, quia hæc se mutuo cōsequuntur: hoc autem est manifestè falsum, quia etiam antè copulationem intellectus nobiscum, ut Auerroes loquitur, experimur in nobis uolendi liberam facultatem, qua & potimur ad plenum: quod tamen Cōmentator non concederet de intellectu, nisi post longum tempus, & exercitatis in scientijs speculatiuis. Nec admittitur quòd ità senserit Aristoteles, cùm hæc necessariò non sequantur ex doctrina ipsius, imò ipse longè aliter opinatus est, ut ex sequentibus constat. Nam licet manifestè doceat, intellectum humanū nullius corporis esse actum, id tamen non docet eo sensu, quo intellexit Auerroes, quòd. s. anima intellectiua non det esse, nobisq; uniatur non ut forma, aliàs nō foret principium, quo intelligimus: sed uel eo sensu, quo intelligit. S. Thomas, quòd scilicet ue-

nō est, ratione nō intellectiui gradus, sed intellecti-
ue potentie: uel intelligit quod non est actus secun-
dum immersionem, sed secundum quandam eminen-
tiam, nimirum quod sicut non est eductus de corpo-
re, ita excedit facultatem corporis. Sed de hac re
diffusè pertractatum est. 3. lib. de anima.

Ergo, etiam ad rationes Auerrois, facile est
satisfacere. Cum ergo dicit. Si intellectus esset for-
ma hominis, esset actus corporis, & per hoc rei or-
ganice, non negatur in eo sensu quo diximus: &
cum infertur quod foret mortalis, negatur seque-
la, nec sequitur quod calefieret, aut frigeretur, quo-
niam hæc uera sunt de informantibus corpus cum
dependentia sua à corpore, & non cum excedentia,
ac supereminentia supra corpus. Et cum secundo
inducitur quod si multiplicarentur intellectus, nul-
lus constaret tota speciei sue latitudine, & per hoc
nec tota sua capacitate: admittitur, sed cum sub-
dit, ergo non esset in omnia fieri, respondetur quod
intelligendo hoc, ut multi dicunt ad mentem Ari-
stotelis, hoc est de omnibus naturalibus, siue infe-
rioribus, negatur sequela, propter eam quod sicut in-
diuiduum superioris ordinis transcendit infinita in-
diuidua ordinis inferioris, ita et quilibet intellectus
humanus in immensum excedit omnia naturalia,
cum eo longè inferiora sint, & per hoc nihil obfi-
sit, quin possit ea oīa fieri: si uerò ea uerba aliter
aliquis uult intelligere rem assumit, quam pro-
bare

bare tenetur. Quod adiungitur de felicitàte, palam
 q̄ etsi omnis intellectus humanus naturaliter niti-
 tur ad felicitàtem, non tamen eo pacto; quo posuit
 Commentator. Sed de hoc non oportet in presentia
 amplius laborare. Hæc de prima classe.

Secunda classis offert deinde sese: cuius auriga est
 Alexander, qui sua tempestate tanta extitit existi-
 mationis, ut teste Auerroe. 3. de anima cons. 14.
 qui nõ erat Alexandrinus, non dicebatur phyloso-
 phus. Hic animam humanã posuit simpliciter cor-
 ruptibilem, & mortalem, & secundum quid tantũ
 incorruptibilem & immortalem, asserens hoc non
 solum ex principiis naturalis scientiæ, sed ex mente
 philosophi. Consistit autem hæc opinio in quattuor
 principalibus punctis. Primum est, q̄ anima huma-
 na (ut iam diximus) est simpliciter corruptibilis
 & mortalis. Secundum: quod ipsa est nobilissima
 inter animas corruptibilium animalium. Tertium;
 q̄ oritur & resultat ex nobilissima complexione
 corporis nostri. Quartum, q̄ eam comitatur poten-
 tia quedam, quam uocat præparationem, hoc est
 idoneitatem ad suscipiendum quævis materiali-
 intelligibilia, quam dicit immixtam corpori, nullum
 habere intelligibile actu, assimilari rasuræ tabellæ,
 & cætera, quæ ab Aristotele attribuuntur possibi-
 li intellectui, huic asserit conuenire: & deniq; se-
 cundum eam animã humanam, quodam (licet dimi-
 nutissimo) modo immortalitatem habere.

Fundamentum primi puncti accipiebat ex doctrina phylosophi & maximè. 2. de anima, à tex. com. 7. usq; ad. 24. ubi docet omnem animam actū esse corporis physici, organici, potentia uitam habentis, per informationem: & q̄ id uniuersaliter competit omni animæ, quod Alexander intelligebat uniuocè, & secundum unammet rationem. Ex hoc argumentabatur. Anima quæ est actus corporis & c. per informationem, est simpliciter corruptibilis & mortalis, sed anima humana est huiusmodi, ergò & c. Minor ex dictis habetur, Maior ex eo probatur, q̄ omnis eiusmodi, de potentia materiæeducta est, ergò & c. Confirmatur. Quia omne acceptum per generationem est corruptibile, sed ita est in proposito, iuxta illud. 2. physicorum tex. cō. 26. Sol & homo generant hominem. Fundamentū secūdi accipiebat ex hoc q̄ materia est propter formam, sicut & uniuersaliter potentia est propter actum, ut habetur. 9. Methaphysicæ tex. commen. 15. propter quod & necesse est, ut forma semper præstet in nobilitate ipsi materiæ. Ex hoc argumentabatur. Materia animæ humane est corpus humanum, ut patet. 2. de anima, tex. com. 7. ergò est nobilissima, patet, quia nullum aliud corpus est ita nobile, patet, quia nullum aliud est tam delicatitactus: ut dicitur ubi suprà tex. com. . . ergò anima humana, quæ illius est forma, omnium animarum nobilissima est.

Fundamentum tertij accipiebat ex eò, q̄ experientia constat, q̄ ex diuersitate mixtionis elementorum, & consequenter complexionis corporum uariantur mixtorum formæ, & q̄ quantò melior est mixtio & complexio, tantò melior & perfectior illius est forma. Ex hoc argumentabatur. Complexio corporis humani perfectissima est inter complexiones corporum corruptibilium animalium, ergò anima humana, quæ forma est nobilissima, in eiusmodi corpore est: consequentia ex fundamento patet. Antecedens probatur, Quia in corpore humano elementa, seu quæ miscibilia sunt in eò, ad optimam proportionis æqualitatem redacta sunt. Fundamentum quarti est primum caput. 3. lib. de anima, qđ est caput de intellectu possibili etc. Pro hac opinione uidere potes, si placet, Auerroë, cō. 5. tertij de anima, & S. Thomā. 2. cōtrā gen. cap. 62.

Huius classis extitit Pōponacius uir suo tēpore celebris, qui librū inscribēs de immortalitate animæ posuit tñ aīam humanā, tūm secundū principia naturalis phylosophiæ, tūm secundū mētē Aristotelis, simpliciter corruptibilē & mortalem, & secundū quid incorruptibilē et immortalē: quæ etsi multis rationibus nititur suadere, satis tamen erit potiores adducere. Quòd igitur sic sentiendum sit, ex principiis naturalis scientiæ astruit his potissimis medijs. Ex primò ac. 6. phy. Omnis denominatio fit à superabūdāti, ergò cū in anima humana

plura uideamus mortalia quàm immortalia, mortalis absolutè & simpliciter pronuncianda est. Assumptum est notum ex hoc, quòd in anima humana longè plures sunt potentie sensitiue, & uegetatiue, quàm intellectiue, & multò plura sunt opera earum, quàm opera intellectus; sed ea omnia defectibilia ac corruptibilia sunt, ergò &c. Præterea si lustremus climata, quæ habitari possunt, longè plures inueniuntur homines ferini, & brutales, quàm rationales: longè plures sensualibus ac mortalibus dediti, quàm intellectualibus, & diuinis: multò plures affectantes terrena, quàm cælestia, ergò &c.

Præterea si respicimus ad naturam intellectiōis nostræ, uidebimus eam parum, aut nihil naturam transcendere cognitionis sensus: siquidem in multis animalibus apparet relucere prudentiam, multa mechanicè ac artificiosè fieri, putà, construere domos: multa politicè exerceri, ut constat in regimine apum, imò multa uidemus ab aliquibus animalibus fieri elegantius ac sapientius, quàm à multis hominum fierent, & tamen in illis certum est quod non ponitur intellectus. Item licet intellectio attingere dicatur uniuersale, id tamen debili modo attingit, quia modo confuso, & ut in singularibus est: quod non multum cogitationi, id est actui cogitatiue repugnat, quæ & quodam pacto etiam ad uniuersale pertingit: ergò uidebitur intelligere nostrum non iniuria adnumerandum cum operibus sensuum, licet

licet in supremo loco, & propterea ut sapiens potius aliquo pacto, naturam intellectiōis, quàm simpliciter intellectiōem fore, & per hoc & intellectum nostrum, potius inter vires adnumerandum quodammodo sensitivas, tametsi melius forsàn sit, ut collocetur medius inter intellectū & sensum etc.

Quòd etiam idem dicendum sit de mente philosophi, ostendit hac præcipua ratione. Anima humana nullam habet operationem, cui non communicet corpus uel simpliciter, uel secundum quid, ut sumi potest ex phylosopho, & non semel, in lib. de anima, & nihilominus ex inductione conuincitur, propterea quòd eius operationes sunt, aut uegetatiue, aut sensitiue, & in his proculdubio communicat corpus simpliciter, hoc est, ut communiter intelligitur, organicè & obiectiue, aut intellectiue, & in his constat quòd communicat corpus, saltèm secundum quid, hoc est ut omnes admittunt, obiectiue tantum: ergo anima humana non est separabilis à corpore simpliciter, sed secundum quid: ergo est simpliciter corruptibilis & mortalis, & solum secundum quid incorruptibilis & immortalis. Antecedens patuit. Prima consequentia probatur ex. 12. tex. 1. de anima: ubi dicitur, quòd si non habet operationem propriam, hoc est, non communem sibi & corpori, quòd non est separabilis: & de communione intelligit, non solum sicuti organo, sed etiam uti obiecto, undè & subdit, quòd si intelligere

87
re (quod maximè uidetur aſſimilari proprio) eſt
phantaſia, aut non ſine phantaſia, quòd non erit ſi-
ne corpore, hoc eſt ſine communione corporis. In-
ferius autem, hoc eſt in. 3. lib. oſtenditur clarè quòd
intelligere non eſt ſine corpore obiectiue, quia opus
eſt intelligentem phantaſmata ſpeculari: ergò ani-
ma ſeparabilis non erit à corpore ſimpliciter, ſed
tantum ſecundum quid, quia ſcilicet in aliquo ſuo
opere, erit ſeparabilis à corporis communione orga-
nicè, Secunda conſequentia, nota eſt ex ſe, quia ſi
non eſt à corpore ſimpliciter ſeparabilis, cum il-
lud ſit ſimpliciter corruptibile (quippe quod con-
ſtat ex contrarijs) neceſſè eſt ut eo corrupto cor-
rumpatur & anima: nec eam ſaluat immortalitas
ſecundum quid, quoniam abſorbetur ſecun-
dum quid, à ſimpliciter. Nec, inquit, reſponderi po-
teſt, quòd intelligere animæ noſtræ, commune qui-
dem eſt corpori obiectiue, non tamen abſolutè ſed
pro ſtatu præſenti: quoniam alium ſtatum ab iſto
non nouit Ariſtoteles, imò in. 12. metaphyſicæ tex-
tom. 39. ait, quòd ſumma illa delectatio, quæ conti-
nuò adeſt ſubſtantijs ſeparatis, ſeu, ſi mauis, ani-
mabus cæleſtibus, utpotè ad earum beatitudinem
pertinens, adeſſe nobis non poteſt, niſi modico tem-
pore. Prætereà, ex ratione animæ humanæ, ſeu in-
tellectus noſtri eſt, ut non poſſit intelligere niſi con-
currentibus phantaſmatibus, & per hoc corporeo
quodam obiecto: ergò uel non poterit anima à cor-
pore

pore separari, uel imperpetuum, illius intellectus, erit uacans & ociosus. Secundum dari non potest, quia natura ociositatem abhorret, ergò remanet primum, ergò &c. Antecedens probatur, tum quia intellectus humanus medius est inter sensum & intellectum abstractum, & per hoc in operando naturam debet sapere utriusque: ergò sapiet de abstracto, quia non per organum intelligit, sapit de sensu, quia non nisi obiecto corporeo concurrente intelligit, tum quia ridiculum in philosophia est, alicui naturæ plures attribuere operandi modos essentialia: Siquidem ut phylosophi docent, & experientia attestatur, unius naturæ, unus tantum est operandi modus essentialis, &c.

Verum hæc opinio, non solum est impia, imò maxime impia, sed nec ex lumine naturali uerè dependens: ac minus Aristoteli satisfaciens. Et ut de primo, ac principali eius puncto, aliquid dicam, constat quidem quòd in illo est impia; & maxime impia, ex hoc, quòd non modò repugnat christianæ fidei, sed & cuicunque humanæ religioni, imò & omni rectè institutæ reip. Siquidem posita mortalitate animæ, non solum euertitur fides catholica, sed destruitur quæuis religio, & pereunt omnes leges. Constat quòd ex naturali lumine, non uerè dependet, uel ex hoc, quòd phylosophorum precipui, ut Socrates, Plato, cum multis ex peritioribus Græcis, oppositum eodem ex fonte hauriunt, & exci-
piunt.

piunt. Constat q̄ nec phylosopho satisfatit ex his,
quæ inferius subiicienda sunt. Nec est difficile illius
fundamenta destruere, aut inductis rationibus pe-
nitus satisfacere. Vnde & primum Alexandri
fundamentum, quod pro primò ac principali pun-
cto constituit, facile euertitur: propterea q̄ conces-
so, sicut & concedendum est, q̄ anima humana per
informationem actus sit corporis, negatur q̄ iccir-
cò corruptibilis sit & mortalis, aut q̄ de materiæ
potestate educta sit. Et ratio est, quia anima, seu
forma corporis quantum in præsentia attinet, in du-
plici differentia est: quædam quæ per immersionem
informat, & hæc indubiè corruptibilis est & mor-
talis, & educta de potestate materiæ: quædam quæ
informat per superexcedentiam, & hæc incorrup-
tibilis est & immortalis, & de potestate materiæ
non profecta: illa quidem sicut non excedit materiæ
posse, ita nec eius facultatem ac causalitatem, &
per hoc, sicut ab illa dependet, ita & sine illa esse nõ
põt, hæc uerò sicut excedit materiæ potestatem, ita
excedit & facultatem, ac causalitatem, & per hoc
sicut ab illa non educitur, ita nec ab illa dependet,
& ideo non mirum, si non corrumpitur, quando il-
lam separari contingit.

Ad cõfirmationẽ, negatur q̄ anima humana, per
generationem habita sit absolute, licet per genera-
tionẽ habita sit in hoc, seu ab hoc: eò q̄ p̄ uim gene-
rationis, huic corpori est unita, ac uinculo naturali

con-

coniuncta, quod uoluit *Arist.* in eò loco. Et ut res sit magis perspicua, considerandum q̄ anima humana creatur quidem à Deo, sed nō creatur extrà corpus, aut sinè hoc, q̄ infundatur in corpus: undè & *Augustinus* dixit, q̄ infundendo creatur, & creando infunditur. Quò fit ut, si quis rectè perspiciat, duplex in hac re inueniatur productio: altera, quæ creatio est, quæ pro termino, esse habet, ipsius animæ absolutè, & hæc indubiè à solo Deo est: altera quæ est generatio, & pro termino habet esse quidè animæ, at non absolutè, sed ut communicatum supposito: ità q̄ ad esse humani terminatur suppositi, quatenus est suppositi, & hoc etiam est à Deo, sed mediante cælo & hominè: & propterea philosophus non dixit, sol & homo generant animam, sed dixit generant hominem, probè sciens, quòd anima non est genita sed creata: licèt illius esse, ut communicatur supposito, generationè hominis terminet. Nec est neceßè ad hoc, q̄ aliquid generet uel producat compositum, quòd illius partes generet, uel producat, sed satis est, si illas unit & nectit. Vndè & opus non est, q̄ si pictor facit parietem album, ut parietem uel albedinem faciat, sed sufficit si unum alteri copulet, ex qua copula compositum ipsum resultat. Et quidem sic accidit in proposito: nam generans Socratem, nōn producit animam, neq̄, materiam, sed alterum alteri unit, & ità resultat homo, &c.

Ad

Ad secundum conceditur quòd anima humana nobilissima est. Et inter omnes sensitivas, quatenus sensitiva, & inter omnes uegetatiuas, quatenus uegetatiua: eò quòd illas continet eminentèr. Et quatenus intellectuina, eò usq; illas in nobilitate transcendit, quòd est alterius, & superioris ordinis: nimirum quia ordinis intellectualis, ex quo & immortalitatem sortitur. Ad tertium dicitur quòd non probat intentum: Ostendit enim (Siquid ostendit) quòd ex mixtionis diuersitate uariantur substantiales forme, & non quòd ex illa resultent: quare non negatur, quòd in corpore humano, quòd melioris est cõplexionis, nobilior inueniatur anima, imò hoc necessarium esse uidetur, quoniam cùm materia est meliori modo disposita, nobilior sine dubio inducitur forma: ergò concesso quòd forma sequat in nobilitate materiam, non habetur ex hoc, quòd anima humana de foris aduenire non possit. Ad quartum dicit Auerroes, quòd Alexander totum illud caput, interpretatur peruersè, & uerè sic est: quod tamen non fit, si anima immortalis ponitur, et incorruptibilis.

Nunc ad rationes Pomponacij. Ad primam igitur dico, quòd denominatio quidem fit à superabundanti, at non qualitercunq; , sed abundanti in perfectione, ut colligi potest ex. 2. de anima, in tractatu de uegetatiua: Quia ergò intellectus in anima longè supra sensum in perfectione abundat, &
secun-

secundum illum anima immortalitatem habet, ic-
circò ab illo, uti à superabundanti immortalis sim-
plicitèr denomināda est. Ad secundam dico, quòd
licèt multi homines, in moribus uideātur brutales,
id tñ contingit ut plurimum, ex mala complexio-
ne, aut dispositione organorum corporis, propter
quod non concluditur, quin eorum mens in corrup-
tibilis sit, & licèt plures affectare uideamus terre-
na, id tamen contingit sepe ex mala institutione.
Sed ut cunq; res sit, constat quòd affectant magis
in sempiternum uiuere: quod desiderium, fortè ani-
mæ attestatur immortalitati, cū illud non uidea-
tur frustra, & certum est quòd in corpore huius
uitæ, expleri non potest. Ad tertiam dico, quòd fal-
sum est, quòd nostrum intelligere naturam non
transcendat cognitionis sensus, imò est longè altio-
ris ordinis: & cū dicitur, quòd non attingit uni-
uersale, nisi in confuso, & ut in singularibus est, ne-
gandum est hoc: imò attingit ad uniuersale uerum,
& ut à singularibus distinctum, cuius & cognoscit
proprietates, & attributa, ut palàm est in scientijs.
Quòd autem uniuersale attingat in singularibus,
non aliundè est quàm ex ratione materialis quiddi-
tatis, quæ illius est obiectum, & uendicat sibi, ut in
singularibus sit, de qua re aliàs diximus. Singula-
ria autem non attingit nisi reflexè, ut Arist. docet.
3. de anima, tex. com. 8. Ad ea autem, quæ adducit
de apibus, formicis, & huiusmodi, palàm quòd ni-
hil

hil proficiunt, cū illa nō operentur per intellectū,
sed potius per naturalem instinctum.

Deniq; & quæ subdit pro mente phylosophi, fa-
cilè est eludere. Vnde ad primum dicitur, quod re-
sponsio ibi data optima est: & cū ait quod phy-
losophus nō nouit statum animæ separatū, respōde-
tur quod istud est falsum, imò illum uidetur attin-
gere. 12. Metaphysicæ, tex. com. 17. ubi dicit, q
nihil prohibet intellectum humanum post mortem
hominis remanere. Et ad illud de delectatione par-
uo tempore nobis, & c. dicitur q ex illis uerbis non
sequitur animam esse mortalem, sed benè q homi-
nes sunt mortales, siquidē, nobis, phylosophus dixit,
& nō animabus nostris. Et si dicatur uoluit nē phy-
losophus (si alium non negauit statum) q anima
perpetuò persisteret sinē corpore? Respondetur, q
hoc est impertinens, uerum in ultima quæstionis
parte dicitur de eò. Ad aliud negatur antecedens.
Et cū dicitur, quod est medius & c. respondetur
quod est quidē medius, sed alio pacto. Primò enim
medius est in esse, uel potius essendi modo: eò quod
anima intellectiua est partim coniuncta, & par-
tim separata, ut dicitur. 2. phy. tex. com. 26. Secun-
dò, medius est in operari, uel, si mauis, operandi mo-
do: eò quod abstractus circa rem operatur penitus
immaterialem, sensus uerò circa rem penitus ma-
terialem, iste autem circa rem quodam pacto im-
materialem & quodam pacto materialem, ad quā
sic

Not

sic se habet proportionē suā, sicut illi ad suā: & hoc sufficit ad hoc, quod sit medius. Et cum dicit, quod unius naturæ unicus est operandi modus, & quod ridiculum est intellectum humanum, cum phantasmatibus, & sine phantasmatibus intelligere posse: respondetur quod cum modus operandi, modum consequatur essendi, illius quidem naturæ unus tantum modus est operandi, cuius unus tantum est modus essendi: sed anima humana non unum tantum, sed duplicem modum sortitur essendi, alterum in conjunctione ad corpus, alterum in separatione ab eo. *166* iccirco mirum non est, si non unum tantum, sed duplicem modum sortitur operandi &c. Hæc de secunda classe.

Tertia classis tādē offert sese, cuius auriga est S. Thomas, qui in quā pluribus suæ doctrinæ locis indubitanter asserit, non modò ex principiis scientiæ naturalis, sed etiam ex mente philosophi, animam humanam esse simpliciter incorruptibilem & immortalem, & solum secundum quid, morti & corruptioni obnoxiam: non quidem eo sensu, quod aliquid substantiæ eius perire possit, sed quia in resolutione compositi, illæ animæ vires, quæ uendicant sibi organa, nequeuntq; sine illis, nō solum suā opera exercere, sed in rerum natura subsistere, cuiusmodi sunt, omnes tum uegetatiuæ, tum sensitiuæ potestates, quæ necessario habent ab illa desinere, & deficere, non in radice, cum, ut diximus, nihil desi-

nat substantiæ animæ, quæ omnium radix est, unde
& cum rursùm suo tempore copulabitur corpori,
denuò pullulabunt ex ea, sed in seipsismet ex defe-
ctu organorum, quibus illas alligari necesse est.

Consistit autē hæc positio, ut in summa dicatur,
in quinque principalibus punctis. Primum & præci-
puum est quod diximus. Secundum est, quòd etsi a-
nima humana nō esteducta de potestate materiæ,
sed creata, ac corpori infusa à Deo: non tamen in-
funditur, imò nec creatur, nisi multis dispositioni-
bus ac generationibus præuijs. Tertiū est, quòd etsi
eadem corpori unitur, ut forma: non sic tamen uni-
tur, ut extendatur in eo, imò nec immergitur in il-
lo, sed supergreditur facultatem ipsius. Quartum
est, quòd etsi est forma non immersa corpori, sed su-
pergrediens facultatem corporis, non tamen aliam
compatitur animam in corpore, in quo est, imò nec
aliam substantialem formam: sed ipsa unica exi-
stens, supplet pro omnibus formis. Quintum est, qd
etsi multiplicent animæ humanæ iuxta numerum
humanorum corporum, quoniam una, uēdicat sibi
unum, cui coaptatur, cuiusq; occasione singulari-
tatem sortitur: nihilominus cum à corporibus re-
manēt absolute, et eandem multitudinem faciunt,
& easdem singularitates retinent. Primum, in quo
totū est pondus aggreditur multis modis euince-
re, tum secundum principia scientiæ naturalis, tum
secundum mentem phylosophi: propter quod & il-
lud

lud non immeritò præ omnibus absoluendum est.

Quòd igitur anima humana de qua sermo, sit simpliciter immortalis &c. multis quidem rationibus probat, ut patet prima. q. 75. & 2. contra gen. cap. 55. & 79. & alibi: ex quibus tres tantum adduco. Et prima est. Anima intellectiua humana, appetit naturaliter esse semper, & id constanti ac solido appetitu, ergò potest naturaliter esse semper, ergò erit semper, ergò est incorruptibilis & immortalis simpliciter &c. Antecedens, in quo totum negocium est, declaratur ac probatur: declaratur animaduertendo tria, primum est, quòd particula (anima intellectiualis humana) posita est ad explicandam substantiam, siue essentiam animæ nostræ: proptèr quod denotat q̄ illa res, actus & perfectio, quæ est anima nostra, habet quidem, ex sua essentia & natura, quòd sit anima, hoc est, apta nata largiri corpori, cui necesse est esse, & operari uitaliter, quemadmodum est dictum in titulo, eo quòd de ratione animæ, est, esse primum principium uitæ: habet rursùm ex natura et essentia sua, quòd sit intellectiua, non quidem ex actiuatione, sed ex ordine.

Ad cuius euidentiam recolendum est, q̄ esse tale ex actiuatione, non est esse tale simpliciter, & absolute, sed est esse tale secundum quid, ac minutissimè, proptèr quod nō potest rem illam, denominare simpliciter et absolute talē: esse tale ex ordine, est esse tale simpliciter & absolute, quia est esse in or-

dine ac latitudinē eorum, quibus competit esse talem simpliciter & absolute. Et ut res sit illustris, considerandum, quod existentibus, quātum ad rem sufficit, tribus animarum ordinibus, nimirum uegetalium, sensilium, & intellectualium, certum est quod omnis que est in aliquo priorum ordinum, simpliciter talis est, puta uegetalis, uel sensilis, ergo & que erit in ordine intellectualis, simpliciter talis, hoc est intellectualis sit, neceſſe est. Verum quia exigit uniuersi connexio; ut supremum inferioris ordinis attingat infimū superioris ordinis, ut scitē Dionysius scripsit, iccirco factum est, ut aliquando res unius ordinis quodam pacto inueniatur pertinere ad alium, pro quantō aliquo modo attingit ad illum, puta in latitudinē uegetalium animarum, fortē suprema, est anima spongiæ, & quia suprema, attingit ad infimum superioris ordinis, hoc est sensilis animæ: undē & non nisi tactum, & illum quidem imperfectissimē, participare potest, qui tactus, ut constat, infimus omnium sensuum est: quæ sanē animam spongiæ, proculdubio, si aliud non accedit, sensilis nec est, nec dicitur, simpliciter & absolute, sed ex illa solū quā tenuissima actatione. Similiter si in latitudine animarum sensilium suprema sit (uerbi gratia) anima simiæ, non negabitur quod ad eam, quæ simpliciter, maximē, & absolute ordini intellectuali conueniunt, quodam pacto, ac modo diminutissimo tantū, possit attinere ali-

aliquid sortiēdo ex uicinitate ad eum: putā mirā
 & insignem ut præfert, apprehensionem & di-
 scursum, super reliquas suæ clāssis, quæ tamen
 propter hoc extrā ordinem sensilum reponi non po-
 test. Palām ergō, quōd cum dictum est, anima intel-
 lectiua, accipiendum est, q̄ ex natura & essentia
 sua, et non ex actiōe aliqua intellectiua sit: cui
 additum est humana, ut ex eadem essentia, & natu-
 ra distincta percipiatur à cœlesti, cum, ut alibi
 diximus, & cœlestis anima intellectiua sit, & per
 hoc, ut innuatur, quōd etsi ex ordinē intellectiua
 est, habet tamen ex propria essentia et natura, quia
 scilicet est intellectiua humana, ut miro modo con-
 tineat in sese uegetalem & sensilem, quod cœlesti
 non congruit. Contineat, inquam, mirificē in sese:
 quia non eo pacto, quo species continet genus, putā,
 homo animal, & animal uiuum: sed eo pacto quomodo
 perfectius certo modo continet imperfectius, & ut
 uerbis utar philosophi, quo pēthagonum continet
 tetragonum, & tetragonum trigonum, propter
 quod non opus est ut recipiat de se formalem præ-
 dicationem eorum &c.

Secundum est, quōd particula (appetit natura-
 litèr esse semper) de appetitu, qui uoluntas est, in-
 telligitur, quoniam in anima intellectiua ex ordi-
 ne, sicut proximè ponitur intellectus, itā paritèr est
 ponenda uolūtas, cum uterq̄; ex eodem fonte profi-
 ciscatur in ea: & licet uoluntas, sicut & intellectus

uis & potentia quædam sit, & non rarò isto pacto
summat, in proposito tamen, non pro ipsa ui, siue
potentia, sed pro ipsius uoluntatis actu, appetitus
accipiendus est. Et quoniam in uoluntate animæ
nostræ, multi inueniuntur actus, ut alibi latius ex-
plicatum est, & quidam liberi, ut electio, quidam
naturales, ut uelle bonum absolutè, & in proposito
sermo non est de libero, sed naturali, iccirco natu-
ralitèr additum est, & propterea perinde est, ac si
dictum sit appetitu suapte natura profecto. Esse
autem semper: cum duo in se claudat, esse, & sempi-
ternitatem, ut constat, non secus ac esse temporale,
esse & temporalitatem complectitur, utrunque na-
turalitèr appetitum esse intelligas, nõ curando ta-
men an sempiternitas sit negatiuè sumpta, an posi-
tiuè accepta, quoniam ut patebit, in idem reinci-
dunt: Summitur quidem negatiuè, ut cùm uniuersa-
le dicitur sempiternum, cùm enim sensus sit, q
non subditur cuius temporis differentie palàm q
sempiternitas in eo, res positiua non est, & ideò re-
ctè negatiuè accipitur: Summitur positiuè, ut cùm
Deus aut intelligentia dicitur sempiterna, tunc
enim sensus est, quòd sempiternitatem uti perfectio-
nem, ac entitatem quandam habent, non secus ac
cum eiusmodi dicuntur immobiles, & infinitæ, quæ
indubiè positiuæ in eis entitates sunt. Quòd autem
in idem in præsentī reincidant, facile constat, quo-
niam si appetitur esse semper positiuè, consequitur
quòd

quòd appetatur & esse semper negatiuè, quoniam ad illud sine controuersia sequitur istud, undè nec Deus nec intelligentia cuius subditur temporis differentie, si uerò appetitur esse semper negatiuè, consequitur paritèr quòd appetatur et esse semper positiuè, eò quòd appetitus naturalis essendi cum non sit ad esse uagum, sed determinatum ad maximum uel ad minimum, ut habetur primò de cælo *tex.com. 116.* opus est ut appetat esse semper aut pro aliqua determinata periodo, aut pro aliqua in determinata, aut pro sempiterna: primum est contrà experientiam, secundum est contrà doctrinam primi de cælo, ergò relinquitur tertium, quod nulum habet inconueniens, & infert quod diximus.

Tertiùm est, quòd particula (constanti ac solido appetitu) posita est, ut excludatur appetitus leuis & nutans, qualem phylosophi & Theologi uel leuitatem nuncupant: qui & esse potest impossibili, ut cum homo appetit uolare, aut esse ubiq;. Siquidem talis appetitus non potest esse nisi leuis, & propterea nutans & instabilis: nec mirum, cum ad primum aspectum frequenter occurrat, nec impossibilitatem ponderet, uel attendat. Quia ergò sermo præsens de appetitu est naturali, qui non est rei impossibilis, quippè qui à natura suggeritur, quæ nunquàm ad impossibile inclinatur, quæ suis in operibus solida ac constantissima est, iccirco & illius appetitus, opus est, ut solidus ac constantissi-

mus semper sit. Declarato antecedente, consequens
est, ut probetur illud, probatur autem hoc pacto.
Anima intellectiua humana, per intellectum ap-
prehendit esse semper, uti excellentissimum bonū,
& maxime appetendum intellectuāli naturā: ergo
per uoluntatem naturali appetitu appetit illud si-
bi, idq; constantē ac solidē. Assumptum est eui-
dens. Siquidem quod anima intellectuāli humana,
per intellectum apprehēdat esse semper, non solum
conuincitur ratione, sed experimento continuo. Ra-
tione quidem, quia cū intellectus sit uniuersaliū,
ut scriptum est primò de anima, necesse est dicere
quod apprehendat esse, ut abstrahit ab hic, & nūc,
& ob id, ab omni temporis differentia, quod est ap-
prehēdere esse semper, negatiue saltē, ut patuit.
Experimento uerò, quia quotidie periculo compro-
bamus, nos illud apprehendere, nec solum sempi-
ternitate negatiua, sed positiua, ergo & idem est
dicendum de anima, imò magis est dicendum de ea,
sicut illi magis proprium est intelligere: nam si Ari-
stoteli creditur, ipsa est, quæ intelligit simpliciter
per intellectum, ut patet in principio tertij lib. de
anima, tametsi & nos, quia nobis unitur ut forma,
intelligere denominemur per eam.

Similiter quod apprehendat illud, ut excellen-
tissimum bonum, & ratio & experientia docet.
Ratio, quia cum omne bonum fundetur in esse, ut
constat. 6. Metaphysicæ, palam quod quale est es-

se in perfectione; talè erit & in bonitate, sed esse
 semper, est maximæ perfectionis, quia ut dicitur. 2.
 de cælo, tex. com. 17. res tantum habent de diuini-
 tate, quantum habent de sempiternitate, ergo est
 maximè bonitatis, & ita est excellentissimum bo-
 num. Experiētia, quia experimur quòd illud super
 omnia reputamus, & pro illo, hoc est ut tuamur,
 ac conseruemus ipsum, ut in eodem loco etiam Com-
 mentator dicit, facimus quicquid facimus. Et de-
 mum quòd sit maximè appetendum intellectu-
 ali naturæ, multa probatione opus non est: & quidem
 quòd sit maximè appetendum, constat ex se, quo-
 niam si bonum est, quod omnia appetunt, ut dicitur
 primò ethi. consequens est, ut maximè bonum
 maximè appetendum sit: quòd uerò maximè ap-
 petendum sit, intellectu-ali naturæ, etiam satis est
 euidentibus quòd unumquodq; maximè
 appetit naturalitèr, quod sibi maximè congruit, ut
 philosophus nō semel scripsit in ethicis: certum est
 autem quòd esse semper, naturæ intellectu-ali maxi-
 mè congruit, tum quia sunt naturæ nobilissimæ ac
 præstantissimæ, ergo illis maximè congruit, ut
 maximè conseruentur in esse, et possideant tam ex-
 cellētissimum bonum, tum quia si conceditur esse
 semper, cælesti corpori, quod longè est imperfectius
 quam intellectu-ali natura, & conceditur illi non
 solum sine naturali repugnantia, sed cum debita
 cōgruentia, cur negabitur intellectu-ali naturæ, cui

non

not bigam

non modò non repugnat, sed iurè optimo, maximè
conuenit? Præter id, quòd nemo potest irè inficias,
illud indubiè congruere Deo, congruere intelligen-
tijs & cœlestibus animabus, cum & ille, omnium
iudicio sint perpetuæ. Et palàm etiam est, quòd in
anima humana nihil est, quod illi repugnet, imò
multa & innumera sunt, quæ ostendunt, quòd illi
miro modo consentit, sicut ex sequentibus animad-
uertere licet: ergò obstinati & non benè dispositi es-
set non concedere, esse semper, cuius intellectuali
naturæ, quàm maximè attribuendum fore.

Consequentia ex præmisso assumpto deducta
etiam manifesta est. Siquidem constat ex ea parte,
quæ dicit, ergò per uoluntatem appetit, eò quòd
uis appetendi in intellectuâli natura uoluntas sinè
controuersia est: similiter ex ea, quæ dicit naturali
appetitu, eò quod naturaliter per uoluntatē ab illa ap-
petit esse, nō minus quàm appetatur uiuere, & nō
solum esse, sed esse semper, quoniā si id cōmune est
oībus iuuentibus, quæcunq; nō orbata etc. ut Arist.
dicit. 2. de anima tex. com. 30. cuius signum est, quod
agnoscendo se corruptibilia, naturaliter appetunt
generare, ut potiantur modo, quo possunt, esse per-
petuò: maximè commune erit uiuentibus illis, quæ
uiuunt intellectuâli uita, sicut sunt intellectuâles
naturæ, quæ cūm generare non possint, contentari
nequeunt, ut perpetuò sint in specie, sed requirunt
ut ipsemet perpetuò sint in indiuiduo. Et demum quod
illud

illud appetant sibi, etiam probatione non eget, si quis cōsideret q, opus est ut illud appetant uel sibi, uel alijs, & quòd si alijs, opus est ut primò illud appetant sibi, quoniam etsi amabile quidem bonum, unicuiq; autem proprium, & amicabilia, quæ sunt ad alterum, ex amicabilibus proueniunt, quæ sunt ad nos, ut Arist. docet. Et quòd appetant solidè & constantè, liquet ex se, quoniam illud appetunt appetitu, qui suapte natura pullulat in uoluntate, quemadmodum & dictum est.

Cum ergò hætenus & declaratum & probatū sit primum antecedens, quod erat, Anima intellectiua humana appetit naturalitèr esse semper, idq; constanti, ac solido appetitu, reliquum est ut clarè deducantur quæ inferuntur ex eo. Ergò probanda est prima consequentia, quæ dicebat, ergò potest naturalitèr esse semper. Et probatur ex eo, quòd appetitus naturalis, cum, ut ostensum est, sit constans & solidus, hoc est, non leuis, uel nutans, ad impossibile esse non potest. Nec obstat quòd appetitus, de quo loquimur, non summatur pro ipsa ui, seu appetitiua potentia, sed pro appetitione, quæ actus est eius, hoc est pro ipso uelle, seu desiderare, ipsius uoluntatis: quoniam nec illud cum est constans & solidum, quod est profectò quotiescunq; est naturale, ut iam pluries diximus, eiusdem censetur uis cum ipsa potentia, nec immeritò; quoniam aliud non est quam appetere eius, sine quo uis illa non appetit,

petit, imò nec appetere intelligi potest. Secūda cōsequētia, quæ dicebat, ergò erit semper, etiā probatur, et probat̃ ex eo, quia aliàs illa naturalis potentia esset frustrā, quòd natura, non patitur: nā Deus et natura nihil agūt frustra, ut summitur ex primò phy. et in. 2. de cælo docet Arist. q. si astra uim haberēt progressiua, natura illis dedisset instrumēta ut progredi possent, ne frustra inuenirent in natura.

Nec obstat quòd in aliquibus uideantur aliquæ esse naturales potentie, quæ nunquàm reducuntur ad actum, & tamen non uidentur frustra, sicut potentia augmentatiua in sene, generatiua in mula, uisuiua in talpa, & sic de similibus, quoniam si res rectè discutitur, uidebitur primò quòd in sene potentia augmentatiua iam functa est officio suo, & propterea non dicitur esse frustrā, quoniam non opus est, ut semper quæuis naturalis potentia prorumpat in opus, sed loco et tempore oportunis &c. in mula autem generatiua, & uisuiua in talpa, in quibus nunquàm funguntur suo officio, etiam non dicuntur frustra, si quis attendat cur illis à natura datæ sunt: nam ut ex primo summitur phy. illud dicitur frustra, quod non assequitur finem, ad quod institutum est. Siquidem non illis datæ sunt ex naturæ intentione, in ratione potentie, quod patet, quia illis non sunt datæ, ut exeant aliquādo in opus (siquidem potentia, hoc ipsum, quòd potentia est, ad actum indubitanter est, ut 9. habetur metaphysicæ

*physicæ tex. com. 15. 16.) quoniam non data est
 generatiua mula, ut generet, & uisua talpæ, ut
 uideat, cuius signum est, quòd etsi quædam mula
 appetit aliquando delectationem ueneream, non ta-
 men appetit generare, similiter nec talpa uidere,
 sed illis ex nature intentione data sunt in ratione
 proprietatis : quod patet quia illis data sunt, ut
 quædam consequentia naturam animalis, & quo-
 dammodo ad perficiendum eam. Siquidem con-
 stat ex Auerroe primo de anima commen. 65. quòd
 potestates animæ utroque modo sumuntur, &
 propter hoc q̄ diuersas rationes habent, & iccir-
 co non est mirum, si non uni nature intentioni sub-
 duntur. Ergo clarum est, q̄ hæc in presenti non ob-
 stant, propterea q̄ potentia ad esse semper, cum an-
 nexum habeat appetitum naturalem ad esse sem-
 per, ut potentia sine dubio ex intentione à natura
 concessa est. Et merito quandòquidem in rebus ual-
 de nobilibus, & præcipuis in ordine uniuersi, nihil
 fas est admittere, (de naturalibus loquor) quod un-
 diq̄ ex nature intentione non sit profectum, cum
 eiusmodi toto nixu natura occupata maximè sit.
 Tertia consequentia, quæ dicebat, ergò est incorru-
 ptibilis & immortalis, simpliciter &c. ex se eu-
 dentissima est. hæc pro prima. S. Thomæ ratione
 sint satis, quæ si ab intellectu ponderetur ritè dispo-
 sito, meo iudicio efficacissima est.*

Secunda ratio est, si anima intellectiua prima-
na

na foret corruptibilis, & mortalis, utiq; ad cor-
 ruptionem & mortem ab aliquo reduceretur contra-
 rio, sed hoc est impossibile: ergo anima intellectiua
 humana non est corruptibilis & mortalis. Maior
 est nota, tum experientia, quoniam album non cor-
 rumpitur nisi à nigro, & frigidum à calido, & ita
 de reliquis, tum doctrina philosophi in. 5. phy. ubi
 docet & iusto processu, omnes generationes & cor-
 ruptiones fieri ex contrarijs, & in contraria. Mi-
 nor est probanda, & probatur ex hoc, qd anima in-
 tellectiue humane nihil est contrarium: quod con-
 stat, quia nihil sibi inuenitur repugnans, ut quæ su-
 sceptiua est omnium, imò euasura est omnia, ut ha-
 betur. 3. lib. de anima, & dum sit unum aliud non
 admittit, sed potius perficit: unde & contrariorum
 rationes, in anima non sunt contrarie, & una est
 utriusq; scientia, ut ex. 9. summitur methaphysi-
 ce. Nec obstat qd in anima recipiantur aliquando
 opiniones contrarie, dum aliquando aliquis credit,
 qd dentur, exempli gratia, ecentrici, & epicycli, &
 paulò post non credit qd dentur ecentrici & epicy-
 cli, ut dicitur. 2. perhier. item qd anima mutatur ali-
 quando in scientiam ex prauæ dispositionis ignoran-
 tia, & constat qd omnis mutatio de contrario in con-
 trarium est, ut. 3. & 5. phy. legitur. Non obstat in-
 quam quoniam ut Auerroes docet. 3. de anima. cō.
 5. opiniones & uniuersaliter entia, quæ recipiuntur
 in anima possunt dupliciter summi, uno modo ex parte
 subiecti,

contrarij
 e una et
 eadem
 qd sit.

opinio
 recepta in
 anima
 potest con-

subiecti, hoc est ipsius animæ, in qua sunt, & sic uerum est, quod diximus, & facit ad rem, quam intendimus, eò q̄ corruptio & mors ex parte subiecti attendenda sunt, sicut & generaliter omnis motio & alteratio, ut ex. 3. phy. habetur, attendenda est: alio mō ex parte obiecti, ad qđ ordinata sunt, et hoc pacto, nihil prohibet habere rationem contrarij. Siquidem cū ex hac parte habeant conformari, uel non conformari rebus, quas representant, palam q̄ induere possunt ratione ueri, uel falsi, & propterea utriusq; oppositi, sed hoc ut patuit, non eis congruit, ut sunt in anima, sed ut representant res (nam ab eo q̄ res est, uel non est, oratio dicitur uera, uel falsa, ut dicitur in prædicamentis) ergò cum anima de opinione mutatur in opinionem, aut de errore in scientiam, mutatio quidem fit de contrario in contrarium, sed non ex parte subiecti, sed obiecti: unde & eadem propositio successiue est uera & falsa absq; sui mutatione, ut ibidem philosophus dicit.

Tertia est. Si intellectus noster est incorruptibilis & immortalis, etiam anima humana incorruptibilis est & immortalis, sed intellectus noster est incorruptibilis, & immortalis, ergò & anima humana incorruptibilis est & immortalis. Maior ex eo euidentius est, quòd intellectus noster pars potestatiua humane animæ est, ut habetur. 3. de anima in principio, quam constat sine anima esse non posse.

Minor

Minor ex eo conuincitur, quod intellectus suapte natura, in genere est intelligibilem, & per hoc in genere incorruptibilem & immortalem. Nec obstat, quod in eo est, ueluti pura potentia, & ut dicitur. 3. lib. de anima, tanquam tabula rasa, aut quod eum locum tenet in eo genere, quem materia in corruptibilem genere, ut Commentator dicit, 3. de anima, commen. 5. sed rem potius, promouet, cum in omni genere id, quod habent locum potentia, maxime sit incorruptibile, & praesertim in sensibilem genere, quod licet, ut constat, sit maxime corruptibile, materia tamen quae in eo pura potentia est, penitus incorruptibilis est. Et si additur, quod intellectus noster, ita in intelligibilem genere pura potentia, quod cum intelligibili superueniente coniunctus, ita illi connectitur, ut illud miro modo euadat. Siquidem ut Commentator docet. 3. de anima com. 5. ex intelligibili et intellectu, fit magis unum, quam ex materia & forma, eo quod non fit tertium, sed unum transit, modo quodam in aliud: propter quod & cum definitur intellectus ab Aristotele, non dicitur quod est in recipere omnia, sed in fieri omnia, maxime apparebit, quod dicimus: propterea quod ex hoc sequitur expresse, quod ita est potentia in genere intelligibilem, quod ueluti inchoatio est omnium intelligibilem, ergo illi maxime congruit, ut incorruptibilis & immortalis sit. Si enim intelligibilia incorruptibilia & immortalia sunt, ut em-

nes philosophi docent, alias scientiæ incorruptibilium, siue æternorum non essent, haud dubiū, quod intellectus noster, cum illorum inchoatio quadam sit, quod omnium quodam pacto incorruptibilitatem & immortalitatem adeptus est. Nec obest, quod intelligibilia, & maximè naturalia, quorum & potissimum intellectus noster receptio & inchoatio est, in singularibus corruptibilia quidem sunt, & mortalia: quoniam singularia non sunt intelligibilia, sed sensibilia, & per hoc ad intellectum directè non pertinent, ergo & officere illi in hoc ipso non possunt. Ex his absolutum satis credimus primum punctum sententiæ. S. Thomæ, propter quod est ad sequentia procedendum, & breuibus unumquodq; tractandum.

Secundum igitur punctum est, quod etsi anima intellectiua humana non est edueta de potestate materiæ, sed creata, ac corpori infusa à Deo, non tamen infunditur, imò nec creatur nisi multis dispositionibus ac generationibus præuijs. Quod probatur. Et quidem quod edueta non sit de potestate materiæ, habetur ex eo, quod si esset ab ea edueta, indubiè esset ab ea in genere causæ materialis causata (hoc enim ita intrinsecum est eduetioni ex materia, ut secus intellectu, qui terminos nouit, capi non possit) ergo non excederet uim siue facultatem materiæ, (hæc uoces intellige eo modo, quo possunt conuenire materiæ, quæ certum est, causalitatem

eius in hoc circumscribere, ergò non excederet genus formarum sensibilium, cum ultra illas non ualeat se extendere, ut quæ in genere sensibilium tantum potentia & causa est. Constat autem ex dictis quòd anima intellectiua humana, in genere non sensibilium, sed intelligibilium simpliciter et absolute constituta est. Quòd uerò creetur, ac corpori infundatur à Deo, satis est euident, si quis animaduertat, quòd anima, de qua sermo, sicut & uniuersaliter uerum est de omni forma, non præcedit compositum, ut etiam Arist. dicit. 12. Metaphysicæ tex. com. 17. & per hoc, quòd necesse est, ut simul oriatur cum eo, ergò cum nõ educatur de materia, opus est, ut accedat de foris, & per hoc ut producat ex nihilo, & consequenter à Deo, ut patet ex his, quæ dicta sunt in questione de creatione, à quo & infunditur medijs tamen cælo & homine, ut in præcedentibus attactum est. Quòd demum non infundatur, aut creetur, nisi multis dispositionibus, ac generationibus præuijs, facile demonstratur considerantibus nobilitatem animæ nostræ, quæ requirit materiam excellenti modo dispositam, utpotè quæ sit corpus organicum, et potentia uiuens, ad quod constat quòd unica dispositione, aut generatione natura nõ peruenit, undè & philosophus dicit in lib. de generatione animalium, quòd in utero mulieris prius sit embrio quàm animal, et animal priusquàm homo. Tertium est. Quòd etsi eadem corpori unitur ut forma,

forma, non tamen sic unitur, ut extendatur in eo; imò nec immergitur in illo, sed supergreditur facultatem ipsius. Quòd probatur. Et q̄ sit forma corporis, notum est, quia aliter nec intelligere esset homini opus uitale, nec homo diceretur formaliter per animam intelligere, ut latius dictum est contra Auerroem. Quòd ei non uniatur sic, quòd extēdatur in eo, palam est, quia aliàs non esset tota in toto, & tota in qualibet parte, ut planè omnes admittunt. Quòd non immergatur in illo, sed supergrediatur facultatem eius, liquet, quia aliàs necesse esset intellectum concedere actum alicuius organi, et ob id, quòd non intelligeret simpliciter uniuersale.

Quartum est. Quòd etsi forma est non immersa corpori, sed supergrediens facultatem eius, non tamen aliam compatitur animam in corpore, in quo est, imò nec substantialem formam, sed ipsa unica existens supplet pro omnibus formis. Quòd probatur. Et quòd aliam nō compatiatur aīam, constat, quia aliàs homo non esset unum per se. Siquidem essent in eo duo substantiales actus, qui nequeunt facere unum per se, ut phylosophi tradūt. Et hoc quidem non solum excludit plures animas, sed plures substantiales formas: sed hæc latius prosequi, locus non postulat. Quòd uerò ipsa suppleat pro omnibus formis facile est aduertere recolentibus, quòd præcedentes eam continentur in illa, eo pacto, quo tetragonū continet trigonū, ut Aristoteles docuit.

Quintum est, quod etsi multiplicentur anime humane iuxta numerum humanorum corporum, quoniam una uendicat sibi unum, cui coaptatur, cuiusq; occasione singularitatem sortitur, nihilominus cum à corporibus remanent absolute, & eandem multitudinem faciunt, & easdem singularitates retinent. Quod probatur. Et q̄ multiplicentur iuxta numerum corporum, ex hoc facile est conuincere, q̄ anima humana actus est corporis, nec cuiuscunq; sed sibi proportionati, ac coaptati, ergò necesse est, ut una correspondeat uni, ut immediate subiungitur. Et q̄ occasione corporis quolibet singularitatem accipiat, S. Thomas ostendit, qui formam semper ex materia, non qualibet, sed signata indiuiduari demonstrat, de quo alibi ampliter dictum est. Et licet anima, de qua sermo, proximè producat à Deo, & certum sit q̄ omne productum est singulare, imò & opus est, ut ab eo, à quo anima esse sortitur, & singularitatem pariter sortiatur, quia tamen anima à Deo infundendo creatur, & creando infunditur, necesse est, ut simul sit creatio & infusio, iccirco, utrunq; dici suo modo potest, & q̄ scilicet à Deo, & quod à corpore singularitatem obtinet, sed à Deo, ut ab agente, & à corpore, ut ab occasione. Nam licet anima bruti à corpore indiuiduetur bruti, sicut à causa, eò quod à materia, sicut à causa pendet, anima tamen hominis, cum minime dependeat à corpore hominis, nō nisi sicut ab occa-

Anima humana
nata à Deo
singularitatem
accipit.

occasione indiuiduari habet ab eo: putandum enim est, quòd sicut Deus occasionem nactus nobilioris corporis, nobiliorem creat animam pro illo corpore, ut S. Thomas docet, ita & occasione accepta ex singularitate corporis, animam creat singularem conformem singularitati corporis, quòd aliud non est quàm animam commensurare ita huic corpori, quòd commensurata non sit alteri &c. Et demùm quòd separata retineant eandem multitudinem, easdemq; singularitates, etiam difficile non est accipere aduertentibus maxime quòd singularitates illæ, etsi non sunt de essentia animarum nostrarum absolute, ut tamen singulares sunt, adeò sunt illis intrinsecæ, ut ab illis quouis modo remoueri nò possint; imò & anima Platonis separata, ita retinet singularitatem Platonis, ut sine illa plenè cognosci, aut deffiniri non ualeat, quò fit ut, si rursum unienda est corpori, non Socratis, sed Platonis corpori necessario unienda sit, ut latius Theologi prosequuntur, & fortè à nobis amplius resumendum erit &c. Ex his satis perspicuum esse potest, quàm consonet lumini naturali, animam intellectuam, humanam ponere simpliciter incorruptibilem & immortalem, cum hæc omnia ex propositionibus scientiæ naturalis accepta sint.

Superest, ut idem ita fore ostendatur, de mente philosophi, ut iam constitutum est ex scientia. S. Thomæ, quòd ab ipso fit, tum authoritatibus, tum

rationibus. *Authoritates sunt plurimæ, sed hæ po-*
tiores, siquidẽ primò de anima tex. com. 65. inquit,
quòd intellectus uidetur alterum genus animæ esse,
& non corrumpi. Et. 12. Methaphysicæ tex. com.
17. dicit, q̃ et si nulla forma esse potest antè compo-
situm, nihil tamẽ prohibet aliquam remanere post
ipsum, & subdit. Vt si est anima talis, non omnis,
sed intellectus, nam omne impossibile forsàn. Et. 2.
de generatione animalium. cap. 4. ait, q̃ mens de-
foris uenit. Ex quibus satis apparet quid sentiat.
Nec obstat si uerbo, uidetur, usus est in duabus pri-
mis, quoniam non est dubitantis, sed rem differen-
tis ad proprium locum, qui non est in lib. de anima,
sed in lib. Methaphy. & quidem in calce, undè &.
12. ubi suprà promittit postmodum uelle perscru-
tari, an aliqua forma remaneat post compositum,
& animæ maximè & potissimum intellectus. Simi-
liter nõ debet quempiam offendere, si in tertia, uti-
tur nomine mentis, quoniam id non sit ad expremen-
dum solùm intellectum agentem, ut aliqui dicunt,
addentes q̃ ille non est pars animæ, & propterea q̃
rectè extrinsecus dicitur aduenire, quoniam præter
id q̃ nullibi apud Aristotelẽ legitur, intellectum
agentem appellari mentem, imò nec fortè ab illo
appellari mens posset, cum illius officium non sit of-
ficiū mentis, quippè qui se habet, ut habitus tan-
tum & lumen, ut dicitur. 2. de anima tex. com. 17.
certum est quòd eò loci phylosophus loquitur de
anima

anima humana, quærens an illa sit in semine, sicut est anima bruti, & dicit quòd uerè nō est in semine, sed de foris accedit, & sensus est, q̄ non obstante, q̄ uniatur corpori cōcurrente ui seminis humani, cui quodam pacto coniungitur, quia tamen ex ui seminis non proficiscitur, ut quæ longè superat facultatem eius, neceßè est ut extrinsecus copuletur ei. Rationes sunt paritèr multe, sed tres uidentur præcipuæ.

Prima fundatur super eo constantissimo fundamento, q̄ anima intellectiua humana habet operationem propriam, cui scilicet non communicat corpus, & formatur hoc pacto. Anima de qua sermo, habet operationem propriam, putà ipsum intelligere (est enim quæ sapit & intelligit. 3. de anima tex. com. 1.) quia non elicitam, nec receptam per organum, uel in organo corporali (nō enim est illo conueniens intelligere, sicut trīstari ac texere) ergò est sufficiens per seipsam præcisè elicere ac substinere suam intellectionem, ergò est sufficiens per seipsam præcisè causare ac substinere propriū esse, ergò est simpliciter incorruptibilis, & immortalis. Antecedens est notum, prima consequentia ex eo uidetur euident, quia si corpus non adiunuat ad eliciendum, nec recipiendum intelligere, uidetur q̄ sine corpore esse possit. 2. quoq̄ uidetur clara, quia esse et operari seinuicem consequuntur, imò et una quæque res efficacius uidetur sese habere ad esse,

quàm ad operari, &c. Nec ualet responsio Scoti,
quam ponit in.4.d.47.q.2. dicens quòd etsi anima
intelligendo non pendet à corpore partialitèr sum-
pto, uti à coeliciente, quia p nullũ certum, ac pecu-
liare organum intellectiõnem coelicit, pendet tamẽ
ab illo totalitèr accepto, quia nihil prohibet totum
corpus simul cum intellectu intellectiõnem elicere.
Non (inquam) ualet, quia eo pacto, intelligere mi-
nus diceretur operatio propria, quàm si eliceretur
per organum, quoniam tunc communicaretur to-
ti, & si eliceretur per organum, non communi-
cicaretur nisi parti. Nec ualet quoq; quod dicit Põ-
ponacius in suo lib. de immortalitate animæ, asse-
rens quòd etsi intelligere non pendet à corpore or-
ganice, pendet tamen ab illo obiectione, quoniam si-
nè phantasmate non intelligit anima. Et ideo licet
quantũ est ex parte principij elicitiui, ac receptiui,
ualeat operari, & operationem recipere, ac susti-
nere, non tamen id ualet ex parte termini, et prop-
tereà ex hac ratione non sequitur, quòd possit intel-
ligere & consequenter subsistere sinè corpore, quia
dum esset sinè corpore, esset sinè phantasmatibus
& per hoc necessario esset sine operatione, & con-
sequenter esset ociosa, quod natura non sustinet.
Et hoc, inquit, uoluit Arist. primò de anima tex.
com. 13. ubi dicit, quòd si intelligere est phantasia,
aut non sinè phantasia, non erit sinè corpore. Non,
inquam, ualet, quoniam etsi intelligere animæ no-
stre,

stre, & maxime in statu presenti, uersetur circa
 quidditates materiales, ut patet. 3. lib. de anima,
 uti circa proportionatum obiectum, ac prorsus pe-
 netrabile ab intellectu humano, præsertim, ut di-
 ctum est, dum anima corpori est coniuncta, &
 hac de ratione necesse sit intelligentem phantasma
 ta speculari, ut dicitur in eodem. 3. tex. com. 36. nō
 tamen oportet id necessarium esse animæ nostræ, in
 quouis illius statu, uel absolute sumptæ: propterea
 q̄ separata à corpore sicut habet modum essendi
 sine corpore, ita habet & modum intelligendi sine
 corpore, nec restringitur eius intellectus, ad quid-
 ditates materiales, sed extenditur etiam ad imma-
 teriales, quanq̄; etsi restringeretur ad eas, nō prop-
 terea opus esset habere phantasmata, sicut nec o-
 pus est intelligentias habere illa, imò nec ea habēt
 cœlestes animæ, de quibus dubium non est, quod
 exactissime illas intelligant.

Et si dicatur, q̄ cum aīa nostra naturaliter sit in
 corpore, et præternaturaliter sine corpore, eò quod
 suapte natura pars hominis est: Et propterea quod
 naturalis eius intelligendi modus est, quem habet
 in corpore, & non quem habet separata à corpore,
 & ob id quod responsio ista declinat ad extranea:
 Facile dicitur quod cum intentio questionis huius
 sit perquirere de anime immortalitate simplici-
 ter, eius pariter intentionis est, uti ipsius intelle-
 ctione simpliciter, & non pro statu aliquo deter-
 minato-

*conuictio
 est in ha
 statu hōis
 immato.*

minato, tametsi ex intellectu, quam experimur,
manuduci uolumus, prout et debemus, si possibile
est, ad eam, quam in separatione experituri sumus.
Addimus quoq; , quod etsi status animæ separata
admittitur, uti præternaturalis status, & maxime
à catholicis, qui probant, ut uerè probandum est,
resurrectionem corporum: nō tamen erraret, si quis
in hoc Auicennam sequens, et uti philosophus, qui
resurrectionem ignorat, post naturale lumen ince-
dens, diceret animæ nostræ utrunq; statum natu-
ralem esse, ut sicut infanti ante nonum mensem natu-
rale est, esse in utero matris, & post naturale ei-
dem est, uiuere extrà uterum eius, ita & nostræ a-
nimæ in hac uita naturale est, esse in corpore, & in
alia esse sine corpore. Et licet animæ suapte natu-
ra, sit pars hominis, ex quo non uulgare à Theolo-
gis pro resurrectione summitur argumentum, quo-
niam pars suapte natura inclinatur ad totum, &
non sine uiolentia esse uidetur sine eo, nihilomi-
nus non recedendo ab his, quæ philosophus no-
uit, haud difficile est animaduvertere, quod id
perennitati animæ nō præiudicat: eò qd dici potest,
quod sicut in separatione quodammodo sortita est
statum suppositi, ita & amisit quodammodo offi-
cium partis: dico quodammodo quoniam non me
fugit, quod suppositum, ut in usu est Theologis, sim-
pliciter non est, nisi in natura completa, tamen si-
quis aduertit, quod subsistere in se, præcipuum eo-

rum est, quæ ad illius rationem concurrunt, forsân non detrectabit prorsûs, & illam suppositum appellare, & ob id, non uerebitur ab eadem quoq; officium partis deponere: quod & eò facilius potest admitti, quando & eò officij in corpore sat fuit, locupletissimè fungi, & certum est, qd separatio, etiã integralibus partibus, non rarò totius largitur rationem, & quod satis est naturali inclinationi ad hoc, ut non sit frustra, qd pro tempore, quo effectum sortiri habet, sit illum sortita.

Deniq; nec euaditur, si dicat quis, estò ad intellectionem animæ, non concurrat corpus organicè, estò non concurrat obiectiue, concurrat tamen conditionalitèr, hoc est, ut conditio necessaria ad hoc, qd anima ipsa intelligat, & sine qua intelligere impossibile sit, ut dicamus qd coniunctio ad corpus, ad intellectionem quasi eò pacto exigenda sit, sicut a proximitate ignis ad combustibile, ad combustionem exigenda est. Non euaditur quidem, quoniam præter id, qd fuga est uoluntaria, cum sit sine ratione, est & inconsiderata, cum sit sine iusto rei examine. Siquidem si ipsa coniunctio cum corpore, ad intellectionem exigenda est, sine dubiò exigenda est uel ad eliciendum, uel recipiendum, uel terminandum eam, aliud profectò fingi nō potest, sed ad horum nullum exigenda est: nam qd exigenda nō sit ad eliciendū, cōstat, quia & si ad intellectionē exigitur cōiunctio intellectus cum intelligibili, quoniam intel-
lectus

lectus in actu est qui intellectiōem elicit, non tamen exigitur coniunctio intellectus cum corpore, imò exigitur separatio intellectus à corpore, quoniam etsi Anaxagoras posuit intellectum corpori immixtum, ut imperaret, Aristoteles tamen docuit illum debere esse immixtum, ut intelligeret: similiter q̄ exigenda non sit ad recipiendum, palàm quia intellectio est actio immanens, non modò intellectum perficiens, qui non est actus corporis, sed etiam illum eleuans, & à corpore quodammodo abstrahens, imò tantum abest, ut coniunctionem ad corpus, ad recipiendum eam necessariam habeat, q̄ nisi esset separatus à corpore, illam claram, ac lucidam non reciperet, eò quòd à corpore, quod materia constat, quæ suapte natura hyle & chaos est, non potest nisi obscuritatis aliquid prodire ac proficisci: Quod autem ad terminandum attinet, haud dubium, quòd etsi respectu intelligibilis materialis concedi potest, eò q̄ requirit de necessitate phantasma, liquet tamen quòd parum in præsentia proficit, quoniam non negatur eiusmodi cōiunctio necessaria in hoc statu, & in ordinè ad eiusmodi.

Secunda ratio, etiam ualidissimo nititur fundamento, quòd scilicet intellectus noster cognoscitiuus est omnium corporum, quod nihilominus sumptum est ex. 3. lib. de anima, tex. commen. 4. Et formatur hunc in modum. Intellectus noster cognoscitiuus est omnium corporum, ergò nulli immixtus est

est corpori, ergò est independens à corpore, ergò potest esse sine corpore, ergò incorruptibilis est, & immortalis. Antecedens notum, prima consequentia probatur, tum ratione, tum experientia. Ratione, quia si mixtus esset alicui corpori, aut ita foret mixtus, quòd corpus illud in sui essentia, & natura reciperet, eo pacto, quo homo, aut quoduis animal recipit illud, & hoc non, quia intellectus est res simplex, aut foret mixtus eo pacto, quo sensus est mixtus, hoc est, quia foret actus alicuius organi corporalis, & hoc etiam non, quia intus apparens prohiberet extraneum, & obstrueret, ut Aristoteles dicit. Experientia, quia periculo comprobamus in sensu gustus, quòd si constaret ex colera, aut foret coniunctus colera, indubie prohiberetur à discretionem aliorum saporum &c. Secunda consequentia ex eo conuincitur, quòd oppositum consequentis infert oppositum antecedentis. Siquidem si intellectus dependeret à corpore, necessario alicui corpori conuinceretur admixtus, quod hoc pacto deducitur. Nulla est uera dependentia sine uera causalitate (siquidem de dependentia loquimur non ad aliud, sed ab alio) ergò si dependeret intellectus à corpore, aut dependeret ab illo, sicut à causa efficiēte, & hoc non, quia materia & efficiens non coincidunt in idem numero, ut. 2. dicitur phy. aut sicut à causa finali, & hoc etiam non, quia forma non est propter materiam, sed materia est propter formam,

74
mam, sicut & potentia uniuersaliter est propter
actum, ut traditur. 9. meta. aut sicut à causa for-
mali, & hoc etiam non, quia corpus non est forma
animæ, aut intellectus, sed anima est forma corpo-
ris, cuius animæ pars est intellectus, ut dicitur. 2.
& 3. lib. de anima, aut sicut à causa materiali, &
tunc insertur quod diximus: nam si corpus est ma-
teria, ex qua pendet intellectus, necesse est, quod
comprehendatur sub facultate eius, aliàs non cau-
saretur ab eo, ergò necesse est ut recipiatur in eo,
patet quia materie causalitas, maxime in recipien-
do consistit, ergò erit immixtus &c. Tertia conse-
quentia ex terminis clara est, eò quod unumquodq;
esse potest sine eo, à quo nullo modo dependet, Quar-
ta similiter probatione non eget, quia ex se ipsa
constat.

Tertia ratio fundatur super eo, quod intellectus
agens intrinsecus est animæ nostræ. Et formatur hoc
pacto. Intellectus agens indubiè est incorruptibi-
lis, & immortalis, ergò & anima, cui est intrinse-
cus, est incorruptibilis & immortalis. Antecedens
patet ex. 3. lib. de anima, tex. commen. 23. Vbi dici-
tur quod separatur in hoc, quod uerè est. Ex quo
omnes expositores accipiunt illum fore incorrupti-
bilem & immortalem. Consequentia clara est, quia
si est intrinsecus animæ, imò pars potestatiua eius,
haud dubium, qd sine illa esse non potest, & ob id
opus est illam corrumpi, aut mori non posse. Hæc

pro

pro sententia. S. Thomæ. Quam sequuntur omnes Thomistæ, & multi, qui non sunt prorsus Thomistæ, ut Niphus, & ante illum Durandus, & ante illum, imò & ante Thomam, & maximè in primo & præcipuo eius puncto Avicenna, ut patet in. 6. naturalium parte. 5. cap. 4. Et meritò quidem sequuntur plures, imò & sequi debent omnes, quoniam sententia & constantissima ac verissima est, ut quæ non solum consonat naturali lumini, sed doctrinæ catholicæ. Ergò non modò est omnibus amplectenda, sed iure optimo exosculanda. Hactenus de tertia classe, & per hoc de secunda questionis parte.

Quò ad tertium, etsi satis constat veritas ex sententia. S. Thomæ, nihilominus, ut institutus ordo seruetur, adhuc pauca adijcienda sunt. Et primò resolutè respondendum est questioni secundum principia scientiæ naturalis: Secundò iuxta mentem Aristotelis: Tertiò ex sententia fidei. Quò ad primum sit ista conclusio. Secundum principia scientiæ naturalis apud intellectum ritè dispositum, convincitur animam intellectuam humanam, incorruptibilem & immortalem fore simpliciter & absolute. Undè & probatur ex propositionibus lumine naturali acceptis, & quidem quadruplici ratione.

Et prima summitur ex capacitate intellectus humani, et formatur hoc modo. Intellectus uidetur

27
& si naturaliter cupit cognoscere materialia & corporea, maxime tamen cupit cognoscere immaterialia & incorporea. Prima pars patet, tum quia cum ex propria natura & conditione sit in omnia fieri, ut dicitur. 3. lib. de anima, nulli dubium, quod utrumque affectat agnoscere, tum quia nisi utrumque desideraret agnoscere, non utriusque cognitioni insisteret, & materialibus ac corporeis insitit in scientia physica, immaterialibus uero & incorporeis in scientia Methaphysica. Secunda pars probatur, tum quia est sententia Aristotelis in prologo Methaphys. tum quia in earum cognitione est potior illius delectatio, ut idem in. 6. animelium tradit, & certa experientia docet. Nec solum ualde cupit cognoscere immaterialia & incorporea, sed & præ omnibus entia abstracta & separata, ut Deus & intelligentie. Constat hoc, quia in horum cognitione, quantum ex natura accipi potest, consistit illius consummata perfectio, cum ut dicitur primo & 10. ethicorum, in eorum contemplatione sit intellectus humani felicitas & beatitudo: & certum est quod ad felicitatem, ueluti ad ultimum finem maximum eius desiderium est. Cui desiderio non satisfit, si Deum & intelligentias in suis cognoscat effectibus, eo pacto, quo relucet in phantasmatibus: cuius signum est, quod in hoc naturaliter non quiescit, cum & naturale sit uisis effectibus desiderare, & causam illorum uidere effectuum, siquidem admiramur ex uisione

uisione effectus, & ob id phylosophari incipiamus
 neceſſe eſt, cauſam perquirendo illius effectus, ſed
 opus eſt, ſi debet quieſcere, ut Deum & intelligen-
 tias cognoſcat in eiſdemmet. Et cum hoc aſſequi nō
 poſſit in ſtatu coniunctionis anima noſtra ad cor-
 pus, cum nullus, ſi non fallor, hactenus id periculo
 comprobauerit, relinquitur (ut deſiderium non ſit
 fruſtra) ut illud in ſtatu aſſequatur ſeparationis à
 corpore, & ita anima noſtra eſſe poterit ſine corpo-
 re, & per hoc incorruptibilis erit & immortalis.
 Hæc ratio eſt quidē ſine ſcrupulo, ſiquis retinuerit
 tria. Primum eſt, quod etſi dicitur intellectum no-
 ſtrum maxime cupere Deum, & intelligentias co-
 gnoſcere in eiſdemmet, non tamen dicitur, quod cu-
 piat compræhendere Deum, aut intelligentias, ut
 in ſeipſis ſunt, hoc eſt cognoſcere illum aut illas,
 quantum cognoſcibiles ſunt: hoc enim ſine dubio
 falſum eſſet, cum illius capacitatem excedat & na-
 turale deſyderium, non tendat ad impoſſibile, ut iā
 diximus. Secundum eſt, quod non oportet hoc loci
 perquirere, quo pacto contingat intellectum noſtrum
 (anima à corpore ſeparata) Deū & intelligentias
 in ſeipſis cognoſcere, an ſcilicet contingat per ſpe-
 ciem aliquam, an per naturam propriam uniui-
 uſq; , quoniam etſi primum diceret. S. Tho. for-
 tē tamen quod ſecus placeret alijs, & per hoc ut
 immediate naturas illas in ſeipſo ſuo modo recipe-
 ret, præſertim cum ex proprijs ſuis, intelligibiles

hoc in corpore

*immediatè
 nat. propria
 intelligibile
 in ſeipſo
 recipere*

12. *Metaphysica de animabus cæli.* Tertium est, qd desiderium intellectus nostri cognoscendi Deum in sese, cum sit, ut diximus, naturale, extendi non potest ad Deum, nisi ut naturalis fœlicitatis fons est, propter quod non oportet in præsentia, difficultatem ingredi, de fœlicitate nobis ex gratia repromissa, & quomodo consistat in uisione Dei, sicuti est, ut Theologi docent, & quomodo possit, uel non possit naturaliter appeti, uel concupisci.

Secunda summitur ex libertate arbitry, & formatur sic. Anima intellectiua humana, est tanta libertatis, ut non solum pro arbitrio deliberare ualeat de rebus agendis, non solum pro arbitrio unum possit præeligere alij, sed et certas leges sibi præscribere, passionibus animi moderari, cohibere, cōpescere, & insignem ac singularem uitam sibi asciscere, ac instituire: ergo non solum non est necessario alligata corpori, sed insigniter disponere ualet de his, quæ alligata sunt corpori, ergo longè transcendit genus brutalium animarum, ergo est generis intelligibilis, imò diuini, ergo est incorruptibilis & immortalis. Antecedens experientia notum est. Prima consequentia ex terminis est satis clara. Siquidem si foret allegata corpori, non solum corporis tangeretur affectibus, sed non posset deliberare nisi pro eis, & ita disponere non ualeret de illis pro arbitrio suo. Secunda ex ea est euident, quia anime
bruta

bruti sicut libertate carent arbitrij, ita & de suis
disponere non possunt affectibus. Tertia ex seipsa
liquet, quoniam constat super ordinem sensibilibium
mox ordinem esse intelligibilem. Et quod additur,
imò diuini, ideo additur, tum quia libertate pollere
ex diuinitatis participatione, dubium non est pro-
ficisci, cum certum sit quòd Deus, sicut est liberri-
mus, ita & fons & origo cuiuslibet libertatis, iure
optimo est, tum quia si moderari maiorem mundū
pertinet ad Deum, & minorem ad animam intel-
lectiuam humanā, consequens est, ut sicut à maiore
mundo, minor mundus peculiari ratione dependet,
ita & anima intellectiua moderatrix minoris mun-
di, à moderatore maioris mundi insigni dependētia
proficiscatur, oportet, & ita in deliberandis rebus,
& statuendis pro arbitrio legibus, illius libertatem
participet, necesse est. Quarta ex se pariter est cō-
stantissima, ut cuique patet.

Tertia summitur ex illius immaterialitate sim-
plicitèr, & formatur sic. Anima intellectiua hu-
mana est immaterialis simplicitèr, ergò est incor-
ruptibilis & immortalis. Consequentia est clara, et
procedit à priori, eò quòd ex immaterialitate uel
ut ex causa, sine controuersia infertur incorrupti-
bilitas, & immortalitas, imò et immobilitas. Vnde
et phylosophi, ex hoc medio, Deum concludunt im-
mobilem, & immortalem, et intelligentias prorsus
incorruptibiles, non secus ac effectus ex propria

causa, non eo quidem sensu, q̄ in Deo, aut intelligentiis admittant rationes proprias, uel re ipsa distinctas inter effectum, & causam, sed quia acutè perspicunt; quòd si in illis distinguerentur hæc, non aliter quidem, quàm ut causa, & proprius illius distingueretur effectus, ut satis exercitatis liquet. Et fundamentum est, quia prima materia prima mobilitatis est radix, & ob id corruptionis & mortis, quæ ueluti species mobilitatis sunt. Antecedens quoque satis est clarum, sed si reddatur illustrius, sine dubio probatione non eget. Redditur autè illustrius. si duo declarentur termini, immaterialis scilicet, & simpliciter. Et immaterialis quidem, cum terminus sit negatiuus, ex materiali, qui est affirmatiuus, declarandus est. Certum igitur est, q̄ materiale dicitur, tum de composito, tum de forma: & de composito dicitur, quando constat ex uera materia, sicut animal, lapis, & quoduis aliud corpus: de forma dicitur, quando educta est de potestate materiæ, quoniam eo pacto materiam necessariam habet, ut subsistat in ea, sicut & forma ignis, mixti, plantæ, & bruti. Poteest etiam dici, sed aliquo pacto, de forma quæ de materia non est educta: pro quanto in materia est recepta, ut anima cæli, & anima hominis. Ergò immateriale dicetur, quod uel non recipitur in materia, uel non dependet à materia, uel non componitur ex materia. In proposito, anima intellectiua humana, immaterialis dicitur duobus ultimis

immaterialis

mls modis, & meritò, quoniam materia excluditur
in illis simpliciter, ut constat ex immediatè subiun-
ctis. Simpliciter ergò, apud philosophos solet duo-
bus modis intelligi: altero ut idem sit, q. omnibus mo-
dis, iuxta illud in topicis, simpliciter dico, quod mo-
dis omnibus dico, & hoc modo in præsenti non sum-
mitur, quoniam non est uerum q. anima intellecti-
ua humana, immaterialis sit oibus modis, quoniam
cum sit actus corporis, est unita materiæ: reliquo, ut
idem sit quòd absolutè, & propterea ut distingui-
tur à secundum quid, & hoc modo summitur hoc in
loco, quoniam anima intellectiua humana, etsi se-
cundum quid materialis est, quia scilicet unita est
corpori, simpliciter tamen imaterialis est, quia de
potestate non est educta materiæ, nec ex illa est,
quouis modo composita: quæ duo, ut diximus, rem
materiale simpliciter, siue, quod idem est, absolu-
tè constituunt. Quod sufficere ad inferendam incor-
ruptibilitatem, & immortalitatem simpliciter &
absolutè anime nostræ, ex eo euidentè cõuincitur,
quia & id euidentè sufficiens est in anima cæli, ut
paritèr omnes admittimus.

Quarta summitur ex sapienti ac iusto regimine
Dei, & formatur sic. Certum est lumine naturali
Deum esse prouisorum omnium, undè & hoc Ari-
stoteles, teste Alexandro, ut. S. Tho. refert. 2. de cæ-
lo, super tex. com. 56. non ignorauit, qui et. 10. ethi.
ait quòd Deus uisitat sapientem uirum, sicut ami-

7
eius uisitare solet amicum. Certum est & eodem lumine, quod Deus est iustus, & ob id quod unicuique tribuit secundum opera eius, quod etiam ex dictis Aristotelis difficile non est ostendere, & maxime ex his, quæ tradit. 12. Methaphysicæ, ubi illum asserit principem uniuersi, & quæ non semel repetit, in ethicis, ac politicis: scilicet quod Principem iusta decent, & quod munus eius est leges condere, quibus statuuntur bene agentibus præmia, & prauè agentibus redduntur digna supplicia. Certum est denique, & non minori luce, quod illimitata est potestatis, non solum propter ea quæ tradita sunt. 8. phy. & 12. Methaphysicæ, ex quibus summitur quod est infiniti uigoris, sed & maxime quia ens est p essentiæ, à quo omnia pendet, qui & se habet ad res creatas, sicut dux ad milites totius exercitus: & demum quia extra ordinem rerum, ut nullis possit legibus cogi, nisi illis fortè, quas sibi pro uoluntate statuit, à quibus tum sine sui mutatione, tum sine alicuius rei præiudicio posset, si uellet, recedere. Ex quibus omnibus constantèr deducitur quod indubiè remuneraturus est bonos, & mulctaturus est malos. Et cum hæc non appareant in presenti uita, imò è diuersò sæpe contingat, remanet ut exequutioni mandentur in alia, & ita necesse est animæ incorruptibilitatem ac immortalitatem concedere. Nec audiendi sunt qui dicunt naturali lumine non haberi Deum prouisorem esse omnium particularium,

et maxime humanarum rerum, sed rebus solum pro-
 uidere in specie, ut dicit *Auerroes*. 12. *Metaphysicæ*,
 com. 37. non solum quia hoc detrahit summe
 prudentie, summaeq; sapientie eius, quæ in eo ex sua
 immensitate necesse est ad omnia se extendat, non
 secus ac suum esse ex eadem causa, ad omnia, quæ
 quouis modo esse participant, sed quia etiam repu-
 gnat his, quæ *Aristoteles* docet. Siquidem, præter ea
 quæ tacta sunt ex. 10. ethi. & testimonio *Alexan-*
dri, tradit. 3. *Metaphy. tex. com. 15. contra Em-*
pedoclem, quod si contingeret Deum felicissimum
 ignorare ea, quæ nos scimus, putà odium, ut ille di-
 cebat, contingeret illum esse minus prudentem quàm
 alij. Et loquitur indubiè de notitia singularium re-
 rum, cum loquatur de prudentia, quæ ut notum est
 in ethicis, circa singularia est. Et in lib. de bona for-
 tuna clarè dicit, Deum dirigere aliquos, & ad veri-
 tatem deducere sine eò qd consilientur. Quare quod
 Commentator dixit ex errore, & non ex uerò lumi-
 ne intellectus processit: licet non detrectarim multa
 forsàn ad singularem providentiam Dei pertinere
 posse, quæ solo naturæ lumine penitus non assequi-
 mur, sed illa palàm est proposito non officere. Simi-
 liter nec illis auscultabimus, qui extenuando iusti-
 tiam ac potestatem Dei, illas retrahunt ab operibus
 nostris, quasi iudex illorum non sit, nequeatq; sin-
 gulis pro actis retribuere, propterea qd evidentiissi-
 mè constat, Deo has perfectiones nullo pacto deesse,

Not. hanc

imò & in illo omni cum excellentia, imò & infinita
te fore, quin & ut fons, et oceanus in eo sunt, è quo
omnis tum iustitia, tum potestas dimanat, quare &
in eo esse tali pacto necesse est, ut ad omnia se diffun
dant, & ad hominem maxime, quem & finem rerū
omnium fecit, ut. 2. phy. & primo polit. habetur.

Sed dices. Estò hæc uerissima sint. Estò Deus
omnium providentiam habeat, iuste uniuersa de
cernat, hominum acta dyudicet, bona coronet, &
mala castiget, non propterea incorruptibilitas, seu
immortalitas conuincitur animarum, quandoqui
dem si loquamur de premio, & supplicio ueris es
sentialibusue illis, in presenti uita eo nullus destitu
tus est, tametsi de premio & supplicio apparentibus,
seu accidentalibus, ut diuitia, honores, dignitates,
secus non raro contingat, de quo tamen non multū
solicitandum esse, etiam sapientibus, res exploratis
sima est. Manifestatur quod dicitur. Siquidem es
sentiale premium, quod probe agentibus uidetur
congruere, quies est animi, ac delectatio in opere
bono, quod non inuenitur nisi in possessione uirtu
tis, quæ reddit hominem tutum, & ab omni pertur
batione penitus alienum: Vnde & Plato scripsit
in Critone, quòd uiro bono, siue uiuo, siue defun
cto nihil mali potest accidere: nam nihil timet, ni
hil sperat, tam in prosperis quàm in aduersis, unifor
miter habet sese. E contra uerò mali, habent omnia
dissona, ut etiam. 7. ethi. Aristoteles dicit, nemini
sunt

Sunt fideles, sunt semper inquieti, & continuis agitati procellis. Unde & in. 30. problematum, proble. 10. querens philosophus cur premia proponuntur in certaminibus, & non in uirtutibus, & scientijs: respondet id probè fieri, quia uirtus sibi premium est. Quibus respondeo, quòd etsi non inuis inficias uirtuti annecti tranquillitatem animi, & uicio inquietudinem mentis, etsi non recycimus quòd sicut inquietudo animi, non leuis est pœna delicti. Augustino dicente, quòd Deus ita iussit, ut pœna sibi sit inordinatus animus, ita & tranquillitas mentis non contemnendum premium uideatur uirtutis, philosopho attestante, quòd ipsa sibi premium est: nihilominus non admittitur, quòd uirtuti aliud non maneat premium essenziale, & longè excellentius, aut uicio paratum non sit supplicium aliud essenziale longè execrabilius. Siquidem bonarum operationum premium essenziale, conueniensq; , ut philosophus docet, est summa fœlicitas, & beatitudo, malorum uerò supplicium essenziale, est extrema calamitas, & miseria: quæ cum communi cursu, nobis non obueniant in presenti, imò nec forsàn obuenire possint, palam q; necesse est in alium statum admittere, in quo boni potiuntur fœlicitate, & mali mulcentur meritisima pœna. Verum ut appareat magis, uis prepositæ rationis, attendendum, quòd cum de premio, deq; supplicio, quæ à principe, interuentu iustitiæ distribuenda sunt,

177
sunt, sermo est, certum est, quòd de illis sermo non
est, quæ non dependent ab eo: nam princeps repu-
blicæ nisi præmiaret milites, qui strenuè agonizant
pro illo, in bellò pulchro, ut uerbo utar philosophi,
sed uellet illos esse còtentos, solo ualore animi, haud
dubium quòd non solùm deficeret à ratione munifi-
centiæ, sed & committeret in rationem iustitiæ. Si
militer si non execraretur desides, aut appenderet
fures, contentus sola inquietudine mentis, quam
patiuntur mali, nullus niteretur à praua uita rece-
dere, & ita princeps suo officio non satisfaceret.
Ergò licet ex Deo, sine dubio profectum sit, quòd re-
ctè agens, quiete potiatur animi, & prauè operans
inquietudine afficiatur mentis, quippè qui uirtu-
tem sic instituit, & uitium hac inseparabili mul-
cta damnauit: nihilominus nisi aliud utrisq; mane-
ret, longè uideretur deficere à munere suo: quod
munus, ut diximus, munus est maximi principa-
tus, quia munus monarchæ omnium rerum. Ergò
ad illum maximè spectat benefacere bonis, & mise-
rijs afficere malos. Et cum id in hac uita, communi
cursu, non faciat, superest ut reseruetur in alia.
Siquidem cum optandum sit, ut mens sit sana in
corpore sano, plerumq; euenit, ut mens infirma in
corpore sit robusto, & sana in corpore non simpli-
ci infirmitati subiecto: optandum ut adsint facul-
tates probo, ut ualeat præclara agere, ut etiam phi-
losophus dicit, & non rarò illum mendicare contin-

git,

git, ut uerè phylosophus dicat, illi satius esse attendere lucro, quia pauper, quam contemplationi, etiam si sit philosophus. Et demùm licet bona fortune bona non sint, in quibus felicitas nostra consistit, etiam ex doctrina philosophi, sunt tamen, sine quibus non contingit, ut idem probè approbat, ex mente Empedocris: Et nihilominus scripsit, & experientia docet, quòd ubi minimum est de intellectu, ibi plurimum est de fortuna, & ubi maximum est de intellectu, ibi minimum est de fortuna. Ergò ut res non subsint tanto discrimini, & ritè princeps totius uniuerſi, illas appareat moderari, superest, ut in alia uita, in qua nullus est casus, nulla fortuna, hæc locum sibi reſeruent.

Quò ad ſecundum, ut mens excutiat, philosophi, considerandum, quòd etſi nonnullis uisum eſt, & fortè non malè, Ariſtotilem circà immortalitatem animæ fuiſſe inconstantem dubiumuè, ut Scoto. 4. diſt. 43. q. 2. ar. 3. & Heruco quolibet primo. q. 11. circà finem, propter quod & in ſuis ſcriptis uidetur aliquando quidem in unam, aliquando uerò in partem aliam declinare, imò ut Durandus ſcripſit. 2. diſt. 18. q. 3. in hoc negocio incompoſibilia dicere: nihilominus rectius illius mentem illos aſſequutos eſſe puto, qui uolunt poſuiſſe animā ſimpliciter immortalē, ſicut. S. Thomas, Albertus, & alij. Nec obſtat, ſi diuerſa in ea re uideatur adducere, & nunc fauere uni parti, & nunc alie: quā dōqui-

dô quidem notum est id fore consuetudinis eius, ut
antequàm ueniat ad locum proprium, irresolutè lo
quatur, & nunc in unam, nunc in aliam partem
modo quodam inflectat: constat autem, quòd non
erat locus determinandi rem hanc, nisi in metaphy
sica, & planè quidem in fine, propter quod & in.
12. dixit posterius perscrutandum, an aliqua for
ma remaneat post dissolutionem compositi. Quod
& fortè post modum fecit, tametsi non peruenit ad
nos. Accedit ad hanc partem, quòd tempore Ari
stotelis famosum, imò & celebre erat omnibus ani
mam esse immortalem, & quòd ferè omnes exposi
tores græci id sibi ascribunt. Et denique licet in di
ctis suis aliqua sonare uideantur oppositum, haud
tamen difficile est aduertere, quòd non obsint his,
quæ immortalitati fauent. Siquidem in cōtrarium

notes ad m
labes p
in i m
talina p
ma
uidetur facere, quod scripsit primo de anima, tex.
commen. 12. & 13. ubi dicit quòd si habet opera
tionem propriam, est separabilis, etsi non habet,
quòd non est separabilis: & quòd si intellectus est
phantasia, aut non sine phantasia, quòd non erit si
ne corpore, & ità non erit separabilis. Sed constat
quòd ibi non loquitur absolute, sed ad modum pro
ponentis difficultatem, & licet in. 3. lib. tex. com.
36. subdat, quòd sine phantasmate non intelligit a
nima, id quidem uerum est, in præsenti statu, ut in
præcedentibus diximus, & non in alio, quem Aristo
telem non ignorasse satis testimonio sunt uerba sua.

12. metaphy. tex. commen. 17. Itē in contrarium
 esse uidetur, quod scripsit in. 3. de anima, tex. com-
 men. 25. ubi dicit quod passiuus intellectus corru-
 ptibilis est: Sed certum est, ut non solum exposito-
 res notant, sed ut contextus ipse praeferat, quod lo-
 quitur non de intellectu, sed uel de appetitu, ut qui-
 dam uolunt, de quo & 1. ethi. dicitur, quod per par-
 ticipationem rationalis est, uel de cogitativa, ut ui-
 detur alijs, quae & particularis ratio a philosophis
 nuncupata est, de quo & S. Thomas prima. q. 79.
 2. ad. 2. Itē in cōtrariū uidetur, quod scriptum est
 primò de Caelo, tex. com. 121. quod scilicet omne
 genitum corruptibile est, & geniti nomine intel-
 ligitur omne illud, de quo uerum est dicere, modò
 est, & prius non fuit, ut eò loci constat. Sed nec
 istud obsistit, si rectè intelligatur, quandoquidem
 certum est, quod anima nostra non est genita, sed
 alio modo producta, & ob id, sub nomine geniti
 non est comprehensa: & licet de illa uerum sit di-
 cere, modò est, & prius non fuit, non est tamen
 uerum ad mentem philosophi: qui de genito loqui-
 tur, & non de creato, aut alio modo, quàm per ge-
 nerationem in esse posito. Et quidem q. Aristot-
 eles animā nostram crediderit simpliciter immor-
 talē, praefer ea, quae non semel in praecedentibus alla-
 ta sunt, ex. 2. de aīa, tex. com. 21. ex. 12. meta. tex.
 cō. 17. & 2. de generatione aīaliū ca. 4. satis cōsla-
 re potest ex. 3. eth. ca. 11. et. 9. eiusdē, ca. 9. Vbi tra-
 ditur

ditur fortem secundum rectum iudicium intellectus
debere sese exponere morti pro salute reipublicæ
sua. Quod planè uerum non esset, si fortis moriendo
prorsus esse desineret, eò quòd non esse simpliciter,
nullo pacto appetibile est. Amplius & eandem sta-
tuit formam corporis, ut non solum innuit. 12. Me-
thaphysicæ tex. com. 17. sed expressè ostendit. 2. de
anima, usq; ad tex. com. 24. Nec modò statuit for-
mam corporis, sed multiplicatam iuxta numerum
hominum, alias non uerè informaret corpus, cum
forma & materia debeant esse proportionata, &
actus & potentia ad inuicem necesse sit maximè
correspondere, ut summitur. 2. de anima, & 9. Me-
thaphysicæ. Et hæc modò satis de mète phylosophi.

Quo ad tertium, Docet fides catholica animas
humanas non modò esse simpliciter incorruptibiles
& immortales, non modò informare corpora sua, et
multiplicari iuxta numerum hominum, sed & post
resolutionem compositi, tempore à Dei sapientia
constituto, corporibus eisdem resinctis reuniendas
fore, non quidem facultate naturæ, sed omnipoten-
tia Dei, tametsi nō reunit naturalem in illis, ut reu-
niatur inclinationem esse, & ob id non nihil naturæ
cōsonare hominum resurrectionem admittere. Qui-
bus omnibus fideles tali pacto consentiunt, ut uerè
certiores de illis existant, hoc est illis uehementius,
agglutinatiusq; adhaerescant, quàm quibusuis prin-
cipijs lumine naturali acceptis. Siquidem tam exi-
mia

*mia est uis catholice fidei, ut certitudinem (adhæ-
sionis respectu) superet cuiuscunq; scientiæ, ut non
modo Theologi docent, sed periculo comprobamus:
sed alias de hac re, & comodiori loco. Hactenus de
rei ueritate, & per hoc de tertia questionis parte.*

*Quò ad quartum. Difficultates, quæ se offerunt,
explicande sunt tres, & breues, & non magni mo-
menti. Et prima est circa conclusionem principale,
quæ docet naturali lumine conuinci posse, animam
fore simpliciter incorruptibilem & immortalem,
& talis est. Non conuincitur aliqua conclusio nisi
per medium, uel media necessaria, & perspicue eui-
dentiæ scientiæ, et talem quidem euidentiæ fa-
cientiæ, ut non modo uerè impossibile sit, sed & ue-
rè illis impossibile esse constet, cui euidentiæ fa-
ciūt, rem aliter se habere: alias sicut non esset con-
clusionem scire, ita & rem non esset euidenter per-
cipere, & per hoc nec esset de conclusione conuinci.
Sed hoc palam uidetur repugnare doctrinæ catho-
licæ fidei, quæ animæ immortalitatem non minus ac
mortuorum resurrectionem præcipit, ac omnibus,
& singulis credendum cōstantissimè statuit. Siqui-
dem certum est, de eadem re fidem & scientiam, si-
mul esse non posse, cum hæc euidentiæ exigat, illi
uerò repugnet, eò q̄ de non uisis, seu de non apparen-
tibus est, ut Apostolus scribit.*

*Secunda est circa mentem philosophi, & est sa-
tis*

tis in promptu. Certum quidem est apud Aristotelem mundum ab eterno fuisse, ut constat. 8. phy. et 12. Metaphysica. Certum & homines nunquam defuisse in eo, nimirum quia finis sunt quodammodo omnium, ut dicitur politicorum primo, & physicorum secundo: ergo hactenus fuerunt infiniti, & per hoc, iuxta ea, quæ dicta sunt de illius mente, infinite anime: & cum qualibet, ut conclusum est, peculiare sibi uēdicet corpus, ita ut illo dimisso nequeat transmigrare in aliud: haud dubium, quod et modò anime sunt infinite, quod manifeste repugnat his, quæ philosophus tradit phy. 3. Ergo dici non potest, quod de illius mente dictum est.

Tertia est circa animam separatam, & eorundem corporum resurrectionem. Si enim in anima separata est inclinatio naturalis, ut suo reuniatur corpori: primò sequitur quod resurrectio poterit naturali ratione cognosci, cum naturaliter cognoscatur naturalem inclinationem in uanum esse nō posse, & nihilominus etiam naturaliter scitur, quod de priuatione ad habitum non est regressus, quare naturalis cognitio naturalem cognitionem oppugnat, quod est impossibile: secundo sequitur, quod in resurrectione opus sit eadem numero materiam pro quouis humanorum corporum reparari, & per hoc & quæcunq; ad essentialem uniuscuiusq; consistentiam pertinent, reassumi: sed hoc non uidetur possibile, cum non pauci sint, qui carnibus nescun-

tur humanis, & propterea ut eadem materia essentialiter ad multos pertineat, necessarium sit &c.

Ad primam facile respondetur quod etsi de eadem re, in eodem homine scientia simul & fides esse non possint, alias idem esset uidēs, & non uidens unā & eandem rem, tamen nihil est absurdi, si eadem res, quæ in aliquo homine scitur, fide in alio teneatur. Siquidem Deum esse rusticus credit, quod philosophus per scientiam noscit: ergo & animæ immortalitas apud capientes terminos, & rationum efficaciam penetrātes, haud dubiū quod res est scita, tametsi apud amborum incapaces sit solūmodo credita. Et licet fides præcipiat omnibus credendū immortalitatem animæ, non tamen prohibet, ut si quis illam naturali lumine nosse possit, ut naturaliter illam scire nō curet. Et licet in eo fides pro quantō non apparentium est, locum non habeat, id tamen, quod per donum fidei illi commodo esse potest, minimè denegatur. Siquidem donum christiane fidei talis est energiæ, ut etiam scientibus ea, quæ fides proponit, non mediocriter faueat, etsi, ut diximus, non ad uidendum, ad constantē tamen in aduersitatibus persistendum, & in multis fortunandum, ut facile est, his, qui illud experiuntur, agnoscere. Ergo recte fides catholica, non solūm præcipit quæ longè superant captum humanum, ut mysterium Trinitatis, incarnationis Verbi, & sacramenti Altaris, sed etiam quæ humano lumine asse-

qui possumus: et quia ad id nō omnes pertingunt, et quia etiam qui pertingūt, fide nō leuiter cōsolant̃.

Ad secundam dicitur, quòd sinē dubio difficultas hæc negocium magnū Aristoteli faceret, si uellet, omnia quæ tradidit, substinere, & fortè cum de animæ immortalitate loco cōstituto tractasset, aduertisset quòd re uera mundus non fuisset æternus, sicut & aduertit, quòd illum æternum esse conuinci non posset: propter quod & in topicis asserit, illud esse problema. Quare stantibus quæ hætenus ab eo dicta sunt, fatendum est, mea opinione, illum dixisse incompatibilia, nimirum nō solūm quia homo erat, sed quia errorem sectatus est de perpetuitate mundi. Undè si non ueritus est Scotus dicere, illum non constare sibi de contingentia rerum, & influentia primæ causæ, et Durandus circa animæ immortalitatem illum tradere repugnantia: non puto fore magnum facinus, si quis dicat, mundum esse æternum, et animam esse immortalem cum reliquis, quæ tradit in suis libris, simul stare non posse.

Ad tertiam dicendum est, quòd etsi certissimū est, animas separatas naturalem inclinationem habere, ut reuniantur corporibus, imò & quæ in cælo sunt, Deum, ut reuniantur, continuis petere præcibus, etsi non rennuunt fideles, illas (usq; quo reunitæ non sunt) statum undiq; perfectissimum, ac consummatissimum nō penitus assequutas, eò quòd suapte natura, nō eunt inficias animam partem esse homi-

nis

nis, & certum est, quod pars (& essentialis maxime, cuiusmodi anima est) sine toto nonnullam imperfectionem habet: etsi non dubitant inclinationes naturæ, & maxime quæ consequuntur speciem, non esse frustrâ, & q̃ essentialis pars, non solum præter naturam sed & contra naturam remanet separata, & consequenter quod nonnullam patitur uolentiam, quæ communi lege perpetua esse non potest: & si propter hæc, concedunt naturaliter fore satis probabile, resurrectionem esse futuram: Nihilominus quia mors est priuatio uitæ, & natura suggerit q̃ de priuatione ad habitum naturaliter non est regressus, ideo resurrectionem asserunt futuram, non naturalibus uiribus, sed ingenti miraculo Dei. Quare difficultati pro prima parte respondent, q̃ etsi aliquo pacto resurrectio naturalis dici potest, simpliciter tamen naturales dici non potest, quoniam etsi naturalis est ex parte inclinationis animæ, non tamen naturalis est ex parte executiorialis modi: quandoquidem ad hoc, ut executioni tradatur, necesse est, ut omnipotentia Dei miraculose concurrat. Pro secunda autem parte, sic paucis satisfaciunt, quod scilicet etsi anima quantum fieri potest, eidem præcisè corpori reuinienda est, sicut tamen accidit, ut idem sit corpus, quod in utero matris accepimus, cum eo, quod in senectâ gestamus, cum tamē multa eidem materia apposita sit, propterea quod aliquid essentialiter retinet, quod ad il-

lius singularitatem sufficit, ita & illorum corporū,
 quæ in cibum transierunt hominum, semper uesti-
 gium aliquod remanet, quod ad illorum singulari-
 tatem seruandam sufficiens esse potest. Quare etsi
 caro commesta ad corpus pertineat comedentis,
 & propterea in resurrectione in comedente resum-
 menda est, nihilominus etiā commesti corporis, re-
 manent nonnullæ reliquie, quibus collectis, & Dei
 omnipotentis uirtute materiæ appositione auctis,
 ac locupletatis reintegratur idem corpus præcisè,
 quod antè mortem anima peculiaritèr informa-
 bat, ut adueniente anima idem sit homo prorsus,
 qui prius existerat: quod non esse impossibile, non
 solum ex hoc depræhendi facile potest, quod Deus
 ualet quicquid uoluerit, adimplere, sed quia anima
 reuersa ad corpus nō habet amplius indiuiduari per
 illud, eò quod indiuiduationem habeat, & ad cor-
 pus illam paritèr deferat, sed potius corpus quodā
 pacto habeat indiuiduari per eam, ut etiam aliqui
 ex Theologis docent. Ergo etsi difficultas hæc ali-
 quid habere uidebatur scrupuli, re tamen planè di-
 scussa sinè omni scrupulo est. Hactenus de diffi-
 cultatibus, & per hoc de tota questione ad laudem
 Dei.

F I N I S.

DE ORIGINE CON- TINGENTIAE.

QVAERITVR, quæ sit prima, contin-
gentiæ radix, in uniuerso.

IN quæstione, tria obseruanda sunt. Primum
est, ut manifestetur titulus. Secundum, ut de-
terminetur ueritas. Tertium, ut aliquibus satisfiat
difficultatibus.

Quò ad primum, tria de contingentia perstrin-
genda sunt, ex quibus manifestatur intentum, Vi-
delicet, *An est, Quid est, Et quotuplex est.* Circa
An est, sic procedemus. Primò tangemus opinio-
nes, Secundò explicabimus ueritatem, Tertiò illam
rationibus suadebimus. Opiniones de *An est*, con-
tingentia, reperiuntur tres. Prima est auferentium
illam prorsùs à rebus, ac dicentium omnia necessa-
rio euenire. Cuius opinionis meminit Aristoteles.
6. methaphysicæ, tex. commen. 7. & sicut testatur
diuus Thomas primo perhier. 14. lect. attribuitur
Stoicis. Secunda huic è diuerso opposita, est aufe-
rentium prorsùs necessitatem, & dicentium omnia
contingenter & casualiter euenire. Et hæc opinio,
ut dicit. S. Thomas. 1. q. 22. ar. 2. attributa est Epi-
cureis. Tertia media graditur uia, Et opinio est
dicentium aliqua in uniuerso fieri necessario, ali-
qua uerò contingenter. Et hanc tangit phyloso-

phus, & primò perhier. in fine: & 2. phy. tex. com.
48. & 6. methaphysicæ tex. com. 5: & 6. & sine
controuersia attribuitur Peripateticis.

Explicatio ueritatis, ad præsens sufficienter sit,
primò eligendo unam ex opinionibus dictis, secun-
dò declarando electam, tertio inferendo unum co-
rollarium. Opinio quam eligimus; opinio est peri-
patetica, & meritò dicente Commentatore. 3. de
anima, commen. 14. quòd Aristoteles fuit regula
in natura, & exemplar, quod natura inuenit ad
demòstrandum ultimam perfectionem humanam,
in materijs. Quod quòque confirmat in prolog. 1.
phy. & 1. de generatione commen. 38. & 3. me-
teororum cap. de Irìde. Declaratio eiusdem sit ani-
maduertendo, quòd necessitas & contingentia ha-
bent se, ut unum & multa, seu ut uniforme, & dis-
forme, ut etiam Caietanus dicit. 1. q. 14. ar. 13. Ex
quo infertur, quòd contingentia esse non potest si-
ne necessitate: sed è contra necessitas esse potest si-
ne contingentia. Siquidem multa esse non possunt
sine uno, sed unum esse potest sine multitudine.
Quod quòque non tacuit Caietanus. 1. q. 41. ar. 2.
Quò fit ut in illis rebus, in quibus contingentia est,
oporteat aliquam necessitatis rationem concedere,
at non è contra: quod & inductione manifestari fa-
cile potest. Corollarium est, quòd eadem & neces-
saria & contingentia simul dici, secundum aliam
tamen, & aliam rationem, nullo modo repugnat.

Et

Et hoc tam in causis quàm in effectibus. Propter quod à Scoto. 2. dis. 1. q. 3. non rectè reprehenduntur philosophi, quasi implicent in dictis suis, dum dicunt primam causam necessariò causare, & nihil illius effluxum effugere, & nihilominus aliquos effectus fieri contingentè: quoniam cum contingentes effectus non solùm pendeant à prima causa, sed etiam pendeant à secundis, nihil prohibet, (concesso quòd à prima habeant necessitatem) ab aliqua secundarum sortiri contingentiam.

Suasio habetur modò ex tribus. Primum est, ex perfectione debita uniuerso. Secundum ex euitatione multorum inconuenientium. Tertium ex experientia quotidiana. Prima ergò suasio est. Vniuersum debet esse perfectum, ergò in eo reperiri debet necessitas & contingentia, ergò in aliquibus necessitas, & in aliquibus contingentia. Antecedens est notum, & probatum non semel in doctrina philosophi, Auerrois, & S. Thomæ. Prima consequentia patet, tum quia est. S. Thomæ. 1. q. 19. ar. 8. tum quia illa sunt de primis entis differentiis, & ideo ea ratione, qua alia habent in uniuerso reperiri, eadem reperiri habent & ista. Secunda uidetur nota, præsertim ex his, quæ in explicatione ueritatis attacta sunt. Secunda suasio est, si in aliquibus rebus uniuersi non inueniretur necessitas, profectò omnia euenirent casu, periret ordo rerum, & omnia forent in uniuerso confusa. Similiter si in alijs

non reperiretur contingentia, indubie perirent omnia cōsilia, perirent omnes leges; frustra niteremur ad uirtutes, & declinaremus à uicijs: imò & omnes destruerentur mores. Hæc omnia sunt absurda, & maximè inconuenientia, ergò si debent uitari, oportet supradictam ueritatem recipere. Tertia suasio est, quia experimur quotidie quod operamur, quia operari uolumus, & istud operamur, quia istud operari uolumus, & tali pacto operamur, quia tali pacto operari uolumus: Experimur quotidie casus fortuitos, euentus casuales, et inopinatos, ergò &c. Haftenus de An est, contingentia.

Circà. Quid est contingentia, sic procedemus. Primò quasdam ponemus adnotationes. Secundò quædam subijciemus corollaria. Tertiò quasdam soluemus dubietates. Adnotationes sunt tres. Prima est, quòd contingentia, de qua sermo, non est contingentia propositionis, de qua loquitur Aristoteles. 2. perhier. ubi propositiones distinguit in necessarias, impossibiles, & contingentes. (Si quidem de tali contingentia loqui, magis spectat ad logicum, sicut & loqui de earundem ueritate, & falsitate, ut ex. 6. Methaphysicæ. tex. commen. 8. accipi potest.) Sed est de contingentia rei, quæ magis pertinet ad philosophum, & præsertim ad philosophum primum, qui rimatur potius rerum proprietates, quàm propositionum. Secunda est, quòd contingentia rei diuidi habet in causalem,

ut sic loquar, & effectualem. Causalis dicitur
quæ se tenet ex parte causæ: Effectualis, quæ te-
net ex parte effectus. Huius distinctionis funda-
mentum, evidens est ex 2. phy. & 3. Methaphysi.
ubi docemur, quod effectus contingens habet con-
tingentem causam, & è conuersò: eò quod causæ et
effectus proportionantur adinuicem. In proposito
propriè sermo est, de contingentia causali: & me-
ritò, quia circa illam sunt præcipue difficultates,
& nihilominus, ex dicendis effectualis non rema-
nebit ignota.

Tertia est, quod contingentia causalis potest
hoc pacto describi. Videlicet, quod entitas est, posi-
tina, modalis, per quã vis causæ, illatua effectus,
habet modificari, et proximè fallibilitatem in cau-
sando sortiri. Quod manifestò de uerbo ad uerbum.
Et quidem quod sit, entitas, constat, tum quia non
est nihil, tum quia quoddam intelligibile est per se.
Quod uerò sit, positina, probatur: tum ex suo com-
pari, necessitate scilicet, quæ indubiè positina enti-
tas est: tum ex communi ferè omnium animi con-
ceptione. Vnde et Scotus hoc expressè docet primo,
dist. 39. q. prima. Quod autem sit, modalis, ostēdi-
tur: tum quia de primis est entis differentiis, quod
proculdubio per modos primò diuiditur, tum quia
existentibus tribus entitatum ordinibus, hoc est es-
sentialium, modalium, & passionarium (ut latius
4. & 5. ostenditur Methaphysicæ) non est facile
assi-

assignare, ad quam commodius pertinere possit. Quod quoq; subditur, per quæ uis causæ effectus illatiua modificatur, ex his, quæ in. 5. Methaphysicæ cap. de necessario dicta sunt, difficile non est conuincere. Siquidem ostensum eo loco est, quòd necessitas et contingentia causalis, circa uim causæ illatiuam effectus attenduntur, et quòd per hæc modificatur: propter quod; & aliqua dicitur effectum inferre tali modo, hoc est, necessario, & aliqua alio modo, hoc est contingentèr. Et deniq; quod subiungitur: & fallibilitatem proximè in causando sortitur, etiam facile est demonstrare præsertim animaduertentibus duo. Alterum est quòd sicut infallibilitas in causando, comes est necessitatis, ita & fallibilitas in causando comes est contingentie. Reliquum est, quod proximè dictum est, ut insinuetur quòd prima fallibilitatis radix, non est contingentia, sicut nec prima infallibilitatis radix est necessitas. Sed primæ utrarumq; radices, sunt necessitatis contingentieq; radices, de quibus ex dicendis patebit. Confirmatur dicta descriptio ex eò quòd illi omnia consonant, et omnes per illam soluantur difficultates: quod signum est optimæ descriptionis, ut dicitur. 4. phy. tex. com. 35.

Corollaria sunt duo. Primum est quòd contingentia causalis imperfectionem includit. Quod constat, quia esse proximam fallibilitatis radicem sonat defectum & malum, ut patet: & haberi nibilominus

l'ominus potest ex diuo Tho. prima. q. . . . Secun-
dum (et sequitur ex primo) q̄ contingencia in pri-
ma causa formalitèr reperiri non potest. Quod ex
eo conuincitur, q̄ in prima causa, quæ est Deus be-
nedictus, nihil formalitèr poni potest, quod imper-
fectionem claudat: ut omnes sine controuersia con-
sentimus.

Dubitationes quoq; sunt duæ. Prima est. Aut
prima causa causat necessariò, aut causat contin-
gentèr: non causat contingentèr, ut dicis, ergò cau-
sat necessariò. Tenet sequela à sufficienti diuisione:
sed consequens est erroneum, quia sequeretur om-
nia fieri ex necessitate, cum prima causa in causan-
do præuincat causalitates omnium aliarum, & ma-
gis influat in effectum quàm reliquæ. Secunda est:
Prima causa uidetur liberè causare, ut sæpe. S:
Thomas dicit, & omnes consitentur Theologi, ergò
uidetur q̄ causet contingentèr. Tenet sequela, eò q̄
libertatis, contingencia semper uidetur esse comes.

Respondetur ad primam, quòd si propriè loqui-
mur, prima causa nec causat necessariò, nec causat
contingentèr, sed altiori quodammodo, in quo per
eminentiam ac superexcedentiam uirtualitèr ha-
betur uterq; causandi modus, secundum perfectio-
nem tamen, & non secundum imperfectionem, quæ
in eorum quolibet reperiri potest. Et hæc consonat,
& Peripateticis, et Thomistis, & lumini naturali.
Consonat Peripateticis, ut constat perspicuè ex
uerbis

uerbis *Auerrois* ex lib. *Destructio destructionum*,
sicut & allatum est in questione de creatione : ubi
& asserit id etiam fore de mente philosophi . Con-
sonat Thomis , ut patet in prima parte . q . 22 . ar .
ultimo ad primum , tum à . S . Tho . tum à Reueren-
dissimo Caietano . Consonat tandem & luminì na-
turali , ut faciliè animaduertere potest , si quis emi-
nentiam , unitatem & simplicitatem consideret pri-
mæ ac supræmissimæ causæ . Siquidem ex hoc con-
stantèr infertur eminentissimus , unicus ac simpli-
cissimus causandi modus : & sicut in illius naturæ
eminentia (imperfectionibus refecatis) rationes ac
perfectiones naturarum omnium , altiori ac excel-
lentiori continentur modo , ita & in illius eminen-
tissimo causandi modo , omnes rationes , seu perfe-
ctiones (dummodo imperfectiones abijcias) conti-
nentur cuiusvis causandi modi .

Verum ut res sit illustrior , considerandum quòd
causatio primæ causæ , nil aliud (si formalitèr loqui-
mur) importare uidetur , quàm actualem suæ boni-
tatis , suæq; ueritatis effluxum : bonitatis quidem
communicandæ , ueritatis uerò representandæ , seu
manifestandæ , ut . S . Tho . in pluribus locis habet .
Talis autem effluxus , duplicitèr considerari potest .
Vno modo secundum se , & absolutè . Alio modo ut
diuina subest sapientiæ , & eiusdem liberrimæ uo-
luntati . Primo modo simpliciter , quod diximus , ue-
ritatem habet : Secundo uerò , etsi , quod diximus ue-

ritatem

ritatem habet, superaddere tamen opus est, q̄ ille altior causandi modus & sapientissimus & liberissimus est: quæ additio, ut patet, supradictis, non officit. Quò fit, ut cum prima causa non causet nisi concurrentibus illius sapientia et uoluntate (ut latius quoq̄; ex dicendis patebit) q̄ eius causatio uel effluxus, quo uniuersa fiunt, et si est eminētiæ illius, quam diximus: eius tamen usus & exercitatio cum summa sapientia & libertate est.

Ex quibus infertur primò, q̄ rectè dicunt omnes Theologi, q̄ prima causa liberè & non aliqua necessitate, præsertim simpliciter dicta, uniuersum produxit, à quibus nec Peripatetici re uera dissentiunt, ut clarè accipitur ex *Auerroë* in lib. *De destructionum disp.* 3. 18. dubio: tametsi putauerit *Aristoteles*, & qui illum sequuntur, q̄ Deus necessariò, congruentiæ, ut mihi uidetur, necessitate, mundum ab æterno produxerit: undè & æternū illum, in physicis ac Methaphysicis statuit. Siquidem illi uidebatur indecens, bonitatem ac ueritatē Dei, in infinitum sine germine perstitisse: de qua re tamen alibi latius. Infertur secundò, q̄ si tantum iste mundus & non plures, uel etiam infiniti, aut q̄ si iste, hoc uel illo pacto productus est: id reduci non habet in impotētiā Dei, sed potius in eius sapientiam & uoluntatem. Undè absolute loquendo, & alius fieri potuit & fortè melior, et id in infinitum: licèt stante diuine sapientiæ, diuinæq̄; uoluntatis detēr-

10
determinatione, in substantialibus melior esse non
possit. Infertur tertio quod opus non est omnia quæ
fiunt quotidie in universo (etiam quatenus pendet
à causa prima, quæ plus influit in effectum quàm
secunda) fieri ex necessitate, aut quod pereat libe-
rum arbitrium nostrum: quoniam sicut omnia pen-
dent ab ea, secundum sapientiam & uoluntatem
suam, ita omnia ab ea causantur & fiunt, sicut il-
la causari & fieri decernit & uult: propter quod
& scite diuus Thomas, effectus tam contingentes
quàm necessarios, in efficaciam tandem reijcit di-
uine uoluntatis, ut patet. 1. q. 19. ar. 8. de quo ta-
men amplius, in alia quæstionis parte. Quare satis
soluta est obiectio, quæ supra, quando hæc mota est
dubitatio, posita est.

Sed instas, quod si prima causa altiori modo
causat quàm modus sit causandi necessario, & con-
tingenter, sequitur quod ab ea omnia pendunt plus
quàm necessaria dependentia, & per hoc quod omnia
fiunt non tam de necessitate, quàm plusquàm de
necessitate, & per hoc quod nihil fiat uel contin-
genter, uel libere: facile ex dictis habetur solutio.
Verum ut res sit clarior, potes primum distingue-
re consequens. Siquidem dependere omnia plus
quàm necessaria dependentia, dupliciter potest in-
telligi: uno modo summendo necessarium secundum
quod opponitur libero, & sic falsum est conse-
quens, nec sequitur ex antecedente: alio modo se-
cundum

cundum quod opponitur deffectibili, uel impedibili, aut (ut uno uerbo dicam) secundum quod opponitur contingenti, & sic uerum est consequens, & conceditur consequentia: sed ulterius inferri non potest, quod omnia hic fiant de necessitate, aut quod nihil hic fiat liberè. Quoniam etsi dependentia primæ causæ, frustrari, aut impediri non potest: non tamen alia, quæ sub ea sunt, frustrari habent, aut impediri per eam, sed omnia relinquuntur in suis causandi modis, ita moderante ac suauiter disponente sapientia & uoluntate Dei: & sic patet ad primam dubietatem responsio. Nam estò quod prima causa, aliarum causalitates preiuncat, estò quod & plus influat quàm omnes existētes sub ea: illas tamen non destruit, aut effectum extrà contingentem, necessariam uè naturam nullo modo educit.

Respondetur ad secundam, quod prima causa (ut dictum est) liberè causat: Et cum infertur ergo causat contingentèr, negatur sequela: quoniam nō omne liberum causare contingentiam habet annexam, sed illud tantum, quod potest fallibilitatem habere. Constat autem quod libertas primæ causæ non est eiusmodi, existente primæ causæ uoluntate omnium regula, & quidem efficacissima, ut habetur ex dictis, non solum. S. Thomæ. 1. q. 63. ar. 1. sed & communi sententia Theologorum omnium. Haftenus de Quid est contingentie.

Circà

Circa quoduplex contingentia, sic procedemus. Primo aliquas ponemus distinctiones. Secundo contingentiam colligemus quadruplicem. Tercio singulas adinuicem comparabimus. Distinctiones sunt tres. Prima est. Contingentia causalis est duplex: quedam que ad causam pertinet materiale, & quedam, que ad causam pertinet efficientem. Fundamentum horum ex doctrina summitur peripatetica, eò qd à philosopho de utraq; tractatur. Et de pertinente quidē ad causam materiale, in finē primi perihier: de spectante uerò ad efficientē, in. 2. phy. in tractatu de fortuna & casu. Secunda est. Contingentia pertinens ad causam efficientem est duplex, quedam que pertinet ad efficientem naturalem: & quedam que pertinet ad efficientem liberam. Fundamentum horum, ex eodem summitur fonte. Nam Arist. 2. phy. ubi supra, utriusq; meminit: docens fortunam pertinere ad causam agentem liberam, & casum ad causam agentem naturalem. Tercia est: quod in agente libero, triplex causalis contingentia est. Una ex parte intellectus, Alia ex parte voluntatis, Tercia ex parte exequutiue potentie. Fundamentum horum est, non solum ex doctrina philosophi, sed ex cōmuni omnium confessione: quandoquidem omnes admittunt, & qd agens liberum tribus illis potestatibus agit, & quod earum quolibet (ut etiam experimento pro-

probatur) fallibilitatem sortitur: ergo earum
qualibet, habet propriae cōtingentiae subijci etc.

Collectio quadruplicis contingentiae est: Vt
primò assumantur, dictarum distinctionum mem-
bra: Secundò ut ostendatur, duo illorum coinci-
dere: Tertiò ut adunentur quæ remanent, & sin-
gulis sua imponantur nomina. Assumptio mem-
brorum patet. Sunt enim quinque; Siquidem con-
tingentia causalis, aut est ex parte materialis
causæ, aut ex parte naturalis efficientis, aut ex
parte efficientis liberi, quæ, ut patuit, triplex
est. Coincidentia est, inter contingentiam poten-
tiæ exequentiæ agentis liberi, & contingentiam
agentis naturalis, nam utraq; cōtingentia eius-
dem est rationis. Quod ex eo conuincitur, quòd
agentia naturalia, aliam de uiribus agendi non
obtinent, præter exequentiam potestatem. Vn-
de & dici solet, & rectè, quia ex. 2. phy. acceptū
est, quòd agentia naturalia à non errante agun-
tur intelligentia, cuius & exequentur iussa &
imperia. Adunatio contingentiarum remanen-
tium perspicua est. Nam remanent quattuor,
quæ & differunt ex propria ratione, & possunt
his nominibus exprimi: Vt quæ se habet ex parte
materiæ, contingentia appelletur materiæ, quæ
ex parte intellectus, contingētia intellectus, quæ
ex parte uoluntatis, contingentia uoluntatis, &
quæ ex parte potentiæ exequentiæ, contingentia

potentie exequutiue. Comparatio demum earū
in hoc est, ut uideatur quæ illarum in contingen-
tiæ ratione maior aut minor cōtingentia sit. Quod
uno uerbo resoluitur, dicēdo q̄ inter omnes maior
est contingentia uoluntatis. Deindē est cōtingen-
tia materiæ. Tertiō uidetur contingentia intelle-
ctus. Et quartō potentie exequutiue. Ratio horū
est, quia tali ordinē se uidentur habere ad esse de-
terminabile, fallibile, & uariabile in eo q̄ causa
sunt: quæ comites sunt cōtingentia, ut ex se facild
constat. Hactenus de quoduplex contingentia.

His præmissis manifestus est questionis titu-
lus. Queritur enim de prima radice contingen-
tiæ, & maximē causalis, siue sit contingentia uo-
luntatis, siue materiæ, siue intellectus, siue poten-
tiæ exequutiue. Et particula, prima, non solum
denotat radicem proximā, sed suprāmam. Nam
constat quod utroq; modo ea uoce utuntur phy-
losophi. Hæc de titulo, & per hoc de primā que-
stionis parte.

Quod ad secundū ueritas per conclusiones
determinanda est, quæ quidem erunt quinq; , &
singulæ sua cum declaratione, probatione, dubie-
tate, & corollario. Et prima erit de radice pri-
ma, hoc est suprema contingentiæ causalis, in
communi quidem, & absolutē: reliquæ autem e-
runt de radice prima, hoc est proxima contingen-

tiæ

tie causalis, sed secundum uniuscuiusq; genus
 in particulari. Sit ergo prima conclusio. Supra-
 ma radix omnis contingentie, loquendo in com-
 muni & absolute, est sapientia, uoluntas, & po-
 testas diuina. Declaratur anima duertendo tria.
 Primum est, quid nomine sapientie, uoluntatis,
 & potestatis diuine, in proposito accipiendum
 sit. Vbi considerandum quod sapientie nomen, in
 presenti non sumitur pro cognitione speculati-
 ua, quae est de altissimis causis, sicut. 6. sumitur
 Ethicorum, sed pro cognitione practica, ualde ta-
 men nobili, & excellenti, quemadmodum & fre-
 quenti usu excellētes aliqua in facultate sapientes
 uocare solemus, sicut & S. Tho. docet primò con-
 gen. cap. 1. Nomen quoque uoluntatis, non ac-
 cipitur pro potentia uolitina, secundum quam li-
 bet ipsius rationem, sed secundum quod libera est,
 siue si mauis pro actu uoluntatis libero. Nomen
 deniq; potestatis, accipitur quidem pro potentia
 exequentia, quaecunq; illa sit, sed non curetur ad
 praesens quomodo ab intellectu, & Dei uoluntate
 distincta sit. Secundum est, quod sapientia radix
 est contingentie, excogitando ac iudicando, uolun-
 tas consentiendo & applicando, potentia exeque-
 ntia obediendo et exequendo. Sapientia, inquam,
 radix est excogitando, et iudicando eo qd concipe-
 re possumus Deum multos modos penes se habuif-
 se, ac (ut ita dixerim) excogitasse fabricandi mun-

dum, & deniq; iudicasse decentissimum fore tali pacto fieri, ut in eo essent & res necessariae, & contingentes, & quoddam necessarijs causae aptarentur necessariae, & contingentibus contingentes; ut ex S. Thoma accipitur prima. q. 19. ar. 8. Voluntas consentiendo & applicando. Siquidem proposito tali modo, taliq; producendi modo, diuina uoluntati ipsa consensit, acceptauit, & executiuam potentiam applicauit, utendo ea (nam applicatio eius, & usus idem sunt) ad efficiendum illum, pro tempore à sapientia excogitato, & ueluti opportunum indicato ac definito. Quo pacto executiua potentia obediuit, & pro constituto tempore effectum producendo, executioni mandauit. Tertium est, qd licet radicis nomine, consuetum sit principium accipere, & quidem originale, sed intrinsecum, à quo res pullulet, uelut truncus in arbore: in proposito tamen sumitur pro origine prima, sed extrinseca, quandoquidem & prima causa, cum non causet nisi ut agens, finis, & exemplar, ut Commentator dicit. 12. Methaphysica, com. 6. & 36. non nisi origo creaturarum extrinseca dici potest. Probatur conclusio. Prima causa habet pro suo primo effectū ens in quantum ens, ut ex. 2. phy. & 5. Methaphysice sumitur, cum docemur causas & effectus proportionari, ergo prima radix est entis, in quantum ens: ergo & omnium differentiarum entis in quantum ens, ergo

& cuiuscunq; contingentia saltem in communi,
 & absolute, consequentia prima, ex terminis nota
 est, similiter et secunda, et maxime recolentibus q
 contingentia inter entis differentias est. Quibus si
 subiungas, q prima causa non causat nisi per sa-
 pientiam, uoluntatem, & potentiam exequutiua,
 quia causat ueluti artifex, & nobilissimus arti-
 fex, ut satis patet ex se, & nihilominus ex dictis
 habetur Auerrois. 1 2. Methaphysicae com. 44.
 perspicue habetur intentum. Dubitatur an simi-
 liter suprema radix effectualis contingentia sit
 sapientia, uoluntas, & potestas diuina. Et est ra-
 tio dubij, quia utrinq; rationes sunt. Et quidē pro
 affirmatiua parte est, q quicquid est causa causae
 est causa causati. Pro negatiua uerò quia, ut dici-
 tur & rectē, effectus contingentia reducenda est in
 causam proximam. Respondetur praemittendo quid
 effectualis contingentia sit. Vbi considerandum q
 dupliciter sumi potest, potentialiter scilicet &
 actualiter. Potentialiter dicit entitatem positiua,
 modalem, per quam aptitudinalis effectus, depen-
 dentia, habet proximē (extrinsece tamen) in cau-
 sam, fallibilitatem, seu deceptibilitatem inducere.
 Patet hac tota descriptio ex dictis, de contingen-
 tia causali, praesertim si potentialiter sumitur,
 praeter ultimum uerbū, q habet scilicet in causam
 fallibilitatem, seu deceptibilitatem inducere. Ad
 cuius euidentiam attendendum, q deceptio siue fal-

libilitas causæ indubiè ex hoc ipso attenditur quòd effectus subsequi aptus natus est præter intentionem. (Siquidè propter hoc falli aut decipi dicit). Constat autem quòd omnis effectus contingens est eiusmodi, undè & 6. Metaphysicæ contingentes effectus attribuuntur causis, quæ causant ut frequenter, siue ut in pluribus secundum tamen quòd deficere habent ut raro, seu ut in paucioribus, qui defectus, ut constat, præter intentionem est. Et intellige quòd habet inducere non per modum causantis, sed per modum adimplentis. Actualitèr uerò, dicit entitatem positiuam, depēdentiæ actualis, per quam induci habet (adimplēdo scilicet) actualis deceptio. Et scito quòd effectualis contingentia, actualitèr sumpta, non modò habet se ad effectualè potentialitèr acceptam, ut completiuum ad complebile, quemadmodum uniuersalitèr, et actus proprius habet se respectu potentiæ propriæ, sed etiam respectu deceptionis causæ, ut consideranti facile est animaduertere. Et si petatur quæ sit proxima, et intrinseca radix utriusq; : Respondetur quòd indeterminatio positiua, seu contrariè sumpta, dependentiæ ambarum est: secundum quam dependentiā nullam sibi certam habet determinare causam, sed à diuersis indifferentèr esse potest, ut ex 6. Metaphysicæ sumitur, satis longo processu. Et horum omnium causa est, quia tales effectus causam non sunt sortiti per se, sed solum per accidens, ut ex eodem

dem loco docemur. Quo præmissso, dicendū erit ad
dubium quòd effectualis contingentia in potentia,
seu aptitudine sumptæ, radix suprema est sapiētia,
uoluntas & potestas diuina. Effectualis uerò in a-
ctu acceptæ, suprema radix efficacia est diuinæ uo-
luntatis. Prima pars ex dictis ad conclusionem est
euidens. Secunda ex S. Thoma sumitur prima. q.
19.8. ar. propter quod non recipimus opinionem
Scoti ex primo dist. 39. quòd illa libertas sit uolun-
tatis diuinæ. Vide, si placet, diuum Thomam, ubi
suprà. Et Caietanum etiam in eodem loco, qui non
modò perspicuè illustrat mentem diui Thomæ, sed
efficaciter destruit positionem Scoti. Quòd si peti-
tur cur non potius in conditionem reijcitur sapien-
tiæ, aut exequutiua potestatis: dicitur quòd ided
est, quia uoluntati, in interiori agentis regione, pri-
mò cōgruit rationem motiui: propter quod nec sa-
pientia, nec potētia exequutiua, applicantur ad o-
pus, nisi à prohæresi, ut et. 9. Methaphysicæ tradit.
Ad illud autem quo effectus contingentiam dice-
batur reducendam esse in causam proximam: dici-
tur quòd modo dictis non obstat. Siquidem habet in
utranq; reduci, sed ordine suo. Potest & utraq; ra-
dix appellari (extrinseca tamen): illa quidem su-
prema: hæc uerò proxima, siue propinqua. Et quia
regulare est, quòd à proximiori, ut potè cognatiore
semper denominatio summitur, iccirco & rectè re-
ducendam dicitur in causam proximam.

Corollarium est. Licet prima causa, modo quo diximus, radix ponatur contingentie absolute, et in communi, omnis tamen effectus, qui hoc in uniuerso fit, secundum illius euenit intentionem. Patet hoc, eo quod prima causa (ut dictum est) non causat nisi quia uult, & constat quod non uult, nisi praecognita, ergo &c. Et si dicatur, cum eius intentio frustrari aut impediri non possit, sequitur quod euenient omnia de necessitate: respondetur negando sequelam, quia non uult quod omnia eueniant necessario: sed quaedam eueniant necessario, et quaedam contingentiter. Sed urges. Certum est quod non solum uult multa fieri contingentiter, sed uult fieri tot & talia contingentiter, & ita uult tot & talia, quod non uult alia nec plura ab eis: alia omnia non uellet, in numero, pondere, & mensura, fierentque aliqua, quae illius effugerent uoluntatem: quod constat fore absurdum, quia sicut nihil fugit eius cognitionem, ita nihil sine illius euenit uoluntate: ergo cum sua uoluntas frustrari, siue impediri non possit, palam quod infallanter euenient, & ita tandem parum aut nihil discriminis inter necessaria esse uidebitur, & contingentia. Quod si dicas. Contingentia quidem in seipsis accepta, natura fallibilia, ac impedibilia sunt, ut tamen ex diuina pendent uoluntate, de facto falli, aut impediri non possunt. Et si ob id concedas, quod respectu diuinae uoluntatis, quae suprema causa est, non attenditur contingentia, sed respectu

cause

causæ inferioris ordinis, quæ proxima causa est, responsio quidem est uera, & respectu eorum, quæ casu et fortuna fiunt, est sine scrupulo: respectu tamen eorum, quæ ex nostro pendent arbitrio, non uidetur sufficere. Et ut res sit perspicua, sumatur aliquod ex nostra libertate cōtingens, puta me scripturū esse cras. Si uolūtas diuina, uoluit me scripturū cras, haud dubiū, q̄ ego scribam cras, ergo meæ libertati non suberit non scribere cras: ergo in hoc nihil faciet arbitrium meum. Et si omnia ex diuina uoluntate determinata sunt, haud dubium quod in quibusuis alijs æctionibus meis, non suberit meæ uoluntati facere illas, uel supersedere ab eis. Quibus respondeo, & ex quo ad ea deuoluta est quæstio, quæ ex nostro libero pendent arbitrio, satis erit (quātū tñ in præsentia opus est) de hoc ipso loqui.

Considerandum itaque quod cum arbitrii nostri libertas non nihil habeat diuinitatis, mirum non est, si ad ea, quæ ab ipso dependent, diuina uoluntas habeat se quodam peculiari modo. Siquidē cum diuinitatis sit esse primum motionis principium, negandum non est, et id libertati nostræ quodam pacto congruere. Quare & rectè scriptum est, quod homo dimissus est in manu consilij sui. Quod tamen non eo pacto accipiendum est, quod possit quouis secluso mouere sese, quandoquidem certum est, quod non solum prærequiritur apprehensio boni, sed prærequiritur, & maxime, motio Dei. Et
post-

posthabita ad præsens apprehensione boni, atten-
 dendum quòd motio Dei, quæ indubiè opus est suæ
 uoluntatis (non enim mouet nisi quia uult) respe-
 ctu libertatis nostræ, motio suauissima est, eò quòd
 mouet secundum inclinationem eius, hoc est, non
 præiudicando, sed nostræ libertati fauendo. Quare
 etsi Deus uult me scribere cras, nō cogit tamen me
 scribere cras, sed mouendo me, suauitè excitat uo-
 luntatem meam ad scribendum cras, & suauitè
 suadet intellectui meo aliqua intrinseca uel extrin-
 seca ratione, occasionem nactus ex diuersis rebus, &
 bonum est scribere cras. Quare etsi infallitèr sub-
 sequetur effectus, ut tamen à mea progreditur uo-
 luntate, non progreditur nisi contingentèr, & libe-
 rè, quoniam etsi de factò, eius non impeditur pro-
 gressio, non tamè mea uoluntas ita à diuina agitur
 motione, ut absolutè loquendo, ne progrediatur, im-
 pedi non possit. Dico absolutè loquendo, quia di-
 uina motio potest considerari duplicitèr: Vno mo-
 do, ut motio ad scribendum cras, absolutè, siue præ-
 cise, et hoc pacto uerum est quod diximus, effectum
 impedi posse: Alio modo ut habet passiuam per-
 suasionem annexam, & hoc sine inconuenienti cō-
 ceditur, quòd impedi nō potest. Quia eo casu per-
 suasione facta, uolūtas erit determinata ad unum,
 & per hoc latitudinem ingressa naturalis causæ.
 Quare ab illa tali pacto sumpta, contingentèr effe-
 ctus proficisci non potest, sed hoc non prouenit ex
 diuina

diuina uoluntate, sine uoluntatis nostræ libera cooperatione: à qua cum possemus abstinere, indubiè effectus posset contingentiam subinduere, sed postquam cooperatio, puta consensus, in actu posita est, iam effectus, etsi libertatem quodam pacto retineat, statum tamen necessitatis, & per hoc infalibilitatis, siue impedibilitatis ingreditur. Nec sequitur quòd diuina motio, respectu nostræ libertatis minus sit efficax, quàm respectu cuiusuis alterius causæ, tametsi sequitur quòd alio modo sit efficax quàm in naturalibus causis, à quibus casualia sunt, et fortuita. Siquidè respectu libertatis nostræ, efficax est aliter & alia ratione, sicut & eam aliter & alia ratione mouet. Posset principali dubio aliter satisfieri, sed ista modo sint satis.

Secunda cōclusio. Prima radix cōtingentiæ, repperite in intellectu creato, agentis à proposito, est proxima radix facultatis indeterminatæ, & defectibilis eiusdem, in iudicando de rebus agendis. Declaratur prenotando quattuor. Primum est. Quòd contingentia intellectus ad præsens, cum sit causalis, & agentis liberi, est contingentia intellectus practici. Secundum est. Quòd talis maxime inuenitur in iudicando, quoniam etsi forte posset et in cognoscendo admitti, in iudicando tamen magis ad propositum pertinet. Tertium est. Quòd licet intellectus practicus respectu quorundam & determinatus, et indefectibilis in iudicando sit, respectu tamen aliorum

quorum & est indifferens, & deficere potest, ut
satis periculo comprobatur. Quartum est. Quod
cum iudiciū intellectus practici sit de utili, de no-
civo, de conuenienti, de inconuenienti, &c. accidit
quod quædam proponantur sibi, quæ, ut sibi uide-
tur, euidentem non habent utilitatem, aut certum
nocumentum &c. & horum respectu, facultatem
habere dicitur indeterminatam, ac defectibile. Pro-
batur: Et sumitur probatio ex eo, quod contingen-
tia intellectus practici, &c. uel idem est quod dicta
facultas, uel inseparabilis proprietas eius (aliud
enim nō est facile fingere) utrunq; autē, ut patet,
ex se infert intētum, Et si petatur quæ est radix fa-
cultatis dictæ: respondetur q̄ est modica perspicu-
cia intellectus, quæ & tandem reducitur in natu-
ralem ac passiuam potētiālitatem eius. Nam cum
non uideatur possibile, q̄ duæ res ex se aptæ natæ
sint æqualem utilitatem, &c. præferre, si hoc ip-
sum non ualet intellectus discernere, sua utiq; im-
perfectione contingit.

Dubitatur à quo determinetur dicta intellectus
facultas, quæ naturaliter indeterminata, ac defe-
ctibilis est. Et est ratio dubij, quia ex una parte cer-
tum est, quod illam determinari oportet, si habet
exire in opus: ex altera uerò quia non facile appa-
ret, quid sit determinatiuum eius. Respōdetur quod
utiq; determinari habet ab aliquo, sed non necessa-
riò, ab hoc, uel ab illo: Item ab eo, à quo determi-
nabitur,

nabitur, non ita determinabitur, quod deficere, aut falli non possit. Vbi considerandū quod determinatiuum eius uidetur esse, uel passio, uel habitus, uel uoluntas, ut facile patet. Et quicquid sit de medio, certum est quod primum & ultimum, deceptio nem inducere possunt, eo quod & recte & non recte illum determinare contingit. Et passio quidem determinat illum cū aliqua offuscatione, hoc enim passionum proprium est, ut experientia docet, habitus uero per modum inclinationis naturalis, id enim proprium est habituum, ut ex. 2. accipitur metaphysi. uoluntas denique per modum applicationis, & motionis, quod ad illam pertinere. 9. metaphysice euidentissimum est. Corollarium est. Quod in intellectu est nonnulla libertas, & consequenter quod non recte fecit Scotus remouendo eam. Prima pars probatur, eo quod dicta facultas, aut libertas est, aut libertatem comitem habet. Secunda uero pars, constat ex illius primo super sen. dist. 38. ubi uult libertatem querendam esse in uoluntate, & nullo modo in intellectu, &c.

Tertia conclusio. Proxima radix contingentie, respectu in uoluntate creata, agentis ad propositum, proxima radix est facultatis defectibiliter eligendi ea, que ad finem sunt. Declaratur animaduertendo tria. Primum est, quod uoluntas creata. respectu eorum, que sunt ad finem, & non habent necessariam connexionem cum fine, plenam habet facultatem eligendi.

eligendi istud, uel illud prout uult: & in hoc decipi
potest, imò & saepe decipitur: quæ quidem facul-
tas communiter liberum appellatur arbitrium, eò
quòd, uel idem est illi formaliter, uel quia idem est
illi realiter, uel quia illi est connexa indissociabili-
ter: unde & huius & liberi arbitrii radix proxi-
ma una & eadem est. Secundum est, quòd cum di-
citur uoluntas eligendi, ut uult facultatem habere,
intelligi debet, non solum ex parte elicitionis actus,
sed etiam ex parte specificationis eius. Quod perin-
de est ac si dicatur quòd facultatem habet, tum eli-
gendi, & cessandi ab electione pro libito, tum eli-
gendi hoc, & eligendi illud, uel etiam eligendi op-
positum. Tertium est quòd uoluntatem hanc facul-
tatem habere, potest tribus modis intelligi: uno mo-
do non solum præuia apprehensione præfici intel-
lectus, sed & præuio illius pleno ac determinato iu-
dicio, ea de re quæ à uoluntate eligenda est: secundo
modo præuia quidem apprehensione, sed non præ-
uio pleno ac determinato iudicio, sed semipleno &
non penitus resolutio: quo scilicet etsi intellectus in-
clinat in partem alteram uoluntatem, non tamen
inclinat sine aliqua alterius partis formidine, eò
quòd pro ea parte, non habet rationes urgentes, ut
in ea penitus resolui possit. Tertio modo præuia si-
militer apprehensione (nam uoluntas nunquam
agit nisi illa supposita) sed non præuio, sed prorsus
suspensio intellectus iudicio, eò quòd nescit in alte-

ram inflecti partem, cum neutra præponderet reliquæ, sicut accidit, quando media ad consequutionem finis, aut prorsus indifferentia sunt, aut saltem omnibus consideratis, ut indifferentia prorsus eidem esse videntur. Tunc enim certum est quod intellectus nequit ferre iudicium, quo alterum præferatur alteri, aut si ferri potest, non modò feretur æquale, sed idem penitus de utroq; , quod quantum ad rem attinet, perindè est, ac si non ferretur, cum utrumque offeratur pariter voluntati.

Et quâquam in oïbus istis modis admitti aliquid forsitan possit contingentie in uoluntate, id tñ maxime admitti potest, imò & admitti debet, in potestremo modo, sicut & in illo maxime libertas uoluntatis esse conuincitur. Et licet in eo modo uoluntas, ne temerè uideatur eligere, sæpe suspendat actum, licet non rarò instet apud intellectum, ut rem acutè discutiât, peritiores consulat, & quæ potest circumspeditione disquirat, accidere tamen potest, aut quòd res moram non patitur, sed mox necesse est negocium exequentioni committere: aut si mora aliqua potest admitti, non potest tamen eo usq; protrahi, ut noua superueniente occasione altera pars ualeat ipso iure preferri: aut si protraheretur mora fortè quòd natura rei inequalitatem nō patitur, sicut in multis uidemus, quæ committuntur sorti: aut denique & ipsa uoluntas in hac re prorsus suæ libertati dimissa uult ad libitum alteram

22
ram partem eligere, atque isto pacto facultatem propriam præferre. Ergo palam quomodo in uoluntate, contingentia maxime reperiri contingit. Probatur ex eo quod contingentia uoluntatis, uel idem est quod dicta facultas, siue arbitrium liberum, uel si idem non est, inseparabilis tamen eius proprietas est: aliud enim non est facile fingere, ergo &c. Et si petatur quæ sit radix facultatis huius, respondetur quod illa est facultas intellectus, quam declarauimus superiori conclusione. Vnde & dixit philosophus Isaac, quod liberum arbitrium, aliud non est, quam facultas intellectus, & uoluntatis. Et si dicatur, quod hæc radix quidem est, sed extrinseca, & non intrinseca, & tamen de intrinseca petitio erat: respondetur quod intrinseca, est conditio, siue natura uoluntatis creata, uel saltem, ut rectius dicam, uoluntatis humane, & eo pacto sumpta, quo fundamentaliter electiua est.

Dubitatur, quæ maior aut potior libertas, seu facultas in proposito sit, an scilicet, quæ est in intellectu, an quæ est in uoluntate, Respondetur qd si propriè loquimur, neutra maior aut potior simpliciter dici potest, eò qd loquendo propriè, cum diuersarum rationum facultates et libertates sint, adinuicem comparari non debent: tamen dici posset, sicut & dicit Caietanus prima par. q. de libero humane uoluntatis arbitrio, qd quæ est in intellectu, libertas est radicalis, quæ uerò est in uoluntate, libertas

bertas est formalis; & q̄ utraq; magna & excellēs
 in suo ordine, seu genere est. Corollarium. Falsum est
 quod scripserunt multi, facultatem scilicet haben-
 di se ad opposita, in natura creata, rationalitatem
 radicaliter esse, in eo quod rationalitas est. Constat
 siquidem quod facultas huiusmodi, in intellectu ex
 modica illius perspicacia nascitur, & in uoluntate
 ex propria illius progreditur ratione, quatenus ta-
 men electiua est. Nec obstat, quod scriptum est. 9.
 Methaphysice, potentias rationales ad opposita ha-
 bere sese, quoniam id cum reduplicatiua dictione,
 scriptum non est. Nec negamus quod illæ potesta-
 tes, in quibus huiusmodi reperitur facultas, nō sint
 rationales, cum constet & intellectum et uolunta-
 tem, & etiam exequutiua potentiam, rationales
 dici posse iuxta ea, quæ scripta sunt in Ethicis: sed
 negamus quod rationalitas, in eis sit radix præfata
 &c. Quarta conclusio. Prima radix contingentie
 in potentia exequutiua, impedibilitas, seu defecti-
 bilitas in exequendo esse uidetur: quæ & reducitur
 tandem in limitationem talis potestatis. Declara-
 tur, ostendendo quod talis est dispositio, omnis agen-
 tis creati, & potissimum corruptibilis. Nam con-
 stat quod uirtus proportionatur essentie rei, et q̄
 omne creatum est limitatæ nature: & propterea
 defectibile, & maxime si fuerit corruptioni obno-
 xium etc. Probatur ex eo, quod illa semper uidetur
 adduci pro causa & radice, & maxime à S. Tho-

libilitas causæ indubiè ex hoc ipso attenditur quòd
effectus subsequi aptus natus est præter intentionem.
(Siquidè propter hoc falli aut decipi dicitur).
Constat autem quòd omnis effectus contingens est
eiusmodi, undè 6. Methaphysicæ contingentes
effectus attribuuntur causis, quæ causant ut fre-
quentèr, siue ut in pluribus secundum tamen quòd
deficere habent ut raro, seu ut in paucioribus, qui
defectus, ut constat, præter intentionem est. Et in-
tellige quòd habet inducere non per modum cau-
santis, sed per modum adimplentis. Actualitèr ue-
rò, dicit entitatem positiuam, dependentiæ actualis,
per quam induci habet (adimplendo scilicet) actualis
deceptio. Et scito quòd effectualis contingentia,
actualitèr sumpta, non modò habet se ad effectuale
potentialitèr acceptam, ut completiuum ad com-
plebile, quemadmodum uniuersalitèr, et actus pro-
prius habet se respectu potentiæ propriæ, sed etiam
respectu deceptionis causæ, ut consideranti facile
est animaduertere. Et si petatur quæ sit proxima, et
intrinsicca radix utriusq; : Respondetur quòd inde-
terminatio positua, seu contrariè sumpta, depen-
dentiæ ambarum est: secundum quam dependentiā
nullam sibi certam habet determinare causam, sed
à diuersis indifferentèr esse potest, ut ex 6. Metha-
physicæ sumitur, satis longo processu. Et horum
omnium causa est, quia tales effectus causam non
sunt sortiti per se, sed solum per accidens, ut ex eo-
dem

dem loco docemur. Quo præmisso, dicendū erit ad
dubium quòd effectualis contingentia in potentia,
sen aptitudine sumpta, radix suprema est sapiētia,
uoluntas & potestas diuina. Effectualis uerò in a-
ctu accepta, suprema radix efficacia est diuinæ uo-
luntatis. Prima pars ex dictis ad conclusionem est
euidens. Secunda ex S. Thoma sumitur prima. q.
19.8. ar. propter quod non recipimus opinionem
Scoti ex primo dist. 39. quòd illa libertas sit uolun-
tatis diuinæ. Vide, si placet, diuum Thomam, ubi
suprà. Et Caietanum etiam in eodem loco, qui non
modò perspicuè illustrat mentem diui Thomæ, sed
efficaciter destruit positionem Scoti. Quòd si peti-
tur cur non potius in conditionem reijcitur sapien-
tiæ, aut exequutiue potestatis: dicitur quòd ided
est, quia uoluntati, in interiori agentis regione, pri-
mò cōgruit rationem motiui: propter quod nec sa-
pientia, nec potētia exequutiua, applicantur ad o-
pus, nisi à probaresi, ut et. 9. Methaphysica tradit.
Ad illud autem quo effectus contingentiam dice-
batur reducendam esse in causam proximam: dici-
tur quòd modo dictis non obstat. Siquidem habet in
utranq; reduci, sed ordine suo. Potest & utraq;
radix appellari (extrinseca tamen): illa quidem su-
prema: hæc uerò proxima, siue propinqua. Et quia
regulare est, quòd à proximiori, utpotè cognatiore
semper denominatio summitur, iccirco & rectè re-
ducendam dicitur in causam proximam.

Corollariū est. Licet prima cā, mō quo diximus, radix ponatur contingentie absolute, et in cōmuni, omnis tamen effectus, qui hoc in uniuerso fit, secundum illius euenit intentionem. Patet hoc, eò quòd prima causa (ut dictum est) non causat nisi quia uult, & constat quòd non uult, nisi præcognita, ergò &c. Et si dicatur, cum eius intentio frustrari aut impediri non possit, sequitur quòd euenient omnia de necessitate: respondetur negando sequelam, quia non uult quòd omnia eueniant necessariò: sed quedam eueniāt necessariò, et quedam contingentèr. Sed urges. Certum est quòd non solūm uult multa fieri contingentèr, sed uult fieri tot & talia contingentèr, & itā uult tot & talia, quòd non uult alia nec plura ab eis: aliās omnia non uellet, in numero, pondere, & mensura, fierentq; aliqua, quæ illius effugerent uoluntatem: quod constat fore absurdum, quia sicut nihil fugit eius cognitionem, itā nihil sine illius euenit uoluntate: ergò cum sua uoluntas frustrari, siue impediri non possit, palām q̄ infallantèr euenient, & itā tandem parum aut nihil discriminis inter necessaria esse uidebitur, & contingentia. Quòd si dicas. Contingentia quidem in seipsis accepta, natura fallibilia, ac impedibilia sunt, ut tamen ex diuina pendent uoluntate, de facto falli, aut impediri non possunt. Et si ob id concedas, quòd respectu diuine uoluntatis, quæ suprema causa est, non attenditur contingentia, sed respectu

cause

causa inferioris ordinis, quæ proxima causa est, responsio quidem est uera, & respectu eorum, quæ casu et fortuna fiunt, est sine scrupulo: respectu tamen eorum, quæ ex nostro pendent arbitrio, non uidetur sufficere. Et ut res sit perspicua, sumatur aliquod ex nostra libertate cōtingens, putà me scripturū esse cras. Si uolūtas diuina, uoluit me scripturū cras, haud dubiū, q̄ ego scribam cras, ergo meæ libertati non suberit non scribere cras: ergo in hoc nihil faciet arbitrium meum. Et si omnia ex diuina uoluntate determinata sunt, haud dubium quod in quibusuis alijs æctionibus meis, non suberit meæ uoluntati facere illas, uel supersedere ab eis. Quibus respondeo, & ex quo ad ea deuoluta est quæstio, quæ ex nostro libero pendent arbitrio, satis erit (quātū tñ in præsentia opus est) de hoc ipso loqui.

Considerandum itaque quod cum arbitrij nostri libertas non nihil habeat diuinitatis, mirum non est, si ad ea, quæ ab ipso dependent, diuina uoluntas habeat se quodam peculiari modo. Siquidē cum diuinitatis sit esse primum motionis principium, negandum non est, et id libertati nostræ quodam pacto congruere. Quare & rectē scriptum est, quod homo dimissus est in manu consilij sui. Quod tamen non eo pacto accipiendum est, quod possit quouis secluso mouere sese, quandoquidem certum est, quod non solūm prærequiritur apprehensio boni, sed prærequiritur, & maxime, motio Dei. Et post-

20
posthabita ad præsens apprehensione boni, attendendum quòd motio Dei, quæ indubiè opus est suæ uoluntatis (non enim mouet nisi quia uult) respectu libertatis nostræ, motio suauissima est, eò quòd mouet secundum inclinationem eius, hoc est, non præiudicando, sed nostræ libertati fauendo. Quare etsi Deus uult me scribere cras, nō cogit tamen me scribere cras, sed mouendo me, suauitè excitat uoluntatem meam ad scribendum cras, & suauitè suadet intellectui meo aliqua intrinseca uel extrinseca ratione, occasionem nactus ex diuersis rebus, quod bonum est scribere cras. Quare etsi infallitè subsequetur effectus, ut tamen à mea progreditur uoluntate, non progreditur nisi contingentè, & liberè, quoniam etsi de facto, eius non impieditur progressio, non tamè mea uoluntas ita à diuina agitur motione, ut absolutè loquendo, ne progrediatur, impediri non possit. Dico absolutè loquendo, quia diuina motio potest considerari duplicitè: Vno modo, ut motio ad scribendum cras, absolutè, siue præcise, et hoc pacto uerum est quod diximus, effectum impediri posse: Alio modo ut habet passiua persuasionem annexam, & hoc sine inconuenienti conceditur, quòd impediri nō potest. Quia eo casu persuasionem facta, uoluntas erit determinata ad unum, & per hoc latitudinem ingressi naturalis cause. Quare ab illa tali pacto sumpta, contingentè effectus proficisci non potest, sed hoc non prouenit ex
diuina

diuina uoluntate, sine uoluntatis nostræ libera cooperatione: à qua cum possemus abstinere, indubiè effectus posset contingentiam subinduere, sed postquam cooperatio, putà consensus, in actu posita est, iam effectus, etsi libertatem quodam pacto retineat, statum tamen necessitatis, & per hoc infalibilitatis, sine impedibilitatis ingreditur. Nec sequitur quòd diuina motio, respectu nostræ libertatis minus sit efficax, quàm respectu cuiusuis alterius causæ, tametsi sequitur quòd alio modo sit efficax quàm in naturalibus causis, à quibus casualia sunt, et fortuita. Siquidè respectu libertatis nostræ, efficax est aliter & alia ratione, sicut & eam aliter & alia ratione mouet. Posset principali dubio aliter satisfaceri, sed ista modo sint satis.

Secūda cōclusio. Prima radix cōtingentiæ, repper-
te in intellectu creato, agentis à proposito, est proxi-
ma radix facultatis indeterminatæ, & defectibilis
eiusdem, in iudicando de rebus agendis. Declaratur
prenotando quattuor. Primum est. Quòd contin-
gentia intellectus ad præsens, cum sit causalis, &
agentis liberi, est contingentia intellectus practici.
Secundum est. Quòd talis maxime inuenitur in iu-
dicando, quoniam etsi forte posset et in cognoscen-
do admitti, in iudicando tamen magis ad propo-
situm pertinet. Tertium est. Quòd licet intellectus
practicus respectu quorundam & determinatus, et
indefectibilis in iudicando sit, respectu tamen ali-
quorum

quorum & est indifferens, & deficere potest, ut
satis periculo comprobatur. Quartum est. Quod
cum iudiciū intellectus practici sit de utili, de no-
civo, de conuenienti, de inconuenienti, &c. accidit
quod quædam proponantur sibi, quæ, ut sibi uide-
tur, euidentem non habent utilitatem, aut certum
nocumentum &c. & horum respectu, facultatem
habere dicitur indeterminatam, ac defectibile. Pro-
batur: Et sumitur probatio ex eo, quod contingen-
tia intellectus practici, &c. uel idem est quod dicta
facultas, uel inseparabilis proprietas eius (aliud
enim nō est facile fingere) utrunq; autē, ut patet,
ex se infert intētum, Et si petatur quæ est radix fa-
cultatis dictæ: respondetur q̄ est modica perspicu-
cia intellectus, quæ & tandem reducitur in natu-
ralem ac passiuam potētialitatem eius. Nam cum
non uideatur possibile, q̄ duæ res ex se aptæ natæ
sint æqualem utilitatem, &c. præferre, si hoc ip-
sum non ualet intellectus discernere, sua utiq; im-
perfectione contingit.

Dubitatur à quo determinetur dicta intellectus
facultas, quæ naturalitèr indeterminata, ac defe-
ctibilis est. Et est ratio dubij, quia ex una parte cer-
tum est, quod illam determinari oportet, si habet
exire in opus: ex altera uerò quia non facile appa-
ret, quid sit determinatiuum eius. Respōdetur quod
utiq; determinari habet ab aliquo, sed non necessa-
riò, ab hoc, uel ab illo: Item ab eo, à quo determi-
nabitur,

nabitur, non ita determinabitur, quod deficere, aut falli non possit. Vbi considerandum quod determinatum eius uidetur esse, uel passio, uel habitus, uel uoluntas, ut facile patet. Et quicquid sit de medio, certum est quod primum & ultimum, deceptionem inducere possunt, eò quod & rectè & non rectè illum determinare contingit. Et passio quidem determinat illum cū aliqua offuscatione, hoc enim passionum proprium est, ut experientia docet, habitus uerò per modum inclinationis naturalis, id enim proprium est habituum, ut ex. 2. accipitur metaphysi. uoluntas denique per modum applicationis, & motionis, quod ad illam pertinere. 9. metaphysicæ euentissimum est. Corollarium est. Quod in intellectu est nonnulla libertas, & consequenter quod non rectè fecit Scotus remouendo eam. Prima pars probatur, eò quod dicta facultas, aut libertas est, aut libertatem comitem habet. Secunda uerò pars, constat ex illius primo super sen. dist. 38. ubi uult libertatem querendam esse in uoluntate, & nullo modo in intellectu, &c.

Tertia conclusio. Proxima radix contingentie, respectu in uoluntate creata, agentis ad propositum, proxima radix est facultatis defectibiliter eligendi ea, quæ ad finem sunt. Declaratur animaduertendo tria. Primum est, quod uoluntas creata, respectu eorum, quæ sunt ad finem, & non habent necessariam connexionem cum fine, plenam habet facultatem eligen-

22
eligendi istud, uel illud prout uult: & in hoc decipi
potest, imò & sæpe decipitur: quæ quidem facul-
tas communiter liberum appellatur arbitrium, eò
quòd, uel idem est illi formaliter, uel quia idem est
illi realiter, uel quia illi est connexa indissociabili-
ter: undè & huius & liberi arbitrij radix proxi-
ma una & eadem est. Secundum est, quòd cum di-
citur uoluntas eligendi, ut uult facultatem habere,
intelligi debet, non solum ex parte elicitionis actus,
sed etiam ex parte specificationis eius. Quod perim-
dè est ac si dicatur quòd facultatem habet, tùm eli-
gendi, & cessandi ab electione pro libito, tùm eli-
gendi hoc, & eligendi illud, uel etiam eligendi op-
positum. Tertium est quòd uoluntatem hanc facul-
tatem habere, potest tribus modis intelligi: uno mo-
do non solum præuia apprehensione practici intel-
lectus, sed & præuio illius pleno ac determinato iu-
dicio, ea de re quæ à uoluntate eligenda est: secundo
modo præuia quidem apprehensione, sed non præ-
uio pleno ac determinato iudicio, sed semipleno &
non penitus resolutio: quo scilicet etsi intellectus in-
clinat in partem alteram uoluntatem, non tamen
inclinat sine aliqua alterius partis formidine, eò
quòd pro ea parte, non habet rationes urgentes, ut
in ea penitus resolui possit. Tertio modo præuia si-
militer apprehensione (nam uoluntas nunquam
agit nisi illa supposita) sed non præuio, sed prorsus
suspensio intellectus iudicio, eò quòd nescit in alte-

ram

ram inflecti partem, cum neutra præponderet reliquæ, sicut accidit, quando media ad consequentionem finis, aut prorsus indifferentia sunt, aut saltem omnibus consideratis, ut indifferentia prorsus eidem esse uidentur. Tunc enim certum est quod intellectus nequit ferre iudicium, quo alterum præferatur alteri, aut si ferri potest, non modò feretur æquale, sed idem penitus de utroq; , quod quantum ad rem attinet, perindè est, ac si non ferretur, cum utrumque offeratur pariter uoluntati.

Et quâquam in oïbus istis modis admitti aliquid forsitan possit contingentie in uoluntate, id tñ maximè admitti potest, imò & admitti debet, in postremo modo, sicut & in illo maximè libertas uoluntatis esse conuincitur. Et licet in eo modo uoluntas, ne temerè uideatur eligere, sæpe suspendat actum, licet non rarò instet apud intellectum, ut rem acutè discutiât, peritiores consulat, & quæ potest circumspèctione disquirat, accidere tamen potest, aut quòd res moram non patitur, sed mox necesse est negocium exequentioni committere: aut si mora aliqua potest admitti, non potest tamen eo usq; protrahi, ut noua superueniente occasione altera pars ualeat ipso iure preferri: aut si protraheretur mora fortè quòd natura rei inequalitatem nò patitur, sicut in multis uidemus, quæ committuntur sorti: aut denique & ipsa uoluntas in hac re prorsus suæ libertati dimissa uult ad libitum alte-

bertas est formalis; & q̄ utraq; magna & excellēs
 in suo ordine, seu genere est. Corollarium. Falsum est
 quod scripserunt multi, facultatem scilicet haben-
 di se ad opposita, in natura creata, rationalitatem
 radicaliter esse, in eo quod rationalitas est. Constat
 siquidem quod facultas huiusmodi, in intellectu ex
 modica illius perspicacia nascitur, & in uoluntate
 ex propria illius progreditur ratione, quatenus ta-
 men electiua est. Nec obstat, quod scriptum est. 9.
 Methaphysice, potentias rationales ad opposita ha-
 bere sese, quoniam id cum reduplicatiua dictione,
 scriptum non est. Nec negamus quod illæ potesta-
 tes, in quibus huiusmodi reperitur facultas, nō sint
 rationales, cum constet & intellectum et uolunta-
 tem, & etiam exequutiua potentiam, rationales
 dici posse iuxta ea, quæ scripta sunt in Ethicis: sed
 negamus quod rationalitas, in eis sit radix præfata
 &c. Quarta conclusio. Prima radix contingentie
 in potentia exequutiua, impedibilitas, seu defecti-
 bilitas in exequendo esse uidetur: quæ & reducitur
 tandem in limitationem talis potestatis. Declara-
 tur, ostendendo quod talis est dispositio, omnis agen-
 tis creati, & potissimum corruptibilis. Nam con-
 stat quod uirtus proportionatur essentie rei, et q̄
 omne creatum est limitata nature: & propterea
 defectibile, & maxime si fuerit corruptioni obno-
 xium etc. Probatur ex eo, quod illa semper uidetur
 adduci pro causa & radice, & maxime à S. Tho-

ma. Et uidetur q̄ illa tria. scilicet impedibilitas,
defectibilitas in causando & contingentia tali or-
dine habeāt sese, q̄ unum quodammodo proficiſca-
tur ex alio, uel saltē supponatur ab eo. Pro hac cō-
clusionē uidē, si placet, Caietanum prima q. 115.

Dubitarur quomodo sub tali cōtingentia distin-
guatur casus, & fortuna: Et respondetur q̄ acci-
piendo casum et fortunam, non pro ipsis effectibus,
hoc est non pro casualibus, & fortuitis, ut commu-
niter sit, sed pro casualitate, & ut sic dixerim, for-
tunitate, causalibus, quæ species uidentur quodam-
modo contingentia, in hoc distinguuntur: Quod
Casus est cōtingentia causalis, in potētia exequenti-
na agentis, quod est sine intellectu & uoluntate, et
consequentē intellectu & intentione propriē
sumpta, Fortuna uerō est contingentia causalis, in
potentia exequentina agentis à proposito, hoc est
per intellectum & uoluntatem. Patent hæc ex. 2.
phy. longo processu. Corollarium. Sola Dei omnipo-
tentia, omni contingentia, omniue fortuna, tam de
facto quàm de possibili, expers simpliciter est: In-
telligentiæ uerō, secundum quid de facto, & simpli-
citer de possibili, contingentia & fortune subdun-
tur. Declaratur, & probatur. Declaratio habetur,
prenotando quomodo intelligentiæ subsint talibus,
de facto secundum quid, & quomodo de possibili
subsint illis simpliciter. Primum patet aduertēdo,
quod ea quæ ab intelligentiis in his inferioribus
fiunt

fiunt, comparari possunt & ad intentionem earum
in communi, & ad intentionem earum in particu-
lari. Iuxta primam comparationem nulli subsunt
cōtingentiæ, nulliue fortunæ: quippe quæ commu-
ni intentione per suam exequutiua potentiam
extrahere intendunt omnes effectus, qui sunt in pās
sua potestate primæ materiæ, ut etiam accipitur
ex Commentatore. 12. Methaphysicæ commē. 39.
Vndè patet quòd nullus effectus eiusmodi intencionem
effugere potest. Iuxta secundam uerò multa
euenire possunt præter intentionem earum, & hoc
pacto nihil prohibet in illis ponere quodammodo
contingentiā & fortunam. Siquidem contingit il-
las in aliquibus in particulari intentis, aliquando
frustrari, et suam exequutionē impediri, uel prop-
ter defectum secundarum instrumentaliū causa-
rum, ad ea concurrentium, uel propter indispositio-
nem materiæ, quæ illis non obedit ad nutum. Secun-
dum conuincitur quia omnes sub manu cōtinentur
diuinæ potestates, & quocunq; uoluerit, uertet eas.
Vndè & possunt omnibus illis cōtingentijs ac fortu-
nis subesse, quibus & famulus actus à domino suo,
pro domini arbitrio & uoluntate subesse potest. Et
hoc uerum est, absolutè loquendo de potestate di-
uina, & nō de ordinata ac definita à sapientia sua,
quæ iam statuit talem ordinem in uniuerso, & in-
uariabilem esse decreuit. Probatio patet, recolendo
q̃ diuina potestas maximè est infinita, maximeque

illimitata, & nullum pati ualet impedimentum.
Et quòd intelligentiarum potestas non est tam am-
pla: Et quòd diuine potestati subijciuntur &c. Quin-
ta & ultima conclusio est. Proxima radix mate-
rialis contingentie, potentia est contradictionis, ma-
terie primæ. Declaratur recolendo, quod materia pri-
ma substantiatur per posse, ut Commentator dicit
de substantia orbis cap. 1. & quòd tale posse, posse
contradictionis est, ut ex multis locis ab Aristote-
le, & Commentatore docemur. Probatur, quia se-
cundum omnes, eiusmodi contingentia in potentia
reducitur materie primæ. Vide & pro hac conclusio-
ne et probatione, si placet, Caietanum ubi supra ar. 6.

Dubitatur, an materialis contingentia indiffe-
renter sit respectu cuius uolueris formæ, quæ in ma-
teria introducenda est. Et est ratio dubij, quia sup-
posito quòd primò attendatur in ordine ad formam,
eò quod illius est immediatus effectus, pro utraq; parte
uidetur ratio suffragari. Et pro affirmatiua quidem,
quia illi nulla uidetur coeua, aut coniuncta de ne-
cessitate. Pro negatiua uerò, quia si respectu
cuiuscunq; in potentia contradictionis est, sequitur
quod nulla erit implicatio, illam esse posse sine omni
forma. Respondetur, quòd uno modo respectu est
cuiuscunq;, alio autem modo non est respectu cuius-
cunq;. Siquidem est respectu cuiuscunque in par-
ticulari, idest secundum quòd quelibet talis est,
& non est respectu cuiuscunque in communi, idest

secun-

secundum gradus illius communes. Vnde secundum gradum corporei, potentia materiae ad formam semper est determinata, & sine illa reperi non potest: propter quod non conceditur, quod contingentè ex ea generetur corpus, sed bene quod contingentè generetur tale corpus. Et aduerte ut dicta iterpetreris, de materia prima simpliciter, et absolute sumpta, tametsi & de eadem, ut disposita difficile etiam non est, quid dici debeat ex dictis animaduertere, retenta semper congrua proportione & c. Corollarium. Ex potentialitate passiuæ materiae, pullulare habet (uirtualiter saltē aut modo, quo potest) nedum contingentia dicta, sed et impedibilitas, & antè hanc defectibilitas eius: nam & illa supponitur contingentiae, ut constat ex dictis. Quo fit ut et illa quoq; pro proxima radice in proposito assignari possint: potētia tamen passiuæ, ideò potius adducta est, quia & uidetur potior. & est magis in usu. Haftenus de conclusionibus, & per hoc de secunda quæstionis parte.

Quò ad tertium tres sunt difficultates, quibus paucis satisfaciendum est. Prima est. Quo pacto saluetur fatum cum contingentia rerum. Secunda. Quomodo cum eadem saluetur præscientia Dei: Tertia. Quomodo cum prædictis uerba saluentur. S. Thomæ, quæ ab illis uidentur dissonare. Ad satisfaciendum primæ difficultati hoc pacto proceden-

propriū solet assignari fatū . Et addit hæc opinio,
 fatum excludere contingentiam, & ponere neces-
 sitatem, & communis est multis astrologis. Secun-
 da est: quòd fatum est dispositio, seu effectū pro-
 ducendorum ordinatio existens in mente diuina .
 Qua acceptione fati, aut saltē illi proxima, usus
 est Augustinus. 5. de ciuitate Dei cap. 1. Et fatum
 hoc modo acceptum, coincidere habet cum proui-
 dentia Dei. Vndē & de remouenda contingentia,
 aut ponenda necessitate idem iudicium subit cum
 ea: Et hæc opinio non paucos seclatores habet ex
 Theologis. Tertia est, q̄ fatum est dispositio, series,
 uel ordo, secundarum causarum ad producendum
 effectus, progrediens ex prouidentia Dei: sicut &
 S. Thomas in locis quā pluribus docet, et præser-
 tim prima. q. 116. & 3. contrā gen. cap. 93. Et hæc
 opinio nostro tēpore est in usu nō modò apud Theo-
 logos, sed apud oēs christianos, et stat cū cōtingētia
 effectū, ut ex dicendis patebit, quoniā hāc sequi-
 mur, & pro uiribus declarare tentabimus, eò q̄ il-
 lam dūtaxat reputamus simpliciter ueram. Nām
 licet prima opinio, in multis substineri possit, q̄ ta-
 men dicit fatum imponere necessitatem, & exclu-
 dere contingentiam, falsum et erroneum est, nec ab
 aliquo etiam, uero Astronomo, admitti potest,
 præsertim uniuersaliter intellectum, prout scilicet
 & comprahendit mores, & operationes humanas,
 de qua re tamen aliàs disputatum est. Secunda

additum est. Nec mirum cum & rei cuilibet, accidentia alia, & non pauca realiter insint, superaddantur, & distinguantur ab eis. Subditur. Mobilibus rebus. Per quod denotatur primò; quòd in eius modi maxime reperitur, et percutitur pariter quorundam antiquorum positio, qui fatum remouebant maxime à mobilibus & corruptibilibus rebus. Denotatur secundò quòd fatum non ponit necessitatem in rebus cum unumquodq; recipiatur per modum recipientis : Ergò fatum, in mobilibus recipietur mobilitèr, quod necessitatis positioni non consonat, ut etiam ex eodem uerbo. S. Thomas. 3. contra gen. ubi supra animaduertit. Denotatur tertio qd reperiri habet in secundis causis, nam tales sunt mobiles, cum sint ueluti instrumenta causæ primæ. Siquidem innuit quòd in eis est, secundum qd mobiles sunt. Et intellige non, solum ut à prima causa mobiles sunt, ut concausante; sed & maxime, ut moderante, ac prouidente. Et propter hoc, notanter non usus est nomine causæ, sed usus est nomine rei; dicendo mobilibus rebus, & non mobilibus causis. Adiungitur. Per quam prouidentia Dei. Quo uerbo, explicatur fatum rebus non adesse fortuitu, aut casu. Item adesse propter bonum; adesse sapienter & prouide, imò adesse tanquam unum de precipuis prouidentiae diuinæ effectibus : Subijcitur demum. Suis quæq; necesse ordinibus. In qua re ostenditur connexionem rerum dispositarum à prouidentia

dētia Dēi, aliam proculdubio ab ea, quam ex suis proprijs sortiuntur ordinibus, de qua & c. 12. legitur Methaphysicæ, fore formalem effectum fati.

Ad cuius claram perceptionē, quia hinc maximè pendet cognitio fati, considerandum est, quòd res uniuersi secundum se, simpliciter & absolute sumptæ, ut phylosophus ubi suprà docet, habent, tum adinuicem, tum ad principium primum, ordinem & connexionem, eo quòd suapte natura integrantes sunt uniuersum, nō minori iunctura, quàm milites, uel acies integrare solent exercitum, aut membra aliquod corpus, maximè si uniuersum, ut quidam dicunt, concipiatur, ueluti magnum animal, cuius Deus ueluti spiritus aut anima sit: Propter quod explicatum est à phylosophis, quòd ordo & connexio rerum in uniuerso bonum illius est, & intelligit de ordine, qui maximè est inter species, quæ & ordinantur, ut numeri, ut in. 8. dicitur Methaphysicæ. Preter autem hos ordines, qui possunt ipsarum appellari proprii, habēt res ulteriori quodam uinculo reconnectedi, non respectu sui præcise et absolute, sed in comparatione ad effectus, quos causant. (Sunt enim naturæ rerum sic institutæ, ut teste Dyoniſio, imò tota phylosophorum schola, quin & experientia ipsa, ut non solum ipsæ sint in uniuerso, sed ut & multorum effectuum causa sint) et tale uinculum, nexus, ordo, uel dispositio, nō minus insertus est ab authore naturæ, aut minori mode-

ratione

ratione ac prouidentia ab eodem est conseruatus, quàm duo præcedentes. Et quoniam plures etiam res contingit adinuicem iungi ad effectum eundem causandum, merito sit, ut plures habeant etiam & adinuicem quodammodo (ut ad nouum effectum saltèm concurrere habent) colligari, ac necesse. Ordo autem ad causandos effectus, si quis rectè animaduenerit, inuenitur duplex: *Alter est manifestus*, ut qui respectu est effectuum, qui sunt simpliciter necessarij, uel ut in pluribus, necessarij, uel, ut communiter accidit, liberi: *Alter est latens*, hoc est occultus, ut qui est respectu effectuum fortuitarum, ac casualium: latens inquàm, & occultas non quidem prouisorij, moderatori, & ut sic dixerim, inferiori, sed causis, talibus effectibus applicatis, uel etiam applicandis. Talis ordo latens & occultus, pertinet propriè ad rationem fati, & quodammodo eius est formalis effectus: & de tali ordine, serie, uel connexione, intelligitur postrema particula definitionis prædictæ. Putandum enim est, quòd prouisor & moderator uniuersi latenter quidem res ordinet ad fortuitos, & casuales effectus, præbendo illis quandam uim, quæ dicitur dispositio, dispositio- ne accepta pro qualitate, & ea mediante connec- tendo quodammodo, & occulto ordine disponen- do, ac ordinando, & miro uinculo, res, seu causas, quæ ex parte sua per accidens, & præter intentionem ad huiusmodi effectus concurrunt, colligando, præpa-

re. Et cum dicitur, fatum communiter connotare ordinem, necessitatem, perseitatem, &c. uerè dicitur, si uerè intelligatur, quoniam non est intelligendum simpliciter, sed quodammodo ex suppositione, sicut & uerum est, causalitatibus rerum, siue secundarum causarum suppositis: ad quas etsi non potest cogere, ut patet ex dictis, illis tamen in actu positis, fatales effectus infallantèr eueniunt, et euitari non possunt. Quare si res benè discutitur, necessitas, & ineuitabilitas, absolutè loquendo, non nisi ex suppositione sumenda est &c.

Ad remouendam secundam difficultatem, ferè eodem ordine, sicut & in præmissa, procedendum est. Primò tangendus est difficultatis nodus. Secundò distinguendum est de duplici præscientia Dei. Tertiò satisfaciendum est intento. Nodus difficultatis habetur ex hoc, quòd præscientia sonat notitiam certam, & infallibilem alicuius rei, antequàm illa fiat, uel appareat in rerum natura. Propter quod uidetur, quòd esse non possit, nisi respectu rei necessarie, aut illius, quam impossibile sit, aliter se habere. Et cum supponatur, præscientiam Dei, esse respectu omnium, ità ut nefas sit suspicari Deum aliquam rem latere, aut eius cognitionem effugere, & id quidem ab initio & antè sæcula, palàm esse uidetur nihil in uniuerso reperiri, posse, quod sit fortuitum, casuale, aut quouis modo cōtingens: ergò difficultas maximè in hoc ipso consistit, ut con-
iunga-

plicitèr, siue secundùm quid. In modo differunt,
 quia præscientia simplicis intelligentiæ, cadit su-
 per res creabiles, seu quomodolibet producibiles,
 tum secundùm quòd sumuntur in se, tum secundùm
 quòd in proprijs sumuntur esse, uel existentijs &
 modis, sine proprio tamen in eisdem esse, actuali ut
 sic dixerim, exercitio: quia absq; eorum actuali po-
 sitione in rerum natura, licet non absq; eorum po-
 tentiali positione, uel exercitio, saltē respectu mul-
 torum. Quò fit, ut eiusmodi præcognitio, non prære-
 quirat rerum compræsentialitatem, positarum in
 rerum natura, extrà causam suam, propter quod et
 nomen abstractiue cognitionis, forsàn apud Scotū
 accepit, et intelligentiæ simplicis apud diuum Tho-
 mam, quasi notitia hæc contenta sit naturæ cogno-
 scibilis simplicitate, non attentis, quæ superuentū-
 ra quodammodo forent, exercitio, scilicet actuali, in
 proprio esse, & positione, extrà mentem & naturā
 dininam &c. præscientia uerò uisionis cadit super
 res futuras, uel aliter producendas, ut dictis con-
 ditionibus uestiuntur, undè & compræsentialita-
 tem illarum requirit, & positionem, & ipsius esse
 exercitum. exigit in propria ac reali natura, extrà
 causam primam: propter quod, nō imeritò nomine
 intuitiue cognitionis, aut uisionis exprimi potuit.
 Nec sequit, q̄ propter hoc opus sit, res ponere sim-
 plicitèr ab æterno, aut simpliciter in esse proprio
 constituere, aut in esse diminuto, quod à Scoto di-
 citur

citur obiectiuum, primo dist. 35. & 36. sed bene opus est, illas ab eterno fuisse in prospectu Dei, seu sub intuitu & uisione eius: quod non est captu difficile, si quis aduertit quod sicut illa talis est perspicacia, quod non impeditur per distantiam secundum locum, ita & talis est comprehensionis quod impediri non habet per distantiam secundum tempus: et sicut omne tempus continetur mirum in modum à simplicissima aeternitate, imò & ab aeternitatis nunc, quod penitus est indiuisibile, ita et quaecunq; sunt in decursu totius temporis, sub simplicissimo ac penitus indiuisibili comprehenduntur intuitu, seu uisione Dei, quae mensuratur aeternitate, seu aeternitatis nunc, propter quod & ab eterno omnia sunt praesentia, et nuda et aperta oculis eius. Et quae facta sunt, & quae fiunt, & quae imperpetuum futura sunt, non existentibus in aeternitate praeterito, & futuro, aut umbrecula cuiuscunque uestigio. In medio deniq; differunt, quia licet in utraq; medium seu si mauis, formale principium, quo utraq; exercetur cognitio, sit essentia Dei, ut pertinet tamen ad praescientiam intelligentiae simplicis, & maioris quodammodo uidetur ambitus, & nihil requirit quouis modo extrinsecum, ut omnia representet intelligibilia, quouis pacto representabilia sint, ut uerò spectat ad praescientiam uisionis, limitatioris quodammodo uidetur latitudinis, quemadmodum & (sua retēta proportionē)

de

de obiecto dictum est: & requirit representandarum rerum compræsentialitatem, ut illas representare possit, Requirit (inquàm, non q̃ illi præbeant rationem, aut representandi uim, sed quia sunt necessaria conditio, sinè qua representari non possent. Nec sequitur quòd diuina cognitio pendeat quouis modo à rebus creatis, sed benè sequitur q̃ talis cognitio, quæ diuina est uisio, exerceri non possit nisi coexistentibus, ac compræsentibus rebus creatis, quæ uidendæ sunt: quod non esse inconueniens unusquisq; potest agnoscere, qui perspexerit id esse de propria, & essentiali ratione uisionis etc.

Satisfit, his præmissis, de facili difficultati motæ, pro qua primò loquar sub conditione, deinde loquar absolutè. Sub conditione igitur loquendo, Dico quòd si aliqua præscientia Dei, excluderet cōtingentiam, aut poneret necessitatem, illa proculdubio foret præscientia uisionis. Constat hoc quia talis, ut diximus est circà futura &c. Et certū est quòd contingentia & necessitas, ob quas difficultas introducta est, circà futura futurorum uel euentus attendenda sunt. Absolutè autem dico q̃ præscientia uisionis, & necessariorum & contingentium futurorum est, uerū ex natura sua, non ponit necessitatem, aut excludit contingentiam: sed benè ex natura sua, in rebus uisis statum supponit necessitatis, eò quòd præsentiam earum supponit actualem. Constat autem ex calce primi

perbier. quòd res quantumcunq̃ue in se sit contin-
gens, ex præsentialitate tamen sua, modum cuius-
dam adipiscitur necessitatis, propter quod dicitur
eò loci, quòd Socrates sedens, necessariò sedet, &
propterea uerum est scientiam uisionis, infallibi-
lem esse, & prænisa à Deo ineuitalitèr euenire,
non quidem quia præcognita aut prænisa à Deo,
sed quia in esse in rerum natura sunt posita, et per
hoc sunt, ut tactum est, necessitatem, & infallibi-
litem, seu ineuitalitatem sortita: in qua posi-
tione, ut diximus, sunt prænisa ab eo. Quam tamen
positionem in natura rerum (de contingentibus
loquor) necessarium non fuit illas habere, quippè
quæ ad illā se contingentèr habebant, fueruntque
hunc in modum determinatæ, quia sic placuit de-
terminari, uel quia sic determinari contigit, dum
tamen alia facerent, uel facere ex intentione insti-
tuerent. Ex his manifestè patet, quòd diuina præ-
uisio, hominis non destruit libertatem, sed Deus ab
æterno uidet, quæ homo operaturus est ex liberta-
te, & propterea uidet quæ futura sunt: & quia ui-
det illa in factò esse, palàm quòd frustrari & falli
non potest &c. Nec obstat, quòd illa Deus inspi-
ret, quòd sollicitet fatum, quòd inclinent cæli, &
concupiscentia prouocet, ut homo sic uelit: quoniā
nullum horum, nec omnia simul hominis ualent
subtrahere libertatem, aut illam uiolentèr cogere
propter quod & peccatores excusari non possunt,
si

si sic uolunt uel faciunt: Vnde & Osee. 13. scriptū est: Perditio tua ex te Israel. Nec ualet si quis obijciat, quòd si peccauit quis, Deus sic uoluisse uideatur: quippè qui non impediuit, & tamen impedire potuit: quoniam etsi impedire potuit, tamen impedire non debuit, quia aliàs non disponderet uniuersa suauitèr, nec moueret sicut amatum mouet amantem: & deniq; nec hominem in manu dimisisset sui consilij, nec maneret immobilis ordo præfixus in uniuerso. Satis proculdubio est, quòd Deus prouocet nos frequentèr ad bonum: Satis quòd signauit super nos lumen diuini uultus, & legem dedit, à qua nefas est declinare. Ad tertiā euacuandā difficultatem eadem ferè uia, sed magis compèdiosa, incedendum est. Primò ergò tangenda sunt uerba diuini Thomæ, quæ à præmissis dissonare uidentur, ut nodus eluceat difficultatis: Secundò modus adducendus est, quo communiter difficultas euacuari solet: Tertiò explicandum est, quid nobis occurrit in hac ipsa re. Verba. S. Thomæ sunt, quæ habentur prima q. 115. ar. 6. & 6. Methaphysicæ lect. 4. in quibus asserit causam contingentia, concursum per accidens fore causarum: explicatq; in 6. concursum huiusmodi habere posse causam per se, aliquam scilicet superioris ordinis, exemplum ponens de duabus herbis cōcurrentibus simul ad floritionem: quarum concursus reducendus uidetur in talem uirtutem cœlestem. Et in prima parte, dicit non esse ue-

rum, concursum causam habere per se, intelligens dictum suum in Methaphysica uerificandum partialiter siue indefinitè, & in prima parte falsificandum uniuersaliter & absolutè, ut egregie declarat Caietanus ibidem ar. 6. in. 3. annotatione. Quæ uerba, ut cõstat, repugnant determinatis, quia de contingentia, siue causali, siue effectuali loquendo (ut loqui in citatis locis. S. Thomas uidetur) nunquàm pro causa redditus est dictus concursus etc. Modus, quo communiter euacuatur difficultas, à Caietano tangitur, imò & ab eo inuentus uidetur, & consistit in distinctione de causa effectualis contingentie, dicendo quòd potest considerari, & tractari dupliciter: Vno modo ex parte radicis: Alio modo ex parte complementi. Et quòd. S. Thomas in præmissis locis ex parte loquitur complementi cause contingentie: Et subdi potest quòd nos in præcedentibus loquuti sumus ex parte radicis, & hoc pacto difficultas tollitur, et non malè iudicio meo. Modus autem qui mihi occurrit, et si cum distinctione est, alia tamen ratione fit. Dico ergò, quòd de causa effectualis contingentie, possumus loqui, uel ex parte radicis, uel si mauis causatis cause, uel ex parte conditionis necessario requisitæ: Si loquimur primo modo, dicendum est prout superius in secunda parte diximus: Si loquimur secundo modo, dicendum est ut. S. Thomas docuit, Ratio quæ urget ad hoc, est, quia concursus rationem causandi non uide-
tur

tur habere, cum ultrà rem concurrentem solùm habeat importare respectum: Vnde sicut approxi-
 matio ad combustionem non concurrit, nisi uti
 conditio, sinè qua non esset, ità & concursus ad
 causandum effectum per accidens et contingens, est
 conditio, sinè qua non fieret. Nec ualet siquis o-
 bijciat quòd tunc. S. Thomas non reddidisset cau-
 sam, cum conditio extrà genus sit causæ. Non, in-
 quàm, ualet, tùm quia re uera contingentia non
 habet causam per se, ut ideò iure reddi non potuit,
 & sat fuit conditionem adducere, ad quam (ut
 sic loquar) magis eiusmodi obligantur effectus,
 tùm & melius, quia causam reddidit, quæ potest
 adduci, cum dixerit cum Aristotele, causam esse
 agentia, ut in pluribus, secundùm quòd desi-
 cere habent ut in paucioribus. Quare opti-
 mo iure reddita causa, ualuit ad con-

ditionem transire. Hactenus de

tertia parte, & per hoc

de tota questione.

Ad laudem

Dei.



F I N I S.

O 3

DE

DE INFINITATE PRIMI
MOTORIS IN OCTAVO
PHYSICORVM INVENTI.

QVÆRITVR an Motor primus in
octauo Physicorum inuestiga-
tus, sit uigoris infiniti.

In hac quæstione, quatuor agenda sunt. Primò
declarandus est titulus, & quidem diffusè, quo-
niam ex illius cognitione serè omnia pendent. Se-
cundò pertractandum est negotium principale.
Tertiò perstringendæ sunt nonnullæ difficultates
annexæ. Quartò obijciendum est contrà determi-
nationem principalem, & simul satisfaciendum
obiectis.

Quo ad Titulum, attendenda sunt duo: Subie-
ctum scilicet, & Prædicatum. Subiectum est. Mo-
tor primus in octauo Physicorum inuentus. Pro cu-
ius declaratione, considerandum est primò, quòd
prima facie, satis uidetur obscurum, quo pacto,
hoc in loco, primus motor accipiendus sit, & id po-
tissimum propter duo. Alterum est, quia licèt sa-
tis sit constans, quòd est motor cœlestis, non solum
quia illi correspondet primum mobile, quod indu-
biè est corpus cœlestè, sed quia ille producit pri-
mum motum, qui ut habetur in eodem octauo à
tex. 55. usque ad tex. 77. est circularis, qualis est
motus

motus cælestis: Non apparet tamen an restringendus sit ad motorem primi orbis, an extendendus ad totum genus motorum cælestium, quemadmodum & per primum corpus, nonnunquam intelligimus primum mobile absolute, nonnunquam totum globum cælestē, sicut primò cæli, tex. com. 12. & 13. intellexit phylosophus. Et quidem quòd accipien-
 dus sit pro primi orbis motore. Et ratio, & autho-
 ritas urget. Ratio quidem, quia ille magis dignus est nomine primi motoris, præsertim cum uideatur motor totius. Autoritas uerò, quia in tex. 84. de primò motore in præcedentibus inuestigato lo-
 quens, ostendit, quòd est in circumferentia primi orbis, & in circulo æquinoctiali (ut communiter dicitur) & maxime ex parte orientis. Constat au-
 tem, quòd talis est motor primi cæli, & non totum genus motorum cælestium. In contrarium tamen est, quia Aristoteles, postquam ostendit à tex. 21. usq; ad. 52. quòd deueniendum est ad primum mo-
 uens, quod se ipsum mouet, & quòd distinguitur in duas partes, quarum una est mouens, et alia mota, & quòd illa mouens est omnino immobilis (motu scilicet physico) tam per se, quam per accidens, subdit in tex. 52. partem motam (quam constat esse motam per se) posse moueri per accidens, ad motum uidelicet alterius orbis. Ex quibus apparet, quòd per partem motam, non intelligit primum corpus, seu primum orbem, quoniam ille non potest

242
rotari per accidens, sed intelligit totum globum cæ-
lestem, qui ratione alicuius orbis partialis (uel
etiam plurium) potest rotari per accidens. Ergò
sequitur pariformitèr, quòd per primum motorem
intelligat totum genus motorum cælestium.

Reliquum est quia siue uno modo, siue alio pri-
mus motor accipitur, nihilominus remanet non fa-
cile dubium, propterea quòd nò solum primo orbi,
sed singulis cælis duplex motor communiter attri-
buitur: Coniunctus scilicet, & separatus. Coniun-
ctus solet appellari anima, separatus intelligentia.
Quò fit, ut & duplex genus constitutatur motorum
cælestium: Alterum coniunctorum: Alterum se-
paratorum. Et ita dubium remanet, de quo moto-
re, seu motorum genere intelligendum sit. Et quidè
utraq; ex parte sunt motiua & rationes. Nam q
intelligatur de motore coniuncto, expressa probat.
authoritate, & Aristotelis, & S. Thomæ, & Com-
mentatoris. Aristotelis quidem, quia uult motore
primum, (de quo sermò) partem esse mouentis se
ipsum, sicut anima pars est animalis, ut colligitur
à tex. 21. usque ad. 45. octau. Sancti Thomæ uerò,
quia dicit primò contra gen. cap. 13. quòd motor
inuestigatus in octauo, non est primus motor abso-
lutè, seu (quod idem est) motor omninò separatus,
puta Deus gloriosus, quia talis inuestigatur in. 12.
Methaphysicæ, sed est motor coniunctus, qui est
pars mouentis se ipsum. Commentatoris autem,
quia

quia idem innuit primò cæli com. 22. Quòd uerò intelligatur de motore abstracto, uel separato, etià eorundem potèst auctoritatibus suaderi. Siquidem Arist. in tex. 86. (qui et ultimus est ipsius octau) *mot. simp. c. 1. dicitur. p. 107.* dicit expresse motorem illum, nec esse corporeum, nec in magnitudine, eò quòd est infinita uirtutis. Sanctus Thomas quoq; primò contrà gen. eo loco, quò suprà uult Deum gloriosum esse motorem separatum: et in calce octau phisicorum, loquens de motore in eodem inuento dicit, quòd est Deus benedictus in sæcula. Commentator etiam com. 84. octau ui, tractans quomodo primus motor est in circumferentia cæli, subiicit. Propter quod et omnes leges uolunt Deum habitare in cælo. Alibi quoq; sæpe docet intelligentias siue entia abstracta & separata esse, probari non posse nisi à physico. Ergò motor ab eo inuestigatus est motor abstractus, & non coniunctus. Hæc sunt quæ obscuritatem pariunt de acceptione primi motoris in octauo phisicorum inuenti;

Verum si rem diligentè excutimus, nihil erit obscurum. Et quòd productum est, primò loco; facile est uidere, quòd etsi utraq; pars defendi forsitan posset; melius tamen est, si dicamus et quidem conformiter ad Aristotelem, quòd nomine primi motoris simpliciter & absolute unus ac singularis motor in proposito decipiendus est, qui et motor est totius, etsi cui certo mobili appropiandus est, indu-

biè

biè approiandus est mobili primo: Propter quòd et
ritè in illius circumferentia potissimum collocatur,
& est à quo motus diurnus producitur. Nec ob-
stant, quæ adducta sunt in contrarium, ex. 52. tex.
Tùm quia illa uerba à phylosopho non uidentur ad-
ducta ad probandum quòd pars mota primi mouen-
tis possit moueri per accidens, sed ad ostendendum
potius quòd non repugnet (quodam per acciden-
talitatis modo) aliqua semper moueri per acci-
dens. Tùm quia admissò eo sensu, qui arguendo ac-
ceptus est, etiam non habetur intentum, quoniam
sicut omnes cæli mouentur motu diurno, ità omnes
uidentur esse pars primi mouentis, qui est unus &
singularis mouens, quoniam ille motor est totius,
quemadmodum dictum est: Imò potius habetur op-
positum, putà quòd ille unicus motor aliquam sui
partem, cui scilicet coniungeretur, per se primò,
moueret per se, aliquam uerò, cui scilicet non con-
iungeretur per se primò, moueret per accidens, ad
cuius tamen motum ipse non moueretur. Quod ue-
rò secundo allatum est, etiam difficile non est resol-
uere. Et supposito, (ut in tertia quæstionis parte
determinabitur) quòd cælum quodlibet duplici mo-
ueatur motore realitèr distinctis, et ambobus iuxta
numerum cælestiū orbium realitèr multiplicatis,
dicimus, q̄ alterum è duobus oportet asserere, aut
scilicet quòd de utroq; motore loquitur Aristote-
les in octauo, aut quòd solum loquitur de motore
con-

coniuncto (siquidē q. de penitus separato loqui nō possit, uerba & .S. Thomæ & Commentatoris, præsertim in primò cæli uidentur conuincere). Si itaq; Aristotilem loqui credimus de utroq; motore, uidentur omnia consonare, quoniam interpretando dicta, nunc pro motore coniuncto. nunc pro separato, cuncta saluantur, non solū quæ habentur ab Aristotile, sed & quæ habentur à .S. Thoma, & Commentatore. Nam quando Arist. dicit quòd primus motor est pars mouentis seipsum, intelligitur de primò motore coniuncto; quando dicit quòd nullo pacto est in magnitudine, intelligitur de primò motore penitus separato. Similiter quando .S. Thomās dicit, quòd ille est pars, & quòd est coniunctus, de motore intelliget, qui est anima, & quando dicit quòd est Deus, de motore intelliget, qui est separatus. Et cum dicit quòd in. 12. Aristotelis inuestigat motorem alium, uerum erit, quia ibi motorem inuestigat solummodo separatum, seu (ut melius) motorem separatum totius, qui est Deus, de quo postmodum in tertia parte, Commentatoris quoq; dicta, quæ dissonare uidentur, eodem concilianda sunt pacto, ut ex se ipso liquet. Videtur proinde & talis interpretatio maximè congrua: Tum quia physicus inuestigare non potest distinctionem utriusq; motoris, cum illa non habeatur per principia physica, aut per motum naturalem præcisè: Tum quia si illud posset, nō incongrueret de utrisq; loqui,

loqui, perinde ac de uno, eò quòd dicti duo motores uidentur unum quodammodo integrare motorem, qui causa integra est motus ipsius cæli. Vndè & Commentator duodecimo Methaphysicæ com. 41. dicit, quòd motus cæli à duplici conficitur motore, quorū alter est motionis infinitæ, & est causa perpetuitatis motus, alter uerò finitæ, & est causa determinatæ uelocitatis eius, ille est separatus, & iste coniunctus. Constat autem, quòd sicut motus cæli integratur ex perpetuitate, et determinata uelocitate, ita & conuenienter motor illius, ex duplici potest integrari motore.

Istam dicendi modum olim adinueneram, & satis uidebatur quadrare: modò tamen magis mihi probatur, quem immediatè subiicio, eò quòd magis uidetur consonus sententiæ. S. Thomæ, & Commentatoris Auerrois. Vndè dicendum puto quòd Arist. in octauo loquitur de motore coniuncto præcisè, & illum primum motorem appellat, qui anima est totius aliquo modò, licet non nisi per informationem anima sit mobilis primi, ut in tertia parte manifestabitur: quare ad ea, quæ uidentur sonare contrarium, respondendum est. Quando ergò dicitur, quòd Arist. uult motorem non esse corporeum, aut in magnitudine, dico quòd uerum est ad sensum quem intendit. Non enim intendit excludere informationem, uel animationis actum ab eo, sed extensionem. Vndè idem est, ac si diceret, quòd
non

non est extensus in corpore uel in magnitudine, cū quo stat, quod ibi sit, sicut anima intellectiua est in homine. Vnde & S. Thomas. 1. con. gen. cap. 20. dicit, quod ratio Aristotelis non concludit abstractionem, & separationem maiorem, quàm sit abstractio, & separatio animæ intellectiue, quatenus scilicet talis est. Et hoc idem uoluit Commentator. 1. de Cælo. commen. 22. Et quando. S. Thomas in fine octauæ de primo motore loquens dixit. Qui est Deus benedictus, Respondetur quod. S. Thomas non protulit illa uerba, quia motor ibidem inuestigatus esset Deus benedictus essentialiter, sed quia Deus esset uirtualiter, id est non quia Deus esset ratione essentie, sed ratione præstitæ sibi uirtutis. Nam sicut ex dicendis patebit, motor de quo loquitur eo loco, non agit infinitum motum uirtute propria, sed uirtute diuina. Ergo cum ibi sermo sit quidem de motore coniuncto, sed ut motum agit perpetuum, constat, quod non solum absque dissonantia, sed & maxima cum perspicacia. S. Thomas potuit illa uerba proferre. Vel dicitur quod cum esse primum motorem, & uirtutis infinitæ, prædicata sint, simpliciter congruentia Deo, necesse est, ut cuiuscūq; uerè tribuuntur, ex aliqua connexionē, uel inclusionē Dei tribuantur, propter quam non inconuenit, si quando Dei nomen recipiunt, quod & factum est in eo loco. Propter quod licet ille motor non sit primus motor absolute, facile

cile tamen per illum est ad primum motorem absolute deduci: nec ea de ratione absonum est, si quis rationibus Aristotelis in octavo positis ad ostendendum Deum esse, aliquando uti uoluerit, non quod illæ formaliter istud concludant, cum (ut dictum est) non transcendat animam, sed quia ad hoc virtualiter deducere possunt: quo quidem pacto & illis nonnunquam usus est. S. Thomas. Consimiliter respondebitur ad dicta Commentatoris, quamuis etiam addi possit, quod illud, quod dixit Deum habitare in Cælis, non cogit illum opinatum esse, motorem primum in octavo inuestigatum, Deum esse simpliciter & absolute, cum & consuetum sit apud Peripateticos, etiam Cæli animam Deum appellari. Illud quoque, quod tactum est de ipsius mente (physicum probare entia abstracta, seu intelligentias esse) non intelligitur quod physicus illud formaliter concludat: sed quia ex parte nostri, ad illud probandum fundamenta necessaria subministrat, quemadmodum & aliàs manifestauimus &c. Hactenus de subiecto tituli, superest ut accedamus ad prædicatum, quod quidem sic dicit.

Habeat, uirtutem motiuam, uigoris infiniti. In quo singulæ particule adnotandæ sunt. Quod igitur ad particulam (Habeat) Adnotandum est, quod licet multis modis distinguí posset, eo quod habere, quattuor modis dicitur. 5. Methaphysicæ tex. com. 28. breuitatis tamē causa, alijs acceptionibus prætermis-

termis, dico, q̄ secundo modo ibi posito accipien-
 da est: secundum scilicet illum modum, quo subie-
 ctum habere dicitur passionem, aut substantia pro-
 prium accidens. Quo pacto (si formaliter loqui-
 mur) dicit illud passivum inexistere, quo pro-
 prium inexistit accidens, quod & fundamentum
 est denominationis intrinsecæ, sicut notum est in
 Metaphysicis. Ergo cum dictum est, habeat, intel-
 ligitur eo modo, quo subiectum suæ subternitur
 passioni, et substantia proprio accidenti, siue id ue-
 rificetur in actu, siue verificetur in uirtute. Quod
 ideo dixerim, quia duplex inuenitur opinio circa
 hoc, dum quidam uolunt, q̄ uirtus motiua animæ
 cœlestis ab eius essentia realiter distincta non sit, *ut si uirtus motiua animæ cœlestis ab eius essentia realiter distincta non sit, & per hoc quod illius non sit actualiter proprium accidens, sed uirtualiter, hoc est quod perinde se habeat, ac si illius accidens proprium foret: quidam uero q̄ realiter distincta sit, & per hoc quod illius sit proprium, & actualiter accidens, & hi quidem ueritatem habent, ut alibi determinatum est. Quod ad particulam (Virtutem) Adnotandum est, quod uirtus in proposito non auditur pro habitu, qui bonum facit habentem, sed auditur pro ui, seu naturali potentia aliquid faciendi: propter quod acci-*
 dens est, positum, non in prima, sed in secunda spe-
 cie qualitatis. Quod ad particulam (motiuam). Ad
 notandum est, quod cum uirtus motiua, uirtus sit
 ad motum habitudinem habens, sicut est multiplex
 motus

motus, ita & motiua uirtus multiplex est. Siquidẽ
est motus localis, est motus alterationis, est motus
augmenti &c. Ergo erit & uirtus motiua locali-
tẽr, & uirtus motiua alteratiuẽ, & uirtus motiua
augmentatiuẽ &c. In proposito autem uirtus mo-
tiua summitur pro motiua localitẽr. Et quidẽ me-
rito, quia sermo est de uirtute motiua cœlestis ani-
mæ, quam constat, per se primò, motiuam esse se-
cundùm locum. Dico per se primò, quia non incon-
uenit, illam ex cõsequenti, mouere etiam secundùm
alterationem, & augmentum &c. Cum & alte-
ratio & augmentum &c. ad motum consequan-
tur cœli. Itẽm animaduertendum quòd in anima
cœli, de qua sermo, triplex uirtus est, quæ potest nũ-
cupari motiua, scilicet intellectus practicus, uolun-
tas, & potentia executiua; cum omnes effectiuẽ ad
localem motum concurrant. Et intellectus quidem
dirigendo, uoluntas imperando, potentia executiua
exequendo, & elijciendo: Oportet enim quòd per
intellectum practicum, illa non solùm motum ap-
prehendat, quem producere habet, & modum, quo
ipsum producere debet, sed & q̃ secundùm dictam
apprehensionem, illum, dum exequitur, regulet.
Nec satis est, hunc in modum apprehẽdere, sed ne-
cessẽ est, ut per uoluntatem quod apprehensum est,
imperet, eo tamen pãcio, quo uoluntati donuenit
imperare. Nãm ut. S. Thomas docet. 16. q. primæ
secundæ, Imperare propriẽ est intellectus, propter
motio-

motionem tamen, quæ ad imperium de necessitate
concurrit, non raro attribuitur uoluntati. Et tan-
dem ut per potentiam executiuam motum impera-
tum eliciat, ac executioni tradat. Patent hæc ex
se, exemplo domificatoris, & statuificæ. Existente
itaq; in anima cæli, triplici uirtute motiua: in præ-
senti sermo uon est, nisi de motiua executiue. Rur-
sum considerandum, quòd motiua exequentiue, ha-
bere potest ad localem motum, habitudinem tripli-
cem, secundum quòd tria reperiuntur in eo: Nam
in eo reperitur substantia motus, putà ut sic dicam,
Vbeitas, reperitur quantitas motus, putà Duratio,
& reperitur uelocitas motus, putà tanta celeritas:
quarum prima erit ad motus substantiã, secūda ad
motus quantitatem, & tertia ad motus uelocitatem:
Et iuxta primã, uirtus motiua, erit productiua mo-
tus, iuxta secundam erit quantificatiua motus, &
iuxta tertiam erit uelocitatiua motus. Ad præsens
autem uirtus motiua executiue, summenda est se-
cundum omnia hæc, idest & prout habet rationem
productiui, & quãtificatiui, et uelocitatiui motus.

Quò ad particulam (Vigoris) Adnotandum
est, quòd Vigor importare uidetur, quandam per-
fectionem uirtutis, putà efficaciam, et robur ad ui-
gorandum, & in plenitudine facultatis constituen-
dum, ut ualide producat operationem: ut patet (si
non fallor) ex communi omnium acceptione. Ergò
uigor, uirtutis motiue, est perfectio, & (ut sic di-
cam)

212
cam) robustitas: qua quasi formalitèr constituitur
ualida, ad plenè mouendum. Et si ea summitur ex
parte, qua productiua est motus, ualidè constitui-
tur ad plenè producendum motum: si ex ea, qua
quantificatiua eius est, ad plenè quantificandum
illum: si ex parte, qua uelocitatiua ad plenè ueloci-
tandum eundem &c. Et scito quòd uigor uirtuti a-
licui congruens, illi & ab intrinseco, & ab extrin-
seco, congruere potest: sicut patet, de uigore natu-
ralis caloris, in animali, qui sibi congruere habet
ab intrinseco, ex natura propria, & ab extrinseco
ex assistentia anime: cuius est instrumentum ad ge-
nerandum carnem &c. In proposito itaque, uigor
uirtuti motiue attributus, summitur indistinctè: nò
solum, ut comprehendamus uigorem, illam ualidè
constituentem, ad producendum, quantificandum,
& uelocitandum motum, sed etià cōprehendamus
illū, siue sit ab intrinseco, siue ab extrinseco: quoniā
de his oībus agēdū est. Quò ad particulā (Infiniti)
Adnotandum est, quòd infinitum, ut constat, com-
ponitur ex, in, & finitum, & In, quidem, idem est
quod non: Finitum uerò, idem quòd finem habens.
Et quòd ad non: ut communiter dicunt logyci, & re-
fletè, accipi potest, & negatiuè purè, sicut cū exercet
negandi actum indifferentè, & absolutè: & nega-
tiuè priuatiuè, ut cum exercet negandi actum, non
indifferentè & absolutè, sed in subiecto apto nato:
propter quod, & (ut dicitur) aptitudinem conno-
tat

tat in subiecto. Et quàmuis cum componitur cum
 finito, nonnunquàm utroq; modo accipi consueue-
 rit: in præsentī tamen non accipitur nisi negati-
 uè purè. Quò ad finitum, siue finem habens, cum fi-
 nis accipiat̃ tripliciter, palàm q̃ & tribus modis
 intelligi potest. Finis enim aliquando accipitur pro
 termino, ut finis uia, quo modo acceptus est. 5. Me-
 thaphysicæ, tex. com. 22. aliquādo pro complemen-
 to, ut finis calcei aut pallij, & hoc pacto est in fre-
 quentissimo usu, aliquādo pro cuius gratia aliquid
 fit, & sic acceptus est. 2. physicorum, & 5. Metha-
 physicæ, cum tractatur de causis. Iuxta primam ac-
 ceptionem finitum dicitur terminatum, iuxta se-
 cundam completum, iuxta tertiam ordinatum ad
 aliquid, cuius gratia est. Et in proposito summitur
 primò modo: & propterea idem est infinitum, quod
 non terminatum. Quibus si addideris, quòd parti-
 cula, infiniti, cum particula est aptanda, uigoris:
 directè quidem, & per se, ut amborum genitiuus
 ostendit, manifestè concludes, quòd idem est dictu
 uigoris infiniti, & uigoris non terminati. Vbi pro
 meliori notitia cōsideranda sunt duo. Alterum est, *non + infiniti*
 quòd infinitas, licet negatiuum quid formalitèr
 sonet, modum tamen quendam circumloquitur po-
 sitiuum, ut ex dictis Caietani prima parte accipi
 potest. q. 7. ar. 1. & in præsentī infinitas quæ discu-
 titur, cum formalitèr infinitas non sit uirtutis, sed
 uigoris, non oportet, quòd si ponatur in uirtute mo-

tiua, illam constituat illimitatam in ratione moti-
uæ uirtutis, maxime si talis uigoris infinitas ex in-
trinfeco non proueniat. Reliquum est quod cum ra-
tio finiti & infiniti, seu quod idem est finitas & in-
finitas quantitati congruant, ut primò physicorum
dicitur tex. com. 15. necesse est, quod si infinitas est
attribuenda uigori, quod illi secundum aliquam at-
tribuatur quantitatem, quæ sit in illo reperta. In
uigore autem duplicem reperire possumus quanti-
tatem, essentialem scilicet & gradualem. Et essen-
tialis quidem iuxta latitudinem attenditur prædi-
catorum essentialium (habet enim uigoris entitas
sua prædicata quidditatiua) & iuxta hanc latitu-
dinem non est infinitus nisi ille forsàn, qui uirtutis
est infinitæ quidditatiua infinitate, qualis est uir-
tus diuina simpliciter, & absolute. Gradualis uerò
iuxta latitudinem attenditur graduum intensiona-
lium, sicut & quantitas gradualis albedinis, & cu-
ius uis alterius consimilis formæ, & secundum hanc
quantitatē uigor infinitatem sortiri potest: & hanc
discutimus in præsentī. Hactenus de prædicato.

Ex his ergo discussis ac resolutis clarus est sen-
sus tituli. Queritur itaq; an motor primus non ab-
solute, sed in octauo physicorum inuestigatus. Et
per hoc an anima primi orbis habeat actualiter
uel uirtualiter iuxta sensum expositum uelut acci-
dens sibi proprium, uirtutem idest uim et naturalē
potestatem motiuam secundum locum, non quidem
quo-

quomodocunq;: quoniam non directiue, uel imperatiue, sed executiue, & hoc tam secundum habitudinem productiui, quam secundum habitudinem quantificatiui, & uelocitatiui motus, uigoris, hoc est, roboris & perfectionis, siue ab intrinseco, siue ab extrinseco, infiniti, hoc est non terminati, et hoc secundum latitudinem non essentialem sed gradua-
lem, quod perinde est, an habeat totam latitudinē suorum graduum. Et id secundum mentem phylosophi. Et hæc de prima questionis parte.

Quò ad negotium principale, præmittendum est, quòd in hac questionis parte ordinem seruare non possumus, quem in consimilibus, seruare solemus, quoniam primùm solemus aliorum opiniones adducere, suis cum fundamentis, impugnationibus, et fundamentorum euerſionibus, deinde rem determinare iuxta sententiam propriam: Propterea q̃ in hac re, circa negotium principale, non uidentur posteriores aliquid determinasse, cum nullus, præter. S. Thomam, distinctionem inter primum motum inuestigatum in. 12. Metaphysicæ, & inuestigatum in octauo physicorum (ni fallor) animadu-
uerterit, sed ambos unum & eundem esse penitus supposuerint. Hoc præmissis rem accedentes tres ponemus conclusiones suis cum probationibus, & declarationibus. Et ista sit prima.

Primus motor in octauo physicorum inuestiga-

778
tus habet uirtutē motiuam (ad sensum expressum
in declaratione tituli) quæ secundum quod quanti-
ficatiua est motus, uigorem habet infinitum, non
quidem ab intrinseco, sed ab extrinseco, à motore
scilicet primò simpliciter, & absolute: hoc est, à
Deo benedicto, primi orbis motore separato præsti-
tam, uel communicatam. Probatur & declaratur
similiter ista conclusio tribus fundamentis præmis-
sis. Quorum primum est. Motor cōiunctus, seu ani-
ma cæli, qualis est motor, de quo sermo: habet se ad
motorem separatum, sicut instrumentalis motor
ad principalem motorem. Probatur hoc, tum ex
communibus, tum ex specialibus. Ex communibus
quidem, quia regulariter tenetur, quod omnis se-
cundarius motor habet se ad primum motorem,
non secus ac instrumentū eius. Et hoc haberi potest
non solum passim à sectatoribus Aristotelis, &
maximè à S. Thoma, sed & ab ipsomet Aristoti-
le. 8. physicorum tex. com. 34. 35. & 36. Constat
autem quod anima & intelligentia respectu motus
cæli habent se, ut primum & secundarium mo-
uens. Ergo &c. Ex proprijs uerò quia Commenta-
tor. 12. Methaphysicæ, com. 44. loquens de motore
coniuncto, siue anima ipsius cæli, uult quod habeat
se ad motorem separatum, sicut famulus, uel sicut
seruiens ei. Constat autem ex Polithicorum primo,
quod seruus organum, seu instrumentum est domi-
ni sui. Ergo &c. Secundum est. Licet instrumentū

ex propria uirtute, quatenus res talis est, habere possit aliquam operationem, imò necessario aliquā habere debeat, quæ præuia sit operationi agentis principalis, quatenus tamen instrumētum est, propria non operatur uirtute, sed uirtute principalis agentis, quæ sibi communicatur ab eo. Probatur. Et quo ad primam partem, probatur, ratione & exemplo. Ratio est, quia non quidem ob aliud negant sacri Theologi & S. Thomas præsertim creaturam posse instrumentalitèr ad creandum concurrere, nisi quia habere non potest operationem in creatione præuiam. Cum enim creatio sit ex nihilo palàm quòd illi aliquid non præsupponitur, in quod operationem præuiam exercere ualeat. Exemplum est in arcu & cythara. Vbi satis apparet, q̃ operatio, putà motio arcus & fidium, quæ operatio est instrumenti, ut res est, saltem naturalitèr præuia est melodiæ, quæ operatio est instrumenti, ut instrumentum est. Nec obstat si ex ambabus sit modulatio, quoniā cum una quodāmodo substernatur alteri, motio scilicet melodiæ, haud dubium, quòd illa natura præcedit: Vndè & esse potest motio, sinè hoc, quòd melodia sequatur, &c. Quò ad secundam partem, probatur, ratione & autoritate. Ratio est, quia instrumentum quatenus instrumentum attingere habet ad effectum principalis agentis: Ergò opus est, ut illius uirtute ad illum attingat. Antecedens notum, consequentia probatur.

Quia effectus ille cum sit proprius agenti principali, neceſſè eſt, ut à quocunq; proficiſcitur, principalis agentis uirtute proficiſcatur. *Authoritas eſt. S. Thomæ. 4. contra gen. cap. 56. in fine; ubi hæc uerba dicit. Inſtrumentum quatenus inſtrumentum non operatur uirtute propria; ſed tantum uirtute agentis principalis. Tertium eſt: Primus motor abſolute; ſiue motor primi orbis ſeparatus, eſt Deus benedictus; qui per ſe primò perpetuitatem diurni motus producit; in cuius productione uigore utitur infinito: Hoc fundamentum habet tres partes. Prima eſt: Quòd motor primi orbis ſeparatus, eſt Deus. Et hæc probatur ad mentem Ariſtotelis ex ſententià Sancti Thomæ primò contra gen. cap. 13. & tertio eiſdem cap. 68. Poſſet & probari de facili ex dictis Commentatoris 12. Methaphyſicæ, com. 41. & 44. ſed præmiſſa ſint ſatis. Secunda eſt. Quòd per ſe primò perpetuitatem diurni motus producit. Et hæc declaratur, et probatur. Declaratur aduertèdo duo. Primum eſt: Quòd per ſe primò producere, poteſt duobus modis intelligi. Vno modo ut per ſe primò idem ſit q̃ non per accidens, & independentèr, adeò q̃ particula per ſe excludat per accidens; & particula primò excludat dependentiam: Et ſenſus eſt q̃ producit perpetuitatem diurni motus; & per ſe hoc eſt non per accidens; & primò hoc eſt non dependendò in tali productione, aut non mendicando, ſi manùs ta-*

lem

lem productionem ab alio. Et hic sensus est uerus & recipiendus. Alio modo, ut per se primò idem sonet, ac si dictum sit secundum rationem propriam productiue uirtutis, de qua sermo. Et hic quoque sensus est uerus & acceptandus, & ponitur à Domino Caietano. Pro cuius clariori notitia considerandum, quòd aliquid produci à quapiam productiua uirtute cōtingit dupliciter. Vno modo ratione suæ formalitatis, quæ scilicet uirtus talis est. Alio modo ratione cōditionis eidē connexæ, siue necessaria siue contingens sit dicta connexio. Ad insinuandum ergò quòd sermo sit de producente, siue productiua uirtute secundum rationem, quæ uirtus productiua est, & non secundum aliquam conditionem annexam, putat Dominus Caietanus apponendam esse particulam per se primò. Nam cum perpetuitas motus à producente motum ex duobus capitibus provenire possit, aut scilicet ex ratione uirtutis productiue, siue quantificatiue motus, aut ex conditione, puta ex immobilitate annexa producenti motum; ut patet ex his, quæ traduntur in octauo; & primum quidem; in tex. 78. & 79. secundum uerò in tex. 85. Cum additur particula per se primò, denotatur quòd de producete secundum rationem uirtutis motiue, seu quantificatiue motus; ut sic; sermo est. Erit igitur sensus iuxta præsentem doctrinam: Quòd primus motor separatus, qui est Deus benedictus, producit perpetuitatem diuini motus

motus per se primò: hoc est secundum id, cui conuenit per se primò producere, hoc est non secundum conditionem annexam, puta immobilitatem, sed secundum rationem uirtutis motiua, seu quantificatiua &c. Hi duo sensus uel modi interpretandi per se primo producere si perspicaciter considerentur, non sunt prorsus diuersi, sed satis cognati, & possunt quodammodo coincidere, propterea neuter dimittendus est. Secundum est. Quod motus diurnus licet principaliter motus sit primi orbis, communicatur tamen etiam omnibus inferioribus cælis, ut sensu manifestè conuincitur. Et licet perpetuitas diurni motus cuiuscunq; cæli sit etiam à Deo benedicto per se primò, ut ex inferius manifestandis apparet, in proposito tamen sat sit loqui de perpetuitate diurni motus primi mobilis. Probatio habetur isto pacto. Perpetuitas motus diurni effectus est nobilissimus, imò diuinus: Ergò causam habere debet per se primò productiuam sui, sed illa est motor separatus, qui est Deus: Ergò &c. Antecedens probatur. Et pro prima parte conuincitur ex hoc, quod talem perpetuitatem maximè consequitur generabilium & corruptibilium perpetuitas, quod est ualde nobile imò nobilissimū eorū omnium, quæ in sphaera actiuorum & passiuorum sunt. Propter quod & omnia in ea contenta pro uiribus ad huiusmodi perpetuitatem conātur, ac pro ea agunt quicquid agunt, ut dicit Commen-

tator

tator. 2. de Cælo, commen. 17. Quòd autem perpetuitatem primi & diurni motus, consequatur maxime, generabilium & corruptibilium perpetuitas, ex octauo physicorum colligitur tex. 46. et. 47. Pro secunda autem parte, probatur ex secundo de Cælo tex. commẽ. 17. Vbi dicitur quòd sempiternitas est proprium diuinitatis opus: Et. S. Thomas dicit ibidem, quòd entia tantum uidentur habere diuinitatis, quantum habent & perpetuitatis. Consequentia probatur, quia maior semper est sollicitudo nature circa ea que nobiliora sunt. Ergò cum multa uilia & ignobilia habeant causam per se primò, sequitur &c. Confirmatur, quia cum in motu diurno sit, tum determinata uelocitas, tum perpetuitas eius, si illa, que longè ignobilior est (ut & fatentur omnes) causam habet per se primò, à fortiori, & hæc que maximæ est præstantiæ, causam habet per se primò. Confirmatur adhuc, quia aut dicta sempiternitas causatur per se primò, aut per accidens, uel per aliud. Si primum, habetur intentum. Si secundum, cum omne per accidens uel per aliud, reducat ad per se, ut patet secundo phys. tex. com. 33. & octauo, tex. com. 39. necesse est, quòd illi tandem causa assignetur per se: Sed illa non uidetur aliud à primo motore separato, seu Deo benedicto, ut patet. Ergò &c. Multa adduci possent pro hac parte, sed potes cõsulere Caietanum in propria questione.

Tertia pars est. In cuius productione uigore uti-

*Deus glo. in p. 1.
dicitur in p. 1.
tur in p. 1.
in p. 1.*

tur infinito . Et hæc declaranda & probanda est .
Pro cuius declaratione considerandum ; quòd per-
petuitas diurni mòtus aliud non uidetur importa-
re, quàm infinitam quantitatem durationis eius .
Vbi pro clara notitia aduertenda sunt tria . Pri-
mum est, quòd quemadmodum habetur in tractatu
de tempore, in motu duplex reperitur duratiua quã-
titas, intrinseca scilicet & extrinseca . Intrinseca
est continuus fluxus, processus, uel exitus de poten-
tia ad actum, & hæc identificatur motui . Extrin-
seca est ipsum tempus, quod (ut aliàs determina-
mus) est passio, seu accidens superadditum motui,
et realiter distinctum ab eo . In proposito sermo est,
de duratiua quantitatè mòtus intrinseca, quæ &
propriè mensuratur duratione extrinseca, quæ tem-
pus est . Secundum est, quod cum quantitas dura-
tionis reperiatur in qualis re durante, consequens
est ut reperiatur in Deo, in Angelis, seu (ut phylo-
sophorum more loquamur) in intelligentijs, in mo-
tu & corruptibilibus &c . Et in omnibus prædictis
reperitur tum intrinseca: tum extrinseca, ut facile
patet . Nam in Deo, intrinseca est suæ stabilitatis,
suæq; uitæ interminabilis, & penitus incorruptibi-
lis permanentia : extrinseca est aternitas præfatæ
permanentiæ adæquata mensura . In Angelis, intrin-
seca est suæ stabilitatis suæq; uitæ permanentia, in
essentialibus quidem inuariabilis, sed in accidenta-
libus & annexis uariabilitati obnoxia : extrinseca
est

est autē, de quo plura apud Theologos. In motu etc. intrinseca est uariabilis seu continui exitus, & fluxus, perseuerantia & continuitas: extrinseca est tempus, de quo loco suo. Ex quibus infero, quod cū tres sint species duratiuæ, quantitatis intrinsece, uidelicet, Dei, Angelorum, & Motus &c. ad præsens certum est, quod non intelligimus de qualibet specie, sed de specie quantitatis duratiuæ motus intrinseca: imò quod plus est motus localis & circularis. Tertiū est, quod sub specie duratiuæ quantitatis de qua sermo, multa continentur indiuidua, quia continetur duratiua quantitas motus diurni, motus menstrui, motus annui, centum annorum, & infiniti temporis, & hæc appellatur perpetua. Quò fit ut perpetuitas motus, & quantitas duratiua infinita illius, idem penitus sint: et cōsequentèr quod unum indiuiduum sit, sub specie quantitatis duratiuæ motus. Exemplum. Albedo est una species, quæ continet sub se albedinem, ut quattuor, albedinem ut decem, albedinem ut centum, & albedinem infinitam. Ergò paritèr dicendum est de quantitate duratiua motus. Et sicut albedo ut quattuor, & ut decem, & ut centum &c. differunt gradualiter, ita & duratio, seu quantitas duratiua motus diaria et menstrua & annua &c. differunt gradualiter: hoc tamen excepto quod in albedine, gradus sunt secundum latitudinem intensiuam, & in quantitate duratiua motus, sunt secundum latitudinem extensiuam.

uam. Pro qua re uide Dominum Caietanum, qui
 egregiè rem docet in hac quæstione. Hæc pro de-
 claratione satis. Probatio autem, quod infinito
 utatur uigore, hoc modo conficitur. Si tantus ui-
 gor requiritur ad causandam tantam duratio-
 nem per se primò, maior uigor requiretur ad
 causandam maiorem per se primò: ergò & in-
 finitus ad causandam infinitam per se primò: er-
 gò ad producendum perpetuitatem motus per se
 primò, necesse est, ut utatur produciens infinito
 uigore. Sed sic est quod tantus uigor requiri-
 tur ad causandum tantam durationem per se pri-
 mò: Ergò &c. Omnes consequentie tenent per illam
 regulam. Sicut simpliciter ad simpliciter, ita ma-
 gis ad magis, & infinitum ad infinitum. Quæ ut di-
 cit. S. Thomas. 3. con. gen. cap. 138. simpliciter &
 per se ueritatem habet in his, quæ se per se primò
 respiciunt. Antecedens primum, seu primi antece-
 dentis positio uidetur per se nota. Siquidem sine ui-
 gore quælibet uirtus inefficax est ad opus. Quare si
 uirtus quantificatiua motus debet tantam duratio-
 nem, aut motus duratiuam quãtitatem producere,
 tantũ prærequirit uigorẽ, quanto opus habet ut sit
 efficax ad producendũ eum, sequit̃ &c. Nam licet
 suapte natura uirtus quantificatiua motus respi-
 ciat durationem, seu quantitatem duratiuam eius,
 ut producendum obiectum, non tamen potest exire
 in productionis actum, nisi ex efficacia per uigorem
 accep-

accepta. Hæc de probatione. His fundamētis præ-
 missis, probatur supradicta conclusio. Instrumenta-
 le mouens, quatenus instrumentale est, non agit ex
 uirtute, uel uigore proprio, sed ex uirtute uel uigo-
 re principalis agentis sibi præstito, uel (si mauis) cō-
 municato (Patet ista ex fundamento secundo) Sed
 motor primus in octauo inuestigatus, cum sit anima
 primi Cæli, mouens est instrumentale respectu mo-
 toris absolutè primi, siue motoris primi orbis sepa-
 rati, qui Deus est benedictus, & mouens principa-
 le (Vt patet partim ex fundamento primo, & par-
 tim ex prima parte secūdi.) Ergo motor primus in
 octauo inuestigatus, quatenus instrumentum est.
 aget non ex uirtute, uel uigore proprio, sed ex uir-
 tute, uel uigore mouentis principalis, id est Dei glo-
 riosi, sibi præstito, uel (si mauis) communicato.
 Tunc ultra. Sed prædictus motor non habet ratio-
 nem instrumenti, quatenus instrumentum, nisi re-
 spectu producendæ perpetuitatis motus, in qua prin-
 cipalis motor uigore utitur infinito: Ergo sequitur
 quòd dictus instrumentalis motor ex uigore aget in
 finito, non quidem ex intrinsecis emanante, sed ab
 extrinsecò, hoc est à motore principali in illum pro-
 ficiscente: & propterea quòd non aget uigore pro-
 prio, sed à Deo sibi præstito, uel communicato. Con-
 sequentia nota est, ex habitis in tertio fundamento.
 Antecedens autem hoc pacto probatur. Cum enim
 in motu diurno, siue mobilis primi inueniatur duo,
 perpe-

perpetuitas scilicet, & determinata uelocitas, & clarum sit, quòd instrumentum non est respectu uelocitatis determinate, cum in illam possit, imò & illā faciat ex facultate propria, sicut haberi potest ex Commentatore. 12. Methaphysica, com. 41. ergò relinquitur, ut respectu perpetuitatis instrumentum sit. Et sic probata est conclusio quòd ad omnes partes, ut facile est exercitatis animaduertere.

Sed circa prædicta nonnulli sunt scrupuli. Et primus est, & non uidetur motor in octauo inuestigatus, cum sit anima cæli, & per hoc limitatæ essentia, & uirtutis etiam ab extrinseco, et per communicationem alterius capax infiniti uigoris. Nec facile concipi potest, quonam pacto uigor infinitus communicetur sibi, an scilicet successiue communicando partem post partem, an simul communicando totum. Secundus est. Quia cum dictum sit uigorem infinitum prædicto communicari motori, ut concurrere instrumentalitèr possit ad producendā perpetuitatem motus, & regulare sit, quòd omne instrumentum, id, quod ab agente recipit principali, per modum recipit passionis instabilis & transeuntis, & per hoc modo debili & deminuto, quòd fit ut simpliciter uirtutem habere agentis principalis dici non possit, consequens esse uidetur, quòd motor in octauo inuestigatus uigoris infiniti simpliciter enunciari non debeat, sed tantum aliqua cum additione, seu diminutione. Tertius est. Quia
hactenus

hactenus non apparet, an motor predictus per uigorem infinitum sibi communicatum attingere possit ad perpetuitatem quamcunq; , siue (quod idem reputo) ad perpetuitatem absolute ipsius motus, an solum ad perpetuitatem aliquam partialem, puta ad perpetuitatem attentam penes magnitudinem, super quam fit motus. Siquidem constat quod perpetuitas, siue (quod idem est) infinitas motus dupliciter attendi potest. Et uno modo ex parte magnitudinis infinite (si daretur) ipsius mobilis. Et alio modo ex parte spacij, seu magnitudinis, super quam fit motus: infinite quidem, non absolute, & ut quidam uocant per se, (quia non datur) sed infinite per repetitionem, & quodam pacto per accidens. Et tamen non parui refert: imò magni est discriminis hoc, aut illo modo, ad motus perpetuitatem attingere. Ad primum, ut eruatur, dicitur duobus modis. Et primò quidem, quod uigor cœli animæ communicatus, cum uigor sit Dei, quemadmodum pluries diximus, potest trifariam infinitus dici. Vno modo in latitudine entis, & hoc modo est maximè infinitus, sed ad præsentem locum nō pertinet, cum hac sub ratione nō communicetur dictæ animæ, sed maneat in Deo solo idem cum Deitate existens, & ob id totam entis latitudinem possidens. Alio modo in latitudine uigoris absolute, & hoc modo est simpliciter infinitus, & præsentī quoque loco non congruit, nec communicatur animæ cœli. Siquidem

Q

cum

261
cum uigor Dei absolutè, uigor sit diuinæ uirtutis
absolutè, & ob hoc uirtutis, quæ non solùm exten-
dit se ad mouendum, sed creandum, conseruandum,
& quicquid libuerit, faciendum, uel producendum:
quandò quidem diuina uirtus absolutè uirtus est om-
nipotens, illimitata, & penitus infinita, non solùm
non communicatur animæ primi cæli, sed nec for-
sàn communicabilis est alicui creaturæ. Tertio mo-
do in latitudine uigoris ad uirtutem motiuam re-
stricti, tametsi respectu perpetuitatis motus, et hoc
modo dicitur infinitus, quia constat tota latitudine
uigoris ad mouendū coarctati. Et hoc qdè pacto præ-
sentis est instituti, & illius capax est anima cæli:
etsi rectè intelligitur, nullum sequitur incōueniens.
Qua in re attendendum quòd si latitudo uigoris ad
uirtutem motiuam restricti, ut ipse infinitus sit, in-
numerabilitatem exigit graduum, ut omnes fateri
uidentur, id tamen potest duobus modis contingere.
Altero, ut innumerabilitas illa in eo inueniatur
in actu, seu ut dicunt per modum infiniti, ità ut nu-
merando gradum post gradum, nunquàm ueniri
possit ad finem, & hoc fortè non est necessarium.
Reliquo, ut illa in eo inueniatur in uirtute, siue per
modum finiti, ut dicunt, adeò quòd opus non sit gra-
dum numerare post gradum, aut nūquàm ad finem
pertingere, quod perindè est, quòd esse in eo innu-
merabiles gradus per æquialētiā, eo ferè pacto,
quo solidi aut quadrantes inueniuntur in aureo. Et
hoc

hoc modo infinitum uigorem communicari animæ
 cæli, non solum nā inconuenit, sed miro modo con-
 sentit. Secundo uerò dicitur, & planius, quòd non
 inconuenit uigorem aliquem infinitum, etiam si in-
 finitus sit in latitudine entis, communicari, & uir-
 tuti et naturæ finitæ. Ad cuius perceptionem con-
 siderandum est, quòd cum motor uigorem commu-
 nicans hoc in loco sit Deus, sinè aliqua cōtrouersia
 dicere opus est, quòd uigor ille in eo entitas sit infi-
 nita, eò quòd quicquid est in Deo, est Deus: & per
 hoc ipsum ens per essentiam, et consequentèr in en-
 tis latitudine infinitum, Et ideo sicut non inconue-
 nit, quòd Deus uniatur secundum se intellectui, &
 uoluntati cælestis animæ, secundum quòd ars uni-
 uersalissima est, imò & secundum quòd Deus est:
 ita non inconuenit, ut & uniatur potentiæ eiusdem
 motiue, secundum quòd uigoris rationem habet.
 Nec obstat limitatio naturæ, uel finitas potentiæ,
 aut capacitatis animæ ad recipiendum infinitum,
 sed ad recipiendum illud infinito modo, aut cum om-
 nimoda compræhensione eius: quod quidem nos nō
 dicimus, quoniam nolumus quòd recipiatur adæ-
 quatè. Ad illud quod petebatur, an reciperetur suc-
 cessiuè, uel simultaneè. Respondetur quòd recipitur
 simultaneè, sed conseruatur continuè: & per hoc
 nō penitus sine successiua communicatione. Ad se-
 cundum paritèr dicitur duobus modis. Et primò q̃
 admissis omnibus, quæ inducuntur, nihil aliud ha-

beri potest ex eis, nisi quod primus motor in octauo inuestigatus, dici non potest uigoris infiniti simpliciter, sicut dici potest primus motor absolute, qui Deus est: cum quo tamen stat quod dici possit uigoris infiniti, sicut instrumentum uigorem recipiens infinitum. Nec procedit hoc contra intentionem philosophi in octauo, quoniam cum ibi non ualuerit ad motorem peruenire penitus separatum, aut primum simpliciter & absolute, non potuit nec debuit, ut physicus loquens, exprimere quod esset infiniti uigoris, motor ibidem inuentus, ueluti instrumentum: cum non posset, nec deberet, ut physicus precise, cuius instrumentum esset ostendere &c. Secundo uero dicitur, quod licet instrumentum corporale, uirtutem recipiat ab agente principali per modum passionis: non tamen id oportet de instrumento spirituali, uel intellectu, cuiusmodi motor est de quo loquimur. Et huius ratio est, quia sicut non repugnat intellectuali naturae secundum intellectum, superiorem naturam recipere, non dico secundum illius esse diminutum, sed secundum illius esse simpliciter et reale: Ita nec repugnat eidem secundum uirtutem motiuam, recipere uigorem superioris & principalis agentis, in illius esse simpliciter & reale, tametsi non in ea plenitudine & adaequatione, quibus est in principali agente &c. Ad tertium dicitur. Quod motor de quo loquimur posset quidem per uigorem acceptum instrumentaliter pro-

producere perpetuitatem motus secundum utramque
 infinitatis rationem, siue si maior secundum rationem
 perpetuitatis motus absolute. Et ratio est. Quia si
 per eundemmet uigorem in utraque; potest agens prin-
 cipale, ut ex S. Thoma haberi potest octauo physi-
 corum super tex. 85. poterit pariter (suo modo ta-
 men) & motor instrumentalis, cum eundem uigorem
 habeat, ut ex precedentibus liquet. Qua de re & co-
 ceditur quod quantum est ex parte uigoris, mouere
 posset, si daretur, etiam mobile infinitum.

Sed contra. In secundo cæli, tex. com. 71. dicitur
 q. si stella adderetur alicui errantium orbium, pri-
 mus motor, seu motor totius esset in labore. Ex quo
 argumentari potest. Si adderetur stella, aliqua es-
 set ex crescentia orbis, si adderentur duæ adhuc es-
 set ex crescentia orbis: Ergo si adderentur usque in
 infinitum, ex crescentia orbis fieret infinita: Ergo si
 posita ex crescentia stella, moueret cum labore, pa-
 lam quod posita ex crescentia infinita non moueret
 aliquo pacto. Respondetur. Quod dictum Aristote-
 lis, uerificari quidem habet de motore totius, qui
 anima est: & p consequens de motore, qui inuestiga-
 tus est in octauo, non tamen respectu instrumenta-
 lis operationis sed propriæ, et operationi instrumen-
 tali, suo modo præuie. Habet enim præfatus motor
 (ut diximus) operationem propriam, puta deter-
 minatam uelocitatem, ut Commentator dixit. 12.
 Methaphysicæ, com. 41. Habet etiam instrumenta-

lem, hoc est, perpetuitatem motus: & licet respectu
primæ & propriæ esset in labore, respectu tñ instru-
mentalis in labore nō esset. Vnde eorū uerborum est
sensus, q̄ esset quidē in labore, si addita stella uellet
orbē eadē uelocitate mouere: quod intento nō præ-
iudicat. Et q̄ ista sit mens phylosophi, potest ex uer-
bis Cōmen. haberi, et ibidē cō. 71. et. 8. physi. com.
79. Et cū dicit si tāta excrescētia tantū facit labo-
ris, ergō infinita faciet laborē infinitum, & p hoc
orbis nullo pacto mouēbitur. Respōdet: Quod si cōsi-
deretū ille motor, ut res quædam, seu, quod idem
est, ut ex propria uirtute aliquid operans, aut mo-
uens, ut sic, dico quidem quod nō moueret, propte-
rēa quod non excēderet, sed excederetur à resis-
tētia mobilis: sed si consideretur ut instrumentum,
seu quod idem est, ut operans & mouens per uigo-
rē acceptum, ut sic dico quod non repugnat sibi
producere talem perpetuitatem motus, & conse-
quentē nec mouere mobile infinitū. Absolutē er-
gō nō posset, ut instrumentum tamen non repu-
gnat: eò quod uigor illi cōmunicatus, quātū ex
ipso est, ad illam se extendit. Respondetur secundo,
quod Aristoteles in præfatis uerbis, secundi de cæ-
lō, non loquitur de motore separato, aut de coniun-
cto, sed loquitur de corpore cælesti: Vel si loquitur
de motore coniuncto, de illo loquitur, ut cæleste
corpus includit, hoc est, ut ex ambobus quodāmo-
do constat, unus motor. Ad cuius euidentiam con-
sideran-

siderandum est, q̄ non loquitur eò loci phylosophus de primò cælo, sed loquitur de orbe erratico, in quo scilicet inuenitur planeta. Quod quidem patet non solum ex translatione nostra, & S. Thoma in eo loco, sed etiam ex eo, quod phylosophus ibi respondet secunde quæstioni, quæ mota fuerat in tex. 61. Cur scilicet in octaua sphaera tot inueniuntur siellæ, & in unoquoq; inferiorum orbium una tantum. Vndè et ibi assignat rationem, ex multitudine sphaerarum concurrentium ad motum cuiuscunq; planetæ, in earum ultima existentis. Et dicit, quod oportet seruare excessum inter primam sphaeram præfati ordinis, & ultimam, in qua planeta est: Et ideò q̄ si adderetur stella ultimæ sphaeræ, præfatus non seruaretur ordo, quia uirtus cuiuslibet corporis finiti ad aliud corpus comparata finita est. Ex quo patet, q̄ nō loquitur de motore primi orbis, nec de motore præscindendo à corpore: quia ille labor esset per corpus motori coniunctum, & fortè non esset ex parte animæ. Vndè & in tex. commentatoris nō legitur, Primus motor esset in labore, ut falsò communiter allegatur, sed legitur, Primus orbis esset in labore. Ex quibus patet, q̄ illa obiectio nihil efficit, imò q̄ ad rem non facit, quandoquidem non de corpore, aut de motore aggregato ex corpore diximus, quod posset in perpetuitatē motus ex parte mobilis, quia non repugnaret ex parte uigoris sibi præstiti infinitum corpus mouere, si posset infinitū cor-

pus dari, &c. Hæc de prima conclusione.

Secunda. Non est necesse primum motorem inuestigatum in octauo, habere uirtutem motiuam uigorem habentem infinitum, sibi à primo motore separato communicatum, secundum q̄ uelocitatiui rationem habet. Hæc conclusio clara est ex dictis in titulo, ubi manifestauimus q̄ motiua uirtus, de qua sermo, rationem habet, & quantitatiui, & uelocitatiui & productiui motus. Ergò sensus eius est quòd non est necesse, q̄ tali uirtuti, prout habet rationem uelocitatiui, uigor communicetur infinitus, sicut dictum est, eidem communicari, prout quantitatiui rationem habet. Probatur autem isto pacto. Necessarium non est q̄ habeat talis motor uigorem sibi communicatum, quo nec utitur, nec uti potest: sed nec utitur nec uti potest infinito uigore ad uelocitandum. Ergò &c. Maior nota, tum quia communicaretur frustra, tum quia non communicaretur nisi prout rationem habet instrumēti, quā constat actu nō induere, nisi dum actu assummitur ad effectum. Minor manifestatur. Et q̄ non utatur de facto, patet, quia eius motus non est infinite uelox: Alioquin esset in non tempore. Quòd etiam nō utatur de possibili, cōuincitur, quia secundo de cælo tex. cō... Velocitas cæli determinata est, et maior esse non potest. Hæc conclusio expressè accipitur à Commentatore in octauo physicorum com. 79. ubi habet hæc uerba. Potentiæ motiue dici possunt infinite,

finite, quia actio earum nunquam cessat, aut quia
 motio earum tantæ est uelocitatis, quod non inue-
 nitur magis, scilicet quod illud, quod ab his moue-
 tur, uelocius mouetur omni mobile. Quod autem a-
 liqua potentia sit motionis infinitæ, secundum hunc
 modum impossibile est, nisi motus fieri posset in in-
 stanti. Et paulo post. Motores igitur siue materia-
 les fuerint siue non, id est si fuerint coniuncti, siue
 separati, secundum hunc modum cōueniunt in hoc,
 quod motio eorum sit finita. Item secūdo cæli com.
 71. ultra medium dicit. Dicamus ergo quod corpo-
 ra cælestiæ habent finitas potentias in qualitate, et
 infinitas in tempore, scilicet quod omne corpus cæ-
 leste habet motum determinatum in uelocitate, &
 non potest moueri neq; tardius, neq; uelocius. Idem
 quoq; commen. 63. Ex quibus patet quod diximus.
 Vtrum autem motor primi orbis separatus possit
 uelocitare motum: Commentator uidetur dicere q̃
 nō, maxime in uerbis suprā inductis ex octauo. Sed
 intellige illud negari uel à Cōmentatore, uel à quo-
 uis alio ex Peripateticis, si quis sit, qui neget, non
 quidem ex defectu uigoris existentis in eo, sed ex
 impossibilitate effectus, qui fortē produci non pos-
 set, sicut ex secūdo cæli cō. 63. negatur ab Auerroe
 primum motore mouere posse infinitū corpus. Vn-
 de & in octauo phisicorum com. 4. dicit: Quod ad
 impossibile nulla est potentia, imò & dicit: Quod
 agens non posse agere aliquod impossibile, non dici-
 tur

tur eius diminutio, sed dicere ipsum posse facere impossibile, est deceptio &c. Cum autem audis uelocitatem motus in infinitum, effectum esse impossibilem, de infinitate intellige Cathegoremathicè accepta, & non Sincathegoremathicè sumpta: quandoquidem de potentia primi & separati motoris absoluta, posset quauis uelocitate reperta reperiri maior, & iterum maior, & sic in infinitum, tametsi non posset de potentia eiusdem ordinaria, aut quod idem est, stante ordine uniuersi qui nunc est. Hæc diximus ut legentes intelligant.

Tertia conclusio. Non est necesse primum motorem inuestigatum in octauo, habere uirtutem motiuam habentem uigorem infinitum sibi communicatum à primo motore separato, secundum quod productiui substantiæ motus, rationem habet. Hæc conclusio clara est, & ideò manifestatione alia nõ est opus. Probatur ergò & breuibus huncin modum. Substantia motus producibilis à tali uirtute, est entitas ubi, sed talis non requirit uigorem infinitum: Ergò non est necesse &c. Maior nota. Quia motus Cæli motus est localis etc. Minor probatur, tum quia est entitas debilis & quasi minima, tum quia uidemus quod à multis producitur, in quibus uigor non est infinitus, cum producat ab omni, quod secundum locum mouetur. Ergò &c. Et hæc de secunda quæstionis parte. Hactenus de negotio principali.

Quò

Quò ad difficultates, licet possent quàmplures adduci, tres tamen in præsentia perstringemus, quæ & uidentur præcipuæ, & negotio principali connexæ. Et prima est. An uerum sit quod in principio questionis supponitur, Cælum scilicet esse animatum, anima informantem, & esse illi formalitèr largiente: Secunda est. An uerum sit, quod paritèr eodem in loco præaccipitur, Cælum quodlibet à duobus moueri motoribus, realitèr quidem distinctis, & ambobus iuxtà numerum Orbium realitèr multiplicatis. Tertia est. An quemadmodum conclusum est primi Orbis motores uigorem habere infinitum, Separatum quidem principalitèr, & ex proprijs, Coniunctum uero ut instrumentum principalis, & excommunicatis ab eo: ita quoque suo ordine dicendum sit, & de motoribus cuiuslibet inferiorum Orbium. Quò ad primam, ut expediatur paucis, Primò punctus statuendus est difficultatis. Secundò determinanda est ad mentem Aristotelis. Tertiò Theologorum sententia attingenda est. Punctus difficultatis consistit in hoc. Cum enim certum sit quòd necesse est ponere motorem coniunctum corpori Cælesti, aliòquin Cælum dici non posset mouere se ipsum, difficile est uidere qualis sit illa coniunctio. An scilicet ad modum motoris præcisè, putà sicut nauta unitur naui, & figulus rotæ: An per modum motoris informantis, & largientis esse, uelut anima unitur corpori, & forma materiæ, & in hoc diffi-

difficultas tota consistit. Qualis autem mens fuerit
Aristotelis circa id triplex inuenitur opinio. Vna
est. Quod coniunctio est ad modum motoris præci-
sè, & hanc sententiam tenet Albertus. 12. Metha-
physicæ trac. 2. cap. 10. Eadem tenet Scotus. 2. dist.
14. q. 1. Tenent & ex recetioribus multi. Inter quos
est Mar. An. Zimara, qui diffusam in hac re quæ-
stionem composuit, & quæ dixit, ex subiungendis
facile est diluere. Secunda est. Quod coniunctio per
informationem quidem est aliquo pacto, sed non est
per informationem simpliciter, eò quod præfatus
motor non largitur Cælo formaliter perfectionem
primam, hoc est non largitur esse substantiale for-
maliter, sed largitur solum secundas perfectiones,
puta quantitatem determinatam, figuram spheri-
cam, motum &c. Et hæc opinio à nonnullis attributa
est Commentatori, & plenius à Soncino ponitur
& declaratur. 12. Methaphysicæ. q. 11. & meritò
improbatur ab eo, Tertia est. Quod coniunctio est
per informationem simpliciter, adeò quod ipse mo-
tor esse largitur substantiale formaliter, ad modum
formæ, Cælesti corpori, Et hanc opinionem fore de
mente Aristotelis. S. Thomas testatur. 2. con. gen.
cap. 70. Vbi contra Commentatorem assumit sub-
stantiam intellectualem ad mentem, Aristotelis uni-
ri per informationem Cælo, ut inde euidenter con-
cludat posse & in homine simili modo contingere.
Idem dicit & 2. de Cælo super tex. com. 13. ubi ha-
bet

bet quòd Plato & Aristoteles Cælum posuerunt
 animatum, & moueri non solum à motore separa-
 to, sed coniuncto: & hoc propter maiorem dignita-
 tem Cæli. Et uerè sic tenuit, si non fallor, licet for-
 sit à ipse, & rectè non putet id posse per demonstra-
 tionem concludi. Nec quidem eius dicta necessita-
 tem habent. Et quoniā hanc credimus mentem esse
 philosophi: tria pro meliori illius notitia subijci-
 da sunt. Primò ostendendum est philosophum ità
 sensisse. Secundò manifestanda latius est dicta posi-
 tio. Tertiò ab obiectionibus defendenda est. Et qui-
 dem quòd philosophus ità sensit, triplici probatur
 ratione. Prima est. Ad mentem Aristotelis Cælum
 est formalitèr appetens & intelligens: Ergò Cælum
 est animatum anima informante: Ergò motoris con-
 iunctio cum Cælesti corpore, est per informationem
 simpliciter. Antecedens expressè sumitur ex. 12.
 metaphysicæ, tex. commen. 36. Et nihilominus cla-
 re ad mentē Aristotelis ponitur secundo de Cælo, et
 à. S. Thoma ut suprā. Dixi formalitèr appetens, &
 intelligens ad illum sensum, quo homo solet dici, &
 denominari formalitèr appetens, & intelligens. Pri-
 ma consequentia probatur. Et primò, Cælum est for-
 malitèr appetens & intelligens: Ergò est exercens
 in se opera uitæ. Patet hoc, quia intelligere & ap-
 petere præsertim rationali appetitu, Cuiusmodi est
 appetere Cæli, ut in. 12. ubi suprā conuincitur sunt
 operationes uitæ: Ergò Cælum habet in se per informa-
 tionem

tionē principiū uitæ formale. Probatur hoc, & qui
dē qđ sequatur: Ergò habet in se per informationē
principiū uitæ formale, ex eo cōuincitur, quia semp
uniuscuiusq; operatiōis principiū forma est. Semp
enim existimabitur aliqua: species agens, ut dicitur
3. phisicorum, tex. com. 17. Quòd uerò sequatur, q
tale principium in eo sit per informationem, mani-
festatur ex hoc, quòd principium uitalis operis sola
anima est, ut habet. 2. de anima, tex. com. 24. Quā
quidem animam cōstat actum esse corporis per in-
formationem, sicut in eodem habetur tex. com. 5.
Secunda consequentia, nota est ex terminis. Secun-
dò probatur eadem consequentia prima, ex eo quòd
illa est. S. Thomæ, quādo contrā Auerroem arguit
de unitate intellectus. Argumētatur enim sic. Ho-
mo est formalitèr intelligens, seu formalitèr deno-
minatur intelligens: Ergò habet intellectiuam ani-
mam sibi per informationem unitam &c. Secunda
ratio est. Habere dextrum, & habere sinistrum ex
natura rei, itā proprium est uerè animantis, quod
non conuenit alijs: Sed Cælum habet dextrum &
sinistrum ex natura rei: Ergò &c. Maior habetur
ab Aristotile in libro de pgressu animalium, ad quē
se remittit secūdo de cælo, tex. com. 7. Et minor ibi-
dem ab Aristotile subinfertur. Et conformatur,
quia deinde in tex. 13. ex eo quidem quòd cælum
dextrum habet & sinistrum, Cælum concludit ani-
mam, ergò &c. Tertia ratio est. Anima cæli, siue
motor

motor coniunctus unitur, adunatur, & coheret ipsi
 materiae celi, maiori unione & connexione quam
 formae generabiles & corruptibiles suis uniantur
 materijs, eò quòd non unitur mediantibus dimen-
 sionibus, sicut uniuntur generabiles formae &c.
 Ergò coniungitur non secundum cõiunctionem mo-
 toris præcisè, sed secundum coniunctionem motoris
 informantis &c. Antecedens est Auerrois. 2. de
 celo, com. 3. Consequentia ex eo nota est, quòd unio
 per modum motoris præcisè nõ fit nisi mediantibus
 dimensioibus, propterea quòd ut. 6. physicorum ha-
 betur tex. com. 33. Omne quod mouetur, oportet ef-
 se quantum, seu quod idem est, diuisibile. Ergò &c.
 Pro maiori autem manifestatione opinionis huius,
 cuiusmodi conditionis celi anima sit, declarandum
 est. Vbi attendendum primùm quòd non est uege-
 tatiua, cum nullum possit uegetatiue opus habere:
 non enim potest celum nutrire, non augere, aut sibi
 simile generare: deinde quòd non est sensitiua, cum
 non possit habere sensus, & de exterioribus quidem
 patet, eò quòd organa non sunt in corpore celi, imò
 nec esse possunt, cum nullam habeat sensibilem qua-
 litatem præter lucem: de interioribus uerò utputa
 fantasia, sicut Auicenna putauit, quoniam tales nõ
 sunt, ubi non est motus factus ab exteriori sensu,
 sed est solùm intellectuua: Vnde & Commentator
 sæpe dicit, quòd de uiribus anime nihil habet præ-
 ter intellectum & appetitum. Attendendum ulte-
 rius.

rius. Quòd anima celi partim conuenit cum anima nostra, & partim disconuenit ab ea. Conuenit quidem in tribus. Primò, quia utraq; essentialitèr pars speciei est, illa quidem speciei cœlestis, ista uerò speciei humanæ. Quò fit, ut quemadmodum anima nostra essentialitèr perficitur ex unione ad corpus humanum, ita anima celi essentialitèr perficitur ex unione ad corpus celeste. Secundò, quia neutra de potentia materiæ est educta, sed utraq; ab extrinseco, ac de foris uenit. Propter quod & neutra esse mendicat à corpore, esse inquam, existentia, sed ipsum utraq; cōmunicat corpori. Tertiò, quia neutra suo in corpore est extensa, sed utraq; ad ipsum se indiuisibilitèr habet, quia utraq; est tota, in toto et tota ī qualibet parte. Differūt uerò ēt in tribus. Et primò, in gradu specifico, eò q̄ sunt alterius speciei. Nam licet ambo in genere sint intellectuāliū, differentia tamen constitutiua animæ celi, alia est à differentia constitutiua animæ nostræ: imò & ea longè nobilior est. Secundò, in modo intelligendi. Nam anima nostra cognitionē accipit à sensibus, & non intelligit nisi per conuersionem ad fantasmatā: Anima uerò celi, nec à sensibus accipit, nec fantasmatibus utitur, sed intelligit per conuersionem ad superiora, putā ad intelligentiam assistentē sibi. Vtrāq; autem conuertendo se ad intelligentiā speciem, uel species ab ea recipiat, uel potius nuda essentia intelligentiæ illius intellectui copuletur ad
duo-

duodecimum pertinet Metaphysica. De qua re eò loci satis, secūdum nī fallor dicerent Peripatetici. Tertiò, in modo animandi. Nām animatio ab anima nostra proueniens, animatio est humana animationem continens uegetatiuæ et sensitiuæ. Animatio autem proueniens ab anima cæli, est animatio altior excellentior & nobiliori modo. Verū cōtrā hanc determinationem obiectiones sunt multæ. Et primò. Quia si cælum ponitur animatum a anima informante, sequitur quòd illa moueretur saltem per accidens ad motum cæli: quod tamen falsum esse constat de motore cælo coniuncto, ex his quæ octauo physicorum docet phylosophus. Secundo. Quia cum materia sit propter formam, & ob id propter operationem formæ, & nō ē contrā, palām q̄ si anima intellectiua uniretur cælo, uniretur quidem aut propter intelligere, aut propter mouere, quæ sunt operationes eius: non primum, quia unio per informationem ad corpus, utilis non uidetur ad intelligendum, nec secundum, quia inter mouens & motum sufficit esse contactum. Consequentia nota est; quia alia operatio nō pōt facile assignare, ergò etc. Tertiò q̄a S. Tho. expressè dicit de spi. Crea. ar. 6. quòd ad saluandam intentionem Aristotelis uidetur sufficere, si cæli ponantur animati anima tantū mouente: Et in prima par. q. 70. 3. uidetur facere Aristotilem suæ opinionis, quòd cælum scilicet animatum non sit anima dante esse, ergò etc.

R Multa

201
Multa alia possent adduci, sed hæc, quia uidentur
potissima, sint satis. Verum ad hæc difficile non est
respondere. Ad primam igitur obiectionem negan-
da est consequentia. Nam ut docet. S. Thomas. 2.
dist. 8. ar. 4. ad. q. 4. & alibi. Anima non mouetur
per accidens, ad motum sui corporis, nisi corpus se-
cundum totum, locum transmutet. Quod quoq; 8.
physicorum habetur tex. com. 51. Cum autem cæ-
lum non transmutet locum secundum totum, sed
tantum secundum partes: non sequitur &c. Ad se-
cundam dicitur primò, quòd unio ad corpus, propter
bonum est celestis animæ, quia est propter comple-
mentum eius specificum, sicut et unio animæ nostræ
ad corpus humanum, propter complementum spe-
cificum illius est: ut tradit. S. Thomas in. q. de ani-
ma. q. prima ad. 16. Dicitur secundò quòd talis
unio etiam est propter mouere, ut sit mouere per-
fectius. Nam licet mouere, quatenus mouere est, nō
exigat maiorem unionem quàm illa sit, quæ per cō-
tactum est, mouere tamen celeste, quatenus est ce-
leste, quia mouere perfectissimum est, longè maio-
rem unionem requirit. Imò cum sit & mouere &
moueri quodam pacto uitale, ut in octauo haberi
potest à phylsopho, & ab Auerroë, necessariò ui-
detur exigere unionem per modum animæ: propter
quod et diceretur, q̄ unitur nō propter mouere abso-
lutè, sed ppter mouere uitale etc. Ad tertiā dicit.
Quòd. S. Thomas protulit illa uerba, attendens ad
uim

uim rationum Aristotelis, quæ ut supra diximus demonstratiue non sunt: Vel dicatur q. magis standum est his, quæ dixit. 2. contra gen. quæ & posterius scripsit, Ad illud autem de prima parte ex. q. 70. dicitur q. S. Thomas non ideo adducit Aristotile, quasi ipse illius sit opinionis, quã ibi uti propriam tenet: sed quia uoluit sibi de ipsius dictis seruire, sicut aliàs facere solitus est. Nũc superest, ut paucis attingamus, quæ Theologi traderent, in hac ipsa re. Imprimis quidem uidentur perplexi, cum Origenes celos posuerit animatos, Similiter & Hieronymus exponens illud ecclesiastes, lustrans uniuersa per circuitũ pergit spiritus, licet super illud Moyses, Audite celi quæ loquor, dicat quòd loquitur sicut ad inanimata. Basilus autem, & Damascenus, celos asserunt animatos non esse, Augustinus uero in Enchoridio, cap. 42. 43. habere uidetur sub dubio. Quæ de re duo dicenda uidentur. Primum est, Quòd non repugnat Theologiæ sacræ, uel documentis hæcenus habitis à sacrosancta Ecclesia, si quis cælos uerè posuerit animatos. Secundum est, Quòd magis uidetur consentaneum, quòd non anima informante, sed solum anima assistente animati sint. Primum dictum patet, quia aliàs prædicti doctores in hac positione nõ uiderentur catholici, quòd hæcenus nullus dixit. Secundum ex eo conuincitur, quia illud est longè magis rationi consonum, ut habetur à Sanct. Thoma, prima parte, quæstione. 70. ar. 3.

Et alibi. Et hæc de prima difficultate. Quod ad secundam. Primò ostendendum est in quibus habent Peripatetici in consentire, Secundò in quibus permittitur illis discordare. Tertiò quæ Aristotelis doctrinæ magis uideantur congruere. Consentire quidem necesse est peripateticos primū in hoc, q̃ quilibet orbis celestis, siue si maior quæuis eorum sempiterna latio, proprio habent gaudere motore immobili, separato, ac sempiterno: adeò q̃ si celestes sempiternæq̃; lationes sunt uigintiseptem, sicut tenuit Eudoxus, qui primum mobile credens octauam spheram, seu (quod idem est) orbē stelliferum, posuit sub eo orbis uiginti sex, pro saluandis motibus diuersis, Et uarijs septem planetarum apparentijs, ut constat. 12. Methaphysica, erunt Et uiginti septem motores immobiles, sempiterni ac separati. Si autem sexaginta sunt, ut est opinatus Calippus, qui assignauit septem planetis orbis quinquaginta nouem, et sexagesimum, quem Et stellatum orbem dicimus, fecit primum mobile, ut uidere licet in eodem loco: Et motores erunt pariter sexaginta. Si uerò sunt quinquaginta duo, ut fortè credidit Aristoteles, qui quinquaginta Et unum, septem deputauit planetis. Et reliquum addidit pro primo mobili, quem Et orbem stellatum esse uoluit: totidem quoq̃; motores esse dicēdū est. Si deniq̃; ueluti Ptolomens scribit, orbis planetarum

con-

connumeratis epiciclis, non sunt nisi triginta, super quos est non solum celum sydereum, sed & aqueum, quem credidit primum mobile, erunt illi solum triginta duo: Aut si placet ultra celum aqueum, ut est de mente Alphonsi, & ferè omnium Astrologorum recentium, alium orbem ponere, & illum primum mobile nuncupare, constat quod erunt triginta, & tres. Huius rei fundamentum est, quia Aristoteles credidit, celestia ita fore disposita, ac distributa, ut quilibet celestis latio, uendicaret sibi certam spirituales naturam, à qua proximè illa prodiret. Vnde & in tex. 43. & 44. 12. Methaphysica scribit, quod non solum tot sunt ille substantiæ, sed & rationem subiicit: quia scilicet neceßè est, ut una latio ab una prodeat intelligentia. Consentire habent rursùm, quod quilibet orbis motor, immobilis, separatus, ac sempiternus, moueat suum orbem per modum rei amate, & intellectæ, imò & ut finis existens suæ lationis, ut dicitur ubi supra tex. 44. Aliàs non esset motor prorsus immobilis, ut ibidem dicitur tex. 36. 37. 38. Consentire habent tertio, quod cum orbis quilibet à motore immobili, separato, ac sempiterno, motus, per modum amati & intellecti, habeat dictum motorem amare ac intelligere, neceßè est, ut claudat in se uoluntatem, & intellectum: quoniam ut patet, & Aristoteles explicat, intelligere horum est uoluntabile, idest uoluntate appetibile: & ob id neceßè est, ut in orbe qui

107
mouetur, sit uel anima, uel aliqua intellectualis na-
tura illi coniuncta. Quod & Aristoteles explicat,
& 12. Methaphysicæ tex. com. 39. & octauo phy-
sicorū, eo processu, quo docet q̄ omne, quod seipsum
mouet, constat ex duabus partibus: quarum alte-
ra est mouens, & reliqua est mota. Consentire ha-
bent quarto, quod motores immobiles, abstracti
sempiterni, mouentes ut finis suarum lationum, ad
inuicem iuxta orbium numerum ordinati sunt: ita
tamen q̄ primo mobili assignandus est motor, qui
Deus est benedictus. Cōstat hoc ex tex. com. . . . 12.
Methaphysicæ. Propter q̄ Auicenna in hoc pun-
cto, licet forsā in se uerius dixerit, mentem phylo-
sophi affecutus non fuit. Ex quibus omnibus, si re-
ctè perspicitur, necesse est inferre q̄ omnes Peripa-
teticī conuenire habent in hoc: Quod cælum quod-
libet, duplici quodammodo habet gaudere motore,
nemp̄ motore amante & intelligente, & motore
amato & intellecto. Ille est ita coniunctus ut pars
iudicetur mouentis seipsum: Iste est adeo separa-
tus ut ad ipsum, motus nullo modo pertingat. Di-
scordare illis permittitur, de motorum prædictorū
distinctione: propter quod, & in ea re, diuersæ illo-
rum inueniuntur sententiæ. Nam quidam uolunt
q̄ distinguantur sola distinctione rationis, eò q̄ pu-
tant unum & eundem motorem, secundum rem, di-
ci posse coniunctum & separatum, partem mouen-
tis seipsum, & motorem quouis modo immobilem, si-

ue sub alijs terminis, animam & intelligentiam. Nec inconuenit (inquit) ut idem sit amans & amatum, intelligens & intellectum, quin & finis, & ordinatum ad finem, sub diuersis tamen respectibus, & rationibus. Quorum præcipuum est fundamentum, quia Aristoteles docet primo physicorum tex.com. . . . q natura semper quantum fieri potest ex paucioribus facit: Et q entia multiplicanda non sunt sine necessitate. Videntur autem omnia saluari, & sufficientissime cælestibus rationibus, ac toti uniuerso prouideri, ex distinctione motorum secundum rationem. Ergo &c. Et hæc opinio, si non fallor magni uidetur Alberti. 11. Methaphysicæ cap. 9. 10. 19. & 20. 2. tract. qui & dicit q sententia est magnorum Peripateticorum. Et eam sequitur Elias Hebreus, in. q. de primo motore, in prima suppositione, quam facit. Quidam realem distinctionem admittunt, ac non respectu omnium orbium, sed solum respectu mobilis primi, uel si respectu omnium orbium, nõ tamen respectu omnium eorum motuum, sed tantum respectu motus diarij. Et fundamentum est, partim quia entia multiplicanda non sunt siue necessitate, partim quia putat Aristoteles, ut diximus, Deum gloriosum agere diurnum motum: ad dentes & rectè, q illum non uult agere immediatè, sed anima mediante, seu (quod idè est) motore ipsi primo orbi coniuncto. Nec fas uidetur eis, Deum ob suam maximam perfectionem, animam facere,

aut quouis pacto corpori formaliter copulare, & ea maxime copula, ut mouentis seipsum pars realiter sit. Et hæc opinio, ni fallor, est Domini Caietani in. q. de infinitate primi motoris. Et à nonnullis dicitur esse *Auerrois*: propterea q. in. 1. 2. *Metaphysicæ* com. 41. dicit. Quod motus primi cæli componitur ex duobus motoribus: altero qui est motionis finitæ, & reliquo qui est infinitæ. Et licet in eodem, com. 44. reprehendat *Auicēnam*, qui Deum priorem posuit motore primi mobilis: Et cō. 38. dicat. quod Deus mouet primum mobile sine medio: Nō obstat tamen, quoniam ibi non loquitur de primo mobili pro corpore illo precise, sed pro aggregato ex corpore & anima eius. Quidam realem distinctionem motorum admittunt, & respectu omnium orbium, sed non admittunt multiplicationem reale omnium inter se. Nām putant quidem motores cōiunctos & realiter inter se distingui, & realiter iuxta orbium numerum multiplicari, et præter hæc realiter à motoribus separatis differre, sed motores separatos inter se non credunt realiter distingui, et realiter multiplicari, sed solum distingui ac multiplicari secundum rationem. Imaginantur enim motorem separatam respectu omnium lationum, unū esse secundum rem, sed multiplicem secundum considerationem, & illum Deum faciunt benedictum: propter quod dicunt, q. cum ex sua eminentissima perfectione contineat non solum uim et artē cuius uolueris

nolueris intelligentiæ, sed & rerum omnium, quæ
 concipi possunt, facile liquet q. ipse satis esse potest
 pro quouis motu cælesti. Ergo sicut iuxta id, quod
 continet artem & rationem motus diarij, motor se-
 paratus dicitur primi orbis, ita & iuxta id, quod
 continet artem & rationem motus Saturni, motor
 separatus dicitur ipsius Saturni, & sic deinceps
 usq; ad extremum orbem. Et fundamentum est,
 quia hoc pacto putant omnia, quæ tradit Aristote-
 les, consonare, si quis rectè ea ponderet & discu-
 tiat. Et hæc opinio etiam multis uidetur Auerrois,
 propterea q. 12. Methaphysicæ com. 44. dicit: quod
 aliud est, quod de primò motore intelligit motor
 primi mobilis, & aliud, quod (de eodem supple
 motore) intelligit motor Saturni. Ergo &c. Quidā
 motores coniunctos realiter inter se distinguunt,
 realiterque iuxta numerum orbium, illos multipli-
 cant, sed quosdam motores separatos realiter differ-
 re faciunt à coniunctis, et quosdam non realiter dif-
 ferre ab eis. Si quidem concipiunt hi, quod licet tot
 sint motores separati quot sunt coniuncti, nihilomi-
 nus sicut inter orbis quidam sunt principales, nem-
 pè habentes planetam, quidam subseruientes, ut qui
 ordinati sunt ad deferendum planetam, ut in. 12.
 Methaphysicæ Aristoteles docet: ita necesse est, ut
 inter motores separatos quidam sint præcipui, &
 quidam inseruientes præcipuis. Ergo (dicunt isti)
 octo erunt motores separati, realiter à coniunctis
 distin-

distincti, scilicet Deus, qui motor est primi mobilis, & motores septem præfecti planetis, reliqui uerò sola ratione erunt à coniuuctis diuisi. Propter à q̄ etsi computari debent inter motores abstractos, secundum rem tamen, latitudinem non exeunt subseruientium, & per hoc nec essentiam simpliciter coniunctorum motorum. Et hæc opinio est Auicennæ, ut colligit. S. Thomas opus. 15. Quidam demum utrosq̄, & realiter multiplicant, & realiter distinguunt, tum ab inuicem, tum & inter se, ita q̄ in utroq̄ ordine, tot dicunt esse motores realiter distinctos, & realiter multiplicatos, quot orbes seu rationes inueniuntur in cælo. Et quoniam hanc opinionem credimus esse philosophi, ut expressè docet. S. Thomas. 2. cōtra gen. cap. . . Et de spiritu. crea. ar. 5. & 6. Et de poten. q. 6. ar. 6. Et in opus. 15. Et Auicēna in sua Methaphysica tract. 9. ca. 3. circa finem, dicit quòd hæc est sententia primi magistri (hoc est) Aristotelis. Et illam tenuit Algarzel, & Rabbi Isaac, & Rabbi Moises, qui suo tempore fuerunt sapientissimi, sicut habetur ab Alberto. 12. Methaphysicæ. tract. 2. cap. 10. ideo hanc declarabimus, & Aristotelis uerbis consonam ostendemus. Pro declaratione attendendum, quòd cum motores abstracti polleant intellectu, non solum speculatiuo sed practico, uimq̄ue propterea habeant & speculationis, & artificij, haud dubium quòd non tantum concipi possunt ut intelligentie, sed etiam

uti

uti opifices: undè & utroq; modo illis perhipatetici
 felicitàtem ascribūt. Et speculatiuam quidem
 in contemplatione primi entis, practicam uerò in
 conseruatione orbis inferioris, siue, ut uerbis utar
 Auerrois, in reducendo ad actum continuè, quæ
 sunt in potentialitate materie. Verùm in præ-
 senti; ut res sit perspicua, satis est, ut magnus
 docet Albertus, si præ oculis statuantur, uelut
 opifices. Et ob id satis est, si Deus ac reliqui, qui
 sub ipso sunt, motores abstracti concipiantur uelu-
 ti artes quedam, connexæ tamen ac subordinatæ,
 non secus ac in artibus, quæ apud nos sunt, suo mo-
 do conspicerè licet. Sicut enim (exempli causa) ui-
 demus in ciuitate artem quandam esse supremam,
 puta Politicam, cui & reliquæ mirificè subordinan-
 tur & connectuntur, inter quas & nonnullæ sunt ue-
 luti architectonica; siue principales, nonnullæ uelu-
 ti inseruientes ac illis proximè obtemperantes, quan-
 dò quidem sub politica, quæ totius moderatrix est ci-
 uitatis, imperatq; omnibus artibus in ciuitate reper-
 tis, ars ponitur militaris, domificatiua, scenofacto-
 ria &c. & sub his ueluti sub principalibus ponun-
 tur & aliæ proximè seruientes: ut sub militari, eque-
 stris, hastilusoria, digladiatoria: sub domificatiua,
 commentaria, lignaria, lateritia: sub scenofactoria,
 textrina, sutoria, carpentaria: ita & in regione cœ-
 lesti est ars suprema, quæ est ars diuina, ars uni-
 uersalissima, non solum reliquas necens & ordinās,
 sed

sed omnibus imperans, singulas uti omnium summa, dirigens & perficiens, sub qua ueluti aliarum architectonica, uel principales, artes sunt septem planetarum, & etiam superiorum orbium, qui proximè inueniuntur sub primo, quibus inferuiunt, quæ reuoluentibus spheris, aut si mauis ecentricis ac epicyclis, deputatæ sunt: adeò quòd sicuti in politicis ex omnibus artibus ritè dispositis nexis ac ordinatis, resultat optimus status, rectaq; moderatio, rerum ad rempublicam pertinentium, ita ex omnibus cælestibus artibus adinuicem ritè dispositis, nexis, & ordinatis, optimus resultat status, & moderatio motionum ad concentum cælicum spectantium, & per hoc ad commodum omnium inferiorum. Et ut res sanè percipiatur, considerandum quòd etsi similitudo satis sine scrupulo est, non obest tamen admonere, ut intelligatur, prout & debet, certa sub proportionè. Siquidem in politicis artes proculdubio sunt accidentia, quoniam habitus sunt intellectus practici, & per hoc certum est, quòd nequeunt in seipsis subsistere, & consequenter nec tota speciei suæ latitudine constare, propter quod & absonum non est, si plurificentur singulæ artes in ciuitate, & si sint nō solū multi rectores, multi milites, digladiatores, etc. sed & alius præstantior alio, in eodem ordine, artificij. Verū in cælestibus, artes (de quibus est sermo) sunt substantiæ, & singulæ subsistentes in se, & cum sint ab omni materia separata, constare quolibet ha-

bet

bet tota sua latitudine. Quare sicut non est nisi unus Deus tantum, seu (quod idem est) unica ars diuina, & uniuersalissima, quæ iuxta philosophum primo ascribitur mobili, ita nec nisi una ars est Saturni, una Iouis, & ita de reliquis planetis, quæ artes sunt ueluti architectonica: & denique, & non nisi una cuius reuoluentium sphaeræ, seu eccentricæ, uel epicyclo, quæ artes sunt ueluti subministra. Et si addis, q̃ cum huiusmodi artes, ut diximus, subsistentes, sint immateriales, & constantes singula tota sua latitudine, nequeunt non esse naturæ completæ, & perfectæ, et per hoc, nullo pacto corpori, uti formæ, unibiles: facile apparere poterit, quod nequeunt quouis modo, apud Aristotile, inter animas cælestes cõputari, quæ, ut patuit formæ cælestiū corporū sunt. Imò dubium esse non poterit, q̃ ab illis, & reali & essentiali differentia sunt distinctæ, imò & quod sunt alterius quodammodo generis ab eis: cum esse realitèr per informationem unibile corpori, & non esse realitèr per informationem unibile corpori, nō specificè, sed genericæ differentia sint. Pro cõsonantia attendendum, q̃ ex tribus potissimū sumi potest. Primum est, q̃ cæli apud Aristotelem uerè sunt animati aīa informante, ac esse ut forma substantialitèr largiente, quæadmodū priori diffcultate monstrauius: Ex quo perspicuè sequitur, quod tot sunt apud illum cælestes animæ realitèr inter se distinctæ, & multiplicatæ, quot sunt cælestia corpo-

727
ra realitèr inter se distincta, ac realitèr abinuicem
separata: cum nulla substantialis forma, & maxi-
mè anima, possit eadem numero, in distinctis, ac rea-
litèr à seinuicem separatis corporibus substantiali-
tèr reperiri, & illa realitèr ac substantialitèr infor-
mare. Secundum est, quòd nullus abstractorū mo-
uentium, de quibus est sermo, potest (in doctrina
eiusdem) cui uolueris corporum, per modum formæ
substantialitèr copulari, sicut mox in præmissis at-
tigimus, & nunc latius patefacimus. Nam cum cer-
tum sit ex. 12. methaphysicæ tex. commen. 30. quòd
motores abstracti sunt, non solùm actus penitus im-
materiales, sed simplices, hoc est, non solùm in se
sunt materiæ impermixti, aut materiæ nullo modo
umbiles, sed eò usq; omnis compositionis, & unibi-
litis incapaces, ut eorum quilibet, sit actus tantū,
seu actio pura, ut expressè, & ibi, & super tex. 25.
Commentator exprimit, & nos sequenti difficultate
latè prosequimur, & tutamur: palàm est, quòd sine
controuerfia erunt in se naturæ completæ & perfe-
ctæ, quibus indubiè repugnat substantialitèr per in-
formationem esse unibiles, cum & indubiè nullus
actus substantialitèr per informationem uniri ma-
teriæ cuius ualeat, qui substantialitèr compositi
pars esse non possit, & per hoc, qui non sit suapte na-
tura complebilis & substantialitèr perfectibilis,
quod propria conditio est actus partialis, qui non
nisi in compositione, suam absolutionem accipit, ut
constat

constat de animabus, & omnibus, quibus uolueris
 unibilibus formis. Adde, q̄ ex sententia Aristotelis
 uniuersum debet esse perfectum, & propterea quòd
 in eo reperiri debent non modò materiales naturæ,
 sed et imateriales, & hæ maxime utpotè perfectio-
 res, et tales de quibus author rerū debet esse magis
 sollicitus, in quibus & suū opus potissimū lucet. Et
 si inter materialia est tanta uarietas, cur nō erit &
 inter imaterialia? Ergò si dant̄ intellectuales sub-
 stantiæ, corporibus suapte natura unibiles, quæ non-
 nullū obtinent immaterialitatis gradum, ut animæ
 humanæ & cœlestes, cur non dabuntur & intelle-
 ctuales substantiæ, suapte natura prorsus à corpo-
 ribus separate, et quibus repugnat illis substantia-
 litèr uti formæ uniri? Et has, ut patuit phyloso-
 phus uocat intelligentias, artes, motores abstractos,
 & quouis pacto immobiles. Dico omni pacto immo-
 biles, quoniam nec motu physico, qui actus est entis
 imperfecti, de quo in. 3. physicorū, nec motu meta-
 physico, qui actus est perfecti, de quo in. 3. lib. de a-
 nima, uel per se, uel per accidens moueri possibile
 est: quandoquidem quilibet motus, necessariò actus
 est mobilis, et physicus quidem materialitèr, meta-
 physicus uerò subiectiue: quæ nulli contingunt, nisi
 quodammodo sit in potentia, quod repugnat planè
 cuius actui puro. Tertium est, q̄ motores abstracti,
 immateriales, & prorsus immobiles, quos intelligen-
 tias artesq; uocauimus, tot sunt apud Aristotilem,

quot sunt orbes & lationes celestes inter se non modo realiter distracti, & realiter iuxta orbium, lationumque cælestium multiplicati ac distributi, sed & specie et natura diuersi, non solū quia Deus, qui apud Aristotilem Primus est omnium abstractorum, & motor quodam pacto totius, longè, imò infinite, reliquos motores superat & transcendit: sed quia & alij inter se differunt, sicut species differt à specie, ut facile est animaduertere, tum quia prorsus immateriales, tum quia subsistunt in sua abstractione, & gaudet quilibet tota suæ speciei latitudine, ut notum est Perhipateticis, & maxime in. 12. Methaphysicæ. Et quidem quòd distinguantur ac iuxta numerum orbium, & lationum cælestium multiplicentur, perspicue haberi potest à tex. 42. usque ad. 48. Quòd uero constent singuli suæ speciei, facile ex tex. trahitur. 49. & 52. ex quibus accipitur quòd numeralis multiplicatio aliunde non summitur, quàm ex materia, & quòd inter intelligentias ordo est per se, & ita per se, quòd ordini non admiscetur per accidens. Quare non potest inter illas talis esse distinctio, qualis inter indiuidua eiusdem speciei, distinctio est, cum inter illa ordo non sit per se, ut dicitur. 3. methaphysicæ tex. cõ. 11. sed qualis est inter illa, quæ differentium specierum sunt, quæ & se habent, ut numeri, & ordinantur per se, ut dicitur. 8. Methaphysicæ tex. com. 10. Ex quibus haud difficile est euincere postremam sententiam

sententiam conformem esse his, quæ sunt de mente
 philosophi. Nec propterea entia multiplicatur si-
 ne necessitate, cum hæc non solum rerum ordini ui-
 deantur congruere, sed & rationi maximè consen-
 tire. Nec in omnibus requirenda est, acrobologia
 mathematica, ut dicitur. 2. Methaphysicæ: Et de
 supernis et separatis, ad quæ facile caligant oculi
 nostri, multum est probabiliter dicere. Nec in his phy-
 losophus putat se demonstrationes habere, ut satis
 docet. 12. Metha. tex. cō. 48. Et licet natura semper
 quantum potest ex paucioribus faciat, id tamen
 maximè uerum est, quando ex paucioribus æquè,
 benè (ut dicunt) facere potest, sicut facere posset
 ex pluribus. Et quamuis fortè res se aliter habeat,
 quamuis & iuxta Theologos non desint alij dicendi
 modi, & quidem magis solidi, magisque pro ueri-
 tate tractandi, quia tamen presentis instituti est
 Aristotelis mentem excutere, ideò uisum est rem
 hunc in modum absolvere, ac determinare.

Quò ad tertiam, explicanda sunt tria. Primum
 est, conclusio ad mentem Aristotelis. Secundum est,
 conclusionis probatio, & elucidatio. Tertium est
 conclusionis consensus cum cōclusionione quæ uidetur
 contraria. Conclusio ergò est. Singuli motores or-
 bium aliorum à primo, uirtutem habent ad mouen-
 dum, quæ est infiniti uigoris: & separati quidem,
 cum sint principales ex intrinsecis suis, coniuncti
 S uerò,

uerò, cum instrumentales sint, ex separatorum communione quemadmodum (proportione sua) de motoribus primi mobilis præostensum est. Probatio non est difficilis, si aduertimus, quòd licet lationes cælestes, quæ à diaria aliæ sunt, non sint sicut illa, ueloces, sunt tamen, sicut illa, perpetuæ: patet hoc.

12. Methaphysicæ, tex. com. 43. Quare si perpetuitas lationis diariæ, causam præexigit, ut dictum est, productiuam eius per se primò, profectò haud dissimili necessitate, & lationum perpetuitates, quæ in cælis à diaria aliæ sunt, causam exigent productiuam sui per se primò: non enim maior ratio est ibi quàm hic. Et licet nō inficior, diarium motum, præstantiorē motibus alijs, & quia prior, & quia uelocior, et quia simplicior, et quia indepēdētior, et quia nobilioris orbis, et quia à supremis excellētissimisq; motoribus, & præsertim, quia à Deo optimo maximo: perpetuitas tamen sua, non ita præstat perpetuitatibus alijs, ut uendicet sibi productionis suæ modum, prorsus diuersum ab eis: imò cum perpetuitates lationum cælestium, si quis illas in seipsis excutiat, unius sint rationis, uel simpliciter, uel saltem proportionaliter, proculdubio inficiaretur quis sine ratione, illas aut eodem modo, aut proportionali saltem, produci debere. Et confirmatur. Quia aut illis causæ assignantur per se primò, hoc est, quæ singulas nō producant per accidēs, sed ex sua propria ratione, aut non assignantur causæ per se primò, sed
per

per accidens & ex propria non eas producentes ratione: non hoc postremū, quia in cēlestibus effectus poneretur per accidens, quod phylosophus semper abhorret: ergo primum, & habetur intentum. Quomodo autem motorum imobilitates, ad perpetuitates harum lationum cōcurrant, ex his, quæ tertio loco, explicanda sunt, manifestabitur: satis modò q̄ his, quæ dicimus, non præiudicant. His animaduversis, conficitur hoc pacto probatio. Perpetuitates lationum aliarum à latione diurna, putà Saturni, Iouis, & aliorum, causam exigunt sui productiuā per se primò: & principalem, quæ motor est separatus; & instrumentalem, quæ motor est coniunctus: Ergo utrunq; motorem exigunt uigoris infiniti, separatū quidem ex proprijs, cōiunctum uerò ex comunicatis ab illo &c. Antecedens, simul et consequentia, euidentia sunt, tūm ex superioribus, tūm ex mox animaduversis, ut nullus remaneat scrupulus. Confirmatur conclusio ex processu phylosophi. 12. Methaph. à tex. 30. usq; ad. 43. in quo quidē. 43. sic dicit. Videmus autem præter uniuersi simplicem lationē, qua mouere dicimus primā, & imobilem substantiam, aliàs lationes planetarum sempiternas esse, sempiternum enim & instabile circulare corpus. Ostensum est autem & in phisicis de his, necesse & harum lationum unamquanq; ab immobili moueri secundū se & sempiterna: nam aſtrorū natura substantia quædam ens, & mouens sempiternum, &

1
prius eo quod mouetur, & prius substantia, substantiam esse neceſſè eſt. Palàm itaq; tot ſubſtantias eſſe neceſſè eſt, natura ſempiternas, & immobiles ſecundùm ſe, & ſinè magnitudine propter prædictam cauſam (quia ſcilicet mouent motum infinitum, ſeu quod idem eſt tempore infinito.) Ergò ſi indè cōcluſum eſt, motorem primum uigoris infiniti, cōcludendum ex eodē medio eſt, motores alios uigoris infiniti. Verùm ut concluſio ſit magis dilucida, cōſiderandum eſt, q̃ et ſi uigor infinitus ad perpetuitatem concurrens lationis diariæ, & uigores infiniti concurrentes ad perpetuitates lationum, quæ propriæ ſunt inferioribus celis, ſunt quodam pacto proportionales, et ſi & in hoc conueniunt, q̃ perpetuitates lationum cauſant per ſe primò, & motoribus congruunt ſeparatis, & coniunctis, eo pacto, quo diximus: nihilominus quantum in præſenti ſat eſt, habent in tribus euidentè differre. Primum, in entitate: quia entitas uigoris motoris diurni, entitas eſt motoris ſeparati, qui Deus eſt: undè & re ipſa Deus & Deitas eſt, quoniam quicquid in Deo eſt, ſinè dubio Deus et Deitas eſt: entitas uerò uigoris, motoris, ſiue Saturni, ſiue Iouis, ſiue & cuiusuis aliorum, entitas eſt motoris ſeparati, qui creatura eſt, ut in quæſtione de creatione conuincimus: conſtat autem, ut ex, 12. Methaph. tex. 25. et. 30. facile eſt colligere, q̃ quicquid in intelligentia eſt, etiam alia Deo, ipſa intelligentiæ ſubſtantia eſt: cum apud illum intelligentiæ actus pu

rus sit, ut et in superioribus dictū est, & alibi diffusè tractauimus. Ergò nulli dubium longè eminentioris ordinis esse in entitate, uigorē motoris, lationis diurnæ, quàm uigores motorum lationum orbiū aliorū: sicut Deitas longè eminētioris ordinis est, quāuis intelligentia existente sub ea. Verūm et si ita est, q̄ uigor Dei, re ipsa est Deus, et uigor intelligētiæ Saturni, ad mentem phylosophi, re ipsa substantia est, motoris separati Saturni: ut uigores tamen, differe habent, secundū rationem saltē, à Deitate & à motore separato Saturni: quò sit ut una met entitas, putà Deitas, alia et alia ratione uniri possit itellektui motoris primi orbis cōiuncti, ut putà in ratione intelligibilis, seu utilissimæ artis: (nām utrūq; est uerum, & illud respectu speculatiui, & istud respectu practici) et appetitui, seu uolūtati in ratione boni, siue (ut uerbis utar, in hac re, ipsius phylosophi) in ratione amati: & deniq; potētiæ, siue (quod idē est) uirtuti motiue, in ratione uigoris. Idē, sed sua proportionē, dicēdū est de motore separato, et cōiuncto Saturni, et cōsequētē de oībus inferioribus eius. Scūddò differre habēt in efficacia, quia efficacia uigoris motoris separati, latiois diurnæ absolute sumpta est oīpotētiā Dei, ut ex præcedētibz patuit, id tātū non ualens, quod implicat contradictionē: efficacia autē uigoris cuiusuis motoris separati, producētis alium motū, etiā absoute sumpta, non est omnia potens, sed certā sortita est limitationem, maiorem tñ

Et minorē, iuxta præstatiorem naturam, quā habet:
cuius signum est, q̄ & celestes orbes excedunt se in-
uicē, tūm in nobilitate, tūm in uniuersalitate effe-
ctuum. Tertiò differre habēt, in infinitate, quia infi-
nitas uigoris motoris separati, lationis diurnæ, infi-
nitas est simpliciter, & in latitudine entis: infinitas
uerò motorū lationū aliarū, infinitas est secundūm
quid, & in specie determinata. Et ratio est, quia infi-
nitas uigoris illius, infinitas est esse subsistentis in se,
cū infinitas sit Deitatis, quæ est ipsum esse in seipso
subsistens, & ob id cōprehendens, ac simplicissimē
cōtinens quicquid in entis latitudine intelligitur ac
continetur: infinitas autē horū infinitas est propor-
tionabiliter se habēs suis essentijs: ergò cum illæ in-
finite tantūm sint secundūm quid, et indeterminata
specie, eò q̄ in se nō cōtinēt aggregatiuē, omnes gra-
dus entitatis simpliciter reperibiles, sed tantūm oēs
gradus, & perfectiones reperibiles illis in speciebus,
in quibus sunt, quemadmodūm & albedo si daretur
separata, & in se subsistens, nō cōprehenderet in se
simpliciter omnes gradus entitatis, quia nō substan-
tiam, nō quantitatem, sed tantum reperibiles in la-
titudine speciei albedinis, quippè quæ esset tantūm
albedo, tamet si illam nihil effugeret, quod spectare
posset ad naturā, & perfectionem albedinis: quare
infinita esset nō simpliciter, sed secundūm quid. Sed
petis, An uigor infinitus hoc pacto, tantæ sit effica-
cie, q̄ mouere posset infinitum corpus, si dari contin-
geret?

geret? Rursum, An & uelocitare ualeret, etiā motū mobilis finiti, quod mouet, in infinitum: non quidem cathegorematicè, sed sinchategorematicè, loquendo absolutè, & quantū esset ex ui & natura uigoris? Ad primum respondeo, q̄ etsi forsā pars negatiua aliquibus placet, quam & ipse quoq; non respuo, nō uideo tñ cur & affirmatiua sanè intellecta, substi-neri non possit, et maximè cum spiritualia, ac superioris ordinis entia, transcendant miro modo corpora, materialia, & que ordinis inferioris sunt: puto tñ q̄ sermo sit tutior, si infrā latitudinē speciei proprij mobilis coarctat̄, imò fortè, q̄ non est tutus nisi hoc pacto coarctetur. Crediderim itaq; consonū esse sentētiæ perhipatetica, q̄ motor separatus, putā Saturni, per uigorē infinitū (ut diximus) mouere quidem posset mobile infinitum Saturni, si contingeret ipsum dari, tametsi mouere nō posset mobile infinitū Iouis, si illud cōtingeret reperiri: idq; potissimū propter cōsonantiam motoris unius speciei, cum mobili suæ speciei, & dissonantiā cum mobili alterius speciei: motor tñ Saturni coniunctus, si mobile esset infinitum, necessariò, mea sentētia, foret alterius rationis, quā nunc est, ut illi posset proportionari, ac uti forma, animaue cōnecti. Ad secundū quoq; affirmatiuā partē amplector, nō dubitans q̄ mobilia, que nūc mouēt, per uigorē illū, ut diximus, mouere uelocius possent, nō solūm quā nūc faciant, sed & qua uolueris uelocitate cōcessa: quod tñ intelligo lo-

quēdo absolute, seu quātum est ex parte uigoris in-
finiti, et similiter quātum esset ex parte motoris se-
parati: non tñ possent stante ordine uniuersi, aut de
terminatione suæ uoluntatis, à qua forsàn crederēt
aliqui, illos se remouere nō posse. Itēm, nō intelligo
id fieri posse ex parte motoris coniuncti, haud igna-
rus, qđ si adderetur stella, moueret suum mobile cum
labore, prout & in superioribus dictum est. Consen-
sus cōclusionis, quæ uidetur opposita, consensus cō-
clusionis eorum est, qui uolunt perpetuitates latio-
nū cœlestiū, quæ à diaria aliæ sunt, nō reduci in infi-
nitates uigoris separatorū mouentium, sed reduci in
īmobilitates eorū: conantes rem persuadere ex hoc,
qđ octauo de physico auditu, utrunq; tradi uidetur,
dñ tex. 78. & 79. de primò motore loquens, qui mō-
uet tēpore perpetuo reducit illā motus perpetuita-
tem in infinitatem uigoris, et tex. 85. loquens, ut ui-
detur, de alijs, reducit eorū motū perpetuitates in
immobilitates abstractorū mouentium, quoniā per
petuus inquit motus est, quē facit motor immobilis:
nām & idem manens idem, semper operatur idē, ut
et Auicēna docet. Vt ergò præstetur quod diximus,
attendēdum, qđ etsi uerum est perpetuitatem motus
cuiusuis, posse in utrunq; reduci, quoniā utrunq; re-
uera ad huiusmodi perpetuitatem necessariū est, nō
tñ uerum est, in utrunq; reduci uno & eodem modo,
sed in infinitatem uigoris reduci debet, ut in causam
per se primò, in īmobilitatem autem, ut in conditio-
nem,

nem, sine qua nō. Nam licet quęuis perpetuitas lationis cęlestis, perpetuitatē exigat in quouis suo motore, ut cōstat. 12. Methap. tex. cō. 43. non tñ exigit ut ab illa, uelut à causa p se primò depēdeat; aliàs exigeret, quod esse nō potest, propterea q̄ etsi perpetuitas cuiuslibet lationis cęlestis, habet ut sibi congruat p se primò produci, nō tñ habet perpetuitas cuiusuis mōuētis, ut possit per se primò producere; eò q̄ extrà latitudinē productiue uirtutis ex sua ratione est. Cum. n. nequeat cęlestis motoris sempiternitas, nisi aut extrinsecè, aut intrinsecè summi, indubiè si in neutra acceptione productiuā uim obtinet; manifestū erit quod dicimus. Ergò ut illā primò executiamus extrinsecè, cōstat q̄ hoc pacto ad genus habet pertinere mēsurā, nec aliud quidē est quā euiternitas eius: quā et notum est nō pertinere ad formā, sed pertinere ad esse, cū & euum esse euiterni, sit, sicut Theologi docent, et tñ cōfessum oībus est, q̄ quicquid productiui uim obtinet, & maxime primò & per se, ad formā neceßè est spectet, quoniam semper existimabit species agēs, ut dicit. 3. phy. tex. cō. 17. sicut & quod spectat ad esse ad conditionē, ut cōitèr dicitur, neceßariū est pertineat, undè &. 1. Metha. actiones dictę sunt singulariū, hoc est subsistētium, ut omnes uidētur intelligere: quāquā et si cōcederetur auū perpetuitatē motus efficere, profectò non efficeret quę est illi intrinsecā, sed quę est illi extrinsecā, quę aliud quā tēpus nō est, quod palām iten-

to nō proderet, cū de extrinseca sermo sit : præter id
q̃ falsum esset, q̃ illa efficeretur ab ea , quoniā licet
tēpus ab æuo proficisci iubeat à Deo, uti *Seuerinus*
dicit, id tñ uerū nō est effectiue, sed exēplariter, ut et
Theologi docēt: quāquā et si uerū foret effectiue,
propositū nō iuaret, cum aliud sit loqui de æuo, &
tēpore, et aliud de perpetuitatibus suis, cū formali-
tēr saltē distinguantur ab eis, et cū depēdētia effe-
ctiua tēporis ab æuo , opus nō est, ut inferat formaliter
effectiua dependētia perpetuitatis à perpetuitate:
sed ad perpetuitatē ueniendo intrinsecam, primò
cer tū est, q̃ ad imobilitatē reducitur , imò q̃ ipsam
imobilitatē, seu imutabilitatem significat, ut etiam
Theologi tradunt , & cōstat imobilitatē ipsam aut
negatiuū quid simpliciter esse, sicut nōnulli asserere
uolunt, aut si positiua res est, ut ueritas cōtinet, com-
plebilē p̃ negatiuū fore, ut aliàs de unitate, ac pun-
cto disputauimus, & ex uera sentētia *phylosophorū*
cōclusimus. Quare difficile nō est agnoscere, q̃ pro-
ducēdi uim habere nō potest: imò si per ꝑ̃icacius ani-
maduertit, tantū abest, ut ad uim productiuā perti-
nere ualeat, & maximē ad uim productiuam per se
primò, q̃ in uim potius passiua cedere debeat. Siqui-
dē si negationes ad genus reducēda fuerint affirma-
tionū palam, q̃ imobilitas ad genus reducēda est mo-
bilitatis, & ob id indubiē nō ad genus effectiui, sed
passiui, ut cuiq̃, facile liquet . Ergò nullo modo re-
nuimus perpetuitates lationū cœlestiū reijciēdas in
immo-

immobilitates motorū, uti in cōditiones ad producē
dū necessarias, sed renuimus in illas reiiciendas esse,
ut in cām productiuā primò & per se. Quare si hūc
sensus hęc admittit opinio, consona esse potest, sin
minus, nō est curādū de ea. Nec aliud quidē inten-
dit phylosophus, qñ in utrunq; perpetuitatē reiicit,
sed docere studet, perpetuitatē motus reducendā, ut
ī causam per se primò, in infinitatē uigoris, & ut in
cōditionem sine qua nō, in immobilitatem mouētis:
Siquidē certū est, q si motores nō essēt imobiles, nec
essent ppetui, nec mouere possēt tēpore infinito &c.

Quò ad obiectiōes, cōtrā materiā principalē in. 2. *In 1. q. 2. p. 2. d. 2. motorū uigoris*
q. par. discussam obijcitur, & maxime cōtrā cōclu-
sionē primā hunc in modū. Primò. Repugnat princi-
pijs sciētiæ naturalis dari motorē, qui uirtutē moti-
uā habeat uigoris infiniti, ergò nō est dicendū moto-
rē inuestigatū in octauo esse talē. Cōsequentia nota
est. Antecedēs probatur. Quia dato opposito sequi-
tur motus in instāti, quod est impossibile, & prin-
cipijs scientiæ naturalis repugnās. Consequentia sic
deducitur. Aut talis motor (si daretur) esset in cor-
pore, aut esset separatus à corpore: Si in corpore,
perspicua esset sequela ex his, quæ Arist. tradit in 8.
tex. cō. 79. Si separatus à corpore, aut moueret de
necessitate naturæ, aut moueret libera uoluntate. Si
primū haberetur intentū, aliàs uirtus uigoris finiti
posset pariter in eodē tēpore mouere cū eo, quod di-
ci

ci nō pōt. Patet quod dicimus, ut ēdo eodē argumē-
tandi modo, quo usus est Arist. eodē. 79. tex. 8. Si se-
cundūm infertur nihilōminus quod agēdo liberē, fa-
cilē uti poterit (si uoluerit) tota sua uirtute, et cō-
sequētē, q̄ utendo illa, motus sinē dubio erit in in-
stātī. Ad idē secundo obijcitur. Impossibile est dari
mobile infinitū, ergō impossibile est motorem dari,
qui uirtutē habeat uigoris infiniti. Antecedēs cla-
rū est ex. 3. phy. lōgo processu. Cōsequentia uerō ex
eo euidentis est, quia correlatiua sunt, quæ posita se
ponunt, & perempta se perimūt, ut in prædicamen-
tis habetur. Ad idē obijcitur tertio. Omni potētia
actiue naturali correspondere debet effectus aliquis
naturalis, qui sit manifestatiuus, uel declaratiuus
talis potētia. Aliās illa potētia frustra esset, cū quæ-
libet propter suā operationē instituta sit, ut habet
secūdō de cælo tex. cō. 17. sed infrā latitudinē rerū
naturaliū nō apparet talis effectus, ergō etc. Minor
probatur. Quia si aliquis appareret talis, ille maxi-
mē uideretur perpetuitas motus, sed illa nō est huius
modi ergō etc. Assumptū patet, quia ex illa cōclu-
di creditur uigor dictæ potētia infinitus. Destructio
probatur, quia fatemur solem et alia sydera in gene-
rationibus, & corruptionibus perpetuitatē efficere,
et tñ eorū nullum, uigorē infinitū cōcederemus ha-
bere. Ad idē obijcitur quartō. Illa cōclusio supponit
unū falsum ergō est falsa. Cōsequentia nota est. An-
tecedēs probatur. Supponit enim motore separatū,
qui

qui Deus est, effectiue perpetuitatē diurnæ lationis
 producere, quod est falsum, ergò &c. Et quidē q̄ il-
 lud supponat, probatione nō eget. Quod uerò sit fal-
 sum, ex hoc manifestatur, q̄. 12. methaphy. tex. cō.
 36. docemur talē motorē mouere ut appetibile. Con-
 stat aut, q̄ hoc pacto mouere est mouere finalitèr et
 nō efficientèr. Ad idē obijcitur quintò. Motor inue-
 stigatus in octauo, nec est finiti, nec infiniti uigoris:
 ergò cōclusio malè posita est. Consequentia clara.
 Antecedens est Commentatoris in octauo com. 79.

Verū haud difficile est his obiectionibus satisfacere.
 Ad primā igitur negat̄ antecedēs, et ad probationē
 negatur similiter cōsequentia. Et cū probatur, dici-
 tur q̄ motor uerè separatus nō est in corpore, et cum
 improbatur, respondetur triplicitèr. Primò dicendo
 q̄ assumpta disiunctio est insufficiēs, eò q̄ potest dari
 tertiū mēbrum, et dici quòd nec mouet de necessita-
 te, nec liberè, sed altiori forsità modo, putà modo di-
 uino: quo stāte nec motus sequitur in instanti, nec ali-
 quod, quod uolueris incōueniēs. Et hoc quidē dicere,
 nec repugnat rationi recte, nec p̄hipateticæ scholę,
 ut latius manifestauimus in questione de créatione,
 et in questione de cōtingētia rerū. Secūdò admittē-
 do quòd moueat de necessitate nature dicitur, quòd
 nō sequitur quòd moueat in instāti: & id tribus de
 causis. Prima est, quia in motu uti prorsus nō potest
 omni uigore suo, nō quidē ex defectu uirtutis, sed ex
 recipientis incapacitate: nec sanè mirum, qñ uirtus
 penitu

penitus incorporea alterius ordinis est à corporeis,
nec datur corpus, quod adequatè possit illius effectui
suscipere. Secūda est, quia nō mouet immediatè, sed
mediatè aīa cœli, in qua & modificatur, et ob id mo-
tus nō est in instanti: & hæc rō ex dictis sumitur cō-
mentatoris. 12. metaph. cō. 41. Tertia est, quia con-
cesso q̄ toto uteretur uigore, et ageret, siue moueret
immediatè, & motione p̄ consequens infinita: nō in-
ferretur tamē q̄ motione moueret infinita cathego-
rematicè, sed sincathegorematicè, ex quo motus, ut
patet nō sequitur in instanti. Tertiò respondetur ad
mittendo q̄ moueat liberè, & dicitur q̄ non ualet in
hoc particulari effectū, qui mouere est, uti tota sua
uirtute, eò q̄ effectus talis suapte. natura insatiabi-
lis est. Ad secundā negatur consequentia. Et rō est,
quia etsi mobile & motor sunt adinuicē relatiua, et
si posita se ponunt, & perempta se perimūt, mobile
tamē infinitum, & motor infinitus relatiua nō sunt,
p̄p̄ea q̄ secundū finitatē, uel infinitatē nō ponit op-
posito relatiua. Ergò sicut nō sequitur, est pater se-
nex, igitur est filius senex, ita nec ualet, est motor in-
finitus, ergò est mobile infinitū. Ad tertiā, quicquid
sit de maiori, minor negāda est. Et admittit q̄ per-
petuitas motus primò & p̄ se producta, effectus est
declaratiuus potētiae uigoris infiniti, ut ex dictis ha-
bet: Et cū instat de Sole & astris, Dicit q̄ nō produ-
cunt in rebus infernis, perpetuā generationē, & cor-
ruptionē, nisi mediatē motu, seu perpetuitate motus
&

et p hoc nō nisi mediāte uirtute motoris, quę uigoris
 est infiniti, ut in pcedentibus dictū est. Sed dicis. Sit
 calor ut decē, et à Deo manuteneat ppetuò, haud du-
 biū q̄ calefaciet ppetuò, et tñ nō calefaciet infinito
 uigore: ergò etc. Respondet, q̄ casu hoc posito, si quid
 sequit̄ absurditatis, nō sequit̄ ex ordine, aut natura
 rei in se, sed ex fictione casus, quēadmodū si fingeret̄,
 q̄ homo uolet, cōcederet cōsequēter q̄ haberet alas.
 At subiycis. Certū est ignē fore ī sua sphaera ppetuū,
 & maximē apud phylosophū, certū est, q̄ nō est infi-
 niti caloris, cū nō habeat calorē in summo, ut Auer-
 roes dicit. 2. de gñone cō. 21. Et tamē ē certū est, q̄
 aerē sibi cōtiguū calefacit ppetuò, ut dicit̄ in Meteo-
 ris: ergò motus perpetuus nō infert mouentē infiniti
 uigoris. Respōdeo, q̄ cū calefacere ignis, sit opus na-
 turæ, necessariò opus implicat intelligentiæ, ergò q̄
 ppetuò calefaciat, nō in uirtutē ignis est reducēdum
 præcisē, sed & mouētis intelligētiae. Et cōfirmatur,
 quia ignis in propria sphaera, rotat̄ motu Cæli, ergò
 uirtute intelligētiae cæli, ergò cōputari pōt inter in-
 strumēta separati motoris, ergò et ppetuitas huius
 motus in cām reduci pōt p se primò. Ad quartū di-
 cit̄ q̄ falsum est motorē primū, Deū scilicet benedi-
 ctū, aut ē motores alios separatos, aliter nō mouere
 q̄ in genere finalis causæ. Nec oppositū Aristot. do-
 cet. 12. methaphy. quippē qui nō dixit q̄ mouent ut
 amata, cū particule exclusiua. Imò ex eò q̄ à mate-
 ria sunt remoti, neceßē est dicere, q̄ si mouēt finali-
 tē,

tèr, quòd moueāt ēt efficiētèr, quoniā in separatis, fi-
nis, agens significat, necessaria significatione, ut Cō-
mētator dicit in lib. de substātia orbis ca. 2. Et aliās,
nos id prosequuti sumus diffusè. Vndè & Auer. 12.
metaph. cō. 44. dicit, quòd motor primus et separa-
tus habet actiōnē nobilissimā, quæ est motus diurni
perpetuitas. Ad quintū dicit, quòd uerba Cōmētato-
ris nō intelligunt absolute, sed cōparatione, seu pro-
portione ad corporalia; et intēdit, quòd uirtus primi
motoris, nō est itā proportionata mobili, ut iuxta fi-
nitatē, uel infirmitatē illius iudicāda sit, quoniā est
spūalis, & alterius ordinis in infinitate, et finitate a-
rebus corporeis: quare nō uult excludere infinitatē,
sed proportionalē cōparationē. Vndè & 12. metha-
phy. cō. 41. dicit, q̄ motor separatus est motionis in
finita, quòd perindē est, ac si diceret uigoris infiniti,
ut in præmissis ostēdimus. Et hæc ad obiectiones sint
satis, Et itā finis impositus est toti quæstioni. In qua
mētē quidē excusimus Aristotelis, sed nō simplicē
ueritatē, quādō quidē et indubiū est, Deū benedictū,
fore uigoris, nedū infiniti, sed maximē omnipotētis:
ex præmissis tamē solide nō concluditur, cū ex falsa
proficiscatur hypotesi, nimirū ex motus perpetui-
tate, quam constat esse confictam, cum nec mundus,
nec motus sint uerē perpetui,

F I N I S.

